




111  
N  
10.







# HOMERI ODYSSEA

LATINIS VERSIBUS EXPRESSA.

ALBANY

ARCHIVE

# HOMERI ODYSSEA

LATINIS VERSIBUS EXPRESSA

A BERNARDO ZAMAGNA

RAGUSINO

AD

OPTIMUM PRINCIPEM

PETRUM LEOPOLDUM

AUSTRIACUM

&c. &c. &c.



SENIS CIO IDCC. LXXVII.

EXCUDEBANT FRATRES PAZZINII CARLII.

---

PRAESIDUM PERMISSU.

THE NEW YORK PUBLIC LIBRARY

ASTOR LENOX TILDEN FOUNDATION

500 N. 5TH ST. NEW YORK, N. Y.

1891

THE NEW YORK PUBLIC LIBRARY

ASTOR LENOX TILDEN FOUNDATION

PETRO LEOPOLDO

AUSTRIACO

FRANCISCI I ET MARIAE THER.

AUGG. FILIO

IMP. AUG. JOSEPHI II. FRATRI

ARCH. AUSTR. PRINC. REG. HUNG. BOH. M. D. ETRURIAE

EXIMIO VIRTUTUM OMNIUM CULTORI

BONARUMQ. ARTIUM PATRONO MUNIFICENTISSIMO

SE SUAMQUE LATINAM ODYSSEAM

BERNARDUS ZAMAGNA

DEVOTUS NOMINI MAJESTATIQUE EJUS

O. D. Q



*Armina, non saevi memorant  
quae praelia Martis,  
Luſificamque iram Pelidae et nescia fleſſi  
Pectora; ſed nullo virtus queis fracta periclo,  
Ingeniumque ſagax magni celebratur Uliſſei,  
Qui*

*Qui varios hominum mores inspexit, et urbes  
 Faclatus pelago longisque erroribus actus,  
 Accipe jam Leopoldæ: tuo sunt carmina digna  
 Ingenio laudumque heic omnia plena tuarum.  
 Fortis erat belloque acer Laërtius heros  
 Ad virides Xanthi ripas, ubi Graecia quondam  
 Barbaricas evertit opes populata Pelasgis  
 Ignibus Hecloreo male Pergama robore tuta.  
 Non Tydei gnato, geminisque Ajacibus, ipsi  
 Aut valido Aeacidi subversae gloria Trojae  
 Debetur. fugiens denos infida per annos  
 Capta boni stetit arte Ithaci victoria Grajum,  
 Nec post firma pedum retulit vestigia retro.  
 Haud tamen hinc magnum fama super aethe-  
 ra notus*

*Ille viget. cedunt aliis Mavortia bella  
 Laudibus, insignem quae caeli ad sidera tollunt.  
 Olli aderat semper custos Tritonia virgo,  
 Atque animi motus omnes sensusque regebat  
 Consiliis dea magna suis. non blanda voluptas  
 Edomitum vicit; non Circe, et vafra Calypso  
 Illectum potuere cavo retinere sub antro  
 Et patrias sedes optantem et conjugis ignes.  
 Non Cicones illi nocuere, aut turbidus armis  
 Antiphates, nec Scylla rapax, nec vasta Carybdis.*  
 Hor-

*Horrifico refluos eructans gurgite fluctus.  
 Quin victae doluere, maris gens improba, blandae  
 Sirenes dulci frustra late omnia cantu  
 Litora complentes; doluitque oppressus opaci  
 Rupe sub horrenda scopuli, Neptunia proles,  
 Ille Cyclops vivos artus depascere morsu  
 Suetus, et effuso fera spargere limina tabo.  
 Sic durum per iter luctando interritus ibat  
 In patriam caroque ferens solatia gnato,  
 Desertoque diu felicia tempora regno.  
 Jam rediit: periere proci, pulcherrima gaudet  
 Penelope, plaudunt laeta inter gaudia cives,  
 Aureaque aeternam promittunt saecula pacem  
 Per populos Ithacae. felix, cui numina tantum  
 Adnuerunt laudem, qui rerum vincere monstra  
 Tam varia, ac tantos potuit superare labores,  
 Non sibi, sed quaerens regnis, queis praesidet  
 aequus  
 Commoda. fama illum nunquam defessa per ora  
 Fert hominum late volitans, atque inserit astris:  
 Tu quoque jam gaude Leopold: haec scilicet una  
 Cura tibi residet vernanti in flore iuventae  
 Imperiis subiecta tuis ut floreat usque  
 Thuscia dives opum variarum, et nescia fraudis.  
 Non tibi vis animi, non firmo in pectore robur,  
 In-*

*Invidæque manus deerant, si Martia quando  
Bella vocent, trepidasque acuat discordia gentes.  
Sed melior te pacis amor tenet; hic tibi certa  
Dona parat, quaerant alii sibi nomen ab armis,  
Et referant partos devicto ex hoste triumphos;  
Tu faciles aditus populis, tu mollia perge  
Pectora supplicibus præbere, et fervidus insta  
Tendere, quo virtus, quo te tuus advocat ardor.  
Vera placent, falsisque obdis rumoribus aures,  
Nil tibi adulantum cum turba, nec tua livor  
Corda rapit transversa, animumque erroribus  
implet*

*Regifico assuetum luxu. jamque omnis abacta  
Dira lues fugit vitiorum, atque abdita nigras  
Eumenidum petiit latebras, amnemque severum.  
At superis delapsa plagis illa aurea virgo  
Aequato laeva geminas examine lances  
Fulmineumque tenens dextra ensen pendet ab ore  
Usque tuo. procul abde minas, procul abjice ferrum  
Divæ manu: quid tela juvant, ubi crimina nulla,  
Nullae ubi sunt scelerum facies, quas aspera  
plectas?*

*Cana fides, pietasque, et mcrum candida regnat  
Simplicitas, largaque manu sub principe tanto  
Copia didit opes, et præmia laudibus aequat.*

Non



*Non gemitus resonant miserorum ; at gaudia  
pennis*

*Purpureis risus inter volitantia ludunt.*

*Legibus id, dux magne, tuis Etruria debet,  
Providus imperii queis mollia frena gubernas,  
Damnaque sollicitus reparas, quae longa vetustas  
Intulit illa hominum corrumpere sueta labores.*

*An memorem stratasque vias, molesque superbas  
Arcibus impositas summis, et pontibus amnes  
Marmoreis domitos, frustra indignantibus undis?*

*Anne lacus ripis clausos, lateque vagantes  
Torrentum quondam in morem decurrere jussos.*

*Agmine pacato fluvios, siccataque stagna,  
Atque graves frugum versas in culta paludes,  
Emulsa tellure, et apertis vomere glebis?*

*Jamque adeo agricolae et pastorum rustica turba,  
Corpora ubi hibernum perflantibus aethera ven-  
tis*

*Ponere vix poterant: sese tam pestifer aër  
Perpetuas inter densae caliginis umbras*

*Vallibus ex udis supera ad convexa ferebat ;*

*Nunc aestu in rabido mediisque caloribus audent  
Ducere securos per amica silentia somnos*

*Sub platano strati aut umbrosae tegmine fagi,*

*Quin metuant nebulas, et noxia flamina membris.*

\* \*

Ergo

*Ergo molle pecus circum balatibus auras  
Implet, et in pratis attondet mollibus herbas,  
Dum Dryadas inter gracili Pan ludit avena,  
At formosa Ceres laeto sociata Lyaeo  
Ruricolisque diis, quoquo vestigia portas  
Visurus tua dona, parant tibi debita ferta,  
Atque iterant laudes, tolluntque ad sidera nomen.  
Tu vero, collesque altos camposque patentes  
Arboribusque satisque vides dum sponte virere,  
Quae tacitum sentis tentantia gaudia pectus?  
Scilicet his quondam fortes crevere Sabini  
Artibus, his caelo Romana potentia vires  
Extulit, his etiam sub te nunc Thuscia surgit.  
Cuncta vigent jam laeta: gemunt sub pondere  
plaustra*

*Pressa gravi, fructusque ferunt dum ruris amici  
Qua libitum domino, tuto praeit aurea calle  
Libertas longo post tempore cognita terris.  
Hanc sequitur Maja genitus dator ille bonorum,  
Atque acuens hominum corda auri ardentis  
amore,*

*En hujus cuncti auspiciis felicibus acti  
Incumbunt operi, variis atque artibus instant  
Noctes atque dies, certantque ingentibus orsis  
Pro se quisque viri turpem depellere longe*

*Paupere*

Pauperiem, secat ille salum, mercesque petitas  
 Finibus ex aliis secum vehit, atque morantes  
 Increpitat zephyros: ille altam exscindere silvam  
 Antiquas volucrum latebras sedemque ferarum  
 Gaudet, et impresso cogit mollescere ferro  
 Pingua telluris non tactae viscera, ut almos  
 Vivacis truncos oleae malosque feraces  
 Ponat, ubi steriles surgebant frondibus alni.  
 Hic vivos aera in vultus spirantiaque ora  
 Mutat, hic effingit varias in marmore formas,  
 Atque novos tabulis inducit ab arte colores  
 Vincere naturam certans, hic serica pingit  
 Stamina, vel tenuem texens imitatur Ara-  
 chnem,

Ornatusque parat molles curamque puellis.  
 Jamque alius propior scandens fulgentibus astris  
 Ventorumque vias superans, et nubila celsa,  
 Omnia per magnum late radiantia mundum.  
 Sidera metitur radio, viresque trabentis  
 Solis, et implexos astrorum dispicit orbes,  
 Defectusque ortusque docet variosque meatus.  
 Quot lux se scindat fila in diversa? quis illam  
 Impetus in terram solis detrudat ab axe  
 Tam celeri lapsu? quae vis inducere cogat  
 Omnigenos rebus forma variante colores.

Nec

*Nec minus et Triviae imperium super aequoris  
undas,*

*Quo fluit Oceanus refluitque immensus, et aestu  
Alterno fervet, certus notat, omniaque alto  
Quae caelo terrisque videt miracula rerum,  
Ingenio subdit, numerisque atque arte revincit.  
Ast alius leges, aeternaque munera clarat  
Justitiae, queis alma Themis, queis candida  
gaudet*

*Illa hominum custos Astraea. hic Paeonis artes,  
Hic colit Aonidas Phoebumque, et tempora myrto  
Cinctus hyanteo perfundi flumine gestit  
Invidiamque premens et inania murmura vulg'.  
Fervet ubique labor: ceu sudo vere per agros  
Quum pictae glomerantur apes, et florea libant  
Germina, pars ceras condit, pars dulcia sipat  
Mella cadis, reparatque hyemis durissima damna.  
Nec mora, nec requies ulla est: late omnia circum  
Prata sonant fontesque ultro citroque meantum  
Agmine. stat medius rex ipse, et limine ab alto  
Observans damnatque moras, laudatque laborem.  
Talis et ipse, licet si res componere parvas  
Grandibus, insinuans populorum in corda tuorum  
Vimque animosque novos, eadem torpere veterno  
Haud finis, at pulcro famae succendis amore.*

*O Flo-*

*O Flora, o Thufcae caput ipfa et gloria gentis,  
Nunc licet aetherias tibi frontem attollere in  
auras,*

*Tyrrhenafque urbes inter contendere primum  
Et decus et laudis nomen. tu fcilicet una  
Ante alias fentis benefacta ingentia tanti  
Principis. ecquis honos, ecqua eft laus omnibus oris  
Per terras late, quam non pulcherrima jactes?  
Dic age, fic vitreo laeteris flumine femper,  
Naturaque foli, caelique tepentibus auris,  
Induftrique hominum cultu, dic unde profecta  
Haec adeo fecura quies, cui commoda vitae  
Debes tanta tuae? num te Jovis inclita proles  
Illa omnes inter divas fapientior una  
Pallas amica regens tranquilla per otia fervat?  
Quid loquor? ab valeant nunc vana infomnia  
vatum.*

*Falfaue pierii celebrata in vertice Pindi  
Nomina. non Pallas, non quidquid Graecia divum  
Extudit hinc ullam laudis decerpere partem  
Audeat, aut comitem tantis feffe addere rebus.  
Auftriacae hoc virtutis opus, quae maxima feffe  
Extulit auguftis nutrita in fedibus olim,  
Vindobonam qua lambit aquis argenteus Ifter.  
Illic caefareo (a) regina e fanguine creta*

\*\*\*

Sen

(a) Maria Theresia P. F. A. Caroli VI. Imp. Filia, & Francifci I. uxor &c.

Seu dea, seu mulier, dis certe aequanda vel ore  
 Vel magnis animi virtutibus inclita floret,  
 Cui non ulla parem viderunt secla, neque ulla  
 Credo equidem seris quondam volventibus annis,  
 Tempora Saturni redeant si laeta, videbunt.  
 Illa opibus dives fortunae ac ditior alto  
 Ingenio omnigenis excellere laudibus omnes  
 Optavit gnatos, sceptrisque hanc provida avitis  
 Praeposuit semper curam: nec maxima bella  
 Armorumque vices potuerè avertere mentem  
 Progenie a dulci, quin pulchrae semina laudis.  
 Cum primo infereret natorum in pectora lacte.  
 Et nunc illa quidem, qualis Berecynthia mater  
 Quum vehitur curru magnum turrata per orbem  
 Felix prole deum caeli supera alta tenentum,  
 Gaudet ovans, natisque videt late undique laetam  
 Europam florere suis, et tollere ad alta  
 Sidera laetitiae tanto pro munere voces.  
 Aspice, Lutetiae qua magnae Sequana magnus  
 Moenia tranquillis labens interfluit undis,  
 Inter plaudentum populorum vota corusco  
 Reginam (b) invecam curru. quae gratia vultu  
 Majestasque sedet; matris quantum instar in  
 illa est!

Cir-

(b) Maria Antonia Arch. Aust. Ludovici XVI. Galliarum Regis conjux.

*Circumstant Charites, et pubes Gallica sese  
Fundit in occursum; nec lilia spargere cessat  
Mixa rosis, quacumque oculos pulcherrima  
vertit.*

*Quando erit, et gnatis ut gaudeat? o bona caeli  
Numina, queis ingens Gallorum gloria curae,  
Hoc quoque muneribus tantis super addite munus,  
Parvulus augusta ludat Delphinus in aula.  
Aspice et Euboico pulcrum qua litore tollit  
Parthenope frontem. viget illic candida (c)  
nympha*

*Austriaca de stirpe, atque educat aurea regi  
Illustres gnatos, qui quondam ingentibus orsis  
Implebunt Italas annis felicibus urbes  
Magnanimo genitore armis nec pace minores.  
Illam Nereides, illam admirantur euntem  
Najades effusae Sebethi e gurgite, et illam  
Ipsa etiam Siren, ipsa et colit umbra Ma-  
ronis.*

*Quo me Parma vocat? quo me rapit avia longe  
Pannonia? Austriadis magnae illic altera (d)  
proles*

*Borbonio juncta est juveni; juncta (e) altera forti  
Saxo-*

(c) Maria Carolina Ludovica Arch. Austr. uxor Ferdinandi IV. utriusque Siciliae regis. (d) Maria Amalia Arch. Austr. nupta Hisp. Inf. Ferdinando I. Duci Parmae, Placentiae &c. (e) Maria Christina Arch. Austr. uxor Princ. Reg. Sax. Alberti Casimiri Ducis Tesch. &c.

*Saxonidum de gente viro, maternaque late  
Per populos dat jura, viamque affectat olympo  
Utraque. quid fratres? quid te jam maxime (f)*

*Caesar*

*Prætereo indictum, sacras cui laurea cingunt  
Serta comas, subditque suas Germania vires?  
Hic vir hic est, nullus quo dextra fortior olim,  
Clarior aut virtute ultra Garamantas et Indos  
Proferet imperii nomen, celebrataque vincet  
Facta patrum, dignus cui tellus serviat, et se  
Julia gens tanto victam fateatur alumno;  
Viderit Augustum quondam licet, et sua longe  
Signa per immensum ferri victricia mundum,  
Qua sol exoritur, quaque idem mergitur undis.  
Theutonicos (g) equites alter regit aemulus ar-  
mis,*

*Aemulus et claris (h) patrui virtutibus, ingens  
It dices cujus Belgarum fama per urbes.  
Belligeros alter (i) populos, quos flumine magno  
Eridanus, quos et placidis perlabitur undis  
Mincius argutos pascens in gurgite Cycnos,  
Imperio frenat facili, servatque potenti*

*Iusti*

(f) Imp. Caes. Josephus II. P. F. semper Aug. (g) Maximilianus Arch. Austr. Coad. M. Magistri Ord. Theut. (h) Carolus Alex. Loth. & B. Dux, Gubern. Belgii. Austriaci &c. (i) Ferdinandus Carolus Arch. Austr. Guber. Mediolani, totiusque Insubriae Austriacae &c. Maria Beatrix Estensis Arch. Aust. ejus uxor.



*Iustitia: Estensis tollit quo vindice sese  
Gens antiqua, potens, Italas celebrata per oras.  
Di, quibus imperium terrarum est, vota precantis  
Jam faciles audite, et vestro munere tellus  
Ut sit laeta diu, tantam servate parentem  
Incolumem: seros videat longaeva nepotes  
Assimiles gnatis, magnumque in nomen ituros.  
Servate et diae sobolem genitricis in annos  
Nestoreos, longumque ipsam succurrere terris  
Ne prohibete boni: nondum sensere sat omnes  
Auxilium praesens et amicae munera dextrae;  
Multa licet tulerint jam praemia, plura super-  
sunt.*

*Interea Leopoldo ( tibi sic aurea (k) conjux  
Illa deum cura, et claro sata sanguine regum,  
Penelope melior, quam casto pectore vincit,  
Omnigenisque bonae studiis exulta Minervae;  
Sic vigeant cari, soboles pulcherrima, gnati,  
Quos ubi muscoso florentes Arnus ab antro  
Aspicit, ingenti plenus dulcedine mentem  
Vix sese capit ipse, nova et sibi gaudia sperat:)  
Adsis o, facilisque iuves, dum carmina Graji  
Moconidae Latias jam nunc vulgare per urbes  
Aggredior. sine te vastum nec vela per aequor*

a

Ten-

(k) Maria Ludovica Hisp. Inf. Arch. Aust. Caroli III. Hisp. Regis Fi-  
lia &cquam D. O. M. cum viro optimaque prole incolumen diu servet Etruriae.

*Tendere, nec syrtes tentare horrentiaque ausim  
Monstra sali ventorum inter caelique fragorem.  
At tecum placidas Zephyris ludentibus aequor  
Sternet aquas, proramque manu Portumnus e-  
untem*

*Subtrahet a scopulis et acutis cautibus urgens  
Ipse citam, qua tuta silent maria alta, nec ulla  
Saxa vagos turpi nautas formidine terrent.  
Tu mollem et Phoebum facies et mollia corda  
Pegasidum, lauroque dabis circumdare frontem  
Aonia inspirans vires ingentibus ausis,  
Desuetamque acuens stimulis ad grandia mentem.  
Jam mihi Moeonides referat sua munera, et oras  
Ferre per Ausonias Grajum jubet orgya; jam me  
Virgilius thiaso nympharum septus ovariantum  
In secreta vocans Pindi loca, flumina monstrat,  
Condidit aeternam queis olim Aeneida potus.  
Ipse mihi dulces numeros, artemque ministrat,  
Et varias ostentat opes, queis cultus Uliesses,  
Auspiciis dux magne tuis dum surgit in auras,  
Nil timeat socium pulcro sese addere Achilli  
Per Latium incedens patriasque oblitus Athenas.*

## R A T I O O P E R I S

LECTORI AB INTERPRETE REDDITA



Etus est, amice lector idemque erudite, opinio jam usque ab Ennii Terentiique ducta temporibus, eaque & Italorum deinceps, & omnium cultarum gentium firmata consensu, eos litteris praesertim humanioribus prodesse plurimum, qui, quae praeclare aliena lingua fuere scripta, in aliam aequè rectè transferunt, id est, res pulcherrimas paucis cognitae & exploratas intellectui plurimorum atque usui accommodant. Nam quum omne humanitatis studium duabus rebus maxime constet, exercitatione nimirum & imitatione, fieri nequit, quominus sit perutilis ille labor, quo & necessario stili elegantiam diligenter exercemus, & optimum exemplar, cujus tamquam formam scribendo exprimere conamur, aliis ad imitandum lingua conversum usitatore proponimus. Sed quoniam plerosque viros summos vel ipsius rei difficultas, quae certe magna est; vel ipsa molestia, gravis profecto, in alienis semper insistendi vestigiis, decursu temporis ab hoc scriptionis genere avocavit, factum est, ut homines nec ingenio florentes nec satis litteris perpoliti hanc sibi arrogarint provinciam, eamque laudem, quae hinc olim a doctis tantum viris ingenioque abundantibus petebatur, male vertendo corruperint omnem atque foedaverint. Quicumque enim poterat quidpiam a se ipso excogitatum proferre, malebat auctor, quam interpreter haberi; qui vero per se ipse nihil valebat, aliena potius corrumpere amabat, quam omnino quiescere. Quamobrem etiam inter sapientes exorta est dissensio magna de toto hoc genere interpretandi. Etenim alii putant, exstingui omnem in scribendo ardorem in iis oportere, qui libere nequeunt excurrere, quo eisdem mentis impetus ingeniiue vis trahit quodammodo ac proripit: alii autem affirmant, servari omnino non posse, si elegans velit esse interpreter, sententias easdem verborumque proprietatem, quibus auctor usus est. Itaque consequi necessario, ut omnia aut enervia sint, aut multum ab exemplari discrepent. Latine vero, qui id faciat, cum non hominibus, quibuscum vivit, sed mortuis nihilque jam sentientibus scribere vociferantur. Quid quod etiam inventi sunt, qui vetera vertentes, ne verbum credo pro verbo non redderent, profa oratione poëtas non versibus interpretati sunt, rerum vi-

delicet solliciti magis, quam vocum numerique suavitatis? Quod quidem quam recte fecerint, ipsi videant; mihi certe summo opere displicet. Cur enim conari non debemus, si efficere possimus, ut & eodem igno mentisque calore, quibus auctor adestabat, correpti videamur; & eadem versum elegantia, qua graece scriptae sunt, latine (ea nimirum lingua, quae adhuc & florentissima est, & in tanta linguarum diversitate habetur una tamquam communis hominum conciliatrix, ac veluti quoddam doctrinae vinculum) res interpretatas exhibeamus? Cur unam tantum rerum utilitatem, non etiam verborum venustatem persequamur, solumque animi, non aurium quoque voluptati serviamus? Id quidem cum alii multi litterati homines egregie praestiterunt, tum praeclearissime Raymundus Cunichius vir doctissimus mihiq; familiarissimus. Et quoniam tu, amice lector, anno proxime elapso latinam ab eo Homeri Iliadem habuisti editam, tantaque felicitate perfectam, ut nata in Latio, non inserta, videatur; Odysseam nunc habe latinis itidem versibus a me expressam, eaque, qua potui tanti viri & exemplo & aemulatione incensus, diligentia perpoliram. Utrumque certe dignum est opus, quod multorum cura & explicetur & convertatur. Ac si in Iliade singularem quamdam magniloquentiam & divinam granditatem es admiratus; magnam atque incredibilem prope rerum varietatem in Odyssea mireris necesse est. Equidem illam, quum sit fore rota in describendis Graecos inter Trojanosque atrocissimis praeliis, si immenso cuiusdam flumini saxa inter rupestque maximo cum fragore decurrenti comparavero, nihil alienum ab ejus natura me dixisse arbitrabor. Hanc vero, quae in varia Ulyssis itinerum errorumque per tot annos narratione versatur tota, fluvio aequo magno, sed tranquillo pacatoque cursu labenti similem dicere non dubitabo: ut mihi in utrumque poema intuenti summus ille Graecorum poetarum princeps Homerus videatur voluisse nobis duo genera epici carminis ad imitandum proponere, alterum sublime ac magnificum, aequabile alterum ac temperatum. Quod & vidisse prius videtur & probasse Virgilius, qui cum semper ante oculos inter scribendum habuit Homeri carmina, tum suam ita partitus est Aeneidem, ut priores sex libri ex duodecim, quibus tota continetur, Odysseam referrent, posteriores Iliadem. Neque vero timuit vir divino ingenio praeditus atque arte maxima, ne cuiquam in mentem veniret, priores Aeneidis libros propterea languidiores ac prope senium redolentes iudicare, quod non obstreperent tubarum armorumque sono. Noverat enim omnem poetae vim atque adeo laudem in eo sitam esse, ut quamque rem convenienter tra-

stet

cler: id qui fuerit a principio ad finem usque assequutus, illum egregie muneri officioque suo satisfecisse. Quamobrem dicant per me licet cum Longino fastidiosiores quidam ac morosiores poetarum iudices, quidquid ipsis collibuerit: nullius erit apud me auctoritas tanta, ut quod ego videam poema omni semper antiquitati summopere placuisse, mihi quoque ceterisque recte mecum sentientibus non probetur, praesertim etiam quum & Aristoteles & Q. Horatius Flaccus poeticae facultatis disceptatores, acerrimi ex utroque Homeri carmine & inveniendi & disponendi & ornandi exempla promiscue desumant, aliisque imitanda proponant. At Ilias magis quodammodo tragica est, Odyssaea pacatior. Sit ita sane; & Achilles furiosior, quam Ulysses. Illic caelum ac tellus, mare & sidera, dii atque homines, omnis tandem rerum natura ardere interdum & conflagrare videtur; heic vero sedata omnia, crebrae narrationes, fictionesque rerum personarumque, quae nec fuerunt usquam terrarum nec fortasse esse potuerunt. Atqui ita esse conveniebat; lique omnes, quos laudes bellicae magis delectant, quam quae in pace prudenter sapienterque gesta aut audimus aut legimus, Ulyssi Achillem praepondere non dubitabunt. Quibus vero mira quaedam providentia in periculis praevidentis, summa in vitandis fugiendisque dexteritas, ac maxima in rebus omnibus aggrendendis conficiendisque alicritas placet, nae illi Odyssaeam adamabunt magnoque habebunt in pretio, eamque ut delictum exosculabuntur suum. Sit igitur nobis fixum hoc atque certum, nec ea, quae in Iliade continentur, neque ea, quae Odyssaea complectitur, aliter debuisse tractari, quam sunt ab Homero descripta atque exornata. Si enim alterius laudes alteri fuissent eadem datae, non duo quidem generis diversi, sed ex duobus unum atque idem ferme poema diversi nominis coaluisset. Et sane Horatius, postquam Lollio familiari suo graecisque litteris erudito affirmasset, Homerum quid sit pulcrum, quid turpe honestumque docuisse plenius ac melius philosophis & Stoicis & Academicis, inquit:

*Fabula, qua Paridis propter narratur amorem  
Graecia Barbariae lento collisa duello,  
Stultorum regum & populorum continet aestus.  
Antenor censet belli praecidere causam.  
Quid Paris? ut salvus regnet, vivatque beatus,  
Cogi posse negat. Nestor componere lites  
Inter Peliden festinat & inter Atriden:*

*Hunc*

*Hunc amor, ira quidem communiter urit utrumque.  
Quidquid delirant reges, plebuntur Aebivi;  
Seditione dolis scelere atque libidine & ira  
Iliacos intra muros peccatur & extra &c.*

Haec quidem de Iliade vir ille acerrimus in judicando; clarissimeque patet cuique haec carmina legenti, eum voluisse nobis significare totam Iliadis fabulam, quum inter fortissimos reges agatur res, maxime ad concitandos inflammandosque animorum motus valere. Quid vero de Odyssea dicat, audiamus:

*Rursus quid virtus & quid sapientia possit,  
Utile proposuit nobis exemplar Ulysses:  
Qui domitor Trojae multorum providus urbes  
Et mores hominum inspexit, latumque per aquor,  
Dum sibi dum sociis reditum parat, aspera multa  
Pertulit, adversus rerum immerfabilis undis.  
Sirenium voces, & Circes pocula nosti,  
Quae si cum sociis stultus cupidusque bibisset,  
Sub domina meretrice fuisset turpis & excors.  
Vixisset canis immundus, & amica luto sus;*

& cetera, quae nosti opinor. Videsne igitur rem heic aliter omnem procedere: nullas esse potentissimorum regum inimicitias, populorumque dissensiones, nullos armorum strepitus praeliorumque aestus, nullas heic denique causas, quibus aut concitati sedantur, aut incenduntur pacati legentium animi? In eo totus poeta est, ut absolutissimum cuivis hominum generi variae cujusdam admirandaeque virtutis ac sapientiae specimen exhibeat; atque idcirco Ulysses ille suum per omnes fere acerbissimae fortunae calamitates gravissimas saluum tandem atque incolumem deducit in patriam multis atque magnis obsessam periculis, ut nullam esse ostendat rerum adversarum vim tantam, quae ab homine sapiente atque industrio vinci superarique non possit. Itaque & Ilias grandiori stilo, quum magis sit, ut graece dicam, *valerius*; & temperatiore, quum sit magis *idcirco*, describenda erat Odyssea. Vitia enim ut fugiamus, praecipitesque animi motus, omni verborum copia ac sententiarum gravitate eorundem deformitas est demonstranda: contra ut virtutem sequamur, quae ipsa per sese valet plurimum, sufficit ejus pulcritudinem nativis quibusdam coloribus delineare.

lineatam ponere ob oculos, eumque qui sit usus eadem, felicem consequi debuisse finem, multarum rerum ad id facientium apta dilucidaque narratione ostendere. Atque ego quidem, an hoc non multo sit difficilius recte facere, quam primum illud, vehementer dubito. Illic enim, quum mens furore illo poetico aut potius igne incaluit, plena etiam virium ac nervorum quodammodo oratio ipsa feratur necesse est: heic vero, quum pacatior sit ac tranquillior animus, ut sunt remissiores commiserationis quam iracundiae motus, ne langueat oratio atque concidat, maxima cavendum est providentia. Quod etsi Homero feliciter contigisse omnes harum rerum periti aestimatores ultro fatentur; tamen ne mihi ejusdem carmina latinis verbis interpretanti non aeque feliciter contingat, magnopere formido. Cujus enim ingenii tanta vis esse possit, ut in hoc ipso, in quo ille totius antiquitatis consensu incredibili excelluit, se cum illo conferre & quasi certare non dubitet? Atqui ita profecto est: qui aut orationem interpretatur aut poema, in quibus non tantum sententiae explicandae suscipiuntur, sed virtus omnis atque forma exprimenda est, ille id pollicetur, sibi que proponit, ut, si fieri possit, eadem semper cum dignitate atque elegantia tum verborum tum figurarum, qua sunt ab oratore vel poeta dicta, interpres efferat. Ac proinde nemo non videt summa illi esse opus, praeter omne artificium ejus rei, qua de agitur, utriusque linguae & facultate & copia: quo instructus praesidio possit optime pervidere, quam vim quaeque habeat vox; sententiasque singulas, tamquam si auctor illa ipsa, quam tu ad scribendum selegeris, utatur lingua, liberaliter ac generose enunciare. Nihil in ulla parte servile, nihil hiulcum, nihil absonum, nihil per vim intrusum; omnia esse debent libera, omnia plena, omnia suavia, ac suo loco suoque in lumine collocata: color denique, ut ita dicam, atque habitus & verborum & sententiarum tamquam succus quidam atque sanguis per totum operis corpus ille idem transfusus appareat. Hoc illud nimirum est, in quo dicebam hujus sermonis initio nobis esse elaborandum, si placere velimus; neque aliam esse causam duco, cur in tanta interpretum copia paucissimi sint dignique habeantur, quorum res scriptae cum utilitate ac voluptate legantur, nisi quod aut laboris impatientia aut virium inopia id efficere vel neglexerunt, vel non potuerunt. Imo sit saepe, ut quem auctorem sua lingua disertissime loquentem fueris paullo ante admiratus, ejusdem te misereat foedissime balbutientis ignavia interpretis aut potius socordia, vel quod singulas voculas atque adeo apices putidius confectatur, vel contra effrenata quadam libidine multa detrahit,

multa

multa addit, fus deque vertit omnia. Itaque volo in interprete judicium acre, atque eximiam in ea facultate scientiam; volo maximam & ejus linguae, qua usus est auctor, & ejus, in qua ipse scribit, peritiam; volo denique non festinationem in illo, sed obstinati quamdam animi perseverantiam: potissimum vero haec duo generatim caveat, nihil ut addat, nisi quod lucem aliquam afferre possit; nihil ut praetermittat, nisi quod satis jam dictum sit. Haec opinor qui adjumenta attulerit, & in poetarum lectione fuerit exercitatus, nec ille ad hunc laborem paratus accedet, optimamque literis navabit operam, ac tandem illud Euripideum apud Ciceronem sibi crebro repetet:

*Suavis laborum est praeteritorum memoria.*

Ain vero? Pergin tu tantum studii, tantum diligentiae, tantum facultatis in interprete requirere? Ego vero omnia haec debere illi inesse, & multo etiam plura censeo, ob eamque causam jam me ipsum ferme imprudentiae ac temeritatis condemnno. Age vero, ipsum Odysseae initium contemplare: facillene tibi esse negotium videtur, primos illos graecos versus latinis aequae elegantibus exprimere? At si stilum ad scribendum advertas, profecto longe majorem, quam suspicaris, difficultatem experire. Herculi clavam facilius extorqueas, quam Homero versum, ajunt solitum fuisse dicere suis Virgilium obtrectatoribus: quod quam verum sit, tute ipse per te videas, volo. En primos Odysseae versus:

*Ἄλγε μὴ ἵσταν μῦθε παλαιοῖσι, δὲ μᾶλλον πολλὰ  
Πολύχθε, ἐπεὶ Τροίης ἱερὸν πτολίεθρον ἔσκαψαι.*

*Virum mihi dic musa versutum, qui admodum multum  
Jaclatus est, postquam Trojae sacram urbem evertit.*

Haec graeca verba latinis singula respondent: quid dubitas? manum admove atque experire. Ego vero, inquit, me & facile expediam & sine vitio: ita enim dicam cum Horatio.

*Dic mihi musa virum, captae post tempora Trojae  
Qui mores hominum multorum vidit & urbes.*

Praeclare vero dixeris ita, si ad id, quod eo loci Horatius facere instituerat, animum advertas; si autem Homeri verba acutius introspicias, fortasse non recte. Dii boni! tantamne etiam seremus arrogantiam? arrogantiamne dicam an impudentiam singularem? Tu ut Horatium illum Flaccum, quem et quantum poetam, sancte Juppiter ac Minerva! non probes; tu ut illius, versum



versus reprehendas, tu ut respoas? At ego nihil istorum; et qui hosce versus ex libro XII. de Sirenarum cantu a M. Tullio ita conversos:

*... Nemo haec transveclus caerulea navi est,  
Quin prius adfuerit vocum dulcedine captus;  
Post variis avido satiatu pectore musis  
Doctior ad patrias lapsus pervenerit oras.  
Nos grave certamen belli clademque tenemus,  
Graecia quam Trojae divino numine vexit,  
Omniaque e latis rerum vestigia terris &c.*

ex ejus libro V. De Finibus vel furari vel rapere non dubitavi, ut me alienis, tamquam illa vetus cornicula, coloribus ornarem; multo minus duos versiculos a tanto poeta mutuos accipere dubitarem. Dicam clarius: illos ego versus & vehementer probo, & omni laude ac commendatione dignos existimo; tamen justa causa est, cur illorum mihi usum interdixerim. Quid enim, rogo, tum agebat Horatius? Objurgabat nempe ineptum quemdam scriptotem Cyclicum, qui quum turgidus esset poema ita auspicatus:

*Fortunam Priami cantabo & uobis bellum &c.*

ingens nescio quid ac magnificum, quum meras ageret nugas, sibi dixisse videbatur: illi proinde sic Horatius subjungit:

*Quid dignum tanto feret hic promissor biatu?  
Parsurient montes, nascetur ridiculus mus.*

deinde ait continuo:

*Quanto rectius hic, qui nil molitur inepte:  
Dic mihi musa virum, captae post tempora Trojae  
Qui mores hominum multorum vidit & urbes.  
Non sumum ex fulgore, sed ex fumo dare lucem  
Cogitat, ut speciosa debinc utraque promat  
Antiphatem Scyllamque & cum Cyclope Carybdim.*

Videsne hunc optimum ac sapientissimum & effectorem artis poeticae & magistrum hoc loco non Homeri Odysseum ea, qua par erat, diligentia interpretari, sed ampullas & sesquipedalia verba fundentem, illum Cyclicum coarguere exemplo ab initio Odysseae desumpto? Huc illa spectant: *Non sumum ex fulgore &c.* Imo mihi dedita opera ipsum illud principium,

piam, quæ magis inepti hominis fastum ac tumorem ridiculum exhiberet, extenuasse videtur ita, ut nihil humilius, nihil pressius, nihil esse possit modestius. *DIC*: Monosyllabon invenit; quo & nullus initio epici carminis usus est poëta, & nihil esse potest gracilius. *DIC MIHI*: littera *I* nulla vocali alia interposita, mirum quantum faciat ter repetita ad exilitatem soni. Perbelle quidem ad rem vates prudentissimus: at si græca verba cum latinis conferas, quamvis idem utraque significant, non eodem certe modo etiam auribus sonant.

*Δῖψα μὴ μῆτις πόδα &c.*

plenum habent nescio quid ac sonorum, nec multum discrepant ab iis Virgilli:

*Arma virumque cano &c.*

Contra vero hæc:

*Dic mihi musa virum &c.*

minutulum quiddam, aut ad summum molle & pastoritium, nisi vehementer fallor, videntur sapere. Quid plura? putasne, si interpretis partes heic tuendas suscepisset Horatius, vocem illam *πολύτροπον*, cujus multiplex est apud Eustathium significatio, & latine aut experientem aut gnarum & industrium ac ad tempus atque locum accommodantem semper ingenium dicere possumus, fuisse relicturum quasi supervacaneam atque ad explendum versum ab Homero appositam? Itane illum parum intelligentem arbitraris, ut non videret homo sagacissimus eandem non posse sine flagitio contemni ac preteriri? Est enim ea vox tamquam character quidam aut nota, quæ illius viri, cujus poëta res gestas narrandas pollicetur, naturam atque ingenium designat. Quid quod & illa, *ἥ μάλιστα πολλὰ πλεονάζει*, quæ plurimum ad commiserationem valent, omnino prætermissa sunt? Mitto ea, *Captæ post tempora Trojæ*; ubi quamquam Homerus rei bene gestæ potissimam Ulyssi laudem videatur tribuere; non tamen nescio posse subaudiri *a se captæ* aut aliquid aliud hujusmodi, quemadmodum & ego ipse in mea versione subaudiri volo *sibi*; dixi enim: *post eruta Trojæ Pergamæ*. Cur ista quæso omnia, quæ incurrunt in oculos, si non peccata ac vitia, certe non laudanda maxime & probanda in duobus hisce versiculis summus poëta sibi quodammodo passus est excidere atque effugere? Non aliam profecto ob causam, nisi quemadmodum initio dixi, quod non latine vertendam sibi proposuerat Odysseam ut fides interpretis, sed turgidiorem reprehendendum

poëtam

poëtam

poëtam ut artis magister optimus. Ceterum haec minutius ac fortasse plus aequo religiosius persequentem quum vidēris, nolim ex eorum secta atque haeresi me esse arbitrare, qui nefas atque scelus continuo clamant commissum esse ab interprete, si unam tantum litterulam mutet, si relinquat voculam, si apicem detorqueat. Apage istas nugas, quae a semidocto aliquo Graeculo & vularum quasi venatore fortasse possunt laudari; ab hominibus cordatis verèque sapientibus magnopere vituperantur, quaeque optimarum suavissimarumque rerum non ornamenta, sed pestis quaedam acerbissima ac venenum esse dicendae sunt. An, ut alios omittam, illum summum eloquentiae principem M. Tullium dignum praetor ceteros, unde in omni recte dicendi ratione & praecepta & exempla petantur, nescimus ita vertisse illas Demosthenis atque Aeschynis orationes verè Atticas, ut magis orator, quam interpret esse videretur? Eisdem ille sententias & earum formas tamquam figuras servavit; verba ad latinam consuetudinem aptavit, ut nimirum essent eadem quod spectat ad genus atque vim, non vero quoad numerum atque speciem; non enim, ait, *ea me adnumerare lectori putavi oportere, sed tanquam appendere*. Itaque statuamus oportet, si tanti viri quidquam auctoritas apud nos valet, ut debet valere plurimum, eum qui hoc pacto in aliorum scriptis interpretandis, praesertim si ad litteras humaniores pertinent, se gerat, praeclare fungi munere officioque interpretis. Atque in cum, jam locum me esse paulatim delapsum video, ut mihi necesse sit pauca de me ipso dicere, deque hac mea, qualiscumque est, Odysseae latina interpretatione. Ego quidem, quamvis ab ineunte jam adolescentia graeca semper cum latinis conjunxerim, quamvis & Homerum & Virgilium seu natura seu casu aliquo primae institutionis prae omnibus semper poëtis adamaverim, assidueque triverim manibus; tamen video, quantum mihi adhuc optimarum artium praesidii desit, ut laudabiliter cum, in quem fortasse temere, sed libenter certe, sum ingressus, peragam eursum. Dicam tamen confidentius, sed vere, nullum me laborem subterfugisse, quominus si non perfectus, essem saltem ceteris interpretes diligentior; propterea illos Horatii versus;

*Nec virtute foret clarifve potentius armis,  
Quam lingua Latium, si non offenderet unum.  
Quemque poëtarum limae labor & mora & c.*

mihi esse dictos judicavi. Itaque omnem in eo posui curam diligentiam-

que, ne quisquam posset jure me negligentiae ignaviaeque condemnare. Nihil ergo in te reprehendendum? Imo multa atque magna, quae non fatis mea potuit cavere prudentia: aperte autem profiteor atque affirmo, me nullam umquam fugisse limae molestiam, versus omnes & multa die & multa coërcuisse litura, atque adeo eruditorum amicorum arbitrio non tantum decies, sed centies etiam, si opus erat, castigavisse. Interpretes plerosque consului, Eustathium vidi & Strabonem: in primis latina ne discrepant a graecis summo opere cavi; ubi potui, non vim tantum verborum, quod M. Tullius se fecisse dicebat, sed ipsum paene numerum atque speciem reddidi; genus certe ubique, opinor: breviter breviter, gravia graviter, leniter leniter dixi; omnia denique, ut erant poetica, poetice conatus sum exprimere. Ad dam etiam, fuisse mihi ita semper P. Virgilium ante oculos propositum, ut quod scribebam, nisi illam ejus carminum elegantiam suavitatem coloremque aliquo modo referret, omnino respuerem ac reiicerem. Quantum vero his rebus omnibus sim consequutus, non est meum judicare: hac de re tuum erit aliorumque judicium, quod fieri velim potissimum ex illorum comparatione, qui hoc eodem in stadio sese exercuerunt, id est latinis versibus sunt Odysseam interpretati. Habes, quod sciam, nonum-decimum undecimum duodecimumque Odysseae librum latino carmine elegiaco redditum a Joanne Prassino; habes octo priores libros a Francisco Florido Sabino latinis item versibus conversos; habes denique integram Homeri Odysseam latine heroico carmine redditam a Simone Lemnio Rhe- to, dicatamque ab eodem Francorum regi potentissimo Henrico II. Horum duos primos mittamus oportet, & quod partem tantum, non opus totum perfecerunt, & quod eorum labores numquam aspicere potui. Scio equidem Franciscum Floridum magnam spem expectationemque sui admirabilem in animis litteratorum hominum, ac praecipue illius amplissimi optimarum artium maecenatis Francisci I. Galliarum regis, cui suos dedicarat libros, excitavisse. Sed vir singulari doctrina atque industria praeditus immaturo fato praereptus nequivit opus, quod inceperat, absolvere: qui si diutius vixisset, nec esset florente adhuc aetate inimicorum fraude sublatos, magna me fortasse cura molestiaque liberasset. Nam quum fuisset egregie suo functus labore, me ab hoc opere suscipiendo deterruisset: multoque melius ille fortasse mihi, quam ego & otio & meae consului famae, consulisset. Restat igitur unus Simon Lemnius, qui cum ego committendus sum. Hic qualis sit, quidque valeat, non ex me audias, sed ex ejus versibus videas licet. Verum prius Homeri ipsius aliquot carmina recite-  
mus,

mus, & ea quidem, quae prima sunt, & in quibus nondum labore defatigatus solet diligentior esse interpret, atque accuratior.

Ἄνδρα μοι ἔνθα μῦθε περὶ Τροίης ἱερῆς  
Πολύχιδε, ἐκεί Τροίης ἱερῆς πολέσδεσσι ἴταρος.  
Πολλοὶ δ' αἰδρόμενοι ἴδον ἄεττα, καὶ πότις ἔργα:  
Πολλὰ δ' οὐκ ἐν πότισι πάθει ἄλγιστα ἐν κατὰ θυμῷ,  
Ἀρμίματος ὡς φυχῇ καὶ πότις ἔταρτος.  
Ἀλλ' ἂν ὡς ἑτάρος ἐρρύσαντο ἴμενος περ.  
Ἀνδρῶν γὰρ ἐρετρίων ἀτασθαλίῃσιν ὄλβητος,  
Νόστις, εἰ κατὰ βῆος θυμῷσι ἰδύμενος  
Ἡΐδιον, αὐτὰρ ὁ τῶν ἀνδρῶν νόστιμος ἦτορ.  
Τῶν ἀνδρῶν γὰρ διὰ δόγματος Διὸς εἶπ' ὁ ἥμῃς.  
Εἰδ' ἄλλοι μὲν πάντες ἔσσι φέρει αἰὶνὸν ἔλκετον,  
Οἷον ἔσσι, τέλει μὲν περὶ γένεσις ἴδον δόλωνα.  
Τὸ δ' οὐκ ἔστι.

En verba verbis latine respondentia ex versione Bergleriana, qualiscumque ea sit, exscripta.

Virum dic mihi musa versutum, qui admodum multum  
Jactatus est, postquam Trojae sacrae urbem evertit.  
Multorum vero hominum vidit urbes, & mores cognovit;  
Multosque idem in mari passus est dolores suo in animo  
Juxta aestimans suamque vitam & reditum sociorum.  
Sed neque sic servavit socios tamen cupiens:  
Sua enim ipsorum insipientia perierunt,  
Stulti, qui boves sublimis solis  
Comederunt: ille vero eis abstulit reditus diem.  
Haec aliqua ex parte dea filia Jovis dic & nobis.  
Jam alii quidem omnes, quotquot effugerunt saevam mortem,  
Domi erant belloque elapsi atque mari.  
Hunc solum &c.

Audiamus jam Simonem Lemnium haec eadem versibus adornantem.

Dic mihi Musa virum, qui postquam Pergama Trojae  
Celsa sacrae evertit, populatus moenia flammis,  
Classe diu raptus, variisque erroribus actus;  
Qui mores hominum multorum vidit & urbes,  
Multa quoque & ponto passus, tot adire labores

Com-

Compulsus fuerat, tristes sub corde dolores  
 Dum premit, atque suam defendis puppe salutem,  
 Eripiens animam, sociosque per aequora vestos;  
 Et patriae reditus quaerit sub gurgite vasto  
 Pellax & vario ingenio praeclarus & armis.  
 Non tamen ille suos casu pelagique ruinis  
 Incolumes Itacae socios deduxit in arva.  
 Invisi fati subiere pericula mortis  
 Ob scelera atque famem. mactarunt litore tauros,  
 Prostratosque boves solis, qui sidera lustrat,  
 Quique globum caeli transit super aethera veclus,  
 Absumpsere nefas: illis rex ipse negavit  
 In patriam reditus Titan; merisitque sub undas.  
 Vix e conspectu sculae telluris in altum  
 Vela mari dantes, spumasque sub aere ruentes  
 Obruit, & pelagi disjecit in aequore nantes.  
 Horum igitur casus memora mihi musa canenti  
 Calliopea, Jovis proles: exordia cursus  
 Erroresque sacro revocabo carmine Grajum.  
 Argolici rediere duces & Dorica pubes,  
 Jamque domi lacti, libabant pocula Bacchi  
 Grajorum procures, quicumque ferocia fata,  
 Interitumque viri, Trojae sub moenibus altis,  
 Assaracaeque duces immania praelia gentis,  
 Undososque aestus atque aequora celsa carinis  
 Evasere domos repetentes, patria rura.  
 Cum solum gelidis Itacum &c.

Audistin, amice lector? Bene est; quid igitur tibi de his versibus Lem-  
 nianis videtur: placentne illi, an aliquid melius desideras? Nihil dicēs,  
 opinor, de primo versu; nam & Horatii sunt priores voces, & postero-  
 res non displicent, nisi forte requiras illud ~~verbum~~ omissum, cujus loco  
 irrepsit; *populatus moenia flammis = classe diu raptus &c.*

*Multa quoque & ponto passus &c.*

praecclare: nam ita & Virgilius, cujus ubique vel invitos ac reluctantes  
 versus in suas partes cogit concedere. Sed quod sequitur: *tot adire labo-  
 res compulsus fuerat*; quamvis aeque Virgilianum, nullum heic tamen lo-  
 cum habet.

*Tri.*

... . *tristes sub corde dolores*  
*Dum premit, atque suam defendit puppe salutem*  
*Eripiens animam, sociosque per aequora vectos &c.*

Dixerat jam ante & quidem recte Virgilius de Aenea :

*Spem vultu simulat, premit alium corde dolorem.*

Sed Homerus nihil heic simulantem aut prementem corde Ulysses inducit; sed affirmat simpliciter multa eum in mari tulisse incommoda. Quod vero malum est illud; *defendit puppe salutem, eripiens animam &c.* Vereor ne parum eleganter sit dictum, *salutem defendere puppe*: nam mitto quod sit alienum a verbis Homeri. Non intelligo etiam, quid hoc loci velit, *eripere animam*. Scio quidem admodum recte dici, eripere animam hosti, ac idem valere, quod hostem occidere; irem eripere animam ex orci faucibus, esse liberare a morte, aut salvare; & hoc fortasse voluit dicere Lemnius. Sed quod addendum erat necessario, reliquit; Ulyssesque nobis nescio plane quam animam eripientem exhibuit. Hoc vero admirandum ac portentum simile:

*Et patriae reditus quaerit sub gurgite vasso &c.*

Reditum in patriam quaerere scio quid sit; *patriae reditus* mehercle nescio. Male etiam *sub gurgite vasso*; namque aut mari, aut mare navigamus, aut per mare: Urinatorum proprium est quaerere aliquid sub gurgite.

*Pellax & vario ingenio praeclarus & armis &c.*

Haec omnia praepostera: nam quamvis & pellax fuerit Ulysses & vario praeditus ingenio & praeclarus armis, nihil heic istorum Homerus dixit.

*Invisi fati subire pericula mortis*  
*Ob scelera atque famem, maculant litore tauros,*  
*Prostratosque boves solis &c.*

Equidem minime puto, *subire periculum* mortis idem valere ac *mori*. At vates, Ulysses, ait, suos non potuisse comites servare, non quod fuissent invis fati, sed quod ipsi sua ipsorum culpa dementiaque perierunt occisus nimirum bobus solis, a quibus ut abstinere, etiam atque etiam admoniti erant a duce sapientissimo. Illud; *ob scelera atque famem*, erit fortasse simile illi, *pateris libamus & auro*, nimirum ob famem scelestam. Sed quorum haec;

*Qui*

. . . . . qui sidera lustrat,  
*Quique globum caeli transit super aethera veſtus.*

Aut nihil addendum erat, aut aliquid, quod eſſet tolerabilius. Qui etiam ſol tranſeat globum caeli, non fatiſ video.

*Vix e conſpectu Siculae telluris in altum &c.*

Maſte Simon hoc pulcherrimo Virgilii verſiculo! ſed quae ſequuntur,

*Vela mari dantes, ſpumasque ſub aere ruentes;*

multum diſtant ab iis ejuſdem Maronis, duabus tantum a te vocaliſ mutatiſ :

*Vela dabant laeti, & ſpumas ſaliſ aere ruebant &c.*

Tu enim dixerat *in altum*: quare ſuperfluum eſt illud *mari*. Elegantiffimum hoc *ſpumas ſaliſ aere ruebant*: tuum illud *ſpumasque ſub aere ruentes*, obſcurum abſonum atque uno verbo deterius factum. Quomodo autem dixiſti, *obruit*, id eſt *demerſit*; quum idem dicas ſtatim, *diſjeciſſe in aequare nantes*. Nabantne poſtquam obruti fuere pelago? Id credo fieri non poſſe: vide igitur, quid ſcripſeris.

*Horum igitur caſus memora mihi muſa canenti  
 Calliopea &c.*

Haec proſecto quicumque legent, quum praecceſſerit, *diſjecit in aequare nantes*, nihilque fuerit medium inter vocem *nantes*, & hanc *horum*, intelligant poëtam heic orare muſam, ut ſibi caſus memorer ſociorum Ulyſſiſ; quum tamen velit, ut eaſ reſ omneſ, quaſ propoſuerat, aliqua ex parte etiam ſibi ipſi muſa det poſſe dicere. Jam haec:

. . . . . exordia curſus,  
*Erroreſque ſacro revocabo carmine Grajum;*

& quae ſequuntur, quantum apta ſunt ad augendam libri molem verſuumque numerum, tantum valent ad omnem Homeri dignitatem eloquentiamque corrumpendam. Sed infinituſ ſim, ſi perſequar cetera, quae tibi, & cuiuſ vel mediocriter graecis litteriſ latinique erudito vehementer in hiſ Lemnianis verſibus, qui plurimiſ aliis ejuſdem interpretiſ multo ſunt melioreſ, diſplicebunt. Nihil enim queror, quod nullum Lemnius adhibeat limam in poliendiſ male tornatiſ verſibuſ, quod nullum verborum dele-



delectum, nullamque latini sermonis venuſtatem ſequatur; quod contorte, implexe, obſcure, ac non raro etiam ſine ratione ſyllabarum ſcribat: hanc illi do veniam; eſt enim hominis peccatum contra illud Horatii Flacci præceptum :

*Sumite materiam veſtris, qui ſcribitis æquam  
Viribus &c.*

Cujus vero eſt, & quantae audaciae illa effrenata ac ullo ſine modo licentia aut potius libido ſententias Homeri ita ſaepe amplificandi, ut illis, quae interpres adjungit nova, ea, quae dicta ſunt ab auctore, omnino obſcureantur? Quidni? Poëta ſenem illum Proteum, in quarto libro haec inducit Menelao vaticinantem, quae heic latine ad verbum expreſſa exſcribo.

*Tibi vero non eſt fatale divine o Menelaë  
In Argo equos paſcente mori & fatum obire.  
Sed te in Eliſum campum & fines terrae  
Immortales mittent; ubi flavus Rhadamanthus eſt,  
Ubi facilis vivendi ratio eſt hominibus:  
Non nix, neque hyems multa, neque umquam imber;  
Sed ſemper zephyri ſuaviter ſpirantes auras  
Oceanus emittit ad refrigerandum homines,  
Eo quod habes Helenam, & ipſus Jovis gener es &c.*

Eadem ego ſic verti,

*Te vero nec fata ſinent Menelaë, nec ipſi  
Caelicolae quondam patriis occumbere in Argis.  
Eliſi longe in campos, qua meta receſſit  
Ultima terrarum, vivum te numina ducent,  
Flavus ubi Rhadamanthus, ubi eſt placidiſſima vita,  
Nec glacies, nec ſaeva riget nix ulla, nec imber,  
Sed zephyros ſemper ſpirantes mollibus auris  
Sufficit oceanus laetae ſolatia genti.  
Haec te certa manet ſedes; haec debita ſponſo  
Tyndaridis generoque Jovis felicia regna &c.*

Haec mea, de quibus nihil ego dicam. At quanta heic dii boni! effundit loquaciſſimus pulcherrimi Homerici hujus loci interpreſne an corruptor? Audi, & patienter, ſi potes, ſerte hanc tantam laureati poëtae loquacitatem.

Nunc ad te & tua magna lubens ad fata revertor.  
 Non te fata sunt Menelaë o maxime regam,  
 Ab Jove progenies, proavito occumbere leto,  
 Atque Argis obiisse diem, generator equorum  
 Heic ubi ager pinguis, floretque ex ubere glæbæ,  
 Te elisos divi campos intrare jubebunt,  
 Elisasque domos: virides mittere per oras,  
 Heic ubi terrarum liquidis est terminus undis,  
 Heic ubi flave comas judex Rbadamanthe gubernas.  
 Heicque locos lætos cernes, & amoena vireta  
 Fortunatorum nemorum sedesque beatas:  
 Heicque ferax agris per se fert omnia tellus,  
 Sponte ferunt homini fruges viridantia rura:  
 Heic faciles victus arbor prædives opacis  
 Læta comis, fulvis semper ditabere pomis.  
 Heicque nives numquam pluviaeque hyemesque rigentes.  
 Heic semper zephyri molles & leniter auræ  
 Spirant oceano missæ: recreantur ab illis  
 Corpora tacta levi afflatu, & florentia nutrit  
 Membra homini, meliorque heic curus, & æther incerrat,  
 Largior & campos heic ær lumine vestit  
 Purpureo, solemque suum, sua sidera norunt.  
 Amisum ne crede diem: sunt altera caelo  
 Sidera; sunt orbis alii, lumenque videbis  
 Purius, elisosque magis mirabere campos,  
 Cultoresque pios, illic pretiosior ætas,  
 Aurea progenies habitat, semperque tenebis,  
 Quod superi mernere semel. nec mollia desunt  
 Præta tibi; zephyris illic melioribus balant  
 Perpetui flores, quos nec tua protulit ætas;  
 Nempe quod es conjux Helenæ, Jovis & gener alti, &c.

Ohe jam satis est? pol me occidisti, inquis. Quæ solis octo versiculis  
 Homerus, ut cetera, belle comprehendit; quæ novem tu, uno scilicet  
 plus, satis commode expressisti; ille, ut triginta versibus vix explicet, at-  
 que interpretetur? Quid hocce aliud, nisi illud apud veterem poetam

. . . . . quod Syssippos versat  
 Saxum sudans nitendo, neque proficit hilum.

Sto-

Stomachari jam te video, amice lector, ac mihi jure subirascei, quod in his diutius, quam necesse erat, immoratus sim. At ego verebar, ne si dixissem mihi Lemniam improbari versionem, nihilque ex ejus versibus protulissem, magis invidere quam vere id a me quisquam dictum arbitraretur. Quare quum ea satis me culpa & invidiae suspicione liberatum jam videam; hanc totam orationem relinquamus, ac redeamus, unde discessimus. Peto igitur abs re, ut si Lemnii Odyssea latina, ( quod de perverti quadam Odysseae versione in Bruto dicit Tullius ) est sic, tamquam opus aliquod Daedali, & Livianae fabulae non satis dignae, quae iterum legantur; laborem hunc meum aequo bonoque animo excipias, videndumque judices prius, quam omnino contempnas, quid ipse feram. Nec sane dubito, quin multa futura sint hoc in opere praesertim tam longo tamque impedito, quae multo melius elegantiusque dici potuisse pronunciabis: ita tamen statuamus oportet, ut, si minus ceteris peccasse videbor, aliquam mihi gratiam habeas, quod in omnium maximo latine interpretando poeta si minus eam, quae perfectissima est, referre laudem potuerim; majorem tamen, quam ceteri, tuo etiam judicio gravissimo atque optimo sim confectus. Quod si tribueris mihi, amplissimum laborum omnium ac vigiliarum fructum me cepisse existimabo.



RAYMUNDI CUNICHII  
AD SUAM ILIADEM  
DE BERNARDI ZAMAGNAE ODYSSEA  
EPIGRAMMA. (\*)

*I mea nunc Latias tantisper sola per urbes  
Ilias, adveniat dum tua parva soror  
Compta mei studio cura & praestante Zamagnae.  
Illi ego te sociam jungier inde volo,  
Cui pater est idem, quam cultu ornavit eodem  
Vir mihi Thebesa junctus amicitia.*

BERNARDI ZAMAGNAE  
DE SUA ODYSSEA  
AD ILIADEM CUNICHIANAM  
EPIGRAMMA.

*Non Latias ito florens jam sola per urbes  
Ilias: en sociam quaerit ubique soror.  
Da timidæ dextram; non cultu elata superbo  
Nomen Odysseæ noscere sacra neget.  
Tu prior es meliorque; utque est me cedere dignum  
Cunichio, cedit sic minor ipsa tibi.*

(\*) Hoc epigramma legitur ad finem Iliadis Latinae, quam anno proxime elapso vir Cl. Raymundus Cunichius edidit Romae impressam eadem forma, qua nunc Odysseæ seu Thebesis impressa est.

ARGUMENTA

SINGULORUM LIBRORUM SINGULIS DYSTICHIS

AB INTERPRETE COMPREHENSA.

I.

*Juppiter Aegisthum memorat , sed Pallas Ulysssem,  
Telemachumque Pylon tendere diva monet.*

II.

*Concilium cogit, queriturque infanda procorum  
Facta Itbaco forti natus, iterque parat.*

III.

*Excipit hospitio venientem Nestor, Achivum  
Fata docet, noscit Pallada, sacra facit.*

IV.

*Excipit & Menelaus. at illi nigra parantur  
Funera, dum Protei poscere dicta cupit.*

V.

*Ogygias tendit Cyllenius ales in oras:  
Dux Itbacae primum navigat, inde natat.*

VI.

*Dat requiem fesso tellus Phaeacia: natam  
Alcinoi supplex in sua vota trahit.*

VII.

*Urbem adeunt; sed nympba prior subit alta parentis  
Atria; max Itbacus scandit, opemque petit.*

VIII.

*Lacta dies agitur vario certamine, & heros  
Invitus, valeat quid tamen ipse, docet.*

I X.

*Lotophagos, Ciconasque refert, saevosque Cyclopas,  
Inque cava caecum te, Polypheme, specu.*

X.

*Aeoliam his addit, ventosque, & avara juventae  
Pectora; dein vasmae pocula saeva deae.*

X I.

*Cimmerias etiam fauces, vatemque petisse  
Tiresiam, & manes eliciuisse refert.*

X I I.

*Hinc & Sirenas, Scyllamque, atramque Charybdim,  
Pro vetita & comitum funera caede boum.*

X I I I.

*Jamque Ithacam tendit: fit navis saxea: at illi  
Pallas adest, firmat voce, senemque facit.*

X I V.

*Tum petit Eumacum, nec se dat nosse; sed astu  
Dissimulans audit multa, refertque seni.*

X V.

*Telemachum interea patrias Tritonia ad oras  
Ire monet; donis auctus at ille redit.*

X V I.

*It celerans Eumaeus in urbem, & nuncia portat  
Reginae. cernit gnatus adesse patrem.*

X V I I.

*Rure adeunt urbem, non una. pastor Ulysses  
Increpitat, melior quem colit ipse canis.*

X V I I I.

*Inter se pugnant Ithacusque Irusque; capitque  
Penelope a cupidis munera missa procis.*

XIX.

*Cum nato pater arma abdit: signata cicatrix  
Illum prodit, anus dum bona fonte lavat.*

XX.

*Fausa duci dat signa deus: terrentur Achivi,  
Parca quibus dirum funus acerba parat.*

XXI.

*Fert arcum regina: proci vos praemia frustra  
Quaeritis, ignota missa sagitta manu est.*

XXII.

*Gliscit atrox jam pugna, Ithacus cum Pallade vincit.  
Telemachi dextra turba nefanda cadit.*

XXIII.

*Penelope gaudet conspecto conjuge: at ille  
Atulsa putans nato junctus ab urbe fugit.*

XXIV.

*Issequitur fera turba: iterum pugnatur in agris;  
Mox placidi sanctae foedera pacis amant.*

---

RURSUS, QUID VIRTUS ET QUID SAPIENTIA POSSIT,

UTILE PROPOSUIT NOBIS EXEMPLAR ULYSSEM.

*Horat. Ep. lib.I. Ep. II.*

---





# HOMERI ODYSSEAE

## LIBER PRIMUS.



Ufa virum, memora, varium qui  
 pectore versans  
 Ingenium, erravit longum post eru-  
 ta Trojae  
 Pergama. multorum mores inspe-  
 xit, & urbes  
 Ille hominum, multa & pelagi  
 mala passus in undis,

Dum sibi, dum sociis reditum molitur: at illos  
 Providus haud valuit nigro subducere leto;  
 Nam culpa periere sua, dementibus ausis  
 Aggressi niveos Solis violare juvencos,  
 Quos propter vetuit reditu deus ipse potiri.  
 Ergo harum & nobis da rerum evolvere partem 10  
 Diva, precor, magni Jovis o pulcherrima proles.

Jam Danai, quotquot leti crudelia fata  
 Incolumes fugere, & ponto & marte soluti  
 Attigerant Patriam. solum hunc arcebat amato

A

Con-

Conjugis a gremio, magnoque ardebat amore  
 Rupe sub excisa scopuli formosa Calypso.  
 Quin ubi jam tempus venit, volventibus annis,  
 Quo superis reditumque viro concedere visum,  
 Optataeque Ithacae sedes, nondum ipse labores  
 Finierat, saevo fortunae exercitus aestu, 20  
 Scilicet & caros infelix inter amicos.  
 Illum omnes pariter duos tot volvere casus  
 Caecicolae miserati: unus dominator aquarum  
 Usque gravis pulso instabat maria omnia circum,  
 Dum patrios fines, & dulcia tangeret arva.  
 Aethiopas at forte pios tum visere gaudens,  
 Extremos hominum Aethiopas, pars altera quorum  
 Solis ad occasum, pars altera vergit ad ortum,  
 Cesserat, atque illic sollempni more sacrorum  
 Ante suas laetus conviva adsederat aras. 30  
 Dii Jovis in sedes alii advenerunt frequentes  
 Sidereum per iter: folio quercis orsus ab aureo  
 Ipse hominum summus fari pater atque decorum  
 Aegisthi tum forte animo crudelia volvens  
 Fata, agamemnonides leto quem strarat Orestes.  
 Haec memorans, cunctis dis ille silentibus, inquit:  
 Proh superi! immerito sanctos mortalia culpant  
 Secla deos. per nos mala nascier omnia dicunt,  
 Quum tamen ultro homines dementi arcessere corde  
 Triste sibi, nulla fatorum lege coacti, 40  
 Exitium properant. an non Aegisthus Atridae  
 Eripuit nuper thalamos, ipsumque necavit  
 Infcius haud cladis, quam nos praediximus olli  
 Adfore, Mercurius retulit quum talia dicta:  
 Parce torum violare, & parce Agamemnona ferro  
 Laedere; namque aderit patriae ultor caedis Orestes,  
 Ut

Ut primum flava sparget lanugine malas.  
 Talia Mercurius: monitis parere sed ipse  
 Dum negat, infando persolvit sanguine poenas.  
 Juppiter haec. subito coepit sic caerula Pallas: 50  
 O pater, o divum rector, saturnia proles,  
 Ille jacet merito parcarum funere merfus,  
 Flagitia atque utinam molitur talia quisquis,  
 Sic pereat. sed tale meus quid fecit Ulysses  
 Infelix, qui nunc patriis procul angitur oris  
 Insula in undifona, medio quae consita ponto  
 Horret opaca jugis frondentibus? intus Atlantis  
 Filia, qui pelagi tractus atque omnia novit  
 Antra vafer, longas immania saxa columnas  
 Ipse gerens humeris connixus, queis sola terrae 60  
 Distinet atque aptum stellis fulgentibus axem,  
 Intus habet sedem. lacrimis heic ora rigantem,  
 Fundentemque imo gemitus e pectore, blandis  
 Detinet inlecebris mulcens, atque omnia tentat,  
 Ne qua Ithacae oblitum subeat jam cura. sed ille  
 Surgentem ut noto tantum de culmine fumum  
 Aspiciat, certa malit cum morte pacisci.  
 Nullane finis erit? necdum miserebere tandem  
 O genitor? tibi dona quidem, tibi semper Ulysses  
 Divite sub Troja sacrauit vota per aras: 70  
 Cur, pater, heu tantum tu contra irasceris olli?  
 At genitor, quem nimborum domus alta tremiscit,  
 Reddidit oranti. quid te sic vana fatigas,  
 Quidve tibi Pallas, sanguis meus, excidit ore?  
 Mene umquam clari capiant obliviae Ulyssaei,  
 Qui supraque homines mente est, disque omnibus unus  
 Ante alios fert dona volens? non Juppiter hostis,  
 Sed ferus exercet miserum regnator aquarum

Carum Cyclopem propter, cui lumen ademit  
 Fronte olim e media latebroso inclusus in antro, 80  
 Dis similem Polyphemum, omnes qui robore vincit  
 Aetnaeos fratres. hunc quondam nympha Thoosa  
 Filia Phorcynos genuit, postquam aequoris alti  
 Sedibus in glaucis Neptuni exarsit amore.  
 Ex illo infensus semper germanus Ulyssēm  
 Insequitur; nec fata struit, sed distinct alma  
 A patria, errantem terris, ac fluctibus actum.  
 Sed jam agite, & cunctis placeat sententia nobis,  
 Ut redeat tandem; saevus nec cedere frater  
 Abneget, o superi. quid enim contendere solus 90  
 Audeat, aut omnes possit pervincere contra?  
 Sic ait; atque olli virgo Tritonia subdit:  
 O genitor, cui summa hominum rerumque potestas,  
 Omnibus id superis si nunc placet, exsul Ulysses  
 Ut repetat sua regna, lares & visat avitos,  
 Fac age Mercurius properet jam nuncius oras  
 Missus in Ogygias, nymphaeque edisserat omne  
 Consilium, reditum ne certum ignara moretur.  
 Ipsa Ithacae interea descendam ad litora gnato  
 Auxilium roburque ferens, quo fretus Achivos 100  
 Concilio in magno socios sibi jungere possit  
 Multa procis minitans, olli qui plurima caedunt  
 Et pecora & nigros ingentia corpora tauros.  
 Mox etiam Pyliasque oras, Spartamque jubebo  
 Tendere, si qua suas veniat genitoris ad aures  
 Fama, vel ipse virum claro celebretur honore.  
 Dixerat, ac pedibus primum talaria vinxit  
 Pulcra, aeterna, auro fulgentia, queis super aequor  
 Par levibus ventis, terram & volat ardua supra.  
 Corripit hinc hastam praefixam cuspide ahena 110  
 For-

Fortemque ingentemque, domat qua densa virorum  
Agmina, queis magno fata patre irascitur olim.  
Tum summo aërii descendit vertice olympi  
Prona ruens, Ithacenque adiens levis adstat Ulyssæi  
Vestibulum ante ipsum surgentiaque atria sedis;  
Hastam habet, ac Taphium regi par omnia Mentæ est.  
Heic genus invisum juvenes prope limina cernit  
Sese inter talis ludentes, mollia stratos  
Tergora taurorum supra de caedo recenti.  
Circum ipsos famuli & lecti de more ministri 120  
In cyathis lymphas alii cum munere bacchi  
Miscebant, alii mensas abstergere jussi  
Atque onerare epulis, in partes exta secabant.  
Illam Telemachus venientem ad limina vidit  
Alta prior: medius nam forte adfederat inter  
Convivas. tacita genitorem in mente volutans,  
Si rediens qua parte procos indigna furentes  
Exigat a domibus, seque in sua regna reponat.  
Id juvenis volvens conspexit Pallada, & altis  
Profiliit foribus subito, indignatus amico 130  
Quippe animo, ante domos longum quod degeret hospes.  
Jamque adstans propior, dextramque amplexus inhaesit,  
Accepitque hastam, breviter sic deinde loquutus:  
Salve, hospes; tibi tecta parent, epulisque refectus,  
Quidquid erit, prodes tranquilla per ora fando.  
Sic dicens graditur prior ipse, & Pallas euntem  
Subsequitur. celsis ingressi ut sedibus ambo  
Constiterant, hastam præcelso in pariete firmat  
Pulcrum intra septum, validi quo multa parentis  
Condita fulgebant præfixo hastilia ferro. 140  
Ipsam autem mollique toro, stratisque locavit  
Vestibus in pictis, queis alte innixa residat,

Com-

Componatque pedes. tum sese proximus addit  
 Telemachus folio posito, qua parte sub aula  
 Haud fremitu offensus juvenum, vastoque tumultu,  
 Et dapibus possit melius gaudere paratis  
 Hospes, & ipse sui scitari nuncia patris.  
 Dant famulae manibus lymphas, quas lucidus auro  
 Urceus irrorat supra, purumque fluentes  
 Subjecti excipiunt argentea labra lebetis. 150  
 Ponunt & mensam juxta, cereremque canistris  
 Expediunt, cumulantque epulas ante ora repostas.  
 At pueri patulis varias in lancibus escas,  
 Fumantesque gerunt armos, & viscera tosta,  
 Caelatoque auro fulgentia pocula: circum  
 Praeco obit, ac laticem bacchi de more ministrat.  
 Jamque domum subiere proci, seque undique pictis  
 Ingressi fudere toris. dant ordine longo  
 Gaudentum manibus fontes, & jussa faciunt  
 Praecones, famulaeque ferunt cerealia dona. 160  
 Ipsi autem laeti dapibus pascuntur opimis,  
 Poculaque exsiccant, pueri quae plena coronant.  
 Postquam pulsa fames, potusque extincta cupido,  
 Sese in laetitiam solvunt (nam nulla fatigat  
 Cura alia ignavos), & cantu tempora fallunt,  
 Et choreis, hilarantque suis convivium ludis.  
 Nec minus hos inter citharam pertentat eburnam  
 Phemius: invitus qui quamquam solveret ora,  
 Grata tamen resonis jungebat carmina nervis.  
 Atque heic Telemachus placida sic voce Minervam 170  
 Alloquitur jungens propius caput, auribus hospes  
 Solus ut accipiat, non alter, dicta loquentis.  
 Irascere mihi, si quid nunc, dulcis amice,  
 Fabor, ait? capiant hos quaecumque gaudia, cernis:  
 Scm-

Semper amant citharam, semper sua carmina cordi.  
Et merito: quoniam possunt impune vorare  
Parta labore viri, cujus jam candida putrent  
Ossa vel ignotis terris, vel gurgite in ullo.  
At si fors Ithacae redeuntem in regna viderent,  
Credo equidem, pedibus mallent superaddere pennas, 180  
Munere quam pictae vestis splendescere & auro.  
Sed jacet ille miser jam perditus: ulla videndi  
Nec mihi spes reducem est, etsi quis spondeat ultro  
Nunc meliora; olli redeundi haud ulla potestas.  
Sed jam age, fare mihi, nec ficto pectore narra,  
Quis? genus unde tibi? quaenam urbs tua? quique parentes,  
Qua rate & advectus, quaque haec ad litora caussa  
Venisti? sese dicunt quo nomine, qui te  
Vexere huc nautae? puppi nam vectus, opinor,  
Venisti, haud pedibus gradiens, quando undique ponto 190  
Cingimur. expedias mihi vera, ut noscere possim,  
Huc primumne venis, an patri foedere junctus  
Hospitii antiquo? multi haec late undique adibant  
Quondam testis viri; genitor sibi jungere multos  
Namque hominum hospitio facilisque & comis anabat.  
Vix ea Telemachus, reddit quum talia Pallas:  
Vera quidem referam, quaecumque o amice rogasti.  
Mentes Anchiali proles ego dicor, & omnes  
Me Taphii observant late regemque salutant.  
Cum sociis navique haec vestra ad litora veni 200  
Longum iter aggressus: Temeses ad moenia tendo  
Aera relaturus, vehitur mihi copia ferri.  
Nec procul hinc religata stat uda ad litora navis  
Ante urbem portu in Rhethro sub Neio alto.  
Hospitia alterno jamdudum foedere nobis  
Ista vigent: nec vana fides mea dicta sequetur,

Lacr-

Laërten heroa adeas modo, quem procul urbe  
Degere nunc perhibent, solosque errare per agros  
Vitantem vulgi strepitum, curisque gravatum  
Et senio; una epulas ubi custos fida ministrat 210  
Olli anus, infirmos quoties subrepat in artus  
Languor oberrantis per confita vitibus arva.  
Veni autem, nam fama tuum rediisse parentem  
Attulerat mendax, quum tristem fata morantur,  
Dique procul. neque enim terris decessit Ulysses,  
Sed circum clausus maris alti a gurgite vivit  
Rupe aliqua in sola; fors & gens effera captum  
Detinet, invitumque domo procul arcet avita.  
Nunc te, si qua fides dictis, quae numina caeli  
Inspirant sub corde mihi, eventura docebo 220  
Vaticinans, sim nec vates licet ipse, nec augur.  
Adveniet cupido genitor, nec tempore longo  
Exsul erit, non si teneant vel ferrea vincla:  
Ille fugam inveniet non ulla segnis in arte.  
At mihi tu contra, si fas, dic pauca roganti:  
Num satus ex ipso juvenis jam tantus Ulysses  
In viridi flores aevo? sic ora gerebat,  
Sic oculos, sic ille caput mihi cognitus usu  
Haud parvo, ante ratem quam scandens iret ad altum  
Ilion, argivum pubes quo prima ruebat: 230  
Numquam ego post illum, numquam me vidit Ulysses.  
Huic breviter juvenis. poscis quaecumque, fatebor  
Vera, hospes: genitrix natum me dicit ab illo,  
Sed non certus ego; neque enim quo sanguine cretus,  
Nosse potis quisquam est. o! si quem tarda senectus  
Exciperet propriis felicem in sedibus, auctor  
Ille foret generis, non sic miserabilis aevum  
Ipse adeo exigerem fortuna oppressus iniqua.

Dis



Dis aliter visum: fama est ex omnibus unum  
Quem miserum vixisse magis mortalibus, illo 240  
Me genitore satum, quando haec vis noscere, dicunt.  
Haec ubi Telemachus, rursus sic diva loquuta est:  
Non tibi di generis spondent ignobile nomen,  
Spero equidem, talem genuit quum te inclita fama  
Penelope. sed pauca mihi precor insuper addas.  
Quodnam epulum, quaenam turba haec? sollemnia sacra,  
Connubia anne paras? non haec socialia mensae  
Gaudia sunt, dulces non hic mos inter amicos:  
Usque adeo insueto misceri testâ tumultu  
Aspicio indignans. nemo tam turpia cernens 250  
Facta, nisi insanus fuerit, sibi temperet ira.  
Cui juvenis. dicam, quando haec te cura fatigat  
Ignarum: fuit olim haud ulli obnoxia culpa,  
Atque opulenta domus, genitor dum regna tenebat.  
Nunc aliter superi voluere infanda parantes  
Damna mihi, passique meum sine honore parentem  
Concidere extinctum. nec flerem ita tristis ademptum,  
Si socios inter miles cecidisset in oris  
Dardaniis, interve manus jam victor amicas.  
Grajugenae ingenti decorassent mole sepultum, 260  
Partaque venturos esset mihi fama per annos.  
At nunc harpyiae indecorem rapuere, nec ulli  
Occidit heu notus, luctumque & triste reliquit  
Exitium gnato. nec tantum causa doloris  
Ille mihi: graviter miserum premit altera clades.  
Regnant finitimis procures nam quotquot in oris  
Dulichioque Samoque alta viridique Zacyntho,  
Quotquot & apricis Ithacae dominantur arenis,  
Tot matrem poscuntque meam, meaque omnia vastant.  
Ipsa autem nec amans nec dedignata petentes 270

B

Cun-

Cunctatur, neſcitque moras. ruit omnis ab imo  
 Interea domus alta, & mors mihi certa paratur.  
 Dixerat. indoluit Pallas, miſerataque curas:  
 Abſentem haud fruſtra ſuſpiras, inquit, Ulyſſem,  
 Qui juvenum tales auſus tamque improba facta  
 Comprimat, ac ſubitus ſclerum ſuper ingruat ultor.  
 Nam veniens primo ſi nunc in limine ſtaret  
 Protectus clipeo, galeaque, & bina coruſcans  
 Longa manu valido praefixa haſtilia ferro;  
 Qualis erat, noſtris quum primum in ſedibus olim 280  
 Vidi gaudentem dapibus ludoque, reverſum  
 Ex Ephyra; ( puppi nam curva veſtus ad illum  
 Mermeriden procul hinc virus letale petitum  
 Iverat acratas cupiens armare ſagittas.  
 Nec tamen ille deos veritus conceſſit: at ultro  
 Ipſe meus caro genitor donavit amico. )  
 Hos adeo juvenes inter ſi talis adeſſet,  
 Flerent anguſtumque aevum triſteſque hymenaeos.  
 Id tamen obſcura fatorum in lege repoſtum  
 Scilicet eſt, ultorne idem ſua teſta reviſat, 290  
 An ſecus? interea tibi prima ea cura recurſet  
 Uſque animo, hanc diram quamprimum avertere turbam.  
 Jamque age quae dicam, memori tu peſtore conde:  
 Cras in concilium Grajis de more vocatis  
 Omnibus haec edic, ſint diſto & numina teſtes.  
 Teſta proci ſua quiſque petant: ſi jungier optat  
 Connubio mater, generoſi regna parentis  
 Illa ſui repetat. claro comitata hymenaeo,  
 Atque opibus ditata novis, dotabitur illic  
 Dote, patrem gnatae quantam largirier aequum eſt. 300  
 His actis, ni forte ſequi mea juſſa recuſas,  
 Inſtrue biſdēno volitantem remige pinum,

Opta-

Optatique diu genitoris nuncia captans  
I procul hinc alias in gentes, sicubi vocem  
Audieris vulgi, demissamve ab Jove magno  
Famam, quae summo mortales nomine clarat.  
Primum neleis dium pete Nestora terris,  
Tum Spartam & flavi Menelai ad limina tende,  
Ultimus Argivum patrias qui venit ad oras.  
Vivere si audieris patrem, redditumque parare, 310  
Omnia adhuc unum praestat mala ferre per annum:  
Sin vero extinctum fors nunciet ulla, nec aura  
Amplius aethera vesci, persolve supremas  
Inferias patri, atque ingens attolle sepulcrum;  
Nupta alias genitrix taedas thalamumque sequatur.  
Verum adeo haec postquam perfeceris omnia rite,  
Multum animo reputes jubeo, quo robore quave  
Arte procos perimas, seu vi congressus aperta,  
Sive dolo insidians? an non pervenit ad aures 320  
Fama tuas, retulit nuper quam clarus Orestes  
Insignem in cunctis, patriae quum tristitia caedis  
Crimina nil metuens Aegisthi morte piavit?  
Tu quoque, nam valido florentem corpore aeterno,  
Aude animo, fideant ne te venientia secla.  
Ipse autem ad socios, qui me jam forte morantem  
Increpitant, celerans ibo, navimque revisam  
Litora fida petens; tu dicta haec omnia serva.  
Sic ait; ac juvenis, dum diva abscedere tentat:  
Cara quidem mihi sunt, inquit, quaecumque loquutus 330  
Ut genitor gnato es; memori stant omnia mente.  
Verum age, paullisper, quamvis iter urgeat, oro,  
Heic maneat. jam jam lotusque animumque refectus  
Velivolam repetes pinum, sociosque revises  
Dona ferens te digna, mei quae pignus amoris

Sint tibi, & hospitii foedus testentur amicum.  
 Cui dea tum breviter: ne me discedere aventem  
 Jam teneas. quaecumque parat nunc tradere dona,  
 Haec reduci post ferre dabis, quum litora adibo  
 Rursum eadem; ingratae dederis nec munera dextrae. 340  
 Haec ubi dicta dedit Pallas, velut ales in auras  
 Miscuit aetherias sese. simul addita virtus,  
 Atque habilis juveni venit vigor, ipsaque patris  
 Acrior ardentem subiit cura. ille volutat  
 Omnia dum secum monstro defixus, & haeret,  
 Haud dubiis sensit caelestia numina signis.  
 Jamque procos visurus adit, quos carmine dulci  
 Mulcebat vates tacitos atque auribus omnes  
 Intentos cupidis. reditum tum forte canebat,  
 Difficilem a Troja dederat quem Pallas Achivis. 350  
 At cantum postquam testis in penetralibus altis  
 Audiit Icarii magni pulcherrima proles  
 Penelope, extemplo sedes descendit ad imas  
 Hinc atque hinc geminis propius comitata puellis.  
 Atque ubi devenit, juvenum qua densa caterva  
 Parte sedet, postes stetit aulae ingressa sub ipsos  
 Tenvia praetendens niveis redimicula malis:  
 Stant pariter famulae circum, custodia fida.  
 Nec mora; sic vatem lacrimis affatur obortis:  
 Phemie, namque alios cantus & plurima nosti 360  
 Gesta hominum divumque, solent quae dicere vates,  
 Dulce aliquid modulare precor, dum pocula pubes  
 Haurit plena sedens: jamque isto desine cantu,  
 Qui miserae laniat jamdudum pectora curis.  
 Meme hic luctificus nimium tabescere cogit  
 Heu dolor ante alias cupientem cernere frustra  
 Conjugis amissi carum caput, inclita cujus

Ellada

Hellada per totam, mediumque it fama per Argos.  
 Sic ea; Telemachus referens sed talia reddit:  
 O genitrix quid cara vetas, ne carmina vates, 370  
 Quae libitum sit cumque, canat? non sponte feruntur,  
 Juppiter at vates agitat, fingitque canentum  
 Ingenia ipse regens nutu pater ora potenti.  
 Hunc etiam voluit Danaum memorare labores,  
 Difficilemque fugam: tangunt super omnia mentes,  
 Quae nova sunt, famaue vigent celebrata recenti.  
 Quin tu animum obfirmans ferto haec haud mollia  
 quamquam

Audit; neque enim est reditu fraudatus Ulysses  
 Unus: apud Trojam multi periere Pelasgum.  
 Si renuis; tua pensa colum telamque revise 380  
 In thalamum scandens, operique instare puellas  
 Cura sit una tibi. non haec sunt auribus apta  
 Femineis, sed digna virum virtute meaque  
 Ante alios, uni cui summa heic tradita rerum est.  
 Dixerat: at gnatum genitrix mirata loquentem  
 Continuo paret dictis, thalamumque repostum  
 Scandit, ubi lacrimans famulantum septa corona  
 Plorabat Laërtiaden, dum lumina somnus  
 Clauderet armigerae submissus munere divae.  
 At magno juvenum fremuere obscura tumultu 390  
 Atria, & accensi studiis certantibus ignes  
 Optantum propius discumbere. queis ita fatus  
 Telemachus: vesana, inquit, genitricis amatae  
 Turba, proci, mensae nunc tempus; ponite voces  
 Implacidi. satius vatem exaudire canentem  
 Dis similem liquidae mira dulcedine vocis.  
 Vos ego, quum primo lux crastina fulserit ortu,  
 Concilium cogam in magnum, certusque jubebo

Dese-

Deferere has sedes, aliasque requirere menfas,  
Scilicet ac veltro convivias ducere sumptu. 400  
Aequius at vobis contra si forte videtur  
Unius heu miseri sic omnes perdere census,  
Perdite certantes; jam nil moror. ipse deorum  
Numina testabor, si quando Juppiter aequus  
Supplicia exposcat scelerum, sortemque rependat,  
Et vos haec eadem testa intra perdat inultos.  
Sic ait: at juvenes presserunt hispida morfu  
Labra omnes, fixique haesere loquentis in ore  
Mirantes animum pariterque minacia dicta.  
Tum sic Antinous: di, credo, talia fari 410  
Te docuere ipsi altiloquum, magnumque sonantem.  
Quid si Ithaces etiam regnum Saturnia proles  
Spondeat, ac patrium tibi sceptrum deferat ultro?  
Tantum effatus; & ille haud contra multa moratus:  
Antinoe, irascere mihi licet, eloquar, inquit,  
Ipse tamen. si fata velint, ac Juppiter auctor,  
Regnum etiam cupio; nec enim deterrima regum  
Conditio, nec triste viros frenare potenti  
Justitia. subito partis aggesta renidet  
Divitiis domus alta, & primo gaudet honore, 420  
Cui mens aequa deum regni concessit habenas.  
Verum alii procures multi juvenesque senesque  
Sunt Ithaca in diti; regnet, cui candida laudem  
Fata dabunt, oris postquam discessit Ulysses  
A superis. rex ipse domus ferar, unus & omnes  
Pace regam famulos, genitor quos liquit habendos.  
Dixit: at Eurymachus Polybi de sanguine cretus  
Excipit his juvenem compellans vocibus ultro.  
Telemache, obscura superi caligine condant,  
Per populos Ithaces olim quis regnet Achivum 430  
Sceptrum

Sceptra tenens. tibi parta quies, & copia rerum  
Tuta manet: solus patria dominabere in aula,  
Quin metus impediatur, ne quis tua barbarus hostis  
Aggrediens impune ferat, dum cultor habebit  
Haec loca, nec solae stabunt per litora rupes.  
Nunc age pauca mihi quaerenti effare: quis ille  
Hospes, & unde domo? qua se regione ferebat?  
Quave satum de stirpe? an cari nuncia patris  
Ulla tulit veniens, an vasta per aequora vectus  
Appulit huc longis repetens compendia terris? 440  
Ut citus eripuit sese, neque noscitur ulli  
Sustinuit! vis magna tamen se corpore magno  
Prodebat, nec erat deformi ignobilis ore.  
Haec ubi finierat, juvenis sic orsa vicissim  
Ore refert. reducem jam spes mihi nulla videndi,  
Eurymache, est misero patrem, nec nuncius ultro  
Si veniat, nec fida reor satis auguris ora,  
Si qua meae accitus ferat haud ingrata parenti.  
Ille Tapho e viridi fertur vetus hospes Ulyssaei,  
Magnanimo Anchialo generatus, nomine Mentis, 450  
Oppositaque mari Taphium dat jura per oras.  
Haec juvenis, certoque deam sub corde, volutat  
Vera tegens. choreis pubes & carmine capta  
Nil metuens genio indulget, dum vesper ab undis  
Prodeat. occiduo postquam de litore, nigrum  
Extulit os, tum quisque suos petiere penates.  
Nec non Telemachus pulcrum de more cubile,  
Olli celsus ubi thalamus surgebat in aula,  
Multa putans animo subiit. praecit aurea quassans  
Lumina taedarum, servare adfuerat pudorem, 460  
Clarum Opis Pisenoridae genus, Euryclea.  
Pro qua vernanti primaevae in flore juventae

Bisde-

Bifidenos capita alta boves perfolverat olim  
Laërtes, magnoque ipsam complexus amore  
Haud tetigit, fugiens offensae conjugis iras.  
Ergo eadem ardentes juveni tum sedula taedas  
Portabat, teneris fuerat quae semper ab annis  
Carior ante alias. jamque ut penetrale reclusit,  
Ille toro sedit, mollemque exutus amictum  
Longaevae thalami dat sueta in parte locandum. 470  
Ipsa plicans aptansque datum suspendit ad alti  
Fulcra tori: dein versa retro vestigia flectens  
Postibus attractis, niveo qua lucidus ardet  
Annulus argento, stridentia robora clausit,  
Firmavitque arcto ferrata repagula nexu.  
Heic juvenis pernox florenti vellere tectus  
Jussa deae tacitoolvebat pectore secum.





# HOMERI ODYSSEAE

## LIBER SECUNDUS.

**U**T roseo effulsit pelago Tithonia conjux,  
 Exilit e strato juvenis generatus Ulysse  
 Purpuream indutus chlamydem; jamque aptat  
 acutum

Ensem humero, ac pulcris evincit crura cothurnis.  
 Nec mora: sese altis celerans penetralibus effert  
 Ora deo similis, Grajosque adcire comantes  
 Imperat in coetum missis praeconibus. illi  
 Clamantes dant signa viris, hi se undique fundunt.  
 Postquam omni de parte videt venisse frequentes,  
 Et magna circum loca late implese corona, 10  
 Procedit pariter juvenis. micat aerea forti  
 Hasta manu, niveique canes duo pone sequuntur,  
 Pallas & ambrosium formae super addit honorem.  
 Ipsum omnes late Graji admirantur euntem  
 Per medios, visaque stupent in imagine. at ille  
 Confidit patrio in folio, quin cedere quisquam  
 Abnuat, invidetque senum. tum farier orsus  
 Grandaevus multo annorum jam pondere terga  
 Curva gerens, genibusque labans; sed doctus ab usu  
 Plurima, consiliisque valens Aegyptius heros. 20  
 Natorum huic unus cum forti miles Ulysse  
 Cesserat ad Trojam nigris in puppibus olim  
 Antiphus insignis bello; quem deinde voravit  
 Efferus extremum Cyclops epulatus in antro.  
 Tres alii mansere: procis sese addidit horum

C

Eury-

Eurynomus, geminique artes coluere paternas.  
Sed neque sic poterat tristes avertere curas  
Nequidquam exstincti semper memor. heic quoque fletu  
Ora madens coepit senior sic voce profari.  
Audite, o cives, quae dicam, & figite vestris 30  
Haec animis. numquam in coetum convenimus una;  
Ex quo abiit pelago proles Laërtia Ulysses:  
Quis nunc excivit subito juvenisve, senexve?  
Quae vis tanta urget trepidum? venientia contra  
Navigia, armorumque metus instare propinquos  
Audiit? ane salus aliud quod publica poscit,  
Nunciat huc primus? numquam fraudatus inani,  
Quisquis hic est, doleat voto; sed Juppiter olli  
Sic merito, quae mente agitat, bonus omnia praestet.  
Dixerat. ac juvenis magni Jovis onine lactus, 40  
Impatensque morae (densos quippe ardet Achivos  
Affari coram) folio confurgit ab alto,  
Et venit in medios. sceptrum dat protinus aureum,  
Qui lateri adstabat praeco Pisenor; & ille  
Longaevum ante alios compellans incipit ore.  
O senior, non ille procul, qui cogere jussit  
Concilium, vir abest. ego sum quem lumine cernis  
Praesentem, me namque unum dolor acrior urget.  
Nec vero audiui, quæ vobis arma reportem  
Ipse prior, nec dicam aliud commune periculum, 50  
Sed mihi quas misero peperit vis aspera curas.  
Scilicet & saevo genitor mihi funere raptus,  
Qui vos heu quondam patrio complexus amore  
Imperio facili rexit dominatus in urbe;  
Addita & est gravior clades, e sedibus imis  
Everfura domos, meaque omnia vasta datura,  
Nempe proci, claro juvenes de sanguine creti,

Solli-

Sollicitant qui tarda meae connubia matris,  
 Invitamque adigunt voto submittere pectus.  
 Dumque iidem Icarii sedes genitoris adire  
 Permetuunt, paret ille suae ut dotalia gnatae  
 Munera, cuique velit, tradens concedat habendam;  
 Exoritur non ulla dies, quin testa frequentes  
 In mea convenient, medioque ululante tumultu  
 Lanigerumque gregem, caprasque, armentaue caedant  
 Magna boum, largisque epulis impune fruuntur,  
 Atque mero jam jamque premit me turpis egestas  
 Omnibus exhaustis opibus; nec fortis, Ulysses  
 Qualis erat, quisquam crudelem avertere pestem,  
 Auxilioque levare domum valet: haud ego contra  
 Sufficio tantum. veniet fors tempus, & arma,  
 Spero equidem, haec etiam non frustra dextera sumet;  
 Nunc & si qua foret vis addita, protinus aequas  
 Exigerem poenas; neque enim est tolerabile damnum,  
 Aut facilis jactura domus, quae barbara tellus,  
 Quae regio hunc morem permittit? surgite in iras:  
 O tandem veriti gentes, quae litora circum  
 Haec habitant, legesque sacras & maxima caeli  
 Numina, ne capiti vestro mala dura rependant.  
 Vos per ego magnumque Jovem, Themidemque ve-  
 rendam,  
 Conciliis hominum semper quae praesidet, oro,  
 Ferte viri auxilium misero. tabescere curis  
 Vel finite infandis unum, si mitis Ulysses  
 Ille meus genitor quondam re laesit Achivos,  
 Aut verbo; poenas cari ob commissa parentis  
 Ipse luam, cives; odiis confurgite in unum  
 Addite & his animos. satius fuit omnia vestris  
 Si pereant manibus: quondam sarcire ruinam

Spes erit, inque vicem pretio direpta pacisci  
 Justitiae ad leges. nunc perditus irrita jacto 90  
 Jurgia, & infixum manet haud medicabile vulnus.  
 Sic ait iratus, sceptrumque abjecit, & ora  
 Implevit lacrimis. flentem miserantur Achivi,  
 Aspectantque omnes taciti, nec dicere quidquam,  
 Aut audent saevire. aliis tunc acrior unus.  
 Antinous demum sic voce silentia rupit:  
 Nequidquam o verbis, animoque elate superbo,  
 Telemache, immeritos curnam haec convicia contra  
 Ingeris, invidiamque paras? non Graja juvenus,  
 At culpanda parens fallaci praedita mente. 100  
 En tribus exactis quartus jam volvitur annus,  
 Ex quo nostra urit vivis praecordia flammis  
 Illa jubens sperare omnes, furtivaque mittens  
 Nuncia: vafra tamen votis contraria nostris  
 Vota fovet, tacito hanc meditata in pectore fraudem.  
 Tenvia subnectens immensae licia telae  
 Institit ordiri, simulata & mente loquuta est.  
 O juvenes, mea cura, proci, jam vir meus ille  
 Quandoquidem periit, spatii ad connubia tantum  
 Certa peto, donec valeam pertexere vestem, 110  
 Quam propero (pereant ne-fila incoepta) supremum  
 Laërtae in funus. turpe est, quum tristia fata  
 Ipsius urgebunt aeterna lumina nocte,  
 Si qua mihi e populo mulier convicia dicat,  
 Objiciatque nefas, vivus qui divite gaza  
 Floruit, hunc terra nudum ac sine honore jacere.  
 Sic illa: ignaris facile res credita nobis.  
 Interea arguto percurrrens pectine telam  
 Luce operi instabat; sera mox nocte diurnum  
 Dissolvebat opus, tresque ipsos vafra per annos 120  
 Distu-

Distulit in longum speratae gaudia taedae.  
Verum ubi jam quartus venit labentibus horis.  
Annus, & ignaros mulier bene conscia fraudis  
Edocuit, nos & demum deprendimus ipsi  
Texta retexentem; jussa est invita laborem  
Perficere, atque alias animum convertere ad artes.  
Haec igitur responsa tibi sint nostra; nec ipsum  
Te lateant, reliquos lateant nec certa Pelasgos.  
Illicet hinc matrem dimitte, ollique jubeto  
Nubere, quem genitor quemque ipsa elegerit ultro 130  
Ante alios carum. quod si jactarier aestu  
Nos volet, ingrataque diu spe ludet amantes  
Exercens, quascumque dedit Tritonia laudes,  
Insignesque manus, & diae munera mentis,  
Astumque, illecebrasque, habuit quot nulla priorum  
Tyrove, Alcменеve, comamve exulta Mycene,  
Quarum nulla potis certare insignibus orlis  
Ipsius est, non illa tuis fovet utile rebus  
Consilium. namque heic tua quaeque absumere cer-  
tum est,  
Hos fallax animos donec servabit, & artes 140  
Haud certe sine mente datas, sine numine divum.  
Illa quidem nomenque sibi, famamque parabit  
Ingentem; sed damna tibi, clademque bonorum  
Dura struit. nos quippe hinc nulla avertere cura,  
Aut quoquam fessos poterit revocare, priusquam  
Visa legat numero ex omni, cui denique nubat.  
Dixerat Antinous; cui rursus natus Ulysse  
Subjicit. invitam non fas expellere testis,  
Quae genuit, quae me nutrit lacte, parentem,  
Sive usquam genitor vivit nunc sospes, & aura 150  
Vescitur aetheria, seu funere merfus acerbo est.  
Durum

Durum etiam est certe dotalem reddere gazam  
 Icario: reddenda autem nunc protinus omnis,  
 Ingrata si vi matrem discedere cogam.  
 Quid si etiam redeat genitor? poenam exiger ultro  
 Iratus, graviorque super premet ira deorum,  
 Mater ubi ultrices me contra voce movebit  
 Eumenidum furias, odiisque agitabit iniquis  
 Per populos late invisum sic turpiter acta  
 Sedibus e nostris. quare hanc spem ponite; numquam 160  
 Tale meo, quidquid fuerit, scelus excidet ore.  
 Si vos longa movet maternae injuria fraudis,  
 Idque audire piget, nostras jam linquite sedes,  
 Atque alias alterni epulas & gaudia vobis.  
 Instruite, inque vicem socios celebrate penates.  
 Sin haec, ceu melior, sedit sententia menti  
 Unius impune heu miseri res perdere raptu;  
 Perдите certantes, jam nil moror. ipse ciebo  
 Justitiam divum supplex, si Juppiter acquus  
 Audiatur, ac veniam precibus det victus, ut omnes 170  
 Haec eadem vos testa intra pereatis inulti.  
 Talia dicebat; geminasque e vertice montis  
 Juppiter ecce aquilas subito descendere jussit;  
 Quae pariter motis carpentes aëra pennis  
 Cum zephyro per inane pares junctaeque volabant.  
 Ast ubi confessu medio venere citatae,  
 Insonuere super trepidae plaudentibus alis,  
 Signantesque viros oculis, clademque minantes  
 In gyrum capita atra obversae. hinc unguibus ora,  
 Collaque foedantes, ac multo sanguine sparfae, 180  
 Ad dextram fugere super testa alta domorum  
 Nubiferas caeli sublapsae rursus in auras.  
 Extemplo turbati animi, ut videre volucres,

Diri-

Diriguere metu, suspensique ora tenebant  
 Incerti, quid monstra ferant, quid numina poscant?  
 Hos interfatus senior tum voce Halitherfes  
 Mastorides, quo non alius praestantior inter  
 Aequaeuos fuerat divum portendere fata,  
 Et volucrum pennas, & tristia noscere signa.  
 Ille sibi cupiens, sociisque avertere luctum: 190  
 Eja agite o cives, inquit, quaecumque profabor,  
 Accipite: in primis animos advertite dictis,  
 Vecors turba, proci; vobis nam volvitur ingens  
 Exitium, caelumque graves denunciat iras.  
 Haud aberit longum dulci Laërtius heros  
 A patria: jam jam laetus redit, & sua victor  
 Tecta adiens, caedem parat hostibus ultor, & orco  
 Destinat invisam pubem. nec sanguine soli  
 Saeva luent commissa proci: fors horrida multos  
 Excipiet, claris Ithacae qui degimus oris. 200  
 Ante igitur quam triste malum super ingruat, omnes  
 Consulite in medium. juvenum compescite fastum  
 Actutum, aut ipsi ponant ultro aspera corda,  
 Dum licet: hoc satius multo reor omnibus esse.  
 Namque ego certa loquor non fallax augur, & olli  
 Omnia jam perfecta cano, quaecumque monebam  
 Vaticinans, olim peterent quum pergama Graji,  
 Scanderet atque una classem fortissimus heros.  
 Ignotumque, inopemque, & late plurima passum  
 Omnibus amissis ratibus, sociisque carentem, 210  
 Sol postquam egisset bisdenos aureus orbes,  
 Venturum in patriam dixi: nunc terminus instat.  
 Finierat senior; Polybo genitore creatus  
 Quum subito Eurymachus contra sic turbidus infit.  
 I senior, natifque tuis cane talia demens

Exci-

Excidia, ac feras fatorum averte ruinas.  
 Ipse etiam melius, quam tu, nosco omina pennae  
 Praepetis: innumerae volitant per inane volucres  
 Aethereis late in campis sub luce, nec omnes  
 Fata deum vel lacta viris, vel tristia portant. 220  
 Occubuit, ne finge metus, Laërtia proles  
 Hinc procul; atque eadem simul o! te Parca tulisset  
 Exanimem, haud caneres tam multa infanda loquutus  
 Telemachi falsis acuens ardentia diâis  
 Pectora, si qua tibi deceptus munera pendat.  
 Verum ego nunc monco, monitus res ipsa sequetur  
 Postmodo: si longo vitae tu doctus ab usu  
 Incautum juvenem diâis incendere perges;  
 Hoc erit exitio primum, cui consulis auctor  
 Irrita moliri frustra, his obstantibus: ipse 230  
 Deinde tibi arcesses multam, quae inflicta dolore  
 Excruciet longo moestumque & multa gementem.  
 Quod superest, satiusque reor, genitoris ad alta  
 Tecta suam jubeat subito discedere matrem  
 Telemachus: gnatae connubia digna parentes,  
 Ingentemque struant, dotalia munera, gazam,  
 Ut merita est. neque enim pubes cessabit achiva,  
 Credo equidem, hoc aliter fessa a certamine longo.  
 An vis ulla vetet? non ullius arma timemus,  
 Curamusque iras; non ipsum magna sonantem 240  
 Respicimus juvenem, nec quae canis omina frustra  
 Tu senior, coetu invisus magis unus in omni.  
 Interea assiduo lacta inter gaudia luxu  
 Absumentur opes, donec sic ludet amantes  
 Cunctando regina. eadem est cura omnibus, idem  
 Omnes ardor habet tantae virtutis honorem  
 Quacrerere: sola vetat nos haec abistere coepto,

Aut



Aut alias thalamo legere atque optare puellas.  
Dixerat Eurymachus. sed non deterritus, illi  
Telemachus sic voce refert. jam certa voluntas 250  
Nostra tibi sociisque tuis: quid nunc precer ultra,  
Quidve iterem toties, quae di supera alta tenentes,  
Quaeque omnes norunt Danaï? sit munere vestro  
Fas mihi nunc saltem bisdeno remige pinum  
Instruere, atque alti tentare pericula ponti.  
Ire Pylon, Spartamque juvat genitoris amati  
Nuncia scitatum, si quos vox didita vulgi,  
Vel moneant casus famae praeconia magno  
Ab Jove missa, hominum late clarantia nomen.  
Si qua mihi tulerit vox saluum tendere sedes 260  
Ad proprias; quamquam fessus, tamen omnia ad annum  
Dura feram. sin vero extinctum & lumine cassum  
Audiero; inferias supremaque munera solvam,  
Attollamque redux magna ingens mole sepulcrum  
Sic merito, matremque sequi connubia faxo.  
Haec fatus juvenis, folio confedit in alto  
Multa putans. tum Mentor ibi consurgere visus  
Mentor magnanimo quondam dilectus Ulyssi,  
Quem patria excedens rebus praefecerat heros  
Omnibus, atque uni longaeuum actate parentem 270  
Servandum, curamque domus mandarat habendam.  
Is tum se attollens ita voce affatur Achivos.  
Huc vestros adhibete animos, & dicta loquentis  
Audite, o cives. quis mitem, ac mollia regem  
Pectora gestantem posthac, sanctamque colentem  
Justitiam speret? quis non immania facta  
Volventem, ac saevos agitantem corde furores  
Permetuat, quando patriis virtutibus olim  
Regnantis, placidaque urbem ditione regentis

D

Nulla

Nulla subit Laërtiadae vos cura, nec ulla 280  
Gratia promeritum sequitur? mitto horrida pubis  
Et scelera, & diras aliena in sede rapinas.  
Illa caput leto objectans populare penates  
Institat, atque Ithaci vi dura evertere census,  
Scilicet haud iterum venturum in tecta, sed usque  
Abfore sic sperans. non publi irascor acerbæ,  
At vobis, cives o semper inertia corda,  
Vobis nunc irascor ego. proh Jupiter! omnes  
Ut taciti sine voce sedent; nec jurgia plures,  
Nec juvenum vanos audent compefcere fastus. 290  
Haec ubi dicta; Euenorides Liocritus olli  
Contra voce refert. nimium ad convicia Mentor  
O facilis praeceptisque ruis. quo sic malus ardor  
Mentis agit, quæ tanta animo fiducia surgit,  
Quidve procum tentas faevis ardentia dictis  
Pectora nequidquam cohibere? insurgere durum est,  
Quamquam multa virum densentur millia contra,  
Adversam in pubem, dapibus quam semper opimis  
Mensa aliena fover. non si ipse huc acer Ulysses  
Adveniat, domibusque procos expellere tenter, 300  
Efficiat quidquam conando; quin & sua fletet  
Moesta viri reditu cari post tempore longo  
Penelope. namque his congressus fata subiret  
Continuo domitus. proin hanc e pectore curam  
Abjice, nec vanis demens adsurge querelis.  
Jam missi repetant sua quisque negotia cives:  
Huic autem patrii comites, heros Halitherfes,  
Ipse & Mentor, iter, poscit quocumque, per undas  
Expediant. sed longa sedens heic tempora credo  
Ille trahet, vocesque & inania murmura captans 310  
Nec patriam linquet, nec carbasa tendet in altum.  
Talia

Talia ubi dixit, misso discedere Grajos  
 Admonuit coetu. subito in diversa profecti  
 Testa petunt sua quisque viri; consuetaque regis  
 Alta proci referunt celeres ad limina gressus.  
 Telëmachus vero secreta ad litora cessit,  
 Ablutusque manus pelagi spumantibus undis  
 Constitit, ac tali supplex est voce Minervam  
 Protinus affatus. facilis tu numine sancto,  
 Hesterna es quae luce meos dignata penates 320  
 Visere, & impulsis agitantem caerulea remis  
 Tendere jussisti scitatum fata parentis,  
 Tu me diva audi. prohibent tua maxima Achivi  
 Jussa sequi, semperque animis elata superbis  
 Ante alios me turba procum desistere cogit.  
 Sic ille. oranti coram stetit obvia Pallas  
 Mentoris os habitumque gerens, ac demere tristes  
 His coepit dictis turbato e pectore curas.  
 Nec tibi vis animi deerit, nec vivida bello  
 Dextera, si patrio quondam cum sanguine virtus 330  
 Illa tibi patria est divum data munere, quae nil  
 Non poterat, seu facta virum, seu dicta vocarent.  
 Haud vanum tibi cedit iter, nec vota fovebis  
 Irrita. ni vero genitor te clarus Ulysses  
 Penelopì junctus, vitae fudisset in auras,  
 Non spes ulla foret, tantis te emergere posse  
 Fluctibus, ac duros fortunae vincere casus.  
 Rara etenim soboles aequat virtute parentes,  
 Plurima deterior: pauci, quos aequus amavit  
 Juppiter, ingentes animos generosaque vincunt 340  
 Facta patrum. tu fide tamen: quum pectoris acre  
 Consilium, magnique tibi vis cessit Ulyssèi,  
 Omnia perficies, neque te spes fallat inanem.

Quare age, dementesque orsus & vota procorum  
 Mitte insana; nihil recti novere, nec atrum  
 Vesani letum, nec fata instantia cernunt,  
 Quae fert Parca die morituris omnibus uno.  
 Haec vero tibi certa via est: absiste vereri;  
 Quamprimum voto laetus potiere. paternus  
 Hospes ego actutum, quae vis, tibi pinea texta 350  
 Sufficiam, pelagoque simul comitabor euntem.  
 Ergo petens recta alta procos tu affare superbos,  
 Et quae poscit iter, simul instrue dulcia condens  
 Vina cadis, florem & cereris mortalibus aptum  
 Utribus in validis. ego contra sponte sequentes  
 E populo adhibeo socios, & navibus unam  
 E variis, quae nostra jacent per litora multae  
 Antiquae pariterque novae, visa optima ponto  
 Quae fuerit, canum deducam laetus in aequor.  
 Sic juvenem Jove nata monet; nec jam ipse moratur 360  
 Jussa deae, sed testâ perit, cernitque sub ipsis  
 Porticibus de more procos in limine capras  
 Setigerosque suos mactantes. obviâ olli  
 Fit subito Antinous ridens, dextraque prehensum  
 Blandus adit, distisq; simul permulcet amicis.  
 O nimis impatiens animi, nunc tristia corde  
 Abjice Telemache, & paullum compeſce dolorem,  
 Utque prius dapibusque una vinoque fruire.  
 Namque tibi cives navim sociosque parabunt  
 Delectos, qui te Pylias comitentur ad oras, 370  
 Quaerentem cari sortem casusque parentis.  
 Vix ea subridens dederat, quum natus Ulyſſe:  
 Haud mihi vos inter fas est versarier, inquit,  
 Antinoe, invirus mensa nec laetor opima.  
 An non illa satis, quae jam rapuistis acerbi

Multa

Multa mihi, parvus fueram dum scilicet infans?  
 Quid morer? an viridi factus nunc grandior aevo,  
 Dum mens certa viget, dumque ira in pectore gliscit,  
 Nequaquam experiar, Pyliam seu vectus ad urbem,  
 Sive hoc in populo, vobis ut fata parentur? 380  
 Ibo equidem, nec erit certe via vana profecto,  
 Quamquam aliena ratis pelagi me turgida ducet  
 Per freta, vos quoniam sic me voluistis egentem.  
 Dixit, & Antinoi dextra se subtrahit ultro.  
 Elapsus facili motu. non fecius illi  
 Et properare dapes, juvenique illudere certant.  
 Atque aliquis fisto ridens sic ore profatur:  
 Heu mala Telemachus molitur funera nobis  
 Omnibus! aut ultor socios a Nestoris urbe,  
 Aut etiam e Sparta ducet: nimis ardet abire. 390  
 Fors Ephyræ longe tendens in regna feracis  
 Ibit atrox, referetque illinc letale venenum,  
 Poculaque inficiens caedem struet omnibus unam.  
 Quin potius freta lata sequens (hinc excipit alter  
 Saevior) ipse etiam mediis in fluctibus atrum  
 Inveniet letum, genitor quo raptus ad orcum est.  
 Haec via sola, queat nobis qua forte nocere,  
 Et curas augere, inter nos omnia laeti  
 Dum bona dividimus, desertaque tecta parenti  
 Linquimus, aut illi, cui tandem nubet, habenda. 400  
 Haec ipsi. ille autem tecti penetrabile repostum  
 Ingreditur, quo magna aurique aerisque jacebant  
 Pondera, & intactae vestes, & odoriferi vis  
 Multa olei. stabant antiquo & dolia baccho  
 Plena, diis qualem pateris libamus & auro,  
 Quacque suis innixa locis, si quando rediret  
 In patriam passus multum Laërtius heros.

Haec

Haec claustra & bifores inter se vestibus aptae  
Omnia claudebant valvae, noctesque diesque  
Intus fida sedens servabat grandior annis 410  
Euryclea Opis Pisenoridae inclita proles.  
Cui tunc adcitae in thalamum sic fatur Ulyssæi  
Progenies. agedum nutrix dulcissima promens  
Hauri vina, cadis quae servas condita plenis  
Opperiens miserum genitorem, has victor ad oras  
Si redeat, mortem fatumque elapsus acerbum.  
Bissenas implere sit urnas cura, supraque  
Claude vigil; dein & consutos infer in utres  
Insectae cereris florem, bisdenaque factae  
Pondera: sola scias moneo, sintque omnia praesto. 420  
Namque ego sub noctem rediens, quum mater in altis  
Conscendet sedes placidam admissura quietem,  
Accipiam, mecumque feram cessurus ad urbem  
Nestoream, Spartamque; mei si qua aura parentis  
Fortunamque vicesque optanti audita reportet.  
Dixerat: atque olli gemitus de pectore rumpens,  
Et graviter moerens ita nutrix voce reponit:  
O tibi, gnate, animo quaenam haec sententia sedit,  
Pergere quove paras loca per distantia vastae  
Telluris solus? periit jam fortis Ulysses 430  
Heu miser, ignotaque jacet projectus arena.  
Insidiisne proci parcent, ac fraudibus ullis,  
Tu quoque ut errando pereas, tuaque omnia raptent?  
Heic maneat, dilecte, precor. quid ferre labores  
Hos juvat, ac tumidi tentare pericula ponti?  
Cui juvenis sic oranti: fide optima, dixit,  
Non animus, non haec divum sine numine mens est.  
Quin age, dicturam carae nil esse parenti,  
Ante undena aderit quam lux duodenave, jura

Cacli-

Caelicolas testata, gravi ne percita luctu 440  
 Ipsa sui pulcros corrumpat corporis artus.  
 Quod si eadem sciat ante, atque omne audire juvabit  
 Consilium nati, promissi libera narra.  
 Haec ait: & nutrix juravit magna deorum  
 Numina. pollicitis tum demum rite peractis,  
 Dulcia vina urnis infundit, iussaue stipat  
 Utribus in validis cereris canentia dona,  
 Dum juvenis sinuosa procos adit atria circum.  
 At Pallas molita novas in pectore curas  
 Telemacho assimilis partes late urbis oberrat, 450  
 Compellansque viros, ubi cuique occurrit, ad altam  
 Vespere sub sero puppim contendere mandat.  
 Nec minus a gnato Phronii Tritonia navim  
 Velivolam poscit, poscentique adnuit ille.  
 Inde ubi sol prono declinans cesserat axe,  
 Arvaeque inhorruerant umbris, immittere ponto  
 Maturatque ratem, immittacque imponere cuncta  
 Arma jubet, portuque instructam condit in imo.  
 Circum etiam affusi comites, ut quemque vocavit  
 Diva, ruunt. quos illa, parans in pectore fraudem, 460  
 Deserit, ac properans testâ in Laërtia tendit.  
 Heic dulcem subito juvenum per membra soporem  
 Irrigat insidians large potantibus. & jam  
 Poculaque excussa e manibus, sopitaque corda  
 Ocyus hac illac stratum petiere, neque ullus  
 Stare diu potuit, postquam sopor incidit aegris.  
 Tum dea Telemachum tecti e penetralibus ultro  
 Evocat ipsa gerens & vocem & Mentoris ora,  
 Ac subito: resident per litora curva parati  
 Jam focii, delecta manus; reque omnis in uno 470  
 Fit mora, dum venias: agedum properemus abire.  
 Tantum

Tantum effata, gradu praeceffit diva citato:  
Ille deae gradiens retro vestigia servat.  
Atque ubi devenere ad glauci marmoris undas,  
Conspiciunt sicco densos in litore Achivos,  
Hosque ita Telemachus compellat. adeste sodales,  
Auxiliumque viae mecum deferte lyaeum  
Sedibus e nostris cereremque. haud conscia mater,  
Haud famulae; nutrix in partem sola vocata est.  
Sic fatus dux ipse praecit, sociique sequuntur. 480  
Nec mora fit: referunt quae sunt datacumque, locantque  
Deposita, ut jussi, tabulata sub ardua navis.  
Jamque adeo scandit juvenis, divamque sequutus,  
Ipsa ubi se posuit, puppi sublimis in alta  
Ad latus assedit. tortos laxare rudentes  
Lecta manus pariterque instat confidere transtris,  
Ac zephyros ciet ipsa Jovis Tritonia proles  
Spumeca crispantes roseis freta molliter alis.  
Tum vero hortatus comites capere imperat arma  
Telemachus: parent jussi, mediaque carina 490  
Intus hiat qua parte locus, celsa abjete malum  
Constituunt, actisque utrinque rudentibus aptant,  
Lineaque intendunt contortis carbasa loris.  
In medios venit aura sinus: volat incita puppis,  
Moliturque viam pelago, circumque ruentem  
Purpurea hinc atque hinc divisa immurmurat unda.  
Continuo remis circum latera alta revinctis  
Plena mero lacti statuunt carchesia nautae,  
Omnibus & libant superis in vota vocatis,  
Praecipue tibi, gnata Jovis. sic nocte per umbras 500  
Usque sub auroram zephyris felicibus ibant.



# HOMERI ODYSSEAE

## LIBER TERTIUS.

**A**T simul ardentem argentea stagna relinquens  
 Exseruit caelo radios sol almus, & omnes  
 Caelicolas hominesque afflavit luce reducta  
 Per terras late; volucris ratis incita cursu  
 In Pylon advenit, mavortia moenia Nelei.  
 Ante urbem cives resonanti in litoris ora  
 Sollemnes tum forte dapes, atque annua sacra  
 Libabant caesis Neptuno rite juvencis.  
 Ter terni coctus aderant, stratique per herbam  
 Quingenti in quovis comites, & corpora coetum 10  
 Magna bouum famuli ter terna in quemque ferebant.  
 Ac dum tosta ipsi consumunt viscera, & igni  
 Dant femora, incenduntque deo; turgentia vela  
 Contrahit, ac portu navim subducit in imo  
 Lecta Ithacae pubes, pronoque in litora saltu  
 Emicat. egreditur pariter Tritonia Pallas,  
 Hortaturque sequi juvenem, sic deinde loquuta.  
 Telemache o mea cura, pudor procul omnis abesto  
 Jam pelagi emenso stagna alta, ut fata parentis  
 Quae sunt cumque tui, noscas; quae degit in oris, 20  
 Quae sequitur fortuna. ergo jam Nestora magnum  
 Certus adi; tentaue, ullos num promere casus,  
 Consiliumque velit prudens. edisserat ultro  
 Vera, mone; nec falsa tamen (prudencia regis  
 Tanta animo) frustra mendaci pectore finget.  
 At juvenis: tu sterne viam, tu praecipe ritus  
 Compellandi, inquit, primos: harum inscia rerum

Corda gero, teneroque vigens in flore juventae  
 Heu vereor tali coram succedere rege.  
 Cui dea: fide, inquit, primum mens ipsa docebit, 30  
 Quid sit opus facto; praesenti numine divi  
 Deinde dabunt: neque enim credo te in luminis oras  
 Adversis genitum fatis, sine mente deorum.  
 Dixit, & anterulit celeri vestigia gressu  
 Diva prior, juvenisque ducem non segnem euntem  
 Subsequitur, Pyliosque adeunt per gramina stratos.  
 Haec natos inter viridi compostus in herba  
 Nestor erat: circum sacris operata juvenus  
 Extrema igni properat, verubusque trementia figit.  
 Qui simul ut videre viros, conjungere dexteras 40  
 Hospitibus progressi ardent per litus, & inter  
 Amplexus orant sociis accumbere mensis.  
 Primus ibi antevolans Pisistratus excipit ambos  
 Nestorides, captosque manu considere stratis  
 Pellibus invitat resonare prope caerulea ponti.  
 Jamque ultro dans extrema viris fumantia, & auro  
 E solido cratera implens sic voce Minervam  
 Affatur: supplex Neptuni numen adora  
 Hospes, ait, cujus placidi sollemnia adestis  
 Ad sacra. postquam autem libaveris ipse precatus 50  
 Ore deos, comiti pariter cratera rigentem  
 Tende manu, post te superis ut libet honorem.  
 Auxilio divum nemo non indigus: ille  
 Sed quoniam nostro propior pubescit in aeo,  
 Hunc tibi florentem primo cratera corono.  
 Dixerat, inque manus spumantem munere bacchi  
 Dat subito. capit illa datum, praclataque gaudet  
 Munere, & hac regem Neptunum voce precatur.  
 Audi me, Neptune pater, concedere vota  
 Nec pigeat, supplex quaecumque e pectore fundam. 60  
 Nesto-

Nestoris o! primum, gnatorum & Nestoris ingens  
 Gloria stet: semper Pyliis dein omnibus adfis  
 Sanguine honoratus sacro caesisque juvenis.  
 Da quoque, uti, gesta bene re, quam propter adivit  
 Hæc loca Telemachus, patriæ tecta alta revisat.  
 Sic diva, & nutu fecit rata dicta potenti  
 Omnia. tum comiti craterem tradit, & ille  
 Vota eadem peragit Neptuno, atque impiger haurit  
 Libati florem laticis. simul excita pubes  
 Pars adolet flammis versans, pars viscera tosta 70  
 Detrahit, in partesque secans convivia ducit.  
 Inde ubi pulsa fames, compressaque cura bibendi,  
 Alloquitur Nestor tacitos, ac talia fatur.  
 Nunc equidem fatius duco, postquam ardor edendi  
 Cessit, ab hospitibus veniendi discere causas,  
 Et quaecumque libet. quinam ergo dicite, & unde  
 Per freta salsa viri nostras venistis ad oras?  
 Ullane vis cogit? praedonum an more per altum  
 Ire juvat, vitamque feris exponere ventis  
 Exitium late dirum clademque ferentes? 80  
 Hæc senior. fidens animi cui talia reddit  
 Telemachus; fidentem etenim Tritonia virgo  
 Fecerat, optati quaerentem ut fata parentis  
 Inclita apud tardos sequeretur fama nepotes.  
 O Neleïade decus ingens Nestor Achivum,  
 Poscenti sumus unde, ultro tibi vera fatebor.  
 Sylvoſa ex Ithaca vestras adnavimus oras;  
 Res privata viae causa est, non publica: patrem  
 Quaerimus, auditum referat fors sicubi fama,  
 Magnanimum Laërtiaden, quem Pergama tecum 90  
 Evertisse ferunt pugnantem, atque Ilion altam.  
 Jam Danaum, quotquot fuerunt ad moenia Trojæ,

Occubuit quo quisque loco, quo funere, nobis  
 Fama tulit. mortem voluit tantum illius unam  
 Juppiter ignotam, nec dicere sustinet ullus,  
 Quis cecidit terris; inimicum an sanguine litus  
 Imbuit, an fluctus inter submersus ab aestu?  
 Ergo ad te supplex venio, genibusque volutus  
 Te precor o! si forte velis mihi fata referre  
 Exstincti leto tibi visa, aut auribus hausta 100  
 Alterius sermone. illum nempe edidit unum  
 Ante alios homines miserum quondam optima mater,  
 Invisumque diis: quare non ulla profari  
 Cura mei, quaecumque tuo sub pectore servas,  
 Impediat. quin cuncta refer, si fortis Ulysses  
 Ille meus quondam genitor tibi tempore in ullo  
 Profuit iliadis, ubi passi plurima, campis:  
 Illa ego te per dura precor, vera omnia redde.  
 Talibus oranti Nestor Gerenius infit. 110  
 Dicam equidem tibi vera, hospes, me per mala quando  
 Adjuras, Phrygio quae quondam in litore Graji  
 Pertulimus, latas errando aut classe per undas  
 Ad praedam, saevus quo nos ducebat Achilles;  
 Aut etiam Priami bellando ad moenia; ubi atro  
 Funere tot pubis nequidquam extincta Pelasgae  
 Lumina sunt, primi heroes. mavortius illic  
 Ajax, Pelidesque jacent, aequandus & ipsis  
 Dis Patroclus; natus jacet illic insuper una  
 Antilochus, mea cura, & cursu fortis & hasta.  
 Sed quid ego haec autem memoro mala dira? quis illa 120  
 Enumeret seclis mortalibus omnia fando?  
 Non si vel quinos exactis mensibus annos,  
 Vel senos perstans Grajum scitabere cladem,  
 Scilicet audires omnem. longissima rerum

Sup-

Suppeteret series, tuque ante revifere malles  
Defeffus longo patrios post tempore fines.  
Namque novem durando annos obsedimus urbem  
Omnia tentantes; vix finem Juppiter aequus  
Adnuit. haud illic animi follertia cuiquam  
Par fuerat: vafer arte omnes vincebat Ulyffes, 130  
Omnimodisque dolis genitor tuus, ortus ab illo  
Si tamen es, ceu verba notans, vocemque loquentis  
Admirans video; tuque ipfe fatebere, nullam  
Facundae fimilem magis olli munere linguae.  
Non umquam nobis animi fententia difcors,  
Seu populi in coetus irent, feu fida Pelafgi  
Optarent refponfa. eadem prudentia, & una  
Mens ambobus erat femper, felicibus ufa  
Confiliis argiva phalanx ut vinceret hoftes.  
At Priami poftquam populatam incendimus urbem, 140  
Ingreffique rates Phrygia arva reliquimus, acer  
Juppiter Argivis ftatuens in pectore triftem  
Ad patrias reditum fedes, diverfa profectos  
Per freta fparfit agens; neque enim legesque colebant  
Iuftitiamque omnes. quin & pars acta nefandis  
Suppliciis memorem fenfit Tritonidos iram,  
Quae geminos inter mifit certamen Atridas.  
Concilium in magnum hi fruftra late undique Grajis  
Sub noctem haud rite adcitis ( venere gravati  
Namque epulis omnes atque icli corda Iyaeo ) 150  
Farier aggreffi, populos quae cauffa vocandi.  
Atque ibi tunc properare fugam Menelaus Achivos,  
Et ventis dare vela jubet, pelagoque redire:  
Major at Atrides prohibet, populumque morari  
Imperat, ac magnos aris indicit honores  
Palladis iratae fperans placare furorem.

De-

Demens: qui vano nescibat pectore, divum  
Nec subito, verti mentes, nec flectier iras.  
Sic dum illi alternis inter se vocibus acres  
Contendunt, magno circum clamore Pelasgi 160  
Surrexere animis studia in contraria versi.  
Ergo illam somno fessos laxavimus artus  
Per noctem variis turbati pectora curis;  
Quippe Jovis gravis ira super crudele ferebat  
Non dubiis damnum signis. jam reddita caelo  
Lux fuerat, pelago puppes deduximus altas,  
Impositisque opibus conscendere iussimus agmen  
Femineum. sic pars divisa Agamemnona magnum  
Restitit observans; pars autem cetera abimus  
Caecula verrentes Nerei; nec tarda per undas 170  
Classis iter carpebat, ubi deus aquora stravit.  
Appulimus Tenedum, & sacra instauramus ad aras,  
Quamprimum optantes patrias contingere terras,  
Desertosque lares; sed nondum Juppiter alto  
Adnuerat caelo reditum discordibus urgens  
Pectora consiliis. nam quos ducebat Ulysses,  
Navibus aucti relegunt iter omne, futurum  
Scilicet id magno sperantes munus Atridae.  
Ast ego cum ratibus, quae sunt mea signa sequutae,  
Fugi fata deum metuens, & martius una 180  
Tydides mecum fugit socia agmina ducens.  
Tardior ipse etiam properans Menelaus eodem  
Venit, & in Lesbo dubios deprendit, an altum  
Praestet classe Chium supra contendere cursum  
Undisonam ad Psyriam, quae laeva in parte jacebat;  
Anno Chium subter, ventosa ad saxa Mimantis?  
Signa quoque a divis placuit deposcere: at illi  
Auspicio certos medium iussere per aequor

Ten-

Tendere in Euboeam, brevior qua meta laborum.  
 Aspirant aerae in puppim; secat acta carina.  
 Piscosos propere tractus, seraque Gerestum  
 Nocte subit, nos multa deo, quæ præsidet undis  
 Emeni maria alta, boum succendimus exta.  
 Quarta adeo roseo fulgebat candida caelo  
 Orta dies, salvasque rates deduxit in Argos  
 Tydidæ pubes mavortia. litus & ipse  
 Optatum tetigi Nelea ad moenia, cursum  
 Classe tenens placidis in fluctibus; aura nec umquam  
 Desiit, ut primum venit data munere divum.  
 Haec reditus mea fors; potui nec scire Pelasgum  
 Qui rapido servari aestu, quive aquore mersi,  
 Illa tamen, quaecumque audiui sede receptus  
 In patria, referam, nec tu celabere, ut acquum,  
 Quæ fas scire, ergo salvos rediisse secundo  
 Myrmidonas cursu perhibent, quos fortibus hastis  
 Inignes magni natus ducebat Achillei.  
 Progeniem Paecantis item feliciter isse  
 Fama Philoctetem; Cretamque reduxit ovantes  
 Idomeneus socios, martis quibus ira pepercit,  
 Servavitque omnes pelago. jam nostis & ipsi,  
 Credo equidem, quamquam colitis distantia regna,  
 Major ut Atrides rediit, subiitque nefandum  
 Exitium Aegisthi sublatus fraude: sed ipse  
 Mox graviter commissa luit, poenamque rependit.  
 Scilicet & caelo gnatum superesse parenti  
 Usque juvat: patriae necis ultor venit, & hostem  
 Aggressus poenas scelerato e sanguine sumpsit.  
 Tu quoque care puer non olli corpore dispar  
 Egregio, macte esto animis: te postera narrent  
 Secla virum, laudesque tuas ad sidera tollant.

Finierat. contra breviter cui natus Ulyſſe:  
 O Decus eximinum Nelide Neſtor Achivum,  
 Ille nefas ultus dirum eſt, tantisque Pelasgi  
 Pro meritis referent memores præconia laudum,  
 Quis ingens decus uſque viri nomenque manebunt.  
 O mihi ſi pariter tantas dent numina vires,  
 Quis & ego ulciſci valeam violenta procorum  
 Flagitia, & diros auſus! ſed tale pararunt  
 Non mihi di munus, nec tam felicia patri  
 Fata meo: proin dura licet ſint, ſerre neceſſe. 230  
 Cui Neſtor: quando es, dixit, nunc talia fatuſ.  
 Nec me, ambire tuæ multos connubia matris,  
 Præterit, atque domi te invito ſerpere cladem  
 Horrendam. ſed fare, fugam num ſponte capeſſis,  
 Anne odia expertuſ, jaſtante oracula vulgo?  
 Fors etiam, ſi quid veri menſ augurat, olim  
 Adveniet tantos hominum qui comprimat auſuſ,  
 Sive ſuat ſoluſ, ſive una Graja juventuſ  
 Conjurata ſceluſ juſtiſ ulciſcier armiſ.  
 Quod te ſi præſenſ carum tam Pallaſ haberet, 240  
 Quam Laërtiaden habuit ſub moenibuſ olim  
 Dardaniis, ubi multa ſummuſ fata aſpera paſſi;  
 ( Namque ego non ulli manifeſto numine adeſſe  
 Cælicolaſ vidi, ſemper Tritonia ut olli  
 Adfuit: ) illa adeo: ſi carum te quoque haberet,  
 Credo equidem inviſoſ nequidquam oblita hymenæoſ  
 Iſta omniſ juvenum turba inſidioſa doleret.  
 Dixerat. ille imo ducenſ ſuſpiria corde:  
 Numquam ego, quæ jaſtaſ tam lacta hæc, adfore ſperem,  
 O ſenior: ſpondeſ nam magna, auditaque tantum 250  
 Attoniti mira replent dulcedine pectuſ.  
 Sed non, et favcant ſi di, contingere credam

Poſ-



Posse mihi tam læta: haud rerum hic volvitur ordo.  
Sic ille. exceptit Pallas sic deinde loquuta:  
Quod tantum, fate Ulysse, tibi scelus excidit ore?  
Dis facile est servare virum, longinquus & absit  
Ille licet, solisque errans procul exsul in oris,  
Si tantum voluere. domum ipse revisere serus,  
Multaque perpeffus malim, quam sede receptus 260  
Concidere in patria, ceu magnum Agamemnona dicunt  
Incautum cecidisse nefando conjugis actu,  
Aegisthique dolis. di tantum avertere funus  
Triste viri nequeunt, quando jam tempora mortis  
Lex certa attulerit, Parcarum & jusserit hora.  
Hæc dea. Telemachus sed non his lætior infit:  
Mittere tempus, ait, jamque isthæc Mentor, & ægro  
Projicere has animo curas: haud amplius olli  
Stat reditus. misero mortem supera alta tenentes  
Caelicolæ irati supræmaque fata pararunt. 270  
Nunc alia exquiram potius, scitabor & ipsum  
Nestora, quo nullus novit prudentior alter  
Justitiam: regnans etenim tria sæcula vidit.  
Ergo age Nelide Nestor dic vera roganti:  
Ille Mycenæus magnorum ductor Achivum  
Quo periit leto domitus, queis frater in oris  
Tunc Menelaus erat, quave ipsum perfidus arte  
Perdidit Aegisthus non par congressus ad arma?  
Martius an patrium nondum Menelaus in Argos  
Venerat, ignotis etiam tum finibus errans; 280  
Ille autem, furto gaudens, hunc funere merfit?  
Talia quaerebat: domitor quum Nestor equorum:  
Hæc tibi vera quidem referam, puer, inquit, & omnem  
Expediam seriem, quam tu quoque volvere tecum  
Nec dubio indicio, tacita nec mente videris.

F

Nam

Nam vivum phrygiis rediens Menelaus ab oris  
 Si foret Aegisthum nactus, non pulvere quisquam  
 Aggesto extincti corpus texisset humandum,  
 Sed canibus data praeda feris lanianda per agros  
 Alitibusque, procul caris jacuisset ab Argis; 290  
 Nullaque Acheiadum plorasset funera: tantum  
 Sustinuit tentare nefas, ausoque potiri.  
 Nos Priami circum bellando praelia muros  
 Dura pati longum dum cogimur, ille sequutus  
 Otia secessu in placido praedivitis Argi  
 Saepe Agamemnonios corrumpere lentus amores  
 Tentabat furtim. saepe averfata nefandum  
 Pulcra Clytemnestre facinus, crebroque petita  
 Abnuit, extincto nondum mutata pudore,  
 Concipiensve animo fraudem, bona scilicet ipsa 300  
 Per sese; fidusque super custodia vares  
 Consiliis aderat semper, cui conjugis omnem,  
 Pergama quum peteret, curam mandarat Atrides.  
 At miserum statuere deum quum fata perire,  
 Ille procul scopuli deserto in litore vatem  
 Deferit alitibus lacerandum, ultroque volentem  
 Alta volens intra duxit sua limina nympham.  
 Multa boum sacras tum dona incendit ad aras,  
 Multaque suspendit simulacra argentea, & aurum,  
 Vestemque, insigni spem praeter amore poritus. 310  
 Interea a Troja reduces, Menelaus, & ipse,  
 Nos inter junctique animis junctique carinis  
 Classe ferebamur volucris per caerula Nerei.  
 Ast ubi Cecropidum sacram pervenimus arcem  
 Sunion, Arcitenens telum jaculatus ab axe  
 Perculit in celsa Menelai puppe magistrum  
 Haerentemque manu clavo, cursusque regentem,  
 Phron-

Phrontin Onetoridem, quo non praestantior alter,  
 Quum fureret gravis ira sali, deducere naves  
 Fluctibus in rapidis, dirosque laceßere nimbos.  
 Ergo licet cursusque simul ventique vocarent, 320  
 Restitit, ut socium terrae mandaret, & umbris  
 Mitteret inferias. sacris dein rite solutis,  
 Postquam altum petiit, Maleacque ingentia saxa  
 Contigit, altitonans olli quoque Juppiter omnem  
 Exciit immisso ventorum turbine pontum  
 Attollens altis aequales montibus undas.  
 Dividitur classis; pars Cretam abrepta resedit,  
 Qua fluit, ac placidis interfecat arva Cydonum  
 In mare prorumpens formosus Iardanus undis.  
 Stabat acuta silex Gortynia litora contra, 330  
 Dorsum immane mari glauco, qua fluctus ab austro  
 Truditur ad laevam sub Phestum, & frangitur ingens  
 Haud scopulo ingenti adlatus. vix puppibus actis  
 Huc vento nautae mortem effugere; sed undae  
 Ad cautes & saxa citas, fregere carinas.  
 Quinque alias longe stridentia flamina diti  
 Admovere rates Aegypto; ignotaque gentis  
 Litora dum lustrans multum late undique & aurum  
 Et varias Menelaus opes conquirere certat,  
 Arte dolum celans Aegisthus funera fratri 340  
 Intulit, ac populos magna ditione subegit.  
 Septem illum perhibent annos tenuisse Mycenae  
 Imperio summo: post anno denique ab urbe  
 Cecropia rediens octavo clarus Orestes  
 Ipsius exitio venit, caedisque paternae  
 Ulterior atrox fontem crudeli vulnere stravit  
 Quaque idem Argivis epulas in funere matris  
 Aegisthi dedit, Menelaus venit eadem

Luce domum revehens, quantum sufferre carinae  
 Vix poterant, ingens argenti pondus & auri. 350  
 Et tu adeo remea, patriamque invise relictam  
 Desertisque bonis, intraque furentibus aedes  
 Dirorum juvenum manibus, ne cuncta vorantes  
 Diripiant, aliena absens dum regna pererras.  
 Hortor adire tamen Menelaum, atque, est tibi nostri  
 Si qua fides, etiam jubeo. namque ille Pelasgum  
 Ultimus in patriam nuper devenit ab oris,  
 Unde hominum sperare fugam certamque salutem  
 Auderet nemo, si quem vis improba primum  
 Nimborumque furor tam vastum egisset inaequor; 360  
 Unde etiam pennis ipsae tranare volucres  
 Annum intra nequeunt: tantum patet, ac furit aestu  
 Horrendo. jamque ipse tuis freta falsa sequutus  
 Cum sociis, navique illuc felicibus ito  
 Auspiciis. vis & potius discedere curru?  
 Et currus aderunt, & certi ad frena jugales,  
 Et, mea vis, gnati, qui te comitentur euntem  
 Hinc Spartaë ad muros, Menelai & regia tecta.  
 Quo simul ac venies, tibi dicat vera, precare;  
 Nec tamen ipse (odit prudens mendacia) fallat. 370  
 Dixerat. interea sol occidit, & ruit atra  
 Nox caelo, farique ollis Tritonia coepit.  
 Sic usus poscit, Nelide; recta profaris  
 Omnia. nunc vero pingues & findite linguas,  
 Et latices miscete sacros: libemus ovantes  
 Neptuno superisque diis, mensisque relictis  
 Curemus (nam tempus adest) jam corpora somno.  
 En abiit lux sub tenebras, neque tardius aequum  
 Ducere sollemnes epulas in honore deorum;  
 Sed, quo res vocat, ire. haec ut Jove nata loquuta est, 380  
Haud

Haud mora fit; subito dicta audivere monentis.  
Dant manibus circum puros ex ordine fontes,  
Craterasque ferunt magnos, & vina ministri  
Omnibus infundunt in pocula. tum super ignem  
Injiciunt linguas de more, iterumque lyacum  
Surgentes libant. postquam sitis omnis abacta,  
Expletusque ardor libandi; Pallas, & una  
Telemachus forma insignis contendere gressus  
Ad navim optabant. vetuit sed Nestor abire  
Increpitans dictis, atque haec super addidit ore. 390  
Juppiter avertat, dique hoc stellantis olympi  
Dedecus! ad navim vosne hinc fugietis euntes  
Sedibus a nostris? non haec desertaque tantum,  
Nec spoliata adeo domus est, ut tegmina desint  
Purpurea, & pictae laenae, quaeis mollia possit  
Membra simul dominus, simul hospes nocte fovere.  
Adsunt & chlamydes, & pictae tegmina vestes,  
Instratique thori: numquam generatus Ulysse  
Magnanimo hic juvenis curvae tabulata carinae  
Pernox dura premet, dum spiritus hos reget artus, 400  
Testaque dum nostri servabunt regia nati  
Hospitibus faciles, quicumque haec limina adibunt.  
Quae postquam sic fatus erat Neleus heros,  
Diva statim: o senior, ceu par, bene consulis, inquit,  
Atque age Telemachum dictis parere jubeto,  
Quandoquidem meliora putas. ille alta sequutus  
Te sub testâ, nigrae per opaca silentia noctis  
In thalamo jaceat. contra hinc ego certus abibo,  
Ut fociis addamque animos & singula mandem.  
Solutus enim multos inter sum grandior annis 410  
Florentes aevo juvenes, quos mutuus ardor  
Telemacho comites paribus conjunxit in annis.

Una

Una illic recubare juvat: lux caestina caelo  
 Reddita ubi veniet, fortes Cauconas adibo,  
 Aeraque jam longo mihi tempore debita, poscam.  
 Tu vero hunc juvenem, tua quando ad limina venit,  
 Ne pelago committe; rotis investus at altis  
 Gnatorum comitante aliquo per aperta viarum  
 Expediat cursum; geminos curru adde jugales.  
 Et magnis validos animis & cursibus acres. 420  
 Haec ubi dicta dedit, fugit Tritonia virgo  
 Versa aquilae in formam: subito stupor omnibus ora  
 Attonitis visu pressit; miratus & ipse  
 Ante alios monstrum senior dextramque prehendit  
 Telemachi, placidoque haec insuper edidit ore.  
 Non ego te pulchrae spero fore laudis egenum,  
 Sic adeo juvenem quum di comitantur euntem.  
 Haud hic haud alius caeli supera alta colentum,  
 Ni Jovis armipotens soboles fortissima virgo,  
 Quae validum pariter miro tibi honore parentem 430  
 Clarabat Danaos inter, salve dea, salve,  
 Atque adsis venerata, meae non invida laudi,  
 Et thalami fociae, natis & semper amica  
 Ipse tibi vitulam, lata quae fronte superbit  
 Indomita, & collo nondum juga sensit aratri,  
 Mox iheriam, fulvumque inducam cornibus aurum.  
 Sic vovit senior: non aspernata voventem  
 Audiit e caelo Pallas. dein limina ad alta  
 Cum generis natisque heros processit, & una  
 Assedete thoris variisque sedilibus omnes. 440  
 Quae subito Nestor magnum venientibus ultro  
 Implevit cratera mero, quod fida per annos  
 Servatum undenos tum primum ferva relevit.  
 Hoc implet cratera mero, libanque Minervae

Vota facit supplex natae Jovis aegida habentis.  
His demum exactis, perfecto munere divum,  
Quisque suos fessi somno petiere penates.  
At non Telemachus: namque illum divite Nestor  
In lecto, placida voluit requiescere nocte  
Aedibus in propriis, ubi porticus alta sonabat; 450  
Quem juxta accubuit bello Pisistratus aeger,  
Impubes qui regis adhuc vernabat in aula.  
Nec minus ipse alta penetrali in sede receptus,  
Stravit ubi lectum conjux, dedit aegra sopori  
Membra senex, curasque simul sensumque reliquit.  
Postera quum caelo surgens aurora refulset,  
Mollibus e stratis tollit se Nestor, & altis  
Egrediens tectis, ubi structa sedilia stabant  
Ante fores cano de marmore & nuda rote  
Semper odorato, senior confedit, ut olim 460  
Inclitus ante heros Neleus confidete fuerat.  
Sed pater ad stygias crebi descenderat umbras.  
Jam domitus fato; regnique potitus habenis  
Nestor ibi residebat Achivum maxima fama  
Sceptra tenens, circum nati venire frequentes  
E thalamo egressi, Stratiusque, & fortis Echephron,  
Perseusque, Aretusque, & divis pars Thrasymedes.  
Additur his etiam sextus Pisistratus: una  
Telemachum ducunt, juxtaque in sede reclinant.  
Ad quos tum senior Nelides talibus inquit: 470  
Protinus o gnati, quae fert mea corde voluntas;  
Perficite, armiferae quamprimum ut sacra Minervae  
Rite feram, quae clara dei ad sollemnia venit.  
Ergo alius campos properans petat, & mihi pastor  
Ocyus intacta ducat cervicem juvencam:  
Telemachi aut alius socios in litore stantes

Evocet

Evocet huc omnes, geminis in puppe relictis.  
 Atque aliquis jubeat clarum Laërcea adesse,  
 Cornibus ut vitulae lunatis illinat aurum.  
 Vos mecum remanete alii, famulasque monete, 480  
 Sollemnes curent epulas per regia tecta,  
 Et sedes & ligna ferant & fluminis undam.  
 Vix haec; festinantque omnes. jam rure juvenca  
 Venit, Telemachi pariter venere sodales,  
 Jussus & ipse faber venit secum omnia portans  
 Instrumenta artis: resplendet malleus olli  
 Aereus in manibus, forceps & daedala, & incus.  
 Stat pariter visura suos bona Pallas honores  
 Caeruleo delapsa polo: tum protinus aurum  
 Expediit Nestor: capit ille, & cornua circum 490  
 Arte linit, divae spectaclum dulce, juvencam.  
 Hanc Stratius, fortisque una ducebat Echephron;  
 Laeva florentem e thalamo cum fonte lebetem  
 Aretus, dextraque molas frugesque ferebat  
 In calathis. retro Thrasymedes stabat acuta  
 Jam jam caesurus vitulae capita alta securi,  
 Et pateram juxta Perseus retinebat. at undam  
 Praecipiens frugesque sacras, multumque precatus  
 Pallada, & evellens summo de vertice setas  
 Ignibus injecit positis libamina Nestor. 500  
 Continuo validum Thrasymedes impulit ictum  
 Insurgens: nervos cervice excepta bipennis  
 Abscidit, exanimemque solo dedit. aurea ad astra  
 Attollunt nataeque, nurusque, & regia conjux  
 Eurydice, Clymeni gnatarum maxima, voces.  
 Adstantes famuli lata ut tellure jacentem  
 Erexere bovem, jugulo Pisistratus ensē  
 Abdidit. erupit postquam de vulnere sanguis,

Dese-



Deferuitque calor vitam, trepidantia membra  
 Divisere alacres, & rite in frustra secarunt. 510  
 Hinc ubi texerunt multa pinguedine circum  
 Cuncta involventes; iterumque iterumque plicantes,  
 Ligna super libans latices torrebat ad ignem  
 Ipse senex: illum juxta verua alta tenebat  
 In manibus quina fumantia cuspide pubes.  
 Postquam torruerant armos, atque exta vorarant,  
 Sesta minutatim longis quoque cetera figunt  
 In verubus, ponuntque super crepitantia flammis.  
 Telemachum interea Polycaste candida lavit  
 Ultima Nelidae natarum aetate puella. 520  
 Quae postquam nitido totum perduxit olivo,  
 Imposuitque humeris chlamydem tunicamque recentem,  
 Divis ambrosio par immortalibus ore  
 Exiit e folio, ac magnum prope Nestora sedit.  
 Sic ibi propositis dapibus vescuntur, & igni  
 Omnia diripiunt, puerique sedentibus atrum  
 Aurea surgentes fundunt in pocula vinum.  
 Et jam finis erat; saturis quum maximus heros:  
 Ite agite o gnati, dixit, pulcrumque comantes  
 Ducite cornipedes altoque adjungite curru. 530  
 Jusserat: illi autem non segnes jussa capeffunt,  
 Continuoque acres curru junxere jugales.  
 Nec minus &, servare penum cui tradita cura,  
 Fida tulit cererem custos, & munera bacchi,  
 Atque solent vesci queis magni obsonia reges.  
 Infilat in currum juvenis generatus Ulyffe  
 Primus: eum juxta scandens Pisistratus heros  
 Nestorides cepitque manu retinacula, & acres  
 Increpuit bijugos. illi fugere volucri  
 Lata per arva fuga linquentes moenia retro. 540

Sic celeres totam per lucem ivere; sed undas  
 Quum subiit sol almus, iterque nigrescere coepit,  
 In Pheras venire citi, tectisque Dioclis,  
 Quem satus Alphaeo Ortilochus produxit in auras,  
 Hospitio excepti merito sub nocte quierunt.  
 Inde ubi se ostendit roseae Titanidos ortus,  
 Sub juga cornipedes ducunt, curruque locati  
 Limina rectorum resonantiaque atria linquunt.  
 Instat equis auriga alacer, tortoque flagello  
 Admonet ad cursum: simul illi sponte volantes 550  
 Corripuere viam, immisique feracibus agris,  
 (Tantus agit namque ardor equos) venire laborum  
 Ad finem, prono Phoebus dum cedit olympo,  
 Et late nox atra solum complectitur umbris.



# HOMERI ODYSSEAE

## LIBER QUARTUS.

**V** Allibus in curvis vastam Lacedaemona curfu  
 Ingressi juvenes praecelsa minoris Arridae  
 Tecta petunt, regemque adcitōs undique multos  
 Inveniunt cives inter tum forte parantem  
 Optatos una gnati gnataeque hymenaeos.  
 Ille quidem natam Pyrrho armipotentis Achillei  
 Fulmineae soboli, dura inter praelia martis  
 Jam Priami ceu pactus erat sub moenibus altis,  
 Adnueratque pater, perfecto tempore divum  
 Curribus investam cellis mittebat ad arces 10  
 Myrmidonum, qua regna gener ditione tenebat.  
 At nato prolem jungebat Alectoris almam  
 Spartana de gente, olli quem serva crearat  
 Pulcra seni fortem Megapenthem: germina namque  
 Nulla dii tribuere Helenae, postquam edidit ipsi  
 Hermionem forma Veneri non cedere dignam.  
 Ergo omnis festo resonabat regia coetu,  
 Finitimique aderant populi, civesque vocati  
 Munere gaudentes. quos inter dulce canebat  
 Aurea plectra ciens vates, geminique canentis 20  
 Ad vocem juvenes tollebant corpora saltu.  
 Interea primo tectorum in limine stabant  
 Telemachusque heros, & Nestoris inclita proles  
 Sublimes in equis. quos vidit ut acer Arridae  
 Armiger egrediens Eteoneus, ocyus ivit  
 Nuncius ad regem subiens penetralia, & olli

Adstitit, atque prior breviter sic fatus ad aurem est.  
 Stant gemini juvenes foribus, Menelaë, sub ipsis  
 Assimiles magni Jovis almo e sanguine proli.  
 Ergo age fare, alto bijugos num solvere curru 30  
 Praecipis, anne alias quaesitum mittere sedes?  
 Cui subito iratus graviter sic flavus Atrides  
 Orsa refert. adeo malefana haud ante gerebas  
 Corda Boëthide, puero nunc digna profaris.  
 Hospitia experti multorum has denique salvi  
 Venimus ad sedes, ubi saltem Juppiter aequus  
 Nos utinam servet placidos, finemque laborum  
 Det pater. hospitibus celerans i solve jugales,  
 Atque ipsos intro duc ad convivia coram.  
 Jusserat: ille autem, famulis per tecta vocatis, 40  
 Sedibus erupit properans, comitesque sequuti  
 Fumantes pulcro solvunt remone jugales,  
 Et statuunt ductos plena ad praesepia, fessis  
 Farra ministrantes & mixtae gramen avenae.  
 Dein vacuum acclinant septa ad lucentia currum,  
 Ac juvenes ducunt tecta intra regia. at illi  
 Omnia lustrantes late penetralia regis  
 Mirantur; nam tota vident splendescere solis  
 Luce velut clara, & radiantis imagine lunae.  
 Postquam oculos laeti cupidos per cuncta tulere, 50  
 Delapsi irriguum studio petiere lavandi  
 Marmoreo in labro fontem: dein flumine lotos  
 Atque oleo nitidos ut circum rite ministrae  
 Vestibus induerunt pictis tunicaque recenti,  
 Ambos Atridae vicina in sede locarunt.  
 Invergunt lymphas manibus, quas lucidus auro  
 Urceus irrorat supra, purumque fluentes  
 Subjecti excipiunt argentea labra lebetis.

Ponunt

Ponunt & menſas juxta, cereremque caniftris  
 Expediunt, cumulantque epulas, & munera didunt. 60  
 Tum famuli varias patulis in lancibus eſcas,  
 Fumanteſque armos, & viſcera toſta reponunt,  
 Poculaque ex auro fulgentia. dat ſimul ollis :  
 Pignus amicitiae dextram, ſimul accipit heros  
 Sic fatuſ: gaudete epulis ante ora paratiſ  
 O juveneſ; ubi pulſa fameſ atque ardor edendi  
 Deſierit, qua gente hominum, quibuſ eſtiſ ab oriſ,  
 Scitabor ſaturoſ. haud certe exſtineta parentum  
 Gloria veſtrorum: Joviſ alto a ſanguine regeſ  
 Sceptriſeri vobiſque genus vitamque dedere, 70  
 Credo equidem: ignavi nequeunt educere taleſ.  
 Dixerat, appoſuitque boviſ luſtralia coram  
 Pingua terga, ſibi fuerant quae dona parata.  
 Illi autem accinſi dapibuſ laetantur opimiſ,  
 Protenduntque manuſ. poſtquam ſaturata quierant  
 Peſtora, Telemachuſ dulceſ compellat amicuſ  
 Cervice adnota, & fidam ſic ſatur ad aurem.  
 Aſpice, Neſtoride, regali fulgida luxu  
 Atria, ſplendoremque auri flammantiſ, & aeris,  
 Electrumque, argentumque, & ſeſti vim Elephanti. 80  
 Taliſ ſidereo magni Joviſ ardet olympo  
 Intuſ opima domuſ: quanta heic aggeſta renidet  
 Gaza ingeſ immeſa! ſtupor me ſcilicet altuſ  
 Senſibuſ attonitiſ cernentem talia preſſit.  
 Haec ille: at flavuſ mirantem ſenſit Atrideſ,  
 Ac ſubito ſic orſa refert. o germina cara,  
 Magnanimi juveneſ, nulli contendere magno  
 Cum Jove faſ; olli fulgentia ſidera ſupra  
 Divitiæ ſine fine vigent, aeternaque ſedeſ.  
 Seu vero mecum certet, ſeu cedere victuſ

Haud renuat quisquam mortali e femine, nulla  
Invidia est. multis ego late casibus actus,  
Multaque perpessus post anno denique ditem  
Oëtao tetigi Phoenicem, & litora Cypri.  
At prius Aegypti lustratis finibus atros  
Aethiopum populos, felicia regna colentes,  
Sidonioſque, ipſoſque adii deveſtus Erembos,  
Et Lybiam, naſcuntur ubi cum cornibus agni,  
Terque venit longum rediens factura per annum.  
Non dominus, non paſtor eget, nec deficit umquam 100  
Caſeus, aut agni, molles, aut copia lactis,  
Plena ſed uſque novae diſtendunt ubera factae.  
Interea dum multa parans his jaſtor in oris,  
Leto alius fratrem domuit, nil triſte timent  
Inſidians furtim maleſidae conjugis aſtu.  
Sic regno non ſponte, opibus neque laetor adeptis.  
Haec tamen a patribus, vita ſi forte fruuntur,  
Nota reor vobis. Priami quis neſciat urbem,  
Imperiumque Aſiae magnum, verſoſque penates 110  
Barbaricis dices opibus, quos aſpera paſſus  
Multa diu ſaevo populatus marte ſubegi?  
Sed mihi nunc utinam tantum vel tertia rerum  
Pars foret; incolumes contra vivique manerent,  
Idaeum ad Xanthum qui tum periſſe ſub urbe  
Dardania, longe cariſ heroes ab Argis.  
Quos ego dum plorans curarum turbine preſſus  
Heu queror amiſſos, ſaepe in penetralibus aeger  
Deſideo, luſtuque animum depaſcor amaro,  
Si qua mihi hinc veniant ſolatia: luſtus at ipſe 120  
Deſerit interdum miſerum, vivitque ſub imo  
Corde dolor. neque enim longa eſt ſperanda voluptas  
Triſtibus a lacrimis; vix ſenſibus hauſta recedit.

His

His tamen heu miserum me frustra ex omnibus unus  
Ante alios cogit tabescere; qui neque dulces  
Carpere me somnos umbrarum in nocte silenti;  
Nec memorem gaudere epulis finit: horrida namque  
Grajugenum nemo pro me discrimina rerum  
Pertulit, infelix heros quot passus Ulysses.  
Et nunc ille quidem fatis urgetur iniquis, 130  
Curarum haud ullam requiem, finemque laborum  
Inveniens; meque urit atrox dolor ipsius ergo  
Atque agitat sine fine incertum, an vivere credam,  
An periisse usquam? flet raptum perdita luctu  
Penelope, flet Laërtes, atque inclita proles  
Telemachus, parvum liquit quem classe profectus.  
Dixerat: huic patrius moerentia pectora strinxit  
Altus amor, cujus nomen vix auribus hauserat;  
Continuo ex oculis lacrimas effudit obortas  
Purpuream obtendens ante ora humentia vestem. 140  
Sensit id Atrides, dubiaque in mente volutat,  
Sollicitumne sinat cari meminisse parentis,  
Occupet an primus lugentem, ac singula pandat?  
Anceps ille suo volvit dum talia corde,  
Venit odoratae linquens penetralia sedis  
Tyndaris, ingreditur qualis florentia Cynthi  
Per juga Dyctinna, & lateri sonat aureus arcus.  
Protinus huic sedem rutilantem Adrasta locavit,  
Formosumque super lana e lucente tapetem  
Alcippe stravit. stat juxta candida Phyllo 150  
In manibus calathum retinens, quem pignus amoris  
Perfectum argento e nitido donarat habendum  
Magnanimi Polybi conjux Alcandra, ubi dives  
Alta canopacis tollit se regia Thebis.  
Ille duo dederat Menelao argentea labra,

Et

Et tripodas geminos, atque auri dena talenta;  
 Ast Helenae non parca super dedit optima conjux  
 Auratamque colum, calathique volubile textum  
 Argenti summas auro ludente per oras.  
 Obtulit hunc olli plenum tum flamine Phyllo 160  
 Rite laborato: supra colus aurea fulget  
 Tincta gerens violae nigrantis vellera fucō.  
 Ut primum affedit, plantasque innixa locavit,  
 Formosum tali sermone affata maritum est.  
 Nossene fas hominum qua sint ab origine creti,  
 Atrida, nostros qui nunc adiere penates,  
 Hi juvenes? vanam seu mendax fallat imago,  
 Seu moneat verax, dicam, quando ipse profari  
 Fert animus, tacitaque vetat consistere lingua.  
 Non ego tam simili vel nympham corpore vidi, 170  
 Vel puerum ( cernentis adhuc stupor occupat ora )  
 Quam similis magni nato est hic omnia Ulyssci  
 Telemacho, puerum quem quondam in sedē reliquit  
 Dulichia genitor, me propter tota furentem  
 Graecia quum phrygios obsedit milite campos.  
 Talia dicenti flavus respondet Atrides.  
 Quae conjux te cura, eadem me pectore in imo  
 Sollicitat: sic ille pedes, sic ora gerebat,  
 Brachiaque, obtutumque, & flavo in vertice crines.  
 Nunc quoque dum memoro, quantas Laërtius heros 180  
 Indomitus curas pro me, quantosque labores  
 Hauferit, ille genas lacrimis perfudit obortis  
 Purpuream obtendens ante ora madentia vestem.  
 Talia dum jactant; subito mirantibus infit  
 Nestorides. magnorum Argivum o maxime ductor  
 Cura jovis Menelae, vafri, ceu reris, Ulyssci  
 Progeniem cernis, nec te tua lumina fallunt.

Sed



Sed prohibet juvenem pudor atque modestia fari  
 Multa heic te coram, cujus cœu numinis ambo  
 Huc primum adveſti dio pendemus ab ore. 190  
 Me vero huic comitem genitor Neleius heros  
 Addidit; afflictiſ namque hinc ſolatia rebus  
 Auxiliumque malis ſperans te inviſere avebat,  
 Si quid opis miſero, ſi qua eſt via certa ſalutiſ.  
 Heu nati miſera eſt parvi ſors! aſpera rerum  
 Perpetitur puer uſque haud multis ſeptus amicis  
 Patre abſente diu. talis fortuna fatigat  
 Telemachum; vacuiſ jamdudum a ſedibus olli  
 Carus abeſt genitor, nec qui fera damna repellat  
 E populo inſenſa ſuper ullus in urbe relictus. 200  
 Neſtorides ſic fatuſ erat, quum lætuſ Atrideſ:  
 O mihi quam cari loci nunc cernere gnatum,  
 Affarique datur, qui ſævo in turbine belli  
 Tot ſubiit caſuſ pro me, quemque omnibuſ unum  
 Anteferens reducem doniſ cumulare parabam,  
 Juppiter incolumi curſum ſi claſſe dediſſet.  
 Olli urbem patrioſ ſtatuſſem ac tecta per Argos  
 Ex Ithaca adcito cum gaza omniſque ſuorum  
 Cum numero, natoque; meiſque ex urbibuſ una  
 Olli ceſſiſſet veteri vacuata coloni. 210  
 Sæpe eadem ſedeſ nobiſ atque una fuiſſet  
 Certa domuſ; junctoſque animiſ concordibuſ uſu  
 Dividere alterno nil quiſſet, ferrea noſtroſ  
 Ante oculoſ nigro quam moſ velaeſſet amictuſ.  
 Sed ſuperi invidere mihi bona tanta, nec illum  
 Ad patrioſ referunt longo poſt tempore fineſ.  
 Sic ait, ac tepido maduerunt lumina fletu  
 Omnibuſ: aligero flebat Jove Tyndariſ orta,  
 Telemachuſque, fatuſque Atreo fortiſſimuſ heroſ.

Nec tibi Nestoride caruerunt fletibus ora 220  
 Saeva recordanti dilecti funera fratris  
 Antilochi, magno victum quem vulnere quondam  
 Filius Aurorae stygias demisit ad umbras.  
 Hunc sibi tum raptum moerens ita farier infir:  
 Te meus ante alios genitor dicebat, Attrida,  
 Consiliis clarum, quoties tua facta revolvens  
 Narrabat senior poscentibus omnia natis.  
 Quare etiam si forte licet, parere monenti  
 Ne pigeat: non ulla mihi nam flere voluptas  
 Post epulas, tales referat sine crastina curas 230  
 Orta dies; neque enim miseris, qui morte quierunt,  
 Invideo lacrimas supremaque munera leti.  
 Post obitum quippe unus honos mortalibus aegris  
 Hic superest tondere comas e vertice summo,  
 Ac tristes de more genas perfundere fletu.  
 Heu subit letum non ultimus inter Achivos  
 Frater & ipse meus notus tibi: non ego praesens  
 Olli aderam, sed fama tulit non vana, fuisse  
 Antilochum pedibusque acrem jaculoque valentem.  
 Talia Nestorides, quem contra excepit Atrides: 240  
 Quandoquidem sic ipse mones, & pectore sensus  
 In tenero versas dignos majoribus annis  
 Egregio genitore fatus, quem laudibus aequas  
 Aemulus; (haud magnum prolem cognoscere certam  
 Illius est, altus cui Juppiter adnuir ultro  
 Connubium felix & primae lumina vitae,  
 Adnuir ut facilis Nelidae, quem lae iussit  
 In patria molli placidum gaudere senectae;  
 Consilioque bonos atque hasta cernere natos;  
 Inceptos praestet fletus abrumpere, jamque 250  
 Instaurare epulas, vos o. manibus date fontes

Nunc

Nunc pueri; cras tempus erit sermonibus aptum  
Telemacho pariterque mihi. nec plura loquutus  
Conticuit: properat pueros invergere rores.  
Asphalion, rursusque alacres ad pocula dextras  
Porriciunt juvenes, dapibusque fruuntur opimis.  
Atque ibi pulcra novam versans in pectore fraudem  
Tyndaris immiscet medicata in pocula succum  
Adversumque irae & ducentem obliviam luctus.  
Hauriat hunc si quis, non tristi sparserit imbre 260  
Ora per integram lucem, non saeva parentem  
Si rapiat misero Parcarum dextera utrumque,  
Nec videat coram si fratrem aut germina cara  
Vulnifico concisa peti per corpora ferro.  
Talem gnata Jovis succum formosa potentem  
Servabat, Polydamna uxor quem Thonos in oris  
Nata canopaeis dederat, qua plurima tellus  
Gramina fert. varios pars vitae inservit ad usus,  
Pars etiam nocuis corrumpit membra venenis;  
Illaque gens omnis medicas exculta per artes 270  
Paeonis a prima deducit origine stirpem.  
Hunc in plena mero dulci quum pocula succum  
Miscuit argivae proles pulcherrima Ledaë,  
Sic ingressa loqui est. vos o Menelaë, patrumque  
Clarorum soboles, pueri ( nunc tristitia rector  
Ille deum, nunc laeta, potest quando omnia, donat,  
Alternatque vices: ) dapibus gaudete paratis,  
Et vario lenite animum sermone quieti  
Sedibus in placidis. prior ipsa ex ordine labor,  
Atque unum e multis (neque enim certamina duri 280  
Cuncta Ithaci fando sperem percurrere posse)  
Expediam Trojae media intra moenia gestum.  
Ille etenim quondam non ullo corda labore

Fractus apud Xanthum sua diris corpora plagis  
Sustinuit foedare ultro; circumque decoros  
Injiciens humeros sordentem ut servus amictum  
Dardania est ausus penetrare in moenia furtim  
Solut, inops, formamque omnem diversus ab illo,  
Qui procures inter grajos in litore stabat.  
Talis erat veniens, cunctosque fefellit in urbe 290  
Trojugenas. non & potuit me fallere quamvis  
Corpore mutatus: multis in millibus una  
Agnovique virum, dictisque aggressa vocavi.  
Ille nihil certi simulata mente referre,  
Ingenique sui primum non immemor omnes  
Cunctando in partes versari. mox ubi lotum  
Vestibus indueram, & juraram numina magna,  
Nil prius Hectoridis dicturam fortibus, atras  
Quam rursus ad naves, tentoria & alta redisset,  
Consilia expediens tum prodidit omnia Grajum. 300  
Sic postquam multos Troum demiserat orco,  
Ad socios rediit, luctumque reliquit in urbe  
Commixtum rabie. passis ibi crinibus omnes  
Troades implebant moestis ululatibus auras:  
Contra laeta mihi tentabant gaudia mentem  
Talia cernenti. veteres nam corde penates  
Versa meo optabam, miserandaque damna querebar  
Illacrimans, quae multa tulit Venus aspera, quum me  
Abstulit a patria, gnataque, & conjuge nulli  
Sive animis digno seu pulcra cedere forma. 310  
Desierat memorans; illamque his vocibus heros  
Excipit Atrides. nulli dubitanda loquuta es,  
Quamvis magna refers, conjux dulcissima. namque  
Vidi ego multorum mentemque animumque sagacem  
Heroum late vasto jactatus in orbe;

Sed

Sed nondum talem mihi noscere contigit usquam,  
 Nec dabitur, qualis fuerat Laërtia proles.  
 Magnum etiam facinus quondam fortissimus heros  
 Ausus equi in latebris, ubi lecti infedimus omnes  
 Inachidae cladem Phrygibus letumque ferentes. 320  
 Vix fuimus positi; tu dardana moenia linquens  
 Jussa equidem nutuque reor monitisque deorum,  
 Gloria queis ingens Teucrorum, & pergama curae,  
 Illuc venisti. vadentem pone sequutus.  
 Protectus clipeo telumque immane coruscans  
 Deiphobus veniebat. ibi ter robora lustrans,  
 Attrectansque dolos circum, mentitaque vocem  
 Uxorum primos iterumque iterumque vocabas  
 Nomine quemque suo signans ex ordine Grajos.  
 Ipse tamen, Tydeique genus, magnoque creatus 330  
 Laërta vocem simulataque sensimus ora  
 In medio strati. jamque una adsurgimus ambo  
 Corpora tollentes, animis in utrumque paratis,  
 Sive exire, tibi seu respondere vocanti,  
 Ni veter obsistens Ithacus teneatque ruentes.  
 Ergo aliis circum taciturna prementibus ora,  
 Solus ibi Anticlus demens te incessere dictis  
 Dum parat, arreptum clamantis guttur Ulysses  
 Strinxit utraque manu cohibens, certamque salutem  
 Attulit Argivis, illum sic usque premendo 340  
 Turbidus, abduxit donec te bellica Pallas.  
 Haec ubi fatus erat Menelaus, talia reddit  
 Telemachus: dilecte Jovi dux inclite Achivum,  
 Dura quidem fortuna mea est; nil tanta parenti  
 Profuit heu misero virtus, nec pectora ferro  
 Septa gravi potuere nigras avertere Parcas.  
 Nunc tamen in sedes nos ducite, leni ubi somno  
Moe-

Mœsta per optatam claudamus lumina noctem.  
 Dixerat: alma suis proles Ledaëa puellis  
 Imperat extemplo curvata sub atria mollem 350  
 Ferre thorum; ac tyrias vestes, pictosque tapetas  
 Sternere, tum supra villosa imponere texta.  
 Jussæ abeunt manibus retinentes lampada dextris,  
 Insternuntque thorum. quo postquam induxerat ambos  
 Armiger, in placida posuerunt corpora sede  
 Telemachusque heros & Nestoris optima proles.  
 Interiora autem subiit penetralia scandens  
 Atrides, juxtaque illum pulcherrima nympha  
 Tyndaris accubuit, stratisque locata quievit.  
 Inde ubi deseruit Tithoni aurora cubile 360  
 Suave rubens, thalamo prodit Menelaus ab aureo,  
 Induiturque artus, laterique accommodat ensē,  
 Candida & evincit formosis crura cothurnis.  
 Jamque deo similis thalami quum sede recessit,  
 Telemacho adsedit, dictisque ita fatus amicis.  
 Dic age fortunæ quæ vis te dira coegit  
 Per freta lata falli vastam Lacedæmona adire?  
 An privata viæ causâ est, an publica rerum  
 Conditio jubet ire, ediffere vera roganti?  
 Talia quaerenti suspirans natus Ulyssē 370  
 Reddidit: Atrida, magnorum o cura deorum,  
 Huc genitoris ego quaesitum nuncia veni,  
 Si qua feras longe vectus maria omnia circum.  
 Diripitur domus ampla mihi, pereuntque labores,  
 Hostibus & fervent sedes, qui cadere gaudent  
 Balantumque gregem & nigrantes terga juvencos,  
 Gens efræna, proci matris, fas omne perosi.  
 Huc igitur supplex venio, genibusque volutus  
 Te precor o! si forte velis mihi fata parentis

Exstin-

Exstincti leto visa, aut audita referre 380  
 Alterius sermone. unum nempe edidit illum  
 Prae cunctis miserum Grajis quondam optima mater,  
 Invisumque diis: quare non ulla profari  
 Cura mei, quaecumque tuo sub pectore servas,  
 Impediat; quin cuncta refer, si fortis Ulysses  
 Ille meus genitor dextra tibi tempore in ullo  
 Profuit iliacis, ubi passi plurima, campis:  
 Illa ego te per dura precor, vera omnia redde.  
 At gemitus imo rumpens de pectore Atrides:  
 Heu juvenes, heu triste genus proh Juppiter, inquit, 390  
 Tantum adeo sperare nefas, tantique cubile  
 Haud metuunt tentare viri jura omnia contra!  
 Cerva velut magni si quando in lustra leonis  
 Ingreditur, parvosque locans necdum ubere pullos  
 Hinnuleos campis it late, herbosaeque quaerens  
 Pascua frondiferis ignara in vallibus errat:  
 Ille autem rediens notoque receptus in antro  
 Infremit, ac vivos morfu depascitur artus,  
 Sanguineisque horret setis. sic fervidus heros  
 Sic rediens ollis feret omnibus aspera fata. 400  
 Jam pater ille deum, Phoebusque, & bellica virgo  
 O faciant, sese talem post tempore longo  
 In patriam referat, qualem videre Pelasgi  
 Luctantem in Lesbo, quum surgens arduus ictu  
 Stravit humi Philomeliden, gavisaeque turba  
 Insonuit plausu, totamque implevit arenam.  
 Talem o! se referat, turbamque aggressus inertem  
 Ingratamque simul viram sperataque rumpat  
 Connubia infanae falsa inter gaudia mentis. 410  
 Illa autem, quae poscis, ego haud mendacia fingens,  
 Expediam, fuerint quaecumque; auditaque pandam,  
 Quae

Quae docuit quondam verax me in gurgite vasto  
Caeruleus senior, repetamque ex ordine dicta.  
Nequidquam optantem patrios invisere fines  
In viridi Aegypto me saevo numine divi  
Continuere diu. non illis namque litaram.  
Rite sacris, ceu fata deum, ceu iussa ferebant.  
Stat pelago in lato, diti praetenta Canopo,  
Insula, quam dixere Pharon cognomine, tantum  
Semota a terris, quantum cita carpere cursum 420  
Luce queat tota navis, cui flamina spirent  
A puppi motas zephyris crispantibus undas.  
Portus ibi statioque patet, nautaeque carinas  
Hinc soliti, hauserunt postquam de flumine fontes,  
In freta vefani longe propellere nereï.  
Illic bisdenis me di tenuere diebus,  
Aura nec ulla polo venit, quae carbasa flatu  
Impleret per dorsa maris tumefacta secundo.  
Jamque adeo consumpta & pabula, & ipsa fuisset  
Fracta hominum virtus, ni me fors una dearum 430  
Caerula magnanimi servasset filia Protei  
Idothee miserata. hujus nam pectora votis  
Sollicitans flexi, quum sola in litoris ora  
Averso a fociis pisces fallentibus hamo  
Parte alia, qua quemque fames malefana trahebat,  
Obtulerat sese manifesta in luce videndam.  
Atque ea ubi steterat propius, sic ore loquuta est:  
Quis furor, aut mens dira expertem sensibus urget  
Omnibus? anne ultro cessas; atque aspera gaudes  
Ferre mala heic residens? non certa pericula sentis 440  
Lentus adhuc claususque mari carisque relictus  
A fociis, queis victa fame jam corda labascunt?  
Huic refero: o tandem quaecumque es magna dearum,  
Dicam



Dicam equidem, nec vera tegam. non sponte morantem  
 Aspicias heic; laesi retineti me numinis ira.  
 Sed tu diva mone, norunt quando omnia divi,  
 Quis superum mihi saevit atrox, cursumque moratur  
 Plena vetans ventis intendere vela vocatis?  
 Illa autem firmans animum sic incipit ore:  
 Haud procul hinc habitat verax in gurgite vates 450  
 Jam senior Proteus, Neptuno carus & ipsi,  
 Qui pelagi subter glaucas scrutatur arenas,  
 Undarumque domos late, sedesque profundas,  
 Utque ferunt, genitor meus est: hunc si modo possis  
 Corripere insidiis, sollerti aggressus & arte,  
 Ille tibi expediet cursus, atque omne resolver  
 Certus iter, piscosa ruas quo stagna profectus.  
 Praeterea si tantus amor, te cuncta docebit,  
 Evenere tuo quae laeta, aut tristia regno,  
 Dum procul ignotis erras male tutus in oris. 460  
 Deserat: sed rursus ego. quid maxima possim,  
 Quid sine te sperem? tu fraudem vatis, & omnes  
 Insidias tu diva doce, ne praescius idem  
 Effugiat frustra conantem: fallere namque  
 Difficile est homini captumque evincere numen.  
 Haec ego tum paucis: contra dea protinus infit  
 Sic exorsa, docens pavitantem & multa putantem.  
 Quum medium caeli scandit sol igneus orbem,  
 Fatidicus senior vitreis emergit ab undis  
 Flamine sub zephyri, spumis horrentia tectus. 470  
 Terga super, rupisque cavo procumbit in antro.  
 Circum ipsum patulis pedibus glaucae Amphitrites  
 Sternunt se variae passim per litora phocae  
 Aequarei tristem spirantes roris odorem.  
 Ipsa ego te facilis, quum primum aurora rubebit,

In secreta senis ducam: tu delige fidos  
Tres numero ex omni sociis, qui robore praestant.  
Accipe & insidiae quae sunt, ex ordine pandam.  
Ille quidem circum lustrans, numerumque recensens  
Per litus phocas ut late inspexerit omnes, 480  
Defessus nemorum ceu quondam pastor in umbra,  
Gramineo medius componet membra cubili.  
Videris hunc postquam vix somno lumina captum,  
Tunc animis usus, tunc firmo robore: tende  
Fortia cum sociis conanti evadere vincla.  
Omnia tentabit verti in miracula rerum,  
Et varias referet species, fluviumque liquentem,  
Ardentemque ignis flammam: tu vincula capto  
Nil dubitans, nexusque magis contende tenaces.  
Verum ubi mutatus, vocemque atque ora resolvens 490  
Talis erit, qualem sopitum videris ante,  
Desine vi dura, facilisque tenacia solve  
Vincla seni, poscens ultro, quo numine laeso  
Saeva luis commissa, & frustra quaeris abire?  
Haec ait, & sese jactu dedit aequor in altum  
Spumantem torquens undam dea corpore. at ipse  
Digredior, stantesque petens in litore naves  
Procedo multis turbatus pectora curis.  
Quo simul ut veni, nigro sub vespere mensas  
Instruimus, pariterque epulis vinoque refecti 500  
Languida curamus per litus corpora somno.  
Mox tenebras aurora polo quum clara fugarat,  
Extremam aequorei processu ad marmoris actam  
Multa deos orans, ducensque ardentia corda  
Tres comites mecum, quaecumque audere paratos.  
Interea summa pelagi caput extulit unda  
Diva ferens quatuor phocarum & gurgite pelles

Dire-

Direptas paullo ante, dolos meditata parenti  
 Infidiasque suo; dein apta cubilia scalpsit  
 Effossa tellure prope udi litoris oram 510  
 Opperiens: contra taciti nos venimus olli  
 Cominus, ac subito iussi consedimus una  
 Quisque data circum contesti corpora pelle.  
 Dura fuit statio: phocis direpta marinis  
 Uda gravem nimium spirabant tergora odorem,  
 Afflabantque lucem: quis enim graveolentia cete  
 Indomitus juxta possit consistere longum?  
 Sed nympha incolumes voluit, succosque paravit  
 Ambrosiae, nares halanti suaviter aura  
 Contingens, qua tetra extemplo pestis abacta est. 520  
 Sic taciti in latebris stetimus, sol altius egit  
 Exacto dum manè jubar, jamque igneus orbem  
 Hauferat ut medium titan, venere frequentes  
 Sedibus e pelagi phocae, passimque cubantes,  
 Corpora per siccum stravere humentia litus.  
 Ultimus emerfit vates, armentaque circum  
 Pingua per scopulos lustrans, numerumque recensens  
 Nos etiam primos, deceptus imagine falsa,  
 Rettulit in censum; dein stratus & ipse quievit.  
 Irruimus clamore alto, dextramque jacenti 530  
 Injicimus: contra ille suae non immemor artis  
 Fit subito fulvusque leo cervice comanti,  
 Squamosusque draco, tygrisque, ac horribilis fus,  
 Fontis & unda liquens, procera & stirpibus arbos:  
 Instamus circum affusi, manicisque tenemus.  
 Verum ubi nulla senem juvit fallacia, victus  
 Corpore mutato demum sic ora resolvit.  
 Nam quis te superum docuit, fortissime Atrida,  
 Me capere insidiis, quidve hinc petis, inquit? at olli

Scis, Proteu, scis ipse; petis quid talia fallens? 540  
Jamdudum hac teneor deserta in rupe, neque ullum  
Invenio finem curis oppressus acerbis,  
Turbatusque aegro moerentia pectora luctu.  
Sed tu dic miserans, divi quando omnia norunt,  
Quis superum iratus teneat, frustraquo moretur,  
Ne solvens celeri fulcem vada falsa carina?  
Tantum effatus. ad haec vates ita turbidus inquit:  
At tu caelicolum regi, superisque litare  
Debueras, prius alba dares quam carbasa ventis,  
Rite secundarent ut cursus vasta profecto 550  
Per maria, optatis proram rapientibus austris.  
Nam patrias non ante licet contingere sedes,  
Aspicere & notos reduci, quam sacra fluentis  
Ab Jove tu longe repetas hinc ostia nili  
Aegyptum invecus viridem, donisque peractis  
Stellifera places divos in sede repositos:  
Expedient victi cursum, ventosque remittent.  
Haecenas ille: mihi cecidit, turbataque mens est  
Continuo, ut ponti jussit per caerula rursus  
Tendere in Aegyptum, longeque revifere Nilum. 560  
Atque haec subjicio vati: sint ardua quamquam,  
Perficiam quaecumque jubes; sed tu mihi, Proteu,  
Hanc quoque da veniam super oro, atque ordine pande,  
Num Danaï salvis omnes rediere carinis,  
Quos ego Nelidesque profecti liquimus oris  
In phrygiis? quisquamne inopino funere cessit  
Fluctibus in rapidis, aut inter cara suorum  
Brachia post duri superata pericula martis?  
Haec ubi quaesivi, senior mihi talia rursus  
Dicta dedit. quid me ista petis, sate sanguine claro 570  
Atrida? mitte has curas; neu quaere doceri,

Nec

Nec fas, quae seruo tacitus: namque omnia postquam  
 Audieris, largo sparges tua lumina fletu.  
 Multi sunt domiti, multi mansere relictī  
 Incolumes: gemini tantum, fortissima corda,  
 In reditu periere duces, ne tristia dicam  
 Funera, quæis aderas pugnando ad moenia Trojae.  
 Stat vero pelagi mediis inclusus ab undis  
 Unus adhuc, certatque graves evincere casus.  
 In ratibus curvis periit mavortius Ajax, 580  
 Quem prius ad Gyrae alte surgentia saxa  
 Vexerat irato Neptunus ab aequore servans.  
 Atque illic, quamquam invisus foret ipse Minervæ,  
 Vitasset mortem, ni mens labefacta fuisset,  
 Oraque solvisset caelestes impia contra,  
 Invitis jactans dis sese evadere posse  
 Fluctibus e rapidis. jactantem grandia frustra  
 Audiit undarum rector, validaque tridentem  
 Corripiens dextra subito latus impulit ictu  
 Gyraeum, mediumque scidit: pars altera mansit, 590  
 Altera pars rupis pelago est illisa sonanti.  
 Illum heic haerentem, vesana & mente furem  
 Praecipitem scopulo nigrum detrussit in aequor:  
 Sic haustus tumidis in fluctibus occidit Ajax.  
 At tuus heu! frater tunc Parcam effugit acerbam  
 Classe cita, expertus praesens Junonis amicae  
 Auxilium, facilemque fugam in discrimine tanto.  
 Verum ubi jam Maleae tetigit minitantiæ caelo  
 Saxa, per undosi stridens maris arva procella  
 Abripuit longe flentem graviterque gementem 600  
 Litus ad extremum, fuerant ubi recta Thyestae,  
 Alta Thyestiades quae tunc Aegisthus habebat.  
 Hinc etiam reditus spes visa affulgere certi;

Flamina dis mutata fremunt, & moenia ad alta  
 Incolumis proram vertit, ripaque propinquat.  
 Emicat ille ardens in litus; grataque terris  
 Oscula dat patriis: lacrimae volvuntur obortae.  
 Ex oculis magnò visae telluris amore.  
 Illum autem specula custos conspexit ab alta,  
 Cui bina Aegisthus fulvi promiserat auri, 616  
 Hoc ipsum ut faceret, pacta mercede talenta.  
 Atque ibi jam residens totum servaverat annum  
 Excubias agitans, vigilem ne falleret heros  
 Praeteriens furtim, bellumque inferret apertum  
 Haud virtutis egens: ut vela accedere vidit,  
 It subito ad regem, venisse & nunciat hostem.  
 Continuo Aegisthus fraudem meditatur, & acres  
 E populo socios bifidos deligit omni,  
 Insidiasque locat: mox & convivia mensis  
 Instruit, & currū vestus procedit in aureo 626  
 Obvius Atridae, dictisque invitat amicis,  
 Mente nefas agitans, alta in penetralia regem  
 Hec illum ignarumque doli, ignarumque pericli,  
 Exceptum ferro, ut plena ad praesepia taurum,  
 Occupat, atque epulas inter demittit ad orcum.  
 Non quisquam Atridae sociorum in caede relictus,  
 Non quisquam Aegisthi: cuncti occubere sub iisdem  
 Sedibus, adversis confossi pectora telis.  
 Dixerat: ipse gravi fixus praecordia luctu  
 Stratus humi flebam, nec jam producere vitam 630  
 Longius optabam, nec solis cernere lunem.  
 Atque ubi sordentique artus in pulvere versans,  
 Effusoque madens explevi tristitia fletu  
 Ora diu, curas his coepit demere dictis  
 Sic iterum vates orsus, tabescere luctu

Nil juvat aeterno moerentem: quin age cunctas  
Tolle moras, patriam si qua contingere possis.  
Namque ipsum aut vivum invenies, aut fortis Orestes  
Praeveniens ferro stravit, domuitque superbum  
Ultus caede nefas; tu vero funera cernes. 640  
Queis dictis rediitque animus, pulsoque dolore  
Sollicitam rursus tentarunt gaudia mentem.  
Et subito: o Proteu, tales jam noscere casus  
Sat licuit. quisnam ille autem, quem gurgite vasto  
Inclusum retinent seu vivum fata deorum,  
Lumine seu cassum? quamvis moerentia magnus  
Concutiat tremor ossa, hujus quoque discere nomen,  
Fortunamque, vicesque, animi mens incita flagrat.  
Ille sub haec referens: quem poscis, tertius, inquit,  
Magnanimo est genitus Laërta Ithacensis Ulysses. 650  
Hunc ego fundentem lacrimas in litore vidi  
Ogygio, vitreas ubi sedes pulcra Calypso  
Incolit: heic refluo clausum late undique ponto  
Detinet exilio in longo, quin cedere possit,  
Molirive fugam: non illi aut curva carina,  
Aut focii, queis terga sali spumantia findat.  
Te vero nec fata sinent, Menelaë, nec ipsi  
Caelicolae quondam patriis occumbere in Argis.  
Elisii longe in campos, qua meta recessit  
Ultima terrarum, vivum te numina ducent, 660  
Flavus ubi Rhadamanthus, ubi est placidissima vita,  
Nec glacies, nec saeva riget nix ulla, nec imber;  
Sed zephyros semper spirantes mollibus auris  
Sufficit oceanus laetae solatia genti.  
Haec te certa manet sedes, haec debita sponso  
Tyndaridis generoque Jovis felicia regna.  
Sic ait, atque altum Proteus se jecit in aequor.

Ast

Ast ego stipatus fociis vestigia flexi  
Ad naves tacito sub pectore multa volutans.  
Ut ventum est, caenam subito properavimus ipsis 670  
Sub ratibus; mox vesper ubi processit olympos  
Defessi somno per litora stravimus artus.  
Jamque nova humentes noctis dimoverat umbras  
Exoriens aurora, cavas deducere naves  
Instamus laeti; positumque tumentia vela  
Cornuaque ad malum suspendimus antennarum.  
Nec mora; conscendunt nautae, transisque locati  
Spumea contorquent abiectis aequora palmis.  
Sic iterum puppes labentis ad ostia nili  
Constitui, sacrisque deum de more peractis 680  
Numina placavi, vacuumque Agamemnonis umbris  
Aggessi tumulum, quo fama aeterna maneret.  
His tandem exactis rediis, dederuntque secunda  
Flamina di faciles, volucris per caerula cursu  
Me patriae ad sedes & litora nota ferentes.  
Nunc age, namque aliud nil restat, gnate, monere  
Quod liceat, sine te lux saltem undena revifat  
Atque etiam duodena heic mecum in sedibus altis.  
Post lactum hospitio dimittam, opibusque juvabo  
Ad patrias reducem terras. tibi munera ternos 690  
Alipedes currumque dabo, variisque figuris  
Cratera ardentem, sacros in honore deorum  
Quo latice nostri libes non immemor umquam.  
Haec heros ubi fatus erat, sic orsa reponit  
Telemachus: me tanta precor ne tempora lentum  
Heic agere, o rex magne, jube: simul otia ducens  
Exigerem totum revolutis mensibus annum  
Oblitus caramque domum, caramque parentem:  
Usque adeo laetum dulci sermone moraris!

Ast



Ast alio vis dura vocat; fors taedia & ipsi 700  
 Jam Pylio nequeunt perferre in litore nautae,  
 Increpitantque moras, nimium dum tempore longo  
 Cogor adesse tibi. quae vero munera spondes,  
 In magno, quaecumque dabis mihi, semper honore  
 Servabo: nec coge tamen me ducere fines  
 Ad patriae alipedes. mancant, tibi nempe futuri  
 In pretio, qui regna tenes ingentia campis,  
 Lotus ubi viret alta, viret formosa cyperus,  
 Hordeaque, & segetes, & plurima surgit avena.  
 Non cursu spatia ampla patent, non florida prata 710  
 Sunt Ithacae; capras tantum foveat aspera dumis,  
 Et mihi cara magis, quam si vim pascat equorum.  
 Nulla adeo aut campis felix, aut curribus apta  
 Insula, finitimo residet quae gurgite; & omnes  
 Ante alias Ithaca abruptis male cautibus horret.  
 Dixerat: illi acer bello subrisit Atrides,  
 Amplexusque manum placida est ita voce loquutus.  
 Sanguine te claro sermo tuus arguit ortum,  
 Illaque mutabo, nam possum, dona; tibi que  
 E cunctis, quaecumque jacent mihi sede reposta, 720  
 Eximium carumque dabo mage munus habendum.  
 Caelatum cratera feres: argenteus ipse  
 Totus, & ardenti fulget labra illitus auro,  
 Vulcani sollertis opus. ditissimus heros  
 Sidonium rex ipse mihi donaverat olim,  
 Per casus varios quum primum sedibus hospes  
 Illius accessi; tu nunc donatus habebis.  
 Talia sese inter placido sermone ferebant,  
 Quum celsa ingressi convivae limina regis  
 Adducuntque greges, lenaeaeque munera portant; 730  
 Nec minus & pulcris evinctae tempora vittis

K

Adve-

Adveniunt nymphae, cererisque albentia secum  
 Dona gerunt: fervet dapibus domus alta futuris.  
 Parte alia penitus diversa, ante atria Ulyssæi  
 Ludere gaudebant disco jaculoque volanti  
 Planitie in lata juvenes, ubi semper acerbi  
 Dirum exercebant vesana mente furorem.  
 Hos juxta Antinous simul Eurymachusque sedebant  
 Ductores primique procum, virtutibus ambo  
 Ante alios longe eximii: quos clara Noëmon 740  
 Progenies Phronii compellans talia poscit.  
 Antinoë, ecqua tibi venit vox missa per aures,  
 Quando huc Telemachus Pylis adpellet ab oris?  
 Ille meam duxit navem, qua tendere in almam  
 Elida debueram procul hinc, ubi gramine molli  
 Bissenae pascuntur equae, pullique sequuntur  
 Indomiti toridem, quos sub juga ducere tempus.  
 Haec ait, atque illi stupuere: haud namque putabant  
 Neleam petiisse Pylon, sed rura profectum  
 Inter oves errare aut alta suilia propter. 750  
 Tum fatus Eupitheo Antinous sic ora resolvit:  
 Dic age vera monens, quando hinc abscessit, & illum  
 Qui comites duxere? Ithacae num lecta juvenus,  
 An pacti pretio nautae, captivaeque turba  
 Vernarum? dic & pinum num forte coactus,  
 An dederis tu sponte petenti? haec fatus ubi ille,  
 Excepit proles Phronii sic orsa vicissim.  
 Navim sponte dedi: talem quicumque videret  
 Orantem juvenem curisque ingentibus actum,  
 Quid faceret? durum justis obistere voris. 760  
 Ipsum autem comites clara de stirpe sequuntur  
 Flos Ithacae, ductorque una conscendere visus  
 Mentor, sive deus, cui par se cuncta gerebat.

Sed

Sed tamen hoc mirum est: hesternæ hæc Mentora vidi  
 Luce sub auroram; Pyliæ tunc cesserat arces.  
 Hæc ubi dicta dedit, discessit ad alta Noëmon  
 Testa patris, tristisque ambos mutosque reliquit.  
 Jamque proci adstiterant alii, ludoque quieti  
 Confedere, quibus turbato pectore fatur  
 Antinous: furor illi atra caligine mentem 770  
 Intus agit, funditque oculis ardentibus ignem.  
 Commissum heu facinus magnum: discedere furtim  
 Sic potuit, sic ille minas non fudit inanes?  
 Ergo puer nobis impune illuserit unus  
 Scilicet invitis, pelagoque immittere navim  
 Ausus, & eximiam secum deducere pubem:  
 Jam premere incipiet gravior vis. at prius illum  
 Juppiter o perdat, nobis quam tristia portet.  
 Quare agite ac celerem bisdeno remige pinum  
 Instruite. insidiis venientem ac tuta secantem 780  
 Acquora depredam mediis in fluctibus inter  
 Saxosamque Samon Ithacenque: ita tristis acerbo  
 Funere quaesitum misere luat ille parentem.  
 Sic ait, atque omnes ad sensu dicta probarunt,  
 Surgentesque cito subiere in limina gressu.  
 Nec vero longo latuerunt tempore & ipsam  
 Penelopen, quæ dira proci sub pectore versant.  
 Omnia namque Medon retulit, qui forte prope aulam  
 Adstabat, quum sæva intus consulta ferebant.  
 Jamque ibat fidus reginae nuncia portans; 790  
 Obviaque huic propere vadenti in limine fatur  
 Penelope. inviso quo missus ab agmine tendis?  
 An famulas cessare proci, pensisque relictis  
 Instruere ad sueto mandant convivæ luxu?  
 O utinam nullos hymenæos, nullaque posthac

Munera laetitiae norint: postrema sit opto  
 Ultimaque haec dapibus vestris lux! siccine largas  
 Telemachi crescentis opes vos perdere raptò  
 Usque juvat, vestros pueri nec dicere patres  
 Audistis, qualis fuerit generosus Ulysses? 800  
 Ille quidem nullum fascto nec laedere dicto,  
 Ut soliti reges, solitus vexavit acerbis  
 Hunc odiis, illum contra dignatus amore est:  
 Omnibus ille aequus, nil cuiquam triste paravit.  
 Sed vis dira patet, vestraeque injuria mentis  
 Improbata: non ulla est meriti nunc gratia tanti.  
 Dixerat. atque Medon: utinam, regina, malorum  
 Haec, inquit, tibi summa foret; sed majus adorsu  
 Et gravius multo, quod Juppiter arceat oro,  
 Flagitium juvenes furiata mente volutant. 810  
 Telemachum cupiunt redeuntem perdere ferro  
 Exceptum insidiis, qui jam genitoris amore  
 Et Pylon, & claras petiit Lacedaemonis arces.  
 Vix ea: reginae trepida formidine sanguis  
 Dirigit, stupuitque diu, nec verba nec ulla  
 Dat voces: lacrimae tantum volvuntur inanes  
 Ex oculis, clausoque haeret vox gutture pressa.  
 Post ubi vis tandem rediit, seseque recepit:  
 Cur abiit mihi natus, ait? quae dira coegit  
 Mens miserum puppes conscendere, quae is freta tranant 820  
 Mortales, pelagoque volant pernicibus alis;  
 Nullane ut in terris rapti vel fama supersit?  
 Tales rumpebat questus, quum talia rursus  
 Dicta Medon retulit. Neleam ut tenderet urbem  
 Quaesitum genitorem, & acerbac nuncia famae,  
 Impuleritne aliquis caelestum, an sponte voluntas,  
 Ignotum est: abiisse scio, volvique periclo.

Haec

Haec dicens alti subiit penetralia tecti.  
At gravis invadit dolor in praecordia lapsus  
Intima reginam, sedemque exterrita linquens 830  
Sternitur infelix thalami prope limina nudo  
Moeſta ſolo, queriturque gemens: circum agmine denſo  
Stant ſamulae, reſoniſque implem ululatiſus aedes.  
Quas lugens graviter regina affatur. adefte,  
Atque audite, mihi o carae: quot lucis in oras  
Et natae, & matrum ſuxerunt ubera mecum,  
Caecicolae irati voluere ex omnibus unam  
Infandos me ferre magis ſine more dolores.  
Amiſi prius ipſa virum fortemque, bonumque,  
Inſignem virtute, atque omnes inter Achivos 840  
Eximium, famaſque per Argos & Hellada notum.  
Nunc etiam abreptus nimbis turbantibus aequor  
Unigena abſceſſit carus, matremque reliquit  
Ignaram. nec me ulla e vobis ſurgere lecto  
Improba tunc monuit; non ulla adiſſe parentem  
Suiſtinuit, quum noſſet iter lacrimabile nati?  
Haec mihi ſi miſerae citius via nota fuiſſet,  
Aut heic manſiſſet, quamquam jam certus eundi;  
Sedibus aut iſdem liquiſſet funere merſam. 850  
Verum agite, atque aliquis Dolion mihi, quem bonus olim  
Ipſe dedit genitor, cuique horti credita cura,  
Advocet. ille ſeni Laërtae haec triſtia portet,  
Si quod conſilium, ſi quis modus adſit; & idem  
Adveniens inſtet lacrimis inſlectere cives  
Optantes prolemque ſuam atque exſcindere Ulyſſei.  
Talia dicenti ſic fata anus Euryclaea eſt:  
Nympha o cara mihi tu me ſeu interfice ferro,  
Incolumem ſeu linque domi, nil ipſa negabo.  
Cuncta equidem noram: cereremque & munera bacchi  
Ex-

Expediti nato, tum divos iussa per omnes 860  
 Juravi, duodena dies quam surgeret orta,  
 Ni cupidae interea digressum fama tulisset,  
 Dicturam nil ante tibi, ne turpibus ora  
 Fletibus, ac pulcros foedares corporis artus.  
 Quin age nunc puris te vestibus indue lota,  
 Atque altae circum lectis comitata puellis  
 Conscendens penetrale domus fer vota Minervae:  
 Illa tibi reddet vel ab atro funere natum;  
 Non vero patiare senis crudefcere vulnus.  
 Haud Arcefiadae soboles invisa Tonanti 870  
 Est penitus, divisque aliis: superabit, & agros  
 Qui teneat pingues, & cellas incolat aedes.  
 His dictis curae amotae, fletusque repressus;  
 Lotaque candenti circumdat corpus amictu,  
 Ascendensque alte fidis stipata ministris  
 Imponit calathisque molas divamque precatur.  
 Audi o me Pallas Jovis almo e vertice nata,  
 Si qua tuis umquam supplex altaribus exta  
 Pinguia taurorum pecudumque adolevit Ulysses,  
 Nunc memor ipsa veni facilis, miserataque gnatum 880  
 Redde meum, longeque procos averte superbos.  
 Haec orans altum insonuit, deaque alma precantem  
 Audiit. at juvenes magno clamore fremebant  
 Testa per & sedes, studioque elatus inani  
 Sic aliquis dixit. jam jam regina hymenaeos  
 Apparat optatos haud structae conscia caedis.  
 Sic aliquis: sed vera latent, ac decipit error  
 Incautas agitans vana inter gaudia mentes.  
 Quois tunc Antinous: vos o generosa juvenus  
 Ponite, ait, magnosque animos, atque ora tenete, 890  
 Audiat haec aliquis ne dicta, ac perferat intro.  
 Quin

Quin agite ac taciti surgentes, omnibus una  
Quae potior placuit, fraudem properemus, amici.  
Haec fatus, subito bisdenos deligit acres  
Ipse viros. properant ad navim in litore stantem,  
Continuoque instant altum deducere in aequor,  
Lineaque erecto suspendere carbasā malo.  
Jam corio remos aptant, atque omnia rite  
Expediunt, laxantque sinus strepitantibus auris.  
Arma ferunt famuli: tum pinum in vasta trahentes 900  
Aequora conscendunt alacres, epulisque refecti  
Opperiunt, sero veniat dum vesp̄er olympo.  
At vero summum regina ingressa cubile,  
Non potus, non illa cibi memor, anxia stratis  
Incubuit. metus acer agit, num funera natus.  
Effugiat, moriens an fato occumbat acerbo?  
Ac velut ille leo juvenum turbante caterva  
Multa timet, volvitque animo, qua se undique clausus  
Expediat: sic multa agitantem ac multa putantem  
Corripuit somnus reginam. fessa quietem 910  
Accipit, atque omnes solvuntur protinus artus.  
Hic virgo molita novam Tritonia fraudem  
Effinxit tenuem sine vita & viribus umbram  
In faciem Iphitimae, Icaro quam rege creatam  
Tecta Pheris habitans Eumelus duxerat heros.  
Hanc dea tunc sedes Ithaci submisit in altis,  
Penelopen si qua arte queat compescere flentem,  
Moerentique animo tristes abstergere curas.  
Illa subit, clausasque fores ingressa cubilis,  
Qua clavi via facta patet, super adstitit ipsum 920  
Ad caput, atque ultro reginam affata cubantem est.  
Dormis, Penelope, dormis exterrita corde?  
Non te caelicolae curis tabescere, & usque,

Moe-

Mœstam flere sinunt: namque huc tua salva redibit  
 Progenies, nulla divis obnoxia culpa.  
 Cui tum Penelope referens, quam somnia circum  
 Blanda volant, formisque animum fallacibus implent:  
 Cur, ait, o soror alma venis? non ante penates  
 Hos petere adsueras tam longo tramite distans.  
 Curve eadem cessare jubes a fletibus, actam 930  
 Tristibus heu curis, miserae quae pectora torquent?  
 Amisi prius ipsa virum fortemque bonumque,  
 Insignique auctum virtute, atque inter Achivos  
 Eximium, notumque omnem per & Hellada & Argos.  
 Nunc etiam abcessit volitantibus aequore velis  
 Unigena ignarusque virum ignarusque laborum  
 Infelix. nostri nunc ille est causa doloris,  
 Illi ego nunc timeo, ah ne illum voret aquoris aestus,  
 Ah ne illum errantem terris gens barbara perdat!  
 Nam misero multi fatum crudele minantur, 940  
 Ante redux patrii visat quam litora regni.  
 Talia Penelope: contra vacua umbra loquuta.  
 Fide, ait, ac tantos animo ne finge timores:  
 Talis enim dux alma viae est, sibi legerit heros  
 Quam comitem quivis, tam forti pectore pollet,  
 Pallas magna Jovis soboles, eademque gementem  
 Te miserans jussit certa haec tibi dicta referre:  
 Penelope rursus: si diva es, & ipsius, inquit,  
 Audisti divae voces, de conjuge fare  
 Pauca precor; vivitne & solis lumina cernit, 950  
 An periit, nigraque repostus Ditis in aula est?  
 Tum fata nocte nigra poscenti reddit imago:  
 Nil dicam misero de conjuge; vivit, an umbris  
 Occubuit: neque enim fas est me vana profari.  
 Sic fata in caeli tenues evanuit auras,

Qua



Qua fuerat delapsa prius. contra excita somno  
 Exsiluit regina: micat formidine pectus;  
 Usque adeo noctis manifesta insomnia vidit.  
 Interea per stagna proci neptunia longe  
 Ibant Telemacho letum exitiale struentes. 930  
 Insula stat mediis in fluctibus, horrida acutis  
 Cauribus, inter utramque jacens Ithacenque Samumque,  
 Asteris, haud ingens: portus utrinque patefunt  
 Intus, ubi insidians pubes confedit achiva.



# HOMERI ODYSSEAE

## LIBER QUINTUS.

**V**ix aderat linquens Tithoni Aurora cubile  
 Purpureum, caeloque jubar terrisque ferebat,  
 Quum superi in coetum venere, & maximus una  
 Altitonans genitor folio confedit in aureo.  
 His duri Laërtiadae discrimina Pallas  
 Multa renarrabat memorans, longumque perosa  
 Hospitium nymphae: jam jam pater optime, & almi  
 Caelicolae o, dixit, rex miti pectore nullus  
 Sceptra gerat justique tenax servator & aequi:  
 Saeviat implacidus semper, jura omnia spernat. 10  
 Usque adeo in populo nullum, cui praefuit olim,  
 Cura Ithaci tangit, quamquam regnaverit ipse  
 Artibus heu frustra patriis. illum insula ponto  
 Moerentemque aegrumque tenet, nec dura Calypso  
 Dat reditum, nec laeta valet contendere vela;  
 Quippe ratis comitesque olli, quois turgida nereï  
 Aequora transmittat, longo jam tempore defunt.  
 Nunc etiam gnato funus crudele paratur  
 In patriam reduci, postquam genitoris amore  
 Et Pylon & claras adiit Lacedaemonis arces. 20  
 Sic ait: ast olli nimborum rector olympi:  
 Pallas, ait, mea gnata, quid haec te cura remordet?  
 Non tibi jam sedit sententia, ut acer Ulysses  
 Adveniens perdat fontes ultricibus armis?  
 Telemachum vero, potis es namque ipsa, per undas  
 Duc

Duc age duc patriae ad fines: dent carbasæ retro,  
Illasque proci relegant iter omne carina.  
Dixit; Mercuriumque vocans, ac talia mandans:  
I nate o semper mihi fide, i nuncius, inquit,  
Atque hæc auricomæ perfer mea certa per auras 30  
Jussæ deæ: placitum nobis, ut fortis Ulysses  
Naviget ætutum sine ductu hominumve deumve.  
Ille alta in navi lassatus pectora curis  
Bis decima Scherien contingat luce feracem,  
Phaeacum in terram veniens, queis degitur ævum  
Ab simile haud nostro lactæ inter gaudia vitæ.  
Illinc eximio superum dignatus honore  
Incolumis tandem patrias mittetur ad oras  
Secum multa ferens auri data pondera & aeris,  
Multas & vestes, quot numquam dona tulisset 40  
Adveniens Troja sospes, magnæque potitus  
Dardanidum præda. sic illum certa redire  
Fata volunt, patriæ sic notas visere sedes.  
Juppiter hæc. paret jussis Cyllenius ales,  
Pulcraque subnectit niveis talaria plantis  
Aureaque ac semper florentia, quæ freta supra  
Immensasque levem terras per inania portant  
Aerio volucris pariter cum flamine venti.  
Accipit & virgam dextra, qua lumina mulcet,  
Sopitosque hominum, quum vult, exsuscitat artus: 50  
Hanc manibus retinet, liquidumque per æthera fertur.  
Post ubi Pieriam tetigit, delapsus ab aura  
In mare se toto demisit corpore præceps  
Adsimilis volucris, trepidis quæ litora circum  
Piscibus insidias volitans molitur, & alas  
Sæpe citas cæna pelagi salsugine tingit:  
Haud aliter fluctus inter Cyllenius ibat.

Jamque ut pervenit; qua tollitur avia longe  
 Insula, subsiliens undanti e gurgitis aestu  
 Litus arenosum scandit, progressus & ingens 60  
 Antrum adiit nymphae, nymphamque invenit in antro.  
 Intus inextincto focus igne ardebat, & udas  
 Fusus odoratae cedri vapor ibat ad auras,  
 Atque thyaë: illa autem cantu solata laborem  
 Aurato resonam texebat pectine telam.  
 Circum antrum viridi lucus succreverat umbra  
 Alnique platanique & odoriferae cyparissi.  
 Hæc variae instabant volucres componere nidos  
 Frondibus in densis strepitantes, foedaque bubo,  
 Accipitresque, atque uda loquax per litora cornix, 70  
 Quæque aliae glauci rimantur stagna profundi.  
 Rupe super curva pendentibus undique tophis  
 Pampineos tendit ramos, floretque racemis.  
 Vitis opaca ingens: vitreo pede mollia subter  
 Quattuor argento similes per gramina ludunt  
 Vicini fontes, diversoque agmine tendunt.  
 Stant semper violis, apioque virentia circum  
 Prata novo: sedes visu miranda vel ipsis  
 Caelicolis, lætaque hilarans dulcedine mentem.  
 Atque ibi tum pulcra correptus imagine rerum 80  
 Constitit admirans domitor fortissimus Argi.  
 Inde oculos postquam cupidos tulit omnia circum,  
 Antrum ingens subiit: non illum candida nymphe  
 Non subito agnovit, subeuntem ut limina vidit  
 Prima domus; neque enim, quamvis distantia longe  
 Tecta colant, facies dis est ignota deorum.  
 Haud intra sedes aderat Lærtius heros;  
 At residens flebat deserto in litore, ubi aeger  
 Saepius insano laxabat frena dolori,

Assi-

Assiduosque ciens gemitus lacrimisque madescens 90  
Irrequieta alti spectabat caerula ponti.

Ergo his tum nymphas inter pulcherrima dictis  
Mercurjum alloquitur radiant in sede locatum.

O Maja generate, interpres fide Tonantis,  
Aurataque potens virga, venerandus & aequè

Carus ades; quae causâ viae? non ante recessus  
Visere te memini nostros. age fare, quid optas?

Si fas, si potero, mihi jussa capessere mens est:  
Quin sequere ulterius; ponam digna hospite dona.

Haec ubi dicta dedit, suavi dea candida mensam 100  
Ambrosia implevit, rubrique immiscuit haustus

Nectaris: ille bibit gaudens & vescitur una.  
Postquam coenarat, dapibusque refecerat artus

Aggreditur nympham placido sic ore loquutus.  
Divane me divum poscis? non vera negabo

Quandoquidem sic alma jubes, descendere jussit  
Juppiter invitum: quis enim per tanta refusi

Stagna maris veniat delapsus ab aethere sponte,  
Nulla hominum sese qua tollunt moenia, nulli

Qui superos placent, cumulentque altaria donis? 110  
Sed Jovis imperio parendum, nullaue jussa

Fas ulli divum frustrari. heic vivere tecum  
Ille virum dicit fortunae turbine nigro

Jaetatum ante alios, Priami quot Pergama circum  
Annis pugnare novem, decimoque penates,

Iliacas populati arces, petiere carinis.  
Sed reduces fortem laeserunt Pallada, in ipsos

Quae rapida excivit ventorum praelia, & undas  
Ingentes. socii monstris data praeda marinis

Tunc omnes periire; ast illum asperrima ponti 120  
Tempestas, nimbisque furens huc ventus adegit:

Hunc

Hunc te, nympha, domum genitor dimittere mandat;  
 Ignotis nam fata vetant occumbere in oris  
 Distractum a fociis: fatale est rursus amicos  
 Visere, & optatas post longum tangere sedes.  
 Dixerat. his dictis exhorruit alma Calypso,  
 Ac trepido tales effudit pectore voces.  
 Di genus adversum nobis, quatenam improba tantum  
 Invidia, haud vacuo divas requiescere lecto,  
 Si qua virum placito carum sibi junxit amore? 130  
 Sic roseos ornata sinus ut Oriona cepit  
 Aurora, invidiae stimulis ingentibus actos  
 Vos doluisse polo memini, nec desit ira,  
 Donec in Ortygiae sylvis Latonia virgo  
 Perculit aggressum numquam fallente sagitta.  
 Sic etiam quum victa animi lassiona petivit  
 Flava Ceres, dulcemque ardens saturavit amorem  
 Mixta viro per culta soli, non inscius illum  
 Juppiter ardenti jaculatus fulmine stravit.  
 Nunc eadem vos cura agitat, quod sanguine cretus 140  
 Mortali vir adest carus mihi. pinea fractae  
 Illum ego versantem se circum texta carinae  
 Servavi solum, rutilo quum fulmine navim  
 Diffidit in mediis iratus Juppiter undis.  
 Occubuit comitum manus omnis: at ille furenti  
 Turbine ventorum fluctuque huc venit adactus.  
 Excepi, fovique libens, voluique senectae  
 Nescius ut mecum semper traduceret aevum.  
 Sed quoniam parere Jovi vis maxima cogit  
 Caelicolas, mentemque nefas frustrarier ulli, 150  
 Pessum eat, ipse virum si vult trans aequora longe  
 Mittere; me nullo missuram at tempore speret.  
 Tantum consiliis adero, monitumque docebo,

Quid

Quid faciens patrias contingat salvus arenas.  
Haec dea: Mercurius breviter cui talia reddit:  
Mitte age sic, magnique Jovis dea respice nutum,  
Ne tibi fors odiis post saeviat asper acerbis.  
Tantum effatus abit motis Cyllenius alis.  
Illa autem, postquam magni Jovis horrida jussa  
Audiit, extemplo contra processit Ulysssem. 160  
Hunc solo reperit projectum in litore: fletu  
Lumina non umquam cessant, vis vivida dulcem  
Carpitur optanti reditum, nec mollia curat  
Gaudia jam teneros nymphae pertaesius amores.  
Ille cava sub rupe cubans in nocte jacebat,  
Invitusque deae haud invitae adstabat; at almam  
Per lucem solis residens in cautibus aeger  
Singultusque ciens longos lacrimisque repescens  
Irrequieta vagi spectabat caerula ponti.  
Cui dea tum propior moerenti haec edidit ore. 170  
Infelix ne longa trahens suspiria, questus  
Assiduos heic rumpe, vigor neu vividus aevi  
Langueat; optanti reditum tibi certa paravi.  
Jamque age longa secans resonanti robora ferro  
Arte tibi latamque ratem tabulataque supra  
In sublime struens propera, devesus ut atro  
Gurgite spumantis nereï vada turgida sulces.  
Ipsa autem cereremque tibi laticesque lyaeos  
Expediam, fontemque feram, queis pulsa facessat  
Dira fames. vestem super addam, ac flamina mittam 180  
Ventorum a tergo spirantia, quae cita fines  
Ad patriae incolumem lapsu te praepete reddant;  
Si modo caelicolae stellantia templa colentes  
Adnuerint, quorum vis major, & omnia nescit,  
Et melius sanctae regit omnia numine mentis.

Sic

Sic ait. obstupuit fantem Laërtius heros,  
 Continuoque: aliud simulato pectore volvis,  
 Non reditus mihi, nympha, paras. mene horrida, dixit,  
 Exigua tentare jubes rate caerula ponti,  
 Quae neque surgentes ingenti mole carinae 190  
 Trajiciant aëtae facili Jovis alite vento?  
 Non ego te invita conscendam, diva, nec usquam  
 Hinc fugiam, ni sancta mihi juraveris ante  
 Numina, nil aliud per te mihi triste timendum.  
 Vix ea: subrisit pulcro dea caerula vultu,  
 Permultitque virum dextra, & sic ore loquuta est.  
 Maeste animis vafroque diu mihi cognite mentis  
 Ingenio; quae dicta tuo de pectore promis?  
 Audiat hoc tellus, & desuper arduus aether,  
 Et subter stygis unda fluens, dis maxima cujus 200  
 Relligio est sanctum jurare ac fallere numen:  
 Clades nulla tibi per me, nil triste paratur.  
 Consilium, quod ego caperem, do scilicet, ipsam.  
 Si qua gravis pariter fors rerum & cura teneret  
 Sollicitam. mens aequa mihi est, nec viscera ferro.  
 Stant rigido; miseris ultro succurrere novi.  
 Dixerat, ac celeres gressus tulit ante; nec ille  
 Segnius ingrediens divae vestigia servat.  
 Utque cavam tetigere specum, confedit Ulysses  
 Magnanimus folio, quo se Cyllenius ales 210  
 Sustulerat. tum nympha dapes mortalibus aptas  
 Aggerat, ac bacchi spumantia pocula ponit.  
 Sedit & ipsa ducem contra; cui protinus almae  
 Ambrosiam famulae dulcem nectarque tulere.  
 Jamque alacres ambo tendunt ad fercula dextras,  
 Vescunturque simul: postquam satiata voluptas,  
 Talibus est regem dictis affata Calypso.

Ergone,



Ergone Laërtae fate claro o sanguine, fines  
Sic patriae ad caros properas? felicibus opto  
Auspiciis, longumque vale mihi laetus in aevum. 220  
Si tamen heu scires, quantos tibi fata labores  
Ante parant, patriae venias quam vectus ad oras;  
Credo equidem, haec mecum servares limina major  
Et senio & leto, quamquam non immemor umquam  
Conjugis usque adeo cupias invisere vultus,  
Quae miserum cogit semper tabescere curis.  
Nec vero faciemque minus formosa nec artus  
Ingentes reor esse; nefas mortalia quando  
Corpora cum magnis forma certare deabus.  
Haec illa: at contra sic orsus reddit Ulysses. 230  
Ne saevi, dea magna: meam tibi cedere & ipse  
Penelopem fateor membrisque atque oris honore;  
Quippe olli mortale genus, tua forma perennis  
Stat sine fine. animus nec secius ardet abire  
Scilicet, ac patriae dilectas visere sedes.  
Si vero divum quis in aequore saeviat atro,  
Omnia durando patiar, non pectore gestans  
Corda ignara mali; bello jactatus, & alto  
Namque tuli jam multa: etiam haec, fors aspera cedat  
Nec plura his. titan subiit delapsus in aequor: 240  
Interea, sparsitque polum nox atra tenebris.  
Et jam ambo ingressi secreta cubilia rupis  
Dulcia nocturni ceperunt gaudia somni.  
Post ubi dispulerat stellas aurora micantes  
Suave rubens, Ithacus chlamydem tunicamque superne  
Induit. at niveam tenui velamine pallam,  
Artis opus rarae charitum, demisit ad imos  
Nympha pedes, zonaque latus constrinxit utrumque  
Auro intertexta; tum flavo vertice mytram.

M

Impo-

Imposuit properans reditum non segnis Ulyssi. 250  
 Principio solido e ferro dat habere bipennem  
 Ingentem: hinc acies atque hinc splendescit acuta,  
 Ac teritur qua parte manu, sustentat eandem,  
 Ceu capulus, pulcro radix oleagina ligno;  
 Datque alia instrumenta artis. dein tramite noto  
 Ducit ad extremi secretam litoris oram  
 In nemus umbriferum, foliis ubi plurima canis  
 Populus, & superas abies edueta sub auras  
 Proceraque alni stabant, arentia ramis  
 Robora & aequoreas propere lapsura per undas. 260  
 At postquam ostendit silvam, in penetrale recessit  
 Digrediens dea pulcra: instat contra impiger heros,  
 Aggrediturque nemus ferro, celeratque laborem.  
 Jamque adeo immani bidentos corpore truncos  
 Straverat, ac ferro laevans aequarat acuto,  
 Directosque omnes ad normam exegerat. utque  
 Adtulit optanti terebras formosa Calypso,  
 Protinus insistens terebravit robora, & actis  
 Omnia firmavit clavis ac nexibus aptans  
 Sese inter. jamque ille ingenti mole carinam 370  
 Condiderat solus, patulae quo tempore cymbae  
 Vix alius fundum strueret faber inclitus arte.  
 Addit transtra, addit tabulata haerentia vinclis,  
 Afferibusque regit dissecta ex abiete. malum  
 In medio statuit, pendentiaque antennarum  
 Cornua; tum puppi clavum defigit in alta,  
 Quo regat obscuro dubios in marmore cursus.  
 Nec minus, & salicum lentis latera ardua virgis  
 Protegit in gyrum, rabidas munimen in undas  
 Materiam stipans multam. dein linea texta, 280  
 Quae dea portarat, sinuosa in carbasia vertit,

Illigat

Illigat & funes circum, tortosque rudentes,  
Atque pedes. ut cuncta suo videt ordine stare,  
Vestibus innitens navim demittit in aequor.  
Quarta adeo lux orta aderat, perfectaue moles  
In pelago nabat. quinta discedere iussit  
Luce dea, irriguo postquam illum flumine lavit,  
Mollibus & niveos intexit vestibus artus.  
Dat quoque vina, dat & fontes, epulisque parandis  
Apta locat large variarum munera rerum, 290  
Ac lenem innocuo submittit murmure ventum.  
Vela facit laetus, zephyrisque faventibus heros  
Fertur aperta volans per caerula. jamque residens  
Ipse gubernaculum torquet, nec lumina somno  
Languida declinat, tardantis plaustra Bootae,  
Pleiadumque choros spectans, brevibusque coactam  
Ire polum circa spatiis ad Oriona versam  
Arcton, quam vocitant etiam cognomine currum,  
Solaque in oceani numquam lavat aequore vultus.  
Hanc etenim ad laevam semper dea iussit habere 300  
Tendentem cursus & caerula vasta secantem.  
Ille decem septemque dies sulcaverat aequor,  
Quum decima octava se luce ostendere montes  
Phaeacum visi, brevior qua meta viarum,  
Et longum obscuro ceu scutum ad surgere ponto.  
Aethiopum interea linquens procul avia regna  
Illum undis nantem conspexit rector aquarum  
Montibus e Solymis, subitaeque exarsit in iras,  
Et quassans caput haec secum: mutata voluntas  
Dulichio de rege diis caelestibus, inquit, 310  
Heu procul Aethiopum caris dum versor in oris.  
Ecce tenet propior Phaeacia litora, ubi illum  
Fata volunt longos tandem finire labores.

Nec tamen omnino fugiet; gravis exitus instat.  
 Sic fatus cogit nubes, magnoque tridente  
 Aequeora subvertit miscens, atque excitat omnes  
 Ventorum pelagique minus. jam nubila condunt  
 Telluremque fretumque; polo nox incubat atra.  
 Una eurusque notusque ruunt, zephyrusque protervus,  
 Ac vastos boreas volvens ad litora fluctus. 320  
 Extemplo collapsi artus solvuntur Ulyssi,  
 Turbatoque haeret gelida formidine sanguis:  
 Ingemit, ac tales effundit pectore voces.  
 Heu quidnam excipiet miserum me denique casus,  
 Vel quid agam? fuerit ne verax alma Calypso,  
 Nunc vereor, quae fata monens horrenda deorum  
 Dicebat, patrios quam fines tangere detur,  
 Hausturum mediis in fluctibus ante dolores  
 Immenso: rata dicta manent atque omina divae.  
 Heu quibus occuluit Saturnius aethera nimbis, 330  
 Turbavitque undas! ventorum horrentia gliscunt  
 Praelia, & adverso concurrunt agmine cuncti:  
 Mors instat vicina. o terque quaterque beati  
 Inachidae, magnis queis coram occumbere Atridis  
 Contigit iliaca pugnando ad moenia gentis!  
 Mene illo extinctum vitam hanc effundere in auras  
 Non potuisse die, quum me contra aspera tela  
 Troës ad exanimi jactabant corpus Achillei?  
 Tunc mihi apud Grajos ingens & parva fuisset  
 Gloria, & inferiae dignae; nunc funere tristi 340  
 Perditus ad stygias descendam inglorius umbras.  
 Talia jactantem veniens a vertice fluctus  
 Impulit horrendum stridens, totamque carinam  
 Conculsit. cadit ille ruens, clavumque remittit  
 Avulsum e manibus; tum malo adverso procella  
 Ingruit

Ingruit ac medium glomerato turbine frangit:  
 Nant procul antennae dilapsaeque vela per aequor.  
 Ast illum rapido tenuit sub gurgitis aestu  
 Unda diu superas quamprimum emergere in auras  
 Conantem frustra, madidaeque in veste gravatum. 350  
 Post tandem emerfit, falsique liquoris amarum  
 Evomuit fontem, qui plurimus undique rivis  
 Caesarie e flava totoque e vertice manat.  
 Nec tamen oblitus tanto in discrimine navim,  
 Sed valido nisu luctatus in aequore captam  
 Arripuit, seditque intus fata ultima vitans:  
 Ipsam agit ac partes maris aestus torquet in omnes.  
 Ac veluti, scythicis aquilo quum saevus ab oris  
 Incubuit campis autumnii tempore, & altum  
 Insonuit, raptat sentes atque arida differt 360  
 Gramina, seque leves glomerant per inane manipuli:  
 Sic illam in rapido versabant vortice venti,  
 Interdumque notus boreae, interdumque ferendam  
 Praecipiti objectat zephyro violentior eurus.  
 Haec sensit mediis Cadmaea in fluctibus Ino  
 Leucothee, quondam mortali corpore virgo,  
 Tunc pelagi dea magna, almoque insignis honore.  
 Illa Ithacum rabido miserata in gurgite ferri  
 Languentemque aegrumque, volans par omnia mergo  
 Prodiit e fluctu, navimque ingressa resedit, 370  
 Ac propior sic fata. quid o tibi rector aquarum  
 Tam graviter saevit, tantas & suscitât iras?  
 Infelix! at non te perdet in aequore, quamvis  
 Id quoque, si possit, cupiat furialibus orsis.  
 Quin sequere o mea dicta, atque exue vestibis artus  
 Nudatos, ventisque feris sine ferre carinam  
 Per vada nigra sali. tu vero litora cursu

Tende

Tende natans ad prima, ubi te fatalibus arvis  
 Accipiet saluum pelago Phaeacia tellus,  
 Dimittetque iterum. jamque hanc citus accipe vittam 380  
 Expertem senii, & prono sub pectore tende:  
 Nil metue hac fretus, nullum patiere periculum.  
 At postquam optata manibus tellure potitus  
 Litora contigeris, spoliatus in aequor eandem  
 Projice, tuque alio faciem & vestigia verte.  
 Haec ubi fata dea est, vittam dedit, & freta rursus  
 Assimilis mergo subiit spumantia: at illam  
 Qua subiit, fluctu texit super unda nigranti.  
 Haeret inops animi, necdum sat certus Ulysses  
 Fluctuat: inde imo ducens suspiria corde 390  
 Haec secum. ah misero ne quis deus aspera rursus  
 Damna mihi insidiasque struat, sic linquere navim  
 Sponte monens? nondum parebo: dissita longe  
 Visa jacet tellus, ubi spondent fata salutem.  
 Quin ego, quae potior surgit sententia menti,  
 Hanc sequar, & junctis donec compagibus haerent  
 Robora, non illis usquam dimotus abibo  
 Dura ferens. postquam navim disperferit aestus,  
 Nil melius quando superest, per caerulea nabo.  
 Atque ea dum secum turbata mente volutat, 400  
 Saevus in adversam puppim contorquet ab alto  
 Ingentem pelago fluctum Neptunus, & ipsum  
 Excutit: utque olim violento turbine ventus,  
 Venit ubi in magnum stipularum illapsus acervum,  
 Dissolvens vacuas omnem dispergit in auras  
 Hac illac: sic texta ratis maris unda resolvit.  
 At non tardatus casu vafer emicat heros  
 Et sese, velut altus equo, locat arbore longa,  
 Nudatusque artus vittam sub pectore sternit;

Et

Et jam undas pronus subiens, & brachia jactans 410  
Nat pelago. vidit nantem Neptunus ab alto,  
Concutiensque caput sic voce incessit amara.  
I licet, i passus mala multa, & fluctibus errans.  
Tende manus. venies optatae ad litora gentis,  
Nec tamen adventu spero laetabere tali.  
Sic fatus concussit equis fluitantia lora,  
Altaque ubi surgit domus illi, venit in Aegas.  
Sed Pallas Jove nata novas se vertit ad artes,  
Aeolioque procul ventos in carcere frenat,  
Omnibus obstruendis lateque silentibus acrem 420  
Threicium praeter borean, qui caerula frangat,  
Donec Phaeacum terras contingat Ulysses  
Elapsus ponto raptusque e faucibus Orci.  
Noctes ille duas totidemque ex ordine lucas  
Fluctibus erravit cladem undique & undique letum  
Permetuens: tot namque adstare pericula cernit.  
Tertia sed postquam tenebris aurora fugatis  
Clara polo effulsit, posuerunt murmura venti,  
Pacatusque stetit ridenti marmore pontus:  
Vidit & ille altam propius consurgere terram 430  
Intendens aciem summa sublimis ab unda.  
Ac veluti gnatis vita est jucunda parentis  
Cui misero longum sedit vis morbida membris,  
Incubuitque malum numen; tum rursus amatam  
Di faciles reddunt depulsa tabe salutem:  
Haud aliter cupido jucunda apparuit olli  
Vertice frondifero tellus adsurgere visa.  
Innatat, ac pedibus nitens conscendere litus  
Adcelerat. sed postquam aberat non longius arvis,  
Quam vox auditur resono clamantis ab ore, 440  
Illisi ad cautes hausit strepitantia ponti  
Murimura. namque ingens reboabat litore fluctus  
Horren-

Horrendum eructans, falsaque adspergine late  
 Omnia rorabant: neque enim statioque carinis  
 Tuta aderat, curvique sinus; sed culmina stabant  
 Aspera, & objectis scopulorum horrentia saxis.  
 Tum vero gelidus circum praeccordia sanguis  
 Dirigit, gemitumque trahens: heu visere postquam  
 Insuperata dedit facilis mihi Juppiter arva,  
 Ac propiora sequens adii spatia humida terris, 450  
 Nusquam, ait, egressus patet atro e gurgitis aestu.  
 Cautibus horrescit praetentum litus acutis,  
 Rauca fremit circum unda, super juga laevia cudent,  
 Et subter vasto demittitur aequor hiatu.  
 Qua fugiam pressis figens vestigia plantis,  
 Evadamque malo, quin raptum ad lubrica fluctus  
 Projiciat me saxa, & nisu cludat inani?  
 Quod si etiam ulterius fulcem vada, sicubi portus  
 Inveniam, tutosque humili tellure recessus;  
 Heu timco, ne saeva iterum maris unda gementem 460  
 Abripiat longe in pelagus; neu grandia contra  
 Monstra sali, quae multa sinu foveret Amphitrite,  
 Faucibus immittat patulis male numen amicum:  
 Novi odia infensi Neptuni expertus, & iras.  
 Interea haec secum tristi dum pectore versat,  
 Ad cautes & saxa ipsum fert aestus aquarum.  
 Quo pulsus, ni diva aderat Tritonia praefens  
 Consilio, infraetos artus doluisset & ossa  
 Exanimis, lacera foede cute, & undique manans  
 Sanguine. sed manibus prendens capita aspera rupis 470  
 Ambabus, gemitumque trahens se advolvitur, & arcto  
 Haeret in amplexu, veniens dum profluat aequor.  
 Exitium sic ille ferum tunc fugit: at unda  
 Mox eadem refluo perculsum gurgite traxit,

Avulsam-



Avulsumque jugis procul altum immisit in aequor.  
 Ceu quando glauco latebrosae rupis ab antro  
 Polypus extrahitur, simul ater vulnere sanguis.  
 Volvitur, infixi simul uncis; cruribus haerent  
 Ad vivum lapides: aspro sic ille revulsus  
 E scopulo manibus laceris sparsusque cruore 480  
 Excidit: unda super spumanti marmore textit.  
 Atque ibi tunc Ithacus contra, quam fata ferebant,  
 Funere crudeli periisset, nata Tonante  
 Ni virgo trepido mentem hanc miserata dedisset.  
 Exsilit a fluctu, rauco qui murmure fervens  
 Litora pulsabat: tum praeter proxima vectus  
 Caerula, tellurem nando respectat, an usquam  
 Subsidatque solum, pateatque egressibus ora?  
 Nec frustra: pulcri delapsus ad ostia venit  
 Fluminis: haec illi visa est accommoda sedes, 490  
 Nec scopulis praetenta, nec ulli pervia vento;  
 Agnovitque amnem, placidumque in vota vocavit.  
 Quisquis es, o mihi sancte fave: tua ad ostia supplex  
 Advenio saeva Neptuni elapsus ab ira.  
 Caelicolis etiam sacer est, quicumque virorum  
 Adstiat curis gravibus jactatus, ut ipse  
 Ingredior nunc amne tuo, genibusque propinquo:  
 Supplicis o miserere pater; tua numina acco  
 Dixerat, ac fluvius sedato gurgite fluctus  
 Leniit, & stagni in morem lentaeque paludis 500  
 Stravit aquas, gremioque intrantem accepit amico.  
 Ille autem genua inflectens contraxit & ambo  
 Brachia jam nimio lassatus corda labore,  
 Edomitique mari. tumet albo corpore totus,  
 Atque liquor large salus promanat ab ore,  
 Naribus & plenis: non vox, aut spiritus aegro,

Sed jacet, exanimisque artus stupor urget inertes.  
 Postquam auras hausit spirans, pulsūque recepit  
 Corde animum; solvit diā sub pectore vittā,  
 Immisitque amni retro tulit aestus in undas 510  
 Aequoreas prono labentem flumine, & Ino  
 Laeta suis tenuit manibus. progressus at heros  
 E fluvio juncos inter procumbuit in ulva,  
 Osculāque infigit terrae; & sic ore profatur  
 Mixta trahens crebro gemitu suspiria corde.  
 Heu quid fata parant? misero quid denique restat?  
 Accumbamne gravem per noctem ad fluminis undas?  
 At ros nocte cadens, & matutina pruina  
 Exitio periment; nam primo lucis in ortu  
 Frigida vicini venit aura e fluminis alveo. 520  
 Anne petam nemora alta, interque umbrosa recubam  
 Lustra? sinet languor si tantum adnixier aegrum,  
 Fessaque jucundo componere membra sopore;  
 Ah metuo, lanianda feris ne praeda quiescam.  
 Talia jactanti, talesque in pectore curas  
 Secum alternanti potior sententia visā  
 In nemus ire. ergo celerat, mollique repertam  
 In clivo, fluvium supra, consurgere silvam  
 Horrentem cernit propius; subitoque locatur  
 In medio natas inter de stirpibus isdem 530  
 Felicem hinc oleam, hinc oleastrum fronde virentem,  
 Quas neque ventorum gravium vis humida perflat,  
 Nec Phoebus radiis flammantibus acer adurit,  
 Non imber penetrat. sic arctis nexibus haerent,  
 Inque vicem ramos & densa cacumina jungunt.  
 Huc Ithacus subiit, foliisque agreste cubile  
 Aggessit stratis, quorum vis magna jacebat  
 Sparsa solo, pluresque opetire in tempore brumae

Apta

Apta viros, glacies quum saevior asperat axem.  
His opibus gaudet tremefactus corpore nudo, 540  
Seque locans medius gelidos super integit artus  
Undique. ceu quando flagrantem pastor in arvo  
Sub cinere abscondit torrem, servatque repostae  
Semina vivacis flammae deserta pererrans  
Culmina, ne longe quaerat post indigus ignem:  
Sic ille intexit foliis sese undique. Pallas  
Dat facilem somnum, longo qui fessa labore  
Membra levet nigro componens lumina velo.



## HOMERI ODYSSEAE

## LIBER SEXTUS.

**S**ic tacitam per noctem Ithacus recubabat agrestii  
 In tumultu curis somnoque oppressus. at alma  
 Pallas adit Phaeacum alte surgentia testā,  
 Et populos, quondam latae qui vasta colebant  
 Arva Hiperiae atris Cyclopibus undique clausi,  
 Assuetique malas, haud aequo Marte potentes,  
 Ferre vices validis vicini incurfibus hostis.  
 Illos Nausithous veteri discedere sede  
 Jussit, & in Scherien infesta e gente profectos  
 Duxit, ubi magnis circumdedit arcibus urbem, 10  
 Divisitque agros ponens ingentia divis  
 Tempia, domosque viris. at fato ereptus ad umbras  
 Cesserat infernas senior; sceptrumque regebat  
 Alcinous tum cura deum, servator. & aequi.  
 Hujus adit claras virgo Tritonia sedes,  
 Moliturque duci reditum. jamque ardua scandit  
 Limina fulgentis thalami, quo nympa cubabat  
 Praestanti assimilis formaque habituque deabus  
 Nausicaë Alcinoi magni pulcherrima proles.  
 Hinc atque hinc geminae, Charites queis munera  
 formae 20  
 Addiderant, famulae stabant clausasque tenebant  
 Nocte fores. sed diva, levis velut halitus aurae,  
 Nulli visa intro subiit, capitique puellae  
 Adstitit, egregii pelago mentita Dymantis  
 Ptoëniem, aquaevaa quam semper regia gnata  
 Prae-

Praecipuo socias inter dilexit amore:  
 Omnia cui similis dea magna affata puellam est.  
 Cur adeo cessas? cur te sic optima mater  
 Lentam atque immemorem rerum tulit? en tibi pulchrae  
 Neglectaeque jacent vestes, properatque hymenaeus 30  
 Laeta ferens jam dona. ipsam & splendescere tempus  
 Te niveo ornatam cultu, similemque parare;  
 Conjugis ad cari sedes quicumque sequentur.  
 Hinc oritur laus certa, hominumque it fama per ora  
 Didita, qua genitor gaudet, quaque optima mater:  
 Quin simul ac radiis aurora retexerit orbem,  
 Loturae properemus: ego comes addita tecum.  
 Ipsa adero, curamque omnem partibor, ut una  
 Expedias mecum facili te nymphea labore.  
 Non etenim, mihi crede, diu sine conjugis virgo 40  
 Sedibus in patriis ludes: te prima juvenus  
 Jam petit, & cupidis in te suspirat ocellis.  
 Verum age cornipedes geminos ad frenâ subortum  
 Fac genitor currumque paret, qui mollia portet  
 Cingulaque & peplos & diti pallia cultu.  
 Sic potius decet ire, viam quam carpere longam  
 Per campos pedibus: multum fons distat ab urbe.  
 Haec ut fata dea est, petiit stellantis olympi  
 Culmina, tranquillas perhibent ubi numina sedes  
 Incolere, haud illic ventorum flamina gliscunt, 50  
 Haud pluviae incanaeve nives; at pura sereno  
 Aura polo sine nube viget, circumque coruscat  
 Lumine purpureo, qua laeta per otia vitam  
 Caelicolae ducunt aeterna pace potiti.  
 Illuc tum volucris fugiens per inania cursu  
 Sese diva tulit, postquam est affata puellam.  
 Aurora interea formosa in veste nitentem

Nausi-

Nauficaam excivit: miratur somnia virgo,  
 Egrediensque toro, sua visa parentibus ultro  
 Nunciet ut caris, celerat per tecta domorum. 60  
 Haud mora; non longe nata est utrumque. sedebat  
 Ante focum fidis mater stipata ministris  
 Puniceum versans contorto pollice vellus:  
 At genitor tum forte suis a sedibus ibat  
 Concilium in magnum tendens, quo sancta vocabant  
 Jura patrum. stetit illa pedes genitoris ad ipsos,  
 Et prior has voces pudibundo effudit ab ore.  
 O genitor currumne vetas mihi ducier altum,  
 Ut lotura feram pulcras ad flumina vestes,  
 Quae longo sordent jam tempore? scilicet ipsum 70  
 Te proceres inter primum consulta ferentem  
 Usque decet puro corpus circumdare amictu.  
 Sunt tibi praeterea quini felicia gnati  
 Germina, quorum alma gemini jam conjuge gaudent,  
 Tres thalami expertes florent. hi vestibus omnes  
 Ornarique novis cupiunt, semperque nitere  
 Mollihus in choreis; mihi vero haec omnia curae.  
 Sic fata est; nec enim pudor ipsam dicere sivit  
 Plura, nec optatos patri memorare hymenacos.  
 Ille tamen novit latitantes pectore sensus, 80  
 Et sic pauca refert. non bigas, gnata, negabo,  
 Non poscas quaecumque; i felix: alta ministri  
 Ad iuga cornipedes jungent, currumque parabunt.  
 Haec dicens dat iussa viris. nec segnus illi  
 Educuntque levem currum, lapsusque rotarum  
 Subjiciunt, adduntque pares ad frena iugales.  
 Illa autem e thalamo celerans velamina pulcra  
 Extulit, imposuitque supra: cui sedula mater  
 Apparat in calathis varias florentibus escas,

Capri-

Caprigenumque utrem spumanti nectare bacchi 90  
Implet. jamque levem dum virgo ascendit in axem,  
Palladiae succos oleae, queis molliat artus  
Ipsa suos comitumque, dat aptum munus in auro.  
Lora manu cepit virgo, lentoque flagello  
Increpuit bijugos. resonant longa atria circum  
Quadrupedante pedum strepitu, currusque citatus  
Fert positasque supra vestes, ipsamque puellam  
Haud solam; famulantum una nam turba sequuta est.  
Quae vitrei postquam venero ad fluminis undas,  
Structa aderant ubi labra, ac puro affusus ab amne 100  
Semper abundabat purgandis sordibus humor;  
Cornipedes solvere jugo, atque in pascua laetos  
Propter aquas ripis egere virentibus. hinc et  
Accipiunt, tinguntque alto sub gurgite vestes,  
Et scrobibus calcant in curvis: aemulus omnes  
Ardor agit, celerantque pares rapiuntque laborem.  
Mox ubi laverunt, sternunt ex ordine late  
Omnia arenosum subito per litus, ubi albos  
Spumea lambebat resoni maris unda lapillos.  
Nec minus ipsae etiam juvenilia corpora lotae, 110  
Perfusaeque oleo vicinae in margine ripae  
Gramineo accumbunt epulis, dum candida texta  
Siccantur Phoebi rutilo tepesacta calore.  
Quin & pulsa fames postquam est, redimicula ponunt,  
Contenduntque pila: medio nitet agmine, & alte  
Nauficaa ingeminat numero carmen ab ore.  
Qualis ubi incedit montes Dyctinna per altos,  
Seu juga Taygeti super ardua, sive Erimanthi,  
Tela manu spargens, cervosque assueta fugaces,  
Damarumque sequi turmas; agrestia circum 120  
Numina ludentes glomerantur Oreades una,

Exer-

Exercentque choros; Latonaque pectore gaudet:  
 Illa deas gradiens & pulcro vertice supra  
 Et fronte est; habituque omnes insignior una  
 It. socias inter; talem se laeta ferebat  
 Per medias, tali virgo praestabat honore.  
 Sed bijugos reditura domum quum jungere curru,  
 Et legere apricum per litus texta parabat,  
 Diva novas animum Tritonia vertit ad artes,  
 Excitus ut somno nympham Laërtius heros 130  
 Aspiciat, quae celsa illum sub moenia ducat.  
 Jamque levem regina pilam dum jactat ad unam  
 E sociis, pila missa volans haud pertulit ictum,  
 Irrita sed cecidit spumanti in vortice. at illae  
 Clamavere altum; clamore excitus Ulysses  
 Exsiluit, trepidoque sedens haec pectore secum.  
 Hei mihi quas gentes quae veni ad litora vectus;  
 Barbara num regio haec fera corda ignaraque recti  
 Servat; an hospitibus parcit, superosque veretur?  
 Ut mihi nympharum subito vox impulit aures, 140  
 Nympharum, montana colunt quae culmina, quaeque  
 Flumina amant fontesque & stagna virentia musco.  
 Fors homines etiam, fors juxta heic moenia gentis:  
 Quidquid erit, tentabo oculis ultro omnia lustrans.  
 Haec ait, arbuteoque levat sua membra cubili,  
 Frondentemque rapit viridanti ex arbore rimum,  
 Quo pubemque tegit circum omnem atque ilia nudus,  
 Ingrediturque. leo veluti quum magnus & imbres  
 Et ventos perpeffus atrox ruit; igneque intus  
 Lumina stant; pecudes it contra armenta densa 150  
 Cervorumve boumve, nec acri turbidus ira,  
 ( Suadet enim vefana fames ) irrumpere parcit  
 In stabula, & clausis tentare in ovilibus agnos.

Haud



Haud aliter nudus ( vis namque extrema jubebat )  
Virginibus mediis heros se inferre parabat.  
Jamque sale ut foedos horrens apparuit artus,  
Continuo trepidae summis per gramina ripis  
Diffugere omnes: tantum una haud territa gnata  
Restitit Alcinoi, cui mentem bellica virgo  
Firmarat, solvens turpi formidine pectus. 160  
Illa immota stetit contra: turbatus at heros  
Haesit inops dubiusque animi, genibusne prehenfis  
Virginis exoret pacem progressus, an ipsam  
Eminus aggrediens dictis, & pectora blandus  
Mollia demulcens tentet prece, ad urbis ut alta  
Moenia demonstretque viam, nudataque membra  
Veste tegat? potior dubio sententia visa,  
Longius abstantem sua nympham in vota vocare,  
Ne, dum genva capit, fors saeviat aspera tactu.  
Tum sic blandiloquo supplex est orsus ab ore. 170  
Adsis o, facilisque leves quaecumque laborem  
Sive dea, o virgo, seu nostri sanguinis una:  
Si dea; nata Jovis certe es Latonia Phoebe,  
Cui similis vultuque habituque incedis honesto.  
Sin genus es nostrum terraeque nigrantis alumna,  
O ter felices, qui te genuere parentes;  
Felices etiam fratres, quois dulcia semper  
Gaudia pertentant animos te propter eandem,  
Aspiciunt quum tale choris florescere germen!  
Ante alios tamen ille omnes felicior unus, 180  
Qui te dives opum sua quondam ad limina ducet  
Muneribus victam. nam talem e sanguine nostro  
Non nympham, non ipse virum vidi: occupat ergo  
Mirantem stupor, & raptis vix sensibus hisco.  
Tale erat in Delo, quod vidi ad Apollinis aram

O

For-

Formosum tenerae germen juvenescere palmae;  
 Namque illuc magna quondam comitante caterva  
 Accessi, peterem quum Dardana testâ, futura  
 Exitium mihi triste. utque illa in imagine fixus  
 Obstupui siluique diu; (nam nulla per agros 190  
 Creverat huic similis ramis felicibus arbor;)

Sic miror te nymphea simul stupeoque, nec ora  
 Sustineo tua ferre, aut genva attingere supplex.  
 Me vero fera fata premunt: hesternus ab undis  
 Huc ego bisdenas post luces denique fugi  
 Jactatus pelago nimbisque furentibus usque  
 Insula ab Ogygia: tandem his deus appulit oris,  
 Heic quoque fors iterum clades ut saeva fatiget  
 Immeritum. neque enim credo pia numina ponent  
 Exitii finem, sed multa prioribus addent. 200

Ergo oro miserere: mihi tu prima salutis  
 Spes misero ostensa, ac primam te in vota vocavi  
 Post tantas pelagique minas caelique procellas  
 Omnibus heic errans ignotus. moenia gentis  
 Ipsa doce o facilis regina, ipsa indue egentem,  
 Huc veniens lacerum si quod male tegmen habebas.  
 Di vero tribuant, quaecumque in pectore servas  
 Vota tuo, sponsum gnatosque & munera pacis  
 Unanimae: neque enim donum praestantius ullum,  
 Quam quum tranquillos concordi mente penates 210  
 Femina virque regunt. tristi dolet improba turba  
 Invidia, contra cari laetantur amici,  
 Primaque conjugibus venit ipsis gloria famae.

Talibus orabat supplex, quum talia virgo:  
 Haud equidem arguerim tua dicta, animumque sagacem  
 Hospes, ait. sed enim celsi dominator olympi  
 Ipse suas partitur opes mortalibus aegris.

Justisque

Justisque iniustisque, ut fert dare cuique voluntas:  
 Haec tibi sorte dedit; proin ferre utcumque necesse est.  
 Nunc vero has quoniam terras jactatus adisti, 220  
 Fide animo; vestemque feres expertus amicum  
 Auxilium, donisque super cumulabere dignis  
 Supplice. jamque urbis te celsa ad moenia ducam,  
 Et gentis dicam nomen. felicia regna  
 Haec habitant Phaeaces; ego alto sanguine creta  
 Magnanimi Alcinoi, cui parent omnia, & unus  
 Imperioque regit sceptrisque potentior urbem.  
 Haec ubi fata, vocat famulas ac talia mandat.  
 O gressus cohibete: viro cur denique viso  
 Diffugitis? saevumne hostem advenisse putatis? 230  
 At non ille satus, nec Phoebi lumen & auras  
 Spero equidem aspiciet posthac volventibus annis;  
 Horrida qui placidis Phaeacibus inferat arma  
 Quippe sumus cari superis; medioque tenemus  
 Regna mari, haud soliti misceri gentibus ullis.  
 Hic pelago infelix & tempestatibus actus  
 Appulit his tandem terris; cui protinus omnes  
 Auxilium properate: inopi pater ille deorum  
 Hospitibusque praeest aequus, nec gratia doni  
 Parva vel exigui est. date bacchi pocula, & ipsum 240  
 Ducite, & a ventis aversum in fonte lavate.  
 Vix ea; quum famulae pulsa formidine sistunt,  
 Inque vicem sese exhortantur. jamque reducta  
 Parte locant Ithacum tranquillo in flumine, ubi alma  
 Jusserat Alcinoi soboles; juxtaque ferentes  
 Apponunt chlamydemque viro tunicamque recentem.  
 Dant quoque palladium caelato munus in auro,  
 Sordentesque monent puris in fontibus artus  
 Abluere. affusis queis circum haec subdidit heros:

Longius hinc vos ferte pedes; dum fluminis unda 250  
Tabentes humeros sale tergam, & suave liquenti  
Rore olei visi longo post tempore lustrem.  
Non ego nam vobis circum cernentibus artus  
Perluere, aut ausim nymphis adstitero nudus.  
Dixerat: illae abeunt, dominaeque ea dicta reportant.  
Interea salsum tergens circum undique rorem  
Amue lavat puro ductor Laërtius, olli  
Qui penitus terga atque humeros infederat altos,  
Cervicemque, comasque rigentes. hinc ubi foedos  
Purgavitque artus, nitidoque perunxit olivo, 260  
Induitur vestes intactae munera nymphae.  
Atque olli Jove nata novum decus artubus addit,  
Majoremque facit visu, plenoque decorum  
Corpore; tum similes hyacinto e vertice crispas  
Effundit nigra rutilos ferrugine crines.  
Argentum veluti fulvo variaverit auro  
Artificis quum docta manus, quem Mulciber una,  
Pallas & ipsa suas docuit non invida laudes;  
Artis opus rarae admirans stupet excita turba,  
Luminibusque inhiat tacitis. ita nata Tonante 270  
Olli humeris capitique novos afflarat honores.  
Jamque nitens Charitum forma digressus ab amne  
Litore confedit sicco. mirata puella  
Obstupuit, sociisque haec protinus addidit ore.  
Accipite o fidae, quae dicam cumque, ministrae:  
Haud equidem hunc venisse reor stellantis olympi.  
Omnibus invisum divis ad litora nostra.  
Ante quidem visusque horrens, nec amabilis ulli,  
Caelestum nunc ille refert decus. o mihi talis  
Huc veniens divum contingat munere conjux, 280  
Et velit his mecum semper confidere terris:

Vos

Vos epulas jam ferte viro, jam fundite vina.  
 Haec illa: audivere alacres, nec iussa morantes  
 Apposuerunt dapes cum bacchi nectare: at heros  
 Vescitur, ac raptim spumantia pocula siccant,  
 Ex longo collecta fames namque improba suadet.  
 Sed jam nymphea viam celerans altoque plicatas  
 Imponit curru vestes, bijugosque volucres  
 Sub juga panda trahit. dein ipsa ut celsa refedit,  
 Affatur Laertiaden his vocibus usa. 290  
 Surge age; turrigeras urbis properemus ad arces,  
 Atque altas cari ad sedes genitoris, ubi omnem  
 Conspicies florem Phaeacum ac prima virorum.  
 At sapias licet ipse, tamen monuisse iuvabit,  
 Ne secus ac moneo, facias. dum per sola culta,  
 Ac pingues inter cursum celerabimus agros;  
 Post currum propior commixtus in agmine fido  
 Carpe viam, trito bigas ego tramite ducam.  
 Haud procul aspicies urbem, quam maxima cingunt  
 Moenia, & angustis aperit se portus utrinque 300  
 Faucibus: hinc atque hinc longo stant ordine naves  
 Subductae, sedes ubi nigris certa carinis.  
 Inde forum est, medioque foro consurgit in auras  
 Aetherias niveo Neptuni e marmore templum.  
 Nautica ibi clausis servant navalibus arma  
 Carbasque & funes & tonsis apta parandis.  
 Robora. nulla etenim cura est Phaeacibus arcus,  
 Aut pharetras tractare: abiegni pondera mali,  
 Et remi, puppesque placent, quibus caerulea sulcant  
 Dissita, & immensi contemnunt aequoris aestum. 310  
 Haec ego mordacis metuens convicia linguae,  
 Quippe procax vulgi turba est, disjungier opto,  
 Inferrique prior portis. namque obvius una

Si

Si quis me videat tecum, fors talia contra  
 Improbus incipiet. quisnam ille est corpore pulcro,  
 Nausicaae qui pressa legit vestigia pone?  
 Hospes? ubi inventus? junget connubia secum?  
 Aut aliquem fracta deserto in litore navi  
 Externa de gente virum (loca proxima namque  
 Nulli habitant homines) ausa est deducere in urbem; 320  
 Aut aliquis superum caeli delapsus ab arce  
 Supplicibus votis jam tandem victus ad imas  
 Descendit terras: omnes una exiget annos.  
 Quin melius si sponte sua delegit habendum  
 Ipsa virum, fociumque aliis excivit ab oris  
 Tot patriae claros jam dedignata hymenaeos.  
 Sic dicet juvenum mala turba, ingrataque famae.  
 Damna feram. neque enim non ipsa irata puellam  
 Arguerim; quae forte viros versarier inter  
 Sponte sua haud dubitet necdum genitoribus orba, 330  
 Nec thalami vinclis, taedisque jugalibus aucta.  
 Quare age, sub memori condens mea pectore dicta  
 Altius infigas hortor, quo per vada ponti  
 Quamprimum reditu potiare. a tramite recto  
 Haud procul est lucus, viridi qui procubat umbra  
 Populea, armifonae divae sacer: exfilit intus  
 Egelidis fons lene sonans argenteus undis,  
 Ac circum irriguo pubescit gramine pratum.  
 Heic etiam campique mei genitoris & horti  
 Pomiferi florent, semoti haud longius urbe, 340  
 Quam sonus adveniat missus clamantis ab ore.  
 Ergo ibi tu residens maneat, dum moenibus altis  
 Nos introgressae patrias veniamus ad aedes.  
 Postquam autem tetigisse fores ac limina credes,  
 Tunc urbem progressus adi, sedesque require

Alci-

Alcinoi. fuerit quaerenti noscere magnus  
Nec labor: ipse etiam puer infans ducat ad alta  
Atria; turrato se tantum vertice supra  
Attollunt, nulli Phaeacum aequanda domorum.  
Mox ubi te ingressum subter fastigia tecti 350  
Excipiet domus alta, citus vestigia ab aula  
Ad matrem ferro properata. usque adsidet illa,  
Lucet ubi focus igne, & docto pollice versat  
Purpureum lanae, visu mirabile, pensum  
Ancillis stipata atque altae innixa columnae.  
Stat juxta & solium genitoris, ubi aurea laetus  
Pocula convivas inter tenet ille, deus ceu  
Aetherio in caetu residens rutilantis olympi.  
Hoc tum praeterito, matri tua brachia tende  
Protinus affusus genibus, supplexque precare, 360  
Det facilem votis reditum, miserataque longum  
Exsilium, patriae quamprimum ad littora mittat.  
Si precibus devicta tuis miserebitur ultro,  
Omnia polliceor tibi tuta, iterumque sodales,  
Antiquamque domum vides, finesque relictos.  
Haec effata, acri percussit verberae terga  
Cornipedum: mora nulla, volant; fluvioque recedunt  
Pulvereos rapido glomerantes impete gressus.  
Illa autem faciles manibus moderatur habenas,  
Hospes uti famulaeque sequi vestigia possint, 370  
Nunc laxans, nunc arte premens retinacula virgo.  
Jamque subibat aquas Titan, lucumque Minervae  
Populeis nigrum foliis tetigere; ubi sedit  
Heros Laërta genitus, magnamque precatus  
Voce deam, tales effudit pectore questus.  
Audi, gnata Jovis summi Tritonia praefens,  
O miserum nunc saltem audi, frustra ante vocata,  
Quum

Quum me alto dirus pelago Neptunus agebat:  
Da molles Phaeacum aditus, da inflectere mentem.  
Talibus orabat supplex: summo dea caelo 380  
Audiit orantem, sed non se offerre videndam  
Clara in luce palam voluit non immemor irae  
Immitis patrui, furiis qui saevus acerbis  
Jactabat Laërtiadem maria omnia circum,  
Litora ne patriae, dulcesque reviferet oras,





# HOMERI ODYSSEAE

## LIBER SEPTIMUS.

**A**Tque ea dum superas heros fundebat ad auras,  
 Nympha citis inuenta rotis devenerat urbem;  
 Altaque ubi patriae tetigit penetralia sedis,  
 Vestibulum ante ipsum levis adstitit. undique fratres  
 Circumstant laeti reducem, solvuntque jugales,  
 Ac nitidas portant septa intra regia vestes.  
 Virgo autem thalamum scandit; longaeaque custos  
 Eurymedusa olli flagrantia lumina praefert.  
 Hanc ex Epiro curvis duxere carinis,  
 Munus & Alcinoò dederant Phaeaces habendam, 10  
 Alcinoò, late placidi qui frena regebat  
 Imperii, divumque pari gaudebat honore.  
 Regia post fuerat nutrix, semperque parare  
 Nauficae dulces epulas ignemque solebat.  
 Interea surgens Ithacus tendebat ad urbem,  
 Quem multa circum Pallas caligine sepsit,  
 Ne quis eum possit Phaëacum incessere dictis,  
 Scitarive genus, veniendi aut poscere causas.  
 Jamque erat ad portas, quum se tulit obvia contra  
 Virginis os habitumque gerens referentis in urna 20  
 Fontis aquam Jove nata, prior cui fatus Ulysses  
 Sic coram adstanti est. mene hinc deducere cellas  
 Alcinoi ad sedes, qui pulchrae huic praesidet urbi,  
 Filia vis? nam passus ego discrimina multa  
 Advena longinquis terrarum e finibus errans  
 Ignarusque hominum veni ignarusque locorum.

P

Dixe-

Dixerat: atque olli sic caesia diva reponit.  
 Tecta tibi nunc, hospes, ego, quae regia quaeris,  
 Monstrabo; stant ipsa patris prope limina nostri:  
 Sic tacitus modo perge, viae dux ipsa praebibo. 30  
 Non tibi compellare viros, nec reddere voces  
 Cura sit: haud etenim genus est tractabile vulgi,  
 Nec multum hospitibus indulget: freta juvenus  
 Navigiis maria alta secat, ferturque superba  
 Per vastos longe fluctus: Saturnius olli  
 Ipse dedit celeres, ut pennae praepetis alas,  
 Et mentis simulacra citae, volitantia, naves.  
 Haec ubi fata dea est, subito vestigia torfit,  
 Et gressum anterulit celerans, nec segnior heros  
 Vadentem sequitur, mediaque incedit in urbe 40  
 Haud ulli visus: neque enim Jove nata sinebat  
 Cernier, obscuro quae texerat aëre circum,  
 Ac densis nebulae gradientem offuderat umbris.  
 Miratur Laërtiades portusque, carinasque,  
 Ipsorumque fora heroum, surgentiaque urbis  
 Moenia praetentis, visu mirabile, vallis.  
 Postquam autem tetigere fores ac regia tecta,  
 Talibus est aggressa virum Tritonia dictis.  
 Haec quaesita domus, regisque optata verendi  
 Atria: ducentes intro convivia lectos 50  
 Aspicias proceres. tu certo limina gressu  
 Nil dubitans metuensve subi: re praestat in omni  
 Scilicet, audaci cui gliscit pectore virtus,  
 Ignotas licet ille domos ac litora lustret.  
 Reginam heic primum, proprio quam nomine dicunt  
 Aretam, invenies: orta est genitoribus isdem,  
 Ex quibus Alcinous venit prognatus in auras.  
 Primum Nausithoum fudere in luminis oras

Neptu-

Neptunus terrae domitor, Peribaeaeque forma  
 Egregia, extremum clari genus Eurymedontis, 60  
 Qui quondam imperio tenuit fera regna Gigantum;  
 Post tamen & populos & sese perdidit ipsum  
 Efferus. at natae rector commixtus aquarum  
 Magnanimis genuit regem Phaeacibus acrem  
 Nausithoum: hinc natus Rhexenorque Alcinousque.  
 Ulla nondum auctum Rhexenora prole virili  
 Ipse suis telis celsa jaculatus in aula  
 Perdidit Arcitenens, & filia sola relicta est  
 Arete, Alcinous cui se conjunxit, & ipsam  
 Eximio semper coluit dignatus honore. 70  
 Non ulla in terris mulier sub conjugē vixit  
 Usque adeo dilecta, suo velut illa marito  
 Cara viger, natisque suis, & civibus: ipsam,  
 Incedit quoties latam spatiata per urbem  
 Excipiunt plausu, & praesens ut numen adorant.  
 Quippe animis valet illa, & recto praedita mentis  
 Judicio fœvit varias componere lites.  
 Ergo eadem miserata tuos si denique casus  
 Adnuerit votis, certam sperare salutem,  
 Et reditum jubeo; patriam sociosque revives. 80  
 Vix ea dicta dedit, fugitque aucta per undas  
 Nata Jovis, Scheriaeque reliquit amabilis oras.  
 Illa abiens tetigit Marathona, ingressaque Athenas  
 Antiqui patriam sedesque invisit Erechthei:  
 Ast heros genitus Laërta ad regia recta  
 Alcinoi gressum torfit. jamque omnia lustrans  
 Substitit, & pulcra correptus imagine rerum  
 Ante fores stupuitque diu miratus, & haesit.  
 Namque velut lunae radiis aut sole corusco  
 Tota renidebat circum domus ardua regis; 90

Aerea cui gradibus surgebant limina, & ipsi  
 Hinc atque hinc muri longo in penetralia ductu.  
 Celsa nigrescebant cyano fastigia, & altis  
 Aureus in foribus splendeat lumine fulgor.  
 Argento postes acroato in limine stabant,  
 Argentumque supra postes: micat annulus auro  
 Lucidus e puro valvis bipatentibus aptus.  
 Ex auro argentoque canes utrinque sedebant  
 Spirantes, multa quos Mulciber extudit arte  
 Excubias foribus semper tectisque futuros 100  
 Et turpis senii expertes & funeris atri.  
 Intus erant utraque e parte sedilia fixa  
 Parjetibus, primo deducta a limine ad usque  
 Interiora domus penetralia, clausi ubi pepi,  
 Femineae quos arte manus nevere, jacebant.  
 Heic & ductores Phaeacum rite locati  
 Pocula siccabant mensis, totumque per annum  
 Lacti indulgebant genio. quos propter ad aras  
 Stabant in manibus retinentes lampadas auro  
 E solido pueri, convivis atria circum 110  
 Clara per obscuram fundentes lumina noctem.  
 Quinquaginta intus famulae, pars frangere saxo  
 Sueta opere assiduo Cereris flaventia dona;  
 Texere pars telam, teretes & pollice fusos  
 Versare. una omnes resident ac brachia motant,  
 Intenduntque manus: ceu populus incita vento  
 Frondiferos agit concusso stipite ramos.  
 Palladius textis humor destillat ab udis  
 Suave liquens. tantum namque illic mascula pubes  
 Ante alias gentes undosa per aequora puppes 120  
 Velivolae agitare valet, quantum ipsa per artem  
 Turba puellarum scit lucida texere fila,

Inge-

Ingenium queis molle dedit Tritonia, & apto  
 Exercere manus opera inter pulcra labore.  
 Aulaï ante fores quatuor per jugera sese  
 Area tendebat, septusque heic hortus ab omni  
 Parte virescebat. laetas se tollit ad auras  
 Et pyrus, & mali, granisque rubentibus arbor  
 Punica, & hyblaeae ficus, & pallida oliva.  
 Non aestu fructus, non illis frigore cessant 130  
 Arboribus; zephyro sed spirans aura perenni  
 Hos fovet enatos, alios cernentibus offert  
 Maturos. pyra flava pyris, rubicundaque pomis  
 Poma abeunt mutata, atque uvas excipit uva,  
 Inque vicem ficus post ficum plena senescit.  
 Fertilis heic etiam multo stat vinea foetu;  
 Et pars uvarum calidi dum sidere solis  
 Excoquitur distensa solo, pars altera plenis  
 Ponitur in calathis tum primum a matre revulsa,  
 Pars etiam pedibus premitur. sic tempore eodem 140  
 Induiturque albos in flores vitis, acerbosque  
 Ostentat foetus eadem, tingitque rubore  
 Jam jam maturos, mutato haud mense, racemos.  
 Haec circum vario sedes de cespite surgunt  
 Limite in extremo camporum, omnique virescunt  
 Tempore. tum gemini saliunt e marmore fontes,  
 Ac diversa petunt: vitreo pede labitur hortum  
 Per totum hic late trepidans, fluit ille sub aulae  
 Limina, ubi laeti semper Phaeaces aquantur.  
 Talia in Alcinoi testis felicia divum 150  
 Munera perstabat spectans Laërtius heros:  
 Inde ubi miratus lustravit lumine cuncta,  
 Continuo superat limen, fedesque repostas  
 Ingreditur. primos Phaeacum cernit in aula  
 Ducto-

Ductoresque patresque, petunt quum tempora somnos,  
Ultima Mercurio libantes pocula: quos tum  
Per medios gradiens multa caligine septus  
Transit, & Areten confestim adit Alcinooumque.  
Ut venit propius, palmas utrasque tetendit,  
Amplexusque haesit genibus: tum tota repente 160  
Fugit, & in purum dilapsa est aethera nubes.  
Turbati stupuere omnes, coramque videntes  
Stare virum siluere; quibus sic incipit heros.  
Arete o magni Rhexenoris inclita proles,  
Teque tuumque virum supplex, infandaque passus  
Exitia, adjuro; vos & clarissima regni  
Lumina, convivae lecti ( sic numina vobis  
Dent facilem vitam, partasque relinquere gnatis  
Divitias, laudemque, & primos urbis honores )  
Reddite me patriae, meque hinc deducite saluum 170  
Ocyus. heu longo distractus tempore caris  
A sociis diro fortunae jactor ab aestu.  
Nec plura his, juxtaque focum confedit ad ignem  
In cinere immundo. circum vox omnibus haesit  
Faucibus in tacitis, & presso lingua palato.  
Inde heros tandem sic fari coepit Echeneus  
Grandior & natu Phaeacas inter, & acri  
Eloquio melior, gnaroque in pectore servans  
Multa senex rerum, veterumque exempla virorum:  
Hic tacitis circum sociis bonus ora resolvit. 180  
Turpe equidem indignumque reor, si pulvere in atro  
Desideat sic hospes humi. tua jussa verentes,  
Rex magne, hi contra cunctantur: verum age dextram  
Da facilis, placidusque jube confidere juxta  
In folio pulcro bullisque ardentibus apto.  
Praeterea dic vina ferant, superoque Tonanti,  
Suppli-

Supplicibus qui semper adest, libemus ovantes,  
 Gaudeat atque hospes caena dapibusque paratis.  
 Audiit haec postquam Alcinous, curvatus Ulyssēm  
 Erigit ipse levans dextra, ponitque locatum 190  
 Fulgenti in folio, pulcrum quo surgere jussit  
 Laodamanta parer, gnatis ex omnibus unum  
 Dilectumque magis, propiusque adsidere suetum.  
 Dant famulae manibus fontes, quos lucidus auro  
 Urceus irrorat supra, purumque fluentes  
 Subjecti excipiunt argentea labra lebetis.  
 Ponunt & mensam juxta, cereremque canistris  
 Expediunt, cumulantque epulas, & multa ferentes  
 Fercula grata virum praesenti munere donant.  
 Ille bibit, fruiturque datis. tum maximus ultro 200  
 Alcinous: plenum dulci fer protinus, inquit,  
 Pontonoë cratera mero, cunctisque ministrans  
 Per sedes age funde, simul libemus ut omnes  
 Dona Jovi, rutilo gentes qui fulmine terret,  
 Supplicibusque addit comes alto numine vires.  
 Vix ea. Pontonous latices in pocula fundens  
 Lenaeos, cunctisque ferens ex ordine tradit.  
 Inde ubi libavere, sitisque expleta hibendo est,  
 Alcinous placido rursus sic inquit ab ore.  
 Phaeacum o proceres, quae fert mea certa voluntas, 210  
 Audite, & dictis animos intendite vestros.  
 Nunc epulis somnoque graves ad tecta redite;  
 Cras autem multis luce exoriente vocatis  
 Hospitis adventum laeti celebrabimus una  
 Sollemnesque aris de more sacrabimus ignes.  
 Post etiam, quam spem foveat, quod postulet hospes  
 Auxilium, quaeremus; ut hinc deductus ad oras  
 Perveniat patrias gaudens, nulloque labore

Per

Per vada falsa volans, quamvis petat avia regna;  
 Ulla neque interea patiatur damna, priusquam 220  
 Contingat sua testa. ibi demum sentiat, atro  
 Stamine quae Parcae nerunt, quaeque aerea fata  
 Nascenti tulerunt, hausit quum luminis auras  
 Editus enixae foecunda matris ab alvo.  
 Quod si quis divum caelo delapsus ab alto  
 Adstitit, exitium nobis mutata deorum  
 Mens aliquod laevum portendit. namque solebant  
 Antea se claro manifesti numine semper  
 Objicere, instratisque una confidere mensis,  
 Thuricremas donis quoties incendimus aras. 230  
 Quin & solus iter carpat si forte viator,  
 Apparent: loca quippe ollis vicina tenemus,  
 Ipsi ut Cyclopesque & agrestia secla Gigantum.  
 Talia dicentem Laërtius excipit heros,  
 Continuoque inquit. non caeli numina sancta,  
 Alcinoë, ingenio refero, nec corpore pulcro;  
 Non me tantus agit ( mitte hanc e pectore curam )  
 Laudis amor. similem mortalibus omnia dicas,  
 Quos subiisse graves nosti mage cumque labores,  
 Omnibus exhaustos & casibus. addere fando 240  
 Multa queam, divum si quae mens laeva ferenda  
 Obtulit heu misero, liceat proferre sub auras.  
 Sed tempus non ista petit: nunc munere caenae  
 Moerentem quamvis graviter, dapibusque potiri  
 O finite. haud etenim vis ulla procacior instat,  
 Quam ventris vesana fames, quae turbine in atro  
 Curarumque homines saevis in fluctibus actos  
 Esse sui memores rabidis latratibus urget.  
 Illa etiam me dira tenet, luctuque gementem  
 Assiduo dapibusque jubet vinoque repleri 250  
 Scili-



Scilicet oblitum magnos in corde dolores.  
 Vos autem aditis, roseo quum craftina caelo  
 Fulserit orta dies, meque hinc deducere sedes  
 Ad patrias properate viri. mihi visere tantum  
 Excelsamque domum, famulasque, & cara meorum  
 Pectora contingat; post artus vita relinquat.  
 Sic ait. adfensere omnes fremituque secundo  
 Spem reditus certi fecere & dicta probarunt.  
 Jamque ubi libarant, sitis atque extincta lyaeo  
 Omnis erat, nigra cubituri in nocte per urbem 260  
 Diversas petiere vias diversaue tecta.  
 At non Laërta genitus; nam mansit in isdem  
 Sedibus Areten inter fortemque locatus  
 Alcinoum. hinc famulae e mensis dum vasa reponunt,  
 Candida sic illum dictis affatur amicis  
 Arete regina videns chlamydemque superne,  
 Et tunicam insignem, quas olim intenta labori  
 Cum teneris residens perfecerat ipsa puellis.  
 Ergo Ithacum subito compellans: hoc mihi primum  
 Fare, inquit, quinam sis hospes, & unde profectus 270  
 Haec loca contigeris? quis te hoc ornarit amictu?  
 Non pelagi errando venisse per aequora dicis?  
 Talia poscebat quaerens: tum reddit Ulysses.  
 Difficile o regina (deum namque actus iniquo  
 Numine multa tuli bello jactatus, & alto)  
 Nunc casus narrare omnes. quae prima requiris,  
 Expediam, fortemque meam clademque docebo.  
 Ogygia undifono jacet avia in aequore longe  
 Insula, ubi Atlantis proles male fida Calypso  
 Tecta colit sedesque gravis dea; nullaue divum, 280  
 Nulla hominum in solo vestigia litore cernit.  
 Me vero rapidis jactatum fluctibus illuc

Q

Tem-

Tempestas tulerat, postquam mihi fulmine navim  
 Diffidit in mediis jaculatus Juppiter undis.  
 Omnes tunc focii periere: ego curva carinae  
 Amplexus tabulata, novem atro in gurgite luces  
 Erravi infelix; decimo post lumine fessus  
 Ogygias tetigi divis ducentibus oras,  
 Et vastum penetrale deae. quae blanda receptum  
 Hospitio fovit placido, viridemque juventam 290  
 Dicebat senii expertem letique daturam.  
 Sed non illa meos inflexit pectore sensus,  
 Mutavitque animum. sic annos ordine septem  
 Durando explevi totos, nec tempore eodem  
 Tristibus heu lacrimis cessavi spargere vestes,  
 Quas primum aeternas & pulcro flamine textas  
 Induerat mihi diva. simul revoluta tulerunt  
 Sidera ut octavum perfectis orbibus annum,  
 Ipsa suis cupidum testis decedere jussit,  
 Seu Jovis imperio, seu quod mutata fuisset, 300  
 Dimisitque cava in pinu. multa ante Lyaei  
 Dona dedit Cererisque almae, vestemque recentem  
 Induit optato submittens flamine ventos.  
 Bis quinos septemque dies tranquilla per alta  
 Tendebam cursus, & jam lux postera vestros  
 Visa aperire procul montes complerat inani  
 Laetitia misero pectus. sed dira manebat  
 Pernicies superanda, ferus quam rector aquarum  
 Exciit, immittens ventorum praelia, & imo  
 Aequora subvertens fundo. non tendere contra, 310  
 Non puppis superante salo me ferre valebat.  
 Ergo illam rapidus turbo difregit: at ipse  
 Haec maria errabam circum, dum gurgite pontus,  
 Saevaeque nimborum vestras vis egit ad oras.

Heic

Heic me conantem capere alti litoris oras  
 Inter saxa ingens veniens ex aequore fluctus  
 Cautibus infigans actum lacerasset acutis,  
 Ni celeri abfiliens cursu, qua visus ab alto  
 Sternere se contra fluvius, diversa petissem:  
 Litora tuta loco rabidisque impervia ventis. 320  
 Evasi firmans animum. ruit interea nox  
 Atra polo, gelidoque remotum a flumine suadet  
 In densum nemus ire, interque arbuta quietem  
 Carpere. ibi foliis texti circum undique corpus  
 Deciduis, altusque sopor mea lumina preffit.  
 Compositus frondes inter sic nocte quievi,  
 Nec jubar aurorae sensi mediaeque diei  
 Lumina; cum prono somnus me sole reliquit.  
 Ecce autem in solo dum ludunt litore, cerno  
 Ancillas natamque tuam prope marmoris undas, 330  
 Illa aderat socias inter formosa puellas  
 Assimilis vultu superis, cui brachia supplex  
 Ad genua adstans pariter cum voce tetendi.  
 Audiit orantem facile miserata, nec ullam,  
 Sic adeo viridi florens aetate fuisset  
 Obvia si virgo, sperassem inflectere voxis  
 Posse meis: juvenum namque ardens desipit aetas.  
 Ipsa dapes vinumque dedit, puroque lavare  
 In fluvio iussit, lotumque hoc textit amictu  
 Haec habeas nunc vera, finit quae pectore luctus 340  
 Sola loqui. postquam sic dixerat, excipit heros  
 Alcinous. non illa tibi, quaecumque decebant,  
 Praestitit, hospes, ait: sedes deducere in altas  
 Debuerat te gnata simul, cui talia primae  
 Supplicis in moxem fudisti e pectore vota.  
 Heic Ithacus: ne quaeso, inquit, ne irascere nymphae

Infanti: famulas inter procedere iussit  
 Illa quidem; non ipse tamen te, maxime ductor,  
 Te veritus, volui parere. insidere fœvit  
 Sæpe animis error, suspectaque crimina fingit. 350  
 Cui tunc Alcinous: non hanc mihi numina mentem,  
 Nec tales dederunt animos, ait, ut malus urat  
 Sic temere mea corda furor, potioraque ducō  
 Quæ fas cumque sinit, contra nec pugnat honestas.  
 Atque utinam pater ille decem, & Tritonia faxint  
 Cum Phœbo, talis quum sis, ut pectore eisdem  
 In tacito sensus volvens, quos ipse voluto,  
 Connubio stabili nostræ te jungere gnatae,  
 Atque meus gener esse velis. ingentia dona,  
 Ingentemque tibi gazam, sedesque parabo, 360  
 Hæc maneat si sponte tua: nam cogere quisquam  
 Nec potis invitum, nec amat vim Juppiter æquus.  
 Interea ignarum ne fors ea cura fatiget,  
 Cras reditum statuam. dulci tu lumina somno  
 Compositus per iter tranquilla in puppe quiesces;  
 At focii zephyros captabunt, teque penates  
 Ad patrios ducent, seu quo magis ire lubebit  
 Ultra etiam Eubœam, longo quam caerulea tractu  
 Dividere à nobis perhibent, qui lumine primi,  
 E nautis videre, olim flavus Rhadamanthus 370  
 Quum Tityum terræ petiit visurus alumnum  
 Finibus e nostris, juvenes ivere profecti,  
 Atque immensa die tranarunt æquora eodem  
 Haud fessi, celeremque retro adduxere carinam.  
 Tu quoque jam nosces, quam concita labitur undis  
 Nostra abies, qualis pelago est Phacacia pubes.  
 Dixerat. extemplo dictis lactatus Ulysses  
 Sustulit ad caelum palmas, & voce precatus:

Juppi-

Juppiter o maneant, quae dicta est cumque loquutus  
 Alcinous: qua terra patet, fama illius ibit 380  
 Inclita per gentes; ego nostra in regna redibo.  
 Talia sese inter vario sermone ferentes  
 Dum referunt, regina suis per tecta puellis  
 Imperat actutum curvata sub atria mollem  
 Ferre torum, vestesque super tyriosque tapetas  
 Sternere, villosasque simul componere laenas.  
 Illae abiere citae gestantes lumina dextris,  
 Et postquam stravere toros, monuere vocantes  
 Sic Ithacum: tibi stratum, hospes jam surge, cubile.  
 Haec famulae: olli autem cupido jucunda soporis 390  
 Visa quies, subitoque abiens, qua celsa patebat  
 Porticus, incubuit stratis, somnosque petivit.  
 Nec minus Alcinous penetrali in sede quievit,  
 Et noto pariter conjux excepta cubili est.



# HOMERI ODYSSEAE

## LIBER OCTAVUS.

Cum roscae primo nymphae Titanidis ortu  
 Proripuit lecto corpus, thalamumque reliquit  
 Alcinous, Trojaeque ferox everfor Ulysses,  
 Conciliumque adeunt, ubi stabant litore puppes.  
 Ingreditur rex ipse prior; tum marmore structis  
 E niveo pulcris confidunt sedibus ambo.  
 Interea magnam properans it laeta per urbem  
 Assimilis regis praeconi bellica virgo,  
 Auxiliumque parans Ithaco, reditumque penates  
 Ad patrios celerans ita quemque affata virorum: 10  
 Huc agite, inclamat, vos o capita inclita cives;  
 Concilium celebrate. novi juvat ora videre  
 Hospitis, Alcinoi venit qui nuper ad aedes  
 Jactatus pelago, & pulcro par corpore divis.  
 Talibus arcedae mentes, atque omnibus ardor  
 Additus: implentur cunei, coetuque frequenti  
 Conveniunt. taciti vultum admirantur Ulyssci,  
 Adspectuque stupent: miros nam diva sedenti  
 Bellipotens humeris capitique afflat honores,  
 Majoremque habitu dederat, plenaque juvena 20  
 Insignem, ut carus populis spectantibus heros  
 Adforet eximia virtute, & victor abiret  
 Exercens durae certamina multa palestra  
 Florentes inter juvenes. queis rite locatis  
 Alcinous placido coepit sic farier ore.  
 Egregii o proceres, quae sit sententia nobis,

(C)

Expe-

Expediam, & paucis, animos adhibere, docebo.  
 Hic novus, adcessit nostris qui sedibus hospes,  
 Incertum coisne plagis, an finibus actus.  
 Hesperii? reditum poscit, certumque precatur 30  
 Auxilium supplex. nos ut consuevimus ante,  
 Maturemus opem: neque enim suspiria fundit  
 Longa diu, quicumque meas accedit ad oras  
 Indigus auxiliū, frustra que heic tempora ducit.  
 Quare agite, ac nigram deducite litore puppim  
 Haud prius expertam fluctus: duo scandite supra  
 Quinquaginta una lectae fortissima pubis  
 Corpora, & instructis circum latera ardua remis  
 Provehite. hinc reduces nostris convivia testis  
 Certantes properate; ego large dona parabo. 40  
 Haec publi sint dicta. at vos o prima senatus  
 Lumina, sceptriferi reges, celebrate faventes  
 Hunc coetum, dapibus festis ut gaudeat hospes.  
 Una omnes laeti adsitis, parere nec ullus  
 Abnuat. ipse etiam vates, cui dulcia musae  
 Carmina dant, menti quoties vis incita fervet,  
 Demodocus veniat testum in regale vocatus.  
 Haec fatus praecit ipse foro, cunctique sequuntur  
 Pone duces. vatem simul in regalia praeco  
 Testa vocat, pariterque virum acciti duo supra 50  
 Quinquaginta, omni e numero delecta juvenus,  
 Jussa petunt celeri non longe litora gressu.  
 Et jam nigrantem resoni maris alta carinam  
 In freta deducunt, solidoque e robore malum,  
 Antennasque aptant, vinculisque tenacibus alta  
 Ad latera adjungunt remos, & candida pandunt  
 Carbasa. dein retro tranquillo ex aequore recti  
 Alcinoi tendunt generosi ad limina nota.

Porti-

Porticibus latis perque atria longa domorum  
Undique collecti juvenes glomerantur in unum 60  
Atque senes. ollis bisseas rite bidentes  
Setigerosque sues octo, geminosque juvencos  
Alcinous maëtat: queis caelis tergora pubes  
Deripit, atque instans epulis operatur opimis.  
Duxit & insignem praeco ad convivia vatem  
Ante alios carum musis, cui laeta dedere  
Tristiaque Aonides: dulci pro lumine adempto  
Scilicet argutae tribuerunt praemia vocis.  
Huic ex argento bullis rutilantibus aptam  
In medio posuit sellam, qua se alta columna 70  
Erigit attollens; donum & testudinis aureae  
Suspendit praeco supra caput ipsius, & qua  
Accipiat jam parte, docet: tum plena canistra,  
Poculaque in mensa statuit spumantia baccho,  
Hauriat ut vates, quoties ferat ipsa voluntas.  
Cuncti se accingunt mensis, dapibusque fruuntur.  
At quum exempta fames, potuque expleta cupido  
Jam fuerat, vatem illabens dea pangere cantu  
Impulit audaces animos praeclearaque bello  
Facta ducum, quorum tunc ibat ad aethera fama. 80  
In primis Laërtiaden atque inter Achillem  
Exortum certamen; ut olim ad sacra deorum  
Contendere acres dictis: at major Atrides  
Gaudebat tacitus laetanti pectore cernens  
Argolicos proceres sese jurgarier inter,  
Gliscere & ardentes animis discordibus iras.  
Quippe ita vaticinans verax praedixerat olli  
Pythius in templo, quum sacra ad limina Phoebi  
Venerat ex adytis quaesitum oracula; jamque  
Trojugenas Danaosque super Jovis ira ruebat. 90  
Hacc



Haec memorat cantu dum vates, moestus Ulysses  
 Purpureum manibus tollens objecit amictum  
 Ad caput, & pulcri laetum decus abdidit oris,  
 Lumina Phaeaces lacrimis ne foeda notarent.  
 At quoties dulci cessabat carmine vates,  
 Ille manu tergens lacrimas ponebat amictum,  
 Auratum atque implens cyathum libabat olympi  
 Dis superis. mox quum rursus Phaeacia pubes,  
 Ut caneret, vatem excibat ( nam munere cantus  
 Laeta fruebatur ) rursus ille intacta rigabat. 100  
 Ora novo fletu. nec quisquam lumina vidit  
 Spargentem lacrimis, gemitusque e corde cientem,  
 Ni pater Alcinous. qui juxta ut forte sedebat,  
 Turbatumque oculis sensit, graviterque gementem  
 Audiit, ac tales effudit pectore voces.  
 O proceres, vosque o magni fortissima cives  
 Robora, sat dapibus pasti sollemnibus una,  
 Perpetuaque dapum focia testudine capti  
 Jam surgamus, ait. variis certamina ludis  
 Nunc praestat celebrare, ut redditus hospes amicis 110  
 Post referat, quantum gentes nos vincimus omnes  
 Et caestu, & ludæ, saltuque, & praepete cursu.  
 Dixerat, ingressusque prior sese extulit altis  
 E domibus magna populi comitante caterva.  
 Demodoci citharam vicino in pariete praeco  
 Suspendit, captumque manu deduxit eodem,  
 Quo proceres ibant visuri clara palestra  
 Munera. jamque forum petiere: it maxima turba,  
 Subsequiturque effusa viis late omnibus urbis.  
 Heic medio in circo juvenum manus emicat ardens 120  
 Acroneos simul, Ocyalusque, & flavus Elatreus,  
 Ponteusque, Proneusque, Thoonque, Anabasineusque,

Tectorida & Polyneo Amphialus genitore creatus.  
 Praeterea Euryalus magno par omnia Marti,  
 Naubolidesque, omnes qui forma & corpore supra  
 Phaeacas, pulcrum post Laodamanta, vigebat.  
 Nec non Alcinoi surgunt tria germina gnati  
 Laodamas Haliusque & par superis Clytonaeus.  
 Atque hi prima pedum rapido certamina cursu  
 Praecipites incunt effusi e carcere: jamque 130  
 Corripuere viam celeres, pedibusque volantes  
 Pulveream glomerant nubem. levis agmine tandem  
 E socio & ventis Clytonaeus & ocyor igne  
 Effugit, ac spatii quantum jumenta per agros  
 Signant ante boves, tantum post terga reliquit  
 Antevolans comites, coetuque immixtus amico est.  
 Inde alii media juvenes luctantur arena  
 Durum opus aggressi, meruit quos inter honorem  
 Euryalus longe potior. tum praemia saltu  
 Amphialus, discoque refert insignis Elatreus: 140  
 Caestibus at superat cunctis praestantior acer  
 Laodamas clarum regis genus. isque ubi vidit  
 Laetitia & plausu populi exsultantia corda,  
 Sic medius socios affatur, & inquit ab ore.  
 O juvenes, poscamus, ait, qua praestat in arte  
 Advena, quas didicit pugnas? haud ille viderur  
 Hirsutumque femur, fursaque, & longa superne  
 Brachia, cervicemque malus; nec pectore virtus  
 Vivida adhuc fugit, multo sed tarda labore  
 Membra labant. neque enim vis ulla furentibus undis 150  
 Saevior heroum fortissima corpora frangit.  
 Dixit. at Euryalus: sic sic juvat, inquit, & illum  
 Laodama tu primus adi verbisque lacesse.  
 Haec breviter tunc Euryalus: nec dicta moratus

Regius

Regius Alcinoi gnatus, mediumque per agmen  
 Ingrediens placida sic voce invitat Ulysses.  
 Huc ades o venerande hospes, certamina nostri  
 Si qua manu, juvenumque potes tractare laborem,  
 Experiare simul: non hac tu ignarus in arte,  
 Nec fas; quippe homini quid clarius alma dedere 160  
 Numina, quam pedibus, quam forti vincere dextra?  
 Jamque ageris, tentare juvet: nunc abjice tristi  
 Ex animo curas; lux illa optata propinquat,  
 Quae reditum fert certa tibi, nautaeque parati,  
 Et deducta natat mediis nova pinus in undis.  
 Tantum effatus erat. tum sic Laërtia proles:  
 Laodama, irrisum quid me nunc talia, dixit,  
 Cogitis istantes circum? mihi tristitia cordi,  
 Luctusque, lacrimaeque magis, quam praemia pugnae,  
 Qui jam multa tuli bello jactatus & undis. 170  
 Nunc autem heic sedeo supplex si flectere regem  
 Indigus auxilii, si possim & flectere cives.  
 Haec Ithacus: contra Euryalus sic turbidus illum  
 Increpuit dictis: clarae non ulla palestrae  
 Dona tibi, aut umquam petiisti praemia laudis.  
 Adfuetus princeps inter considere nautas,  
 Per mare qui longis repetunt compendia terris,  
 Servatorque penus praedaeque; haud corpore magno,  
 Haud animis pugiles validos praestantibus aequas.  
 Quae postquam juvenis vacuas effudit in auras, 180  
 Illum torva tuens; graviterque iratus Ulysses:  
 Heu quam turpis, ait, tibi vox nunc excidit ore,  
 Quisquis es, immeritum demens qui capere dictis  
 Haud dubitas. laus cuique sua est: non omnibus addunt  
 Omnia caelicolae, formamque; & munera linguae.  
 Invida cui formae natura invidit honorem,

Eloquio tamen ille potens sua damna rependit;  
 Atque ipsum aspiciunt homines, dum pallida fanti  
 Infuscat pudor ora, regitque modestia vocem  
 Suaviloquens. it fama viri sublimis, & omni 190  
 Eminent in coetu late, totamque per urbem  
 Ingrediens divum caelesti gaudet honore.  
 Sed cui di dederunt praestanti corpore formam,  
 Assimilemque sibi fecere, haud aurea manant  
 Verba etiam. facies tibi pulcra, & nullus eandem  
 Caelicolum renuat; firmo sed robore contra,  
 Et iusta tu mente cæres haud aequa loquutus,  
 Scilicet & vanis incessens pectora verbis.  
 Non ego non ista; ceu rere, ignarus in arte;  
 Sed retuli primam vario in certamine laudem, 200  
 Dum vigor, & solido stabant in corpore vires:  
 Fracta malis nunc membra gero, bella horrida passus  
 Multa diu, pelagique gravi labefactus ab aestu:  
 Nec tamen edomitum curis certare pigebit.  
 Sic etiam; dictis alte mihi vulnus adactum,  
 Excitusque furor menti est: nec plura loquutus  
 Profilit in medios, ipsaque in veste gravatus  
 Saxum immane rapit, multoque ingentius illo,  
 Quo soliti alterno Phaeaces ludere jactu.  
 Hoc circumvolvens dextra contorsit in auras 210  
 Turbinis in morem: rapido lapis impete missus  
 Insonuit, pronique ad terram corpora cives  
 Curvavere fuga resonantis ab alite: at ille  
 Aësus abit, supraque volans trans omnia longe  
 Signa fugit. subito praesens Tritonia metam  
 Figit cuncta homini similis, magnaqué vocatum  
 Voce Ithacum inclamat: vel lumine captus utroque  
 Hoc ipse & possit palpanz dignoscere signum:

Haud

Haud alia heic mixtum campo jacet inter, at omnem  
 Ante jacet turbam longe, jam laude superbus 220  
 Maeste tua, primoque animos certamine firma;  
 Non alius juvenum te aequare aut vincere speret.  
 Sic diva: exiliit lactanti pectore Ulysses  
 Aspiciens circo in medio, qui laudibus ipsum  
 Ornassetque bonus dictisque excisset amicis:  
 Ac levius tali est ad pubem voce profatus.  
 Illuc, o juvenes, illuc vos tendite jactu:  
 Experiar dehinc rufus ego, rursusque vel illud,  
 Vel spatium valido transmittam longius ictu.  
 Quod si cui virtus, roburque in pectore praesens, 230  
 Huc adsit, stimulis mihi quando subdita flamma  
 Aestuatur, & caestu mecum, ludave, vel acri  
 Contendat cursu. non ullum ex agmine toto  
 Phaeacum, excepto uno Laodamante, recuso.  
 Ille hospes meus est: caro quis pugnet amico?  
 Demens, ac similis vesano corde furenti  
 Quippe agitur, quicumque alienis audet in oris  
 Hospitibus certare suis: ille immemor ultro  
 Votaque fortunamque optataque commoda turbat.  
 Cetera jam properet mecum contendere pubes; 240  
 Nec metuo quemquam tota de gente; nec ullum  
 Despicio: quid quisque stat valet, noscere factis.  
 Non adeo exosus pugnas, vel inutilis arma  
 Demotor: ipse arcum novi tractare sonantem,  
 Inque acie hostili primus fallente sagitta  
 Confoderem, quemcumque velim; multi undique circum  
 Jactarent quamvis non irrita tela sodales.  
 Solus me Danaos inter pubemque Pelasgam  
 Alta Philoctetes jaculando Pergama circum  
 Vincebat: reliquos multo praestantior esse 250  
 Glorior

Glorior ante omnes, quotquot nunc educat alma  
 Terra viros. neque enim priscis aequarier ausim  
 Alcidae aut Thebano, aut Euryto Oechaliaeo,  
 Qui superos valere ipsos contendere contra.  
 Unde etiam celeri fato, visam ante senectam,  
 Eurytus oppetiit: quippe illum ad tela vocantem  
 Aemulus excepit longe jaculatus Apollo.  
 Hasta autem nostra volat eminus incita dextra,  
 Quantum non alius celcerem torquere sagittam  
 Evaleat. solum timeo ne praepete cursu 260  
 Inferior cedam: nam me stridentibus curis  
 Edomuit gravis ira maris, dapibusque carentem  
 Longa fames: aegri languent sine viribus artus.  
 Talia dum memorat, circum stupor omnibus ora  
 Presserat. Alcinous dein alta silentia rupit  
 Sic referens: nobis haud haec ingrata profaris,  
 Nec frustra laudesque tuas, tuaque inclita facta  
 Enumeras laesus, ne quis te carpere posthac  
 Audeat, aut dictis virtutem incessere tantam,  
 Fas novit quicumque, inimicaque jurgia damnat. 270  
 Nunc adeo, & nobis dederit quas Juppiter artes  
 Perpetua veterum ductas ab origine patrum,  
 Accipe; tuque aliis contra cum conjuge cara  
 Cumque tuis quondam ducens convivia gnatis,  
 Immemor haud umquam nostrum; narrare memento.  
 Non sumus aut validi pugiles, aut praemia lucta  
 Quaerimus: in volucris cursu, levibusque carinis  
 Fama prior. nobis epulae, citharaeque, chori;que;  
 Et variae semper vestes, calidoque lavacra  
 Rore placent, mollesque tori. vos crura movere 280  
 Ante alios apti melius, jam tollite saltus,  
 O juvenes, patrias ut redditus hospes ad oras

Post

Post fociis referat, quantum heic se nautica tollat  
 Gloria, quantum etiam valeat Phaeacia pubes  
 Saltibus & choreis & dulci munere cantus.  
 Atque aliquis properans citharam ferat ocyus auream  
 Demodoco; pendet regali in sede relicta.  
 Vix haec Alcinous: tecta intra regia praeco  
 Adproperat vari citharam adlaturus ab aula;  
 Nec non cura quibus ludorum publica, lecti 290  
 Surrexere novem proceres, atque undique campum  
 Aequantem late circum fecere patentem.  
 Et jam altis praeco citharam e penetralibus affert  
 Demodoco: ille autem media progressus arena  
 Constitit, & circum sparsi lanugine prima  
 Implicuere chorum juvenes. pede concita tellus  
 In numerum percussa sonat: miratus Ulysses  
 Curvatosque stupet motus, vibrataque crura.  
 Interea argutas percurrens pectine chordas  
 Dulce canit vates jucundos Martis amores 300  
 Et Veneris, primum Vulcani in sedibus olim  
 Ut furtim congressi una votoque potiri.  
 Multa quidem Mavors ausus temerare nefando  
 Crimine Vulcani thalamos castumque cubile  
 Dona dedit, vicitque deam. sed Phoebus ab axe  
 Aetherio dum cuncta videt, detexit amantes,  
 Admonuitque senem. quae tristia nuncia postquam  
 Audiit Ignipotens, curâ percussus acerba  
 Infremit, atque iram flammato in pectore versans  
 Tecta petit. positis heic rite incudibus altis 310  
 Nescia dirumpi solvique tenacia vincla  
 Arte parat, flammisque liquentia temperat aera.  
 Hinc ubi perfecit vesano concitus aestu  
 Insidias Marti, thalamum conscendit in altum,  
 Mollis

Mollis erat qua parte torus; circumque supraque  
 Vincula diffudit solidis haerentia fulcris  
 Eque altis trabibus demissa: ut aranea casses  
 Quum tenues texit, quos vis non ulla videre,  
 Non ipsi valeant superi. sic caeca latebant  
 Stamina, sic vafro fallebant lumina nexu. 320  
 Atque ea disposuit quum strata cubilia circum,  
 Implicuitque torum, tecto se finxit abire,  
 Et Lemnum petere inde procul, quam Mulciber urbem  
 Incoluit caram terris magis omnibus unam.  
 Nec frustra excubias, furtisque accommoda Mavors  
 Tempora servabat. deformem ut linquere vidit  
 Tecta senem, subitis ictus praecordia flammis  
 Pulcra coronatae subiit penetralia divae,  
 Quae tum forte redux magni genitoris ab aula  
 In thalamo defessa assederat. ille ubi venit, 330  
 Amplexusque manum divae, sicque orsus ab ore est.  
 Huc ades o lux cara mihi: quid gaudia nota  
 Differimus? cessit domibus, Lemnumque profectus  
 Sintias invisit senior Vulcanus agrestes.  
 Dixerat: illa ultro flagrans haud vota moratur.  
 Conscendunt ambo stratis, & munera somni  
 Dulcia furtivi libant; simul aerea circum  
 Retia sopitos effusis nexibus artus  
 Impediunt. non ulla valent attollere membra,  
 Non relevare, dolis jam certi & fraude teneri. 340  
 Interea prius ipse suae quam gentis adisset  
 Moenia, Vulcanus rediit; namque altus ab arce  
 Aetheria sol furta videns detexit, & olli  
 Detulit infidos damnatae conjugis ignes.  
 Accelerat, gravibusque ictus sub pectore curis  
 Vestibulo insistit. subitus furor iraque mentem

Pracci-



Praecipitant, clamatque horrendum, & cuncta deorum  
Atria terrificis late clamoribus implet.

Juppiter o superique omnes, huc vertite gressus  
Visuri dirumque nefas, infandaque facta 350

Haud toleranda mihi. magno me nata Tonante.

Dedecorat claudum Cypris; fovet improba Martem,

Quod pedibus valet ille, & toto est corpore pulcher;

Contra informis ego, claudusque. haud auctor at ipse,

Aut sum causa mali: tota est haec culpa parentum,

Heu fuerat satius tali quis prole carere.

Cernitis, ut placido devincti membra sopore

In thalamo recubant nostro; me saeva tuentem

Cura premens agitat? non posthac talia credo

Furta simul repetent; fors & nunc poenitet ausi, 360

Optatamque quietem, optataque gaudia culpant.

Invitos tamen usque doli, atque innexa tenebunt

Vincula, dum genitor dotalia munera reddat,

Olli ego pro infida solvi quae virgine cumque:

Pulcra quidem est, sed habet nimium mutabile pectus.

Talia vociferans jactabat. nec mora, divi

Aurea conveniunt exciti ad limina: venit

Neptunus domitor terrarum, venit Apollo

Arcitenens, Majaeque genus Cyllenius ales.

Solae se tenere deae prohibente pudore 370

In domibus: stabant alii per limina divi,

Atriaque implebant magno resonantia risu

Cernentes ante ora dolos, Vulcania texta.

Atque aliquis socium spectans: haud turpia, dixit,

Facta decus laudemque parant; vis effera cedit

Ingenio, celeremque solet praevertere tardus.

En & Vulcanus claudo vestigia gressu

Tarda movens superis celerem magis omnibus unum

S

Depren-

Deprendit Martem, multamque exsolver adulter.  
 Haec divi alternis. post & formosus Apollo 380  
 Mercurio: fare o, dixit, Jove nate, subires  
 Vincula num captus, tecum si Cypris adesset?  
 Cui volucer laeto subridens nuncius ore:  
 Hoc utinam fieret! tum me ter tanta profusis  
 Implicitum nodis teneant vincla aerea, & una  
 Dique deaeque alto spectatum aditis olympo,  
 Non ego apud talem fugiam requiescere divam.  
 Haec ita Mercurius: superi risere loquentem.  
 At non Neptunus; tolli sed abenea Marti  
 Vincula petit, mulcetque animos & mitigat iras. 390  
 Solve agedum, supplex inquit: quaecumque reposes,  
 Spondenti mihi si qua fides, Mars omnia reddet  
 Caecicolis coram. sed contra Mulciber inquit.  
 Ne vero ne coge: haud aequo haec foedera jure,  
 Nec sat firma reor. qua te vi namque tenebo,  
 Si Mars effugiet vinclis, multamque negabit?  
 Cui rector pelagi: fugiens persolvere poenam  
 Si renuet Mavors, ego solvam. quae simul ille  
 Dixerat: aequa petis, nec fas me tendere contra;  
 Continuo Vulcanus ait, nodosque resolvit. 400  
 Illi autem validis elapsi e nexibus una  
 Profiliere toro. petiit Mars horrida Thracum  
 Arva fuga; Cyprumque adiens Venus aurea venit  
 In Paphon, altus ubi stat lucus, & ignibus olli  
 Ara calet semper, fertisque recentibus halat.  
 Excipiunt, reducem Charites, formosaeque membra  
 Ambrosio, gaudent quo numina magna nitere,  
 Rore rigant, circumque addunt mirabile textum.  
 Talia cantabat vates. gaudebat Ulysses  
 Miratus tacito cantum sub pectore, & omnis 410  
 Phaca-

Phaeacum pelago ratibusque assuera juvenus:  
 Hinc jubet Alcinous choreas pede plaudere solos  
 Laodamanta Haliumque, quibus contendere laudem  
 Haud alius juvenum poterat jam murice pictam  
 Accipiuntque pilam, Polybus quam fecerat ipsis  
 Dumque illam superas caeli jactat alter ad auras  
 Absilens, alter terra in sublime levatus humi  
 Excipit ante levem, pedibus quam tangat arenam  
 At postquam lufere pila, dant corpore saltus  
 Curvato in spatio varios, & crura reponunt,  
 Alternantque vices, plausum Phaeacia pubes  
 Ingeminat, fremituque ingenti cuncta ressaltant  
 Atque heic Alcinoon compellat laetus Ulysses:  
 O pater, o rector Phaeacum maxime, vanam  
 Non mihi pollicitus laudem es: quis visere tales  
 Sperasset juvenum choreas? fecere tuenti  
 Facta fidem, pressitque animum stupor: haec ubidixit,  
 Alcinous contra tanto gavisus honore  
 Protinus alloquitur Phaeacas. o mihi fida  
 Pectora, ductores, audite haec mentibus aquis:  
 Hospitis eximiam virtutem cernitis: ergo  
 Ferte viro jam dona, ut fas me praeter in urbe  
 Sunt alii reges bisseui sceptris gerentes:  
 Quisque novam tunicamque paret, chlamydemque de-  
 coram,  
 Atque talentum auri confestim cuncta feramus,  
 Lactus ut accumbat mensis data munera cernens  
 Hospes. at Euryalius demens infanda loquutus  
 Et dono & dictis offensi leniat iram.  
 Sic ait. assensere omnes, nec dicta morantes  
 Munera ferre jubent, misso praecone per urbem  
 Quisque suo. Euryalus dein regi talibus infit.

Alcinoë, o populo regum clarissime in omni,  
 Nunc equidem tua jussa sequar, veniamque precabor,  
 Atque ensen hunc ex aere dabo, cui lucidus ardet  
 Argento capulus, totumque nitens elephanto.  
 Includit vagina; haud est ignobile donum.  
 Haec dicens rutilum manibus simul accipit ensen,  
 Pauca simul fatur. sis, o pater optime, felix,  
 Fudimus & verbum si quod male, ventus in undas  
 Abripiat vanum. sic o tibi conjugis ora. 450  
 Cernere, sic patrios tandem dent numina fines!  
 Cui Laërtiades: & tu sis, inquit, amice,  
 Felix, dique tibi semper fausta omnia donent;  
 Nec te adeo posthac, quem nunc mea pectora dictis  
 Supplicibus placans donasti, torqueat ensis.  
 Dixerat, atque humeris aptum demisit ab altis.  
 Sol ruit interea, totaque ex urbe feruntur  
 Munera ad Alcinoi sedes. quae cuncta recensent  
 Magnanimi regis gnati, ponuntque parentem  
 Ante suam late clara splendentia luce. 460  
 Jamque etiam Alcinous gradiens prior alta subibat  
 Atria, ductoresque alii post terga sequuti.  
 Ut venere, altis confidunt sedibus omnes;  
 Et senior: fer, ait, quae pulcrior omnibus, arcam  
 O conjux dilecta mihi, tunicamque recentem,  
 Et chlamydem super ipsa para. jamque adsit ahenum  
 Flammea vis circum, calidis ut fontibus artus  
 Abluat, utque videns heic longo ex ordine cuncta,  
 Eximii dederunt quae large munera civès,  
 Et dapibus festis & cantu gaudeat hospes. 470  
 Illi praeterea signis auroque nitentem  
 Hanc pateram nunc ferre dabo, non immemor umquam  
 Ut nostri libetque diis magnoque Tonanti.

Au-

Audiit Arete, facilesque hortata puellas  
 Ocyus imponi flammis de more leberem  
 Imperat ingentem. tripodem quae protinus aptant  
 Rore superfuso plenum, congestaque flammae  
 Pabula subjiciunt: latam circumdedit alvum  
 Flamma sonans, humorque cavo tepesactus ahenus est.  
 Regina interea pulcrum penetralibus arcam 480  
 Extulit, imposuitque viro, quae clara dedere  
 Munera Phacaces, vestemque, aurique talenta,  
 Adjunxitque super tunicam, laenamque rubenti  
 Murice fulgentem placido sic ore loquuta.  
 Haec manibus tu claude tuis, & vincula circum  
 Injice, ne quis iter carpentem & molliter artus  
 Compositum somno noctis te fallat in umbra.  
 Sic illa: audivit quae postquam dius Ulysses,  
 Ipse suas occludit opes, circumque tenacem  
 Implicuit nodum, docuit quem subdola Circe. 490  
 Quae actis subito famulae duxere lavatum  
 Apposito in labro: subit ille, & rore tepenti  
 Perfundi gaudet: nam postquam tecta Calypsus  
 Liquerat auricomae, non umquam talia sensit  
 Munera. diva quidem superis caelestibus aequans  
 Illum laeta prius studio omni atque arte fovebat.  
 Ut famulae lavere, & pingui corpus olivo  
 Lustrarunt, tunicamque humeris chlamydemque ni-  
 rentem  
 Induerunt, gradiens iterum processit in aulam, 500  
 Et medium sese potantibus intulit heros.  
 Nausicaa extemplo celsi pulcherrima tecti  
 Adstitit ad postes, formamque atque oris honorem  
 Admirata novum, pudibundaque in hospite figens  
 Lumina: salve, inquit, semper, patriaue potitus  
 Sis

Sis memor o! primae debes cui munera vitae  
 Ille autem: Alcinoi fata claro o sanguine nympha,  
 Sic reducem sistat patriis me Juppiter oris;  
 Jactatumque diu tranquilla per aequora ducat;  
 Semper honore meo, semper celebrare votis,  
 Diva velut; vitam tu, virgo namque dedisti.  
 Haec ait, & sponda sedit compostus in aurea  
 Magnanimum juxta regem, jamque incita pubes  
 Partiturque dapes & vina liquentia miscet.  
 Nec minus & carum populo cantuque potentem  
 Demodocum praeco ducens protraxit, & ipsum  
 In medio posuit subnixum terga columna.  
 Atque Ithacus subito tosto de tergore partem  
 Abscindens ( pars magna suis nam proxima dextrae,  
 Et circum tenera candens pinguedine stabat ).  
 Praeconem alloquitur. grata haec o munera, ferto  
 Demodoco, quem vel tristi praecordia luctu  
 Saucius, eximio gratus complectar amore.  
 Omnibus in terris clari celebrantur honore  
 Praecipuo vates: namque illos aurea cantum  
 Musa docet, carumque genus nomenque tuetur.  
 Dixerat: & praeco celerans data munera vati.  
 Porrigit, ille capit dono lætatus opimo,  
 Et simul ipse, simul reliqui convivia ducunt.  
 Inde ubi pulsa sitis, compressus & ardor edendi;  
 Rursum Ithacus: cunctis ego te mortalibus, inquit,  
 Demodoce antefero, seu dulcis carmina musa,  
 Seu docuit cithara pharetraque insignis Apollo.  
 Usque adeo ornato cantu fera fata Pelasgum,  
 Concelebras, casusque doces, durumque laborem,  
 Quem passi quondam, ceu si vel miles ad altam  
 Ilion adfueris, vel saltem certus ad aures

Nun-

Nuncius adtulerit famam. quin ordine verso  
 Dic ingentis equi molem, quam struxit Epeus  
 Palladè cum socia, summaque locavit in arce 540  
 Infidians Ithacus foetam latitantibus armis  
 Excidiumque Phrygum & fatum exitiale futuram.  
 Si referes haec rite, memor late undique laudes  
 Ipse tuas nomenque feram, cui numine divum  
 Talia contigerunt jucundi munera cantus.  
 Nec plura. ille deo plenus sic ora resolvit  
 Carminis hinc seriem repetens, avecta carinis  
 Pars Danaum ut longe phrygiæ de litore cessit  
 Ignibus injectis in castra; at moenia Trojae  
 Altera pars ingressa ingentibus abdita claustris, 550  
 Et glomerata Ithacum circa confederat urbe  
 In media. nam sponte sua dementibus oris  
 Ipsi Troes equum traxere in Palladis arcem.  
 Sic medius stetit ille: at circum plurima mustant  
 Dardanidae variis curarum fluctibus acti,  
 In partesque abeunt diversas. namque placebat,  
 Aut latebras uteri ferro terebrare repostas,  
 Dejicere aut prono molem de culmine, & arce  
 Praecipitare sacra, scopulisque illidere acutis,  
 Aut sinere aeternis nulli violabile donum 560  
 Esse diis, quorum sub numine Pergama stabant.  
 Haec vicit, potiorque aliis sententia visa,  
 Nec Troes potuere aliter. nam fata ferebant  
 Exitium certum, postquam intra moenia magnus  
 Conscendisset equus, delecta ubi corpora pubis  
 Grajugenae, primique duces, capita alta, sedebant  
 Supremum excidium Phrygibus letumque ferentes.  
 Dein canit, ut late populantes Pergama Graji  
 Eruerint patefacta effusi & roboris alvo,

Egres-

Egredique dolis. loca per diversa vagantes 570  
 Diversos memorat, vastantesque ignibus urbem;  
 Ast Ithacum irrupisse domum armipotentis in altam  
 Deiphobi, ceu Martem ipsum, dicebat Atrida  
 Stripatum Menelao. horrendam heic protinus armis  
 Conferere illum ausum pugnam, faciliq[ue] Minervae  
 Auxilio fretum tandem vicisse canebat.  
 Finierat vates: cantu commotus at heros  
 Moerebat, lacrimisque genas atque ora rigabat.  
 Ac veluti carum luget quum femina sponsum  
 Collapsum patriae celsis sub moenibus urbis, 580  
 Dum cladem a gnatis carisque a civibus arcet:  
 Illa videns multo lapsantem in sanguine, & aegrum  
 Vitam exhalantem super incubat anxia tristes  
 Ingeminans questus. contra hostes vulnera telis  
 Adjiciunt, caeduntque humeros & colla retrorsum,  
 Captivumque trahunt: tanto magis aestuat illa,  
 Aegrescitque dolens, atque implet lumina fletu.  
 Sic tum etiam tristi ductor Laërtius imbre  
 Ora rigans flebat; nec quisquam in sedibus illum  
 Viderat effusus, foedantem pectora guttis, 590  
 Alcinoum praeter. qui forte ut sederat olivi  
 Proximus, ingenti suspiria crebra trahentem  
 Cum gemitu audivit sic interfatus amicos.  
 Audite o cives clarum genus: aurea ponat  
 Demodocus jam plectra; haec fors non omnibus aequae  
 Dulce sonant. ex quo dapibus confedimus una,  
 Et resona incepit modulari carmina vates,  
 Ex illo numquam tabescere desuit hospes  
 Luctibus indulgens: aliquis dolor insidet aegro  
 Magnus, & assiduo convellit viscera morsu. 600  
 Verum agite, edico, vates jam cesset; ut omnes  
Laerti-



Laetitia excipiat, nosque una & gaudeat hospes,  
 Id satius multo est. olli hunc celebramus honorem,  
 Donaque largimur faciles, reditumque paramus:  
 Quippe homini, cui tantum aliquis sub pectore sensus  
 Vivit, adhuc, ipso pro fratre est hospes habendus.  
 Nec vero quaecumque petam, tu callidus astu  
 Vera tegas, oro: fari quin omnia praestat.  
 Dic nomen, quo te genitrix, genitorque vocabant,  
 Et cives, & rura urbi vicina tenentes? 610  
 Namque hominum nemo est sine nomine, ut ortus in auras  
 Prodiit aetherias primum, sive improbus ille,  
 Sive probus contra est: simul ac genuere parentes,  
 Nomina jucundis gaudent imponere natis.  
 Dic patrios etiam fines, dic moenia gentis,  
 Ut referant te sponte alienae haud mentis egentes  
 Consiliiue rates? nostris non puppibus ullus  
 Rector adest, clavoque docet per caerula cursum.  
 Ipsae hominum mentemque vident penitusque repositi  
 Sensa animi; norunt urbes, & pinguia rura,  
 Quae diversa locis habitant late undique gentes 620  
 Omnigenae, volucrique fuga maris aequora tranant  
 Aëre & obscura circum caligine septae,  
 Quin metuant vel damna pati, vel mergier undis.  
 Sed memini haec solitum quondam memorare parentem  
 Naufithoum, & nobis portendere tristia fata,  
 Neptunique iras ob talia munera. namque  
 Adfore dicebat tempus, quum pinea navis  
 Laeta mari rediens, subito spumantibus undis  
 Haerebit, nostraeque ingens mons ingruet urbi.  
 Haec genitor: quae dicta velit sive irrita numen 630  
 Sive rata, ut placitum menti est, sic denique cedant.  
 Tu vero mihi fare, atque haec super adde roganti  
 T Queis-

Quaeſnam jaſtatus terris, quas veſtus & oras  
 Adpuleris? populosque doce, cultusque locorum,  
 Quaeque gerunt gentes injuſta atque eſſera corda,  
 Quae contra hoſpitibus faciles pia numina ſervant?  
 Cur Danaum Argivumque vicem ſic peſtore triſti,  
 Iliacaeque urbis caſus, auditaque lugēs  
 Funera, quae ſtatuerē dii, & perfectā tulere  
 In cantum ſeris ventura nepotibus olim. 640  
 An tibi ſub Troja generum mors invida fortem,  
 Vel ſocerum rapuit, quos nobis numina caros  
 Ante alios dederunt poſt prolem & germina prolis?  
 Anne aliquis periit tibi dulci cognitus uſu,  
 Eximiusque animi ſocius? non fratris amori  
 Praetulerim, virtus quem ſidum candida junxit.



## HOMERI ODYSSEAE

## LIBER NONUS.

**T**Alia quaerenti contra Laërtius heros  
 Orsa refert. inter magnos o maxime reges  
 Alcinoë, hunc vatem simili dis voce canentem  
 Dulce audire mihi est. neque enim magis ulla voluptas  
 Grata venit, quam quum populum diffusa per omnem  
 Laetitiae vis alma viget, cantuque fruuntur  
 Ordine dispositi convivae, ubi mensa renidet  
 Plena epulis, puerique suos fragrantia circum.  
 In cyathos magno vina e cratere ministrant:  
 Ab Jove nil equidem melius nec pulcrius optem. 10  
 Tu vero casusque meos, & tristia quaerens  
 Supplicia, infandum cogis renovare dolorem.  
 Quem primum? quem deinde tibi? referamque supremum  
 Casibus e tantis, quos me fortuna subegit  
 Ferre diu? primum dicam tibi nomen; ut icti,  
 Longa licet nostras via dividat aequore terras,  
 Hospitii maneat semper rata foedera nobis.  
 Sum Laërtiades late celebratus Ulysses  
 Ingenioque dolisque, & fama ad sidera notus,  
 Apricamque Ithacam teneo, qua vertice ad auras 20  
 Neriton aetherias surgit, circumque coluntur  
 Ioniis crebrae sese inter Echinades undis,  
 Dulichiumque Sameque & filvis alta Zacynthus.  
 Haec propior terris longo stat in aequore ad Arctos  
 Opposita, illae autem versae resonantibus austris:  
 Aspera, sed juvenum nutrix bona: non ego quidquam

T 2

Dul-

Dulcius optarim, patriae quam visere fines.  
 Me tenuit sub rupe cava formosa Calypso,  
 Aurigoni pariter Solis me filia Circe  
 Insula in Acaea tenuit, conjungier ardens 30  
 Utraque connubio stabili justisque hymenaeis;  
 Nec tamen ulla meos inflexit pectore sensus.  
 Nil adeo dulci patriae telluris amore  
 Suavius est. nec regna placent, ditissima quamvis  
 Auroque argentoque fluant, si nota suorum  
 Pectora, si cari longe cessere parentes.  
 Sed jam age, poscenti referens iter omne retexam,  
 Triste quod a Troja reduci Jovis adnuit ira.  
 Principio Ciconum vexit me ventus ad alta  
 Ismara, ubi ferro gentem populatus & urbes 40  
 Ingentem praedam fociis captivaeque matrum  
 Corpora divisi, ne quis non lactus abiret.  
 Hinc subito celerare fugam, terrasque jubebam.  
 Linquere nequidquam nautas. at jussa morantes,  
 Consiliisque acti stultis non fecius illi  
 Pocula siccabant laeti, multasque bidentes,  
 Flexipedesque udo mactabant litore tauros.  
 Interea Cicones fugientes undique cogunt  
 Auxilia, & late vicinis agmina terris  
 Conclamant, genus acre virum, & concurrere ad arma 50  
 Aut ab equo assuetum, aut pedibus, quum tempora poscunt.  
 Ergo aderant, quot vere novo se frondibus arbos  
 Induit, & vario flores nascuntur in horto  
 Mane sub auroram. nobis tum nigra repente  
 Ab Jove tempestas & inhorruit aspera clades.  
 Nec mora: consistunt acies, ratibusque sub ipsis  
 Pugnam ineunt, longisque ruunt in vulnera telis.  
 Nos vero, radiis sub primae lucis, & axem

Dum

Dum medium caeli sol scanderet, agmine raro  
Excipimus belli nubem & defendimur armis. 60  
Sed prono quum sole boum iuga solvit, arator,  
Tum domitos faevi Cicones vertere Pelasgos,  
Et seni jaculis confossi e quaque catina  
Procubuerunt viri. fugimus nos cetera turba,  
Ingredique rates vehimur per caerula ponti  
Moerentes dira sociorum caede peracta.  
Nec tamen ante cavae poterant procedere pinus,  
Ingenti quam quisque viros ter voce vocasset,  
Quos rapuit Ciconum miseros mors invida campis.  
Jupiter extemplo boream cum turbine magno 70  
Exciit, ac nebulis horrentibus abdedit omnem  
Telluremque fretumque: polo intempesta ruit nox.  
In latus obliquant se naves, velaque venti  
In diversa trahunt validi, discissaque frangunt.  
Nos trepidi legimusque sinus, letumque paventes  
In terram e rabido subducimus aequore classem.  
Hic geminas noctes totidemque ex ordine lucas  
Egimus & curis & fractis corda labore  
Assiduo, dein pulcra comis ubi tertia caelo  
Extulit os aurora, iterum sustollere malos, 80  
Carbasque instamus ratibus per transtra locati,  
Provehimurque salo. classis cita labitur undis,  
Qua cursum ventusque gubernatorque vocabant.  
Atque ego fors patriae tetigissem litora sospes,  
Ni Malean circum dum flecto carbas, ab aestu  
Praecipiti abreptus boreaeque ferentibus auris  
Avius errassem praeter vada nota Cytherum.  
Jamque novem lucas ventis feror undique vastum  
Per mare: conspectas decimo vix lumine ad oras  
Lotophagum, gustant qui florea germina, veni. 90  
Egre-

Egredimur cuncti, lymphisque a fonte petitis  
 Instruimusque toros, navesque epulamur ad altas.  
 Mox ubi pulsa fames, focios ex agmine lectos  
 Ire duos jubeo, praeconemque insuper addo,  
 Qui loca vestigent, & gentis nomina quaerant.  
 Haud secus ac jussi faciunt, subitoque profecti  
 Lotophagos adeunt. non illis triste minantur  
 Indigenae, clademque parant, at florea loti  
 Germina dant ultro. sed enim data munera quisquis  
 Attigit ambrosio ceu mellis dulcia succo, 100  
 Nuncius ad naves negat ire, iterumque sodales  
 Visere: Lotophagis commixti pascier ardent  
 Flore dato patriamque obliti atque ora suorum.  
 At non ipse quidem cupidos consistere longum  
 Passus ibi: invitos animis lacrimasque cientes  
 Vi dura abduxi, tabulataque ad alta revinxi.  
 Hinc alios moneo juvenes conscendere classem  
 Pontibus ingressos, ne quis contingeret ore  
 Floriferas mihi forte dapes, redituque careret.  
 Continuo parent, positique ex ordine transtris 110  
 Purpureum feriunt remis mare, & aequora verrunt.  
 Sic etiam hinc fugimus tristes, proramque Cyclopum  
 Vertimus ad terras. haud est affabilis ulli  
 Effera gens, fastuque tumens; quae freta deorum  
 Munere nec frangit glebas neque conferit arva.  
 Illis proveniunt ullo sine semine cuncta  
 Sponte sua, variae segetes, expressaque vina  
 Ingenti de vite, auctis Jovis imbre racemis.  
 Non populi coetus agitant, nec jura, nec ulla  
 Foedera: in aërio praerupti vertice montis 120  
 Antra tenent; sua quisque regit, legesque ministrat  
 Conjugibus gnatisque, & mutua commoda spernit.  
 Insu-

Infula Cyclopum terris obversa Lachea  
 Parva jacet pelago, nec longo tramite distans,  
 Nec portu vicina; & silvis horret opacis  
 Frondea. caprigeni pecoris silvestria passim  
 Agmina pascuntur; neque enim vestigia campis  
 Trita hominum terrent, latebrosa que lustra peragrans  
 Rumpit iter durum venator, & avia scandit.  
 Non ovibus colitur, nec vomere scinditur ullo,  
 120 Seminaque exceptat, desertis hispida glebis,  
 Cultorumque expers: tantum dat pascua capris.  
 Nam neque fluctifonso Cyclopum in litore naves  
 Stant minio pictae proras, nec texta per artem  
 Pineae qui jungat curvatae tigna carinae  
 Ullus adest, quibus illi undosa per aequora vecti  
 Turrigeras adeant urbes, ceu saepe videmus  
 Ire redire viam nautas alterna meantes  
 Per freta, & auxilium varia de gente petentes.  
 Sic etenim parto pubesceret infula cultu  
 130 Haud sterilis, passimque sua daret omnia mense.  
 Prata virent late per litus mollia rivis  
 Uberibus, baccho secunda & vitibus olim  
 Aeternis; campique patent, ubi messor aristas  
 Carperet ingentes; nigranti uligine circum  
 Quippe solum praepingue subest: haeret aptus in illa  
 Portus, ubi fessas retinent non vincula naves,  
 Anchora nec morfu cohibet, nullusque rudentum  
 Ufus adest, miseris statio tutissima nautis,  
 Dum repetant cursus, atque increpet aura morantes.  
 140 Pura sub umbroso clivosi tramitis antro  
 Unda fluit, ramisque virent frondentibus alni.  
 Huc nos, credo equidem, divis auctoribus acti  
 Venimus obscuram per noctem atraeque tenebras:  
 Um-

Umbrarum densa circum caligine testa  
 Classis erat; non astra jubar, non fulgida caelo.  
 Luna dabat nebulis atque atro condita nimbo.  
 Haud oculis quisquam surgentem ex aequore terram  
 Viderat, aut magnos provolvi ad litora fluctus,  
 Ante cavae steterunt quam tuta in sede carinae. 150  
 Carbasa tum demum legimus tellure positi;  
 Egressique altis a pontibus, aegra sopore  
 Corpora curamus, dum lux optantibus alma  
 Se referat. primo quae postquam fulsit Eoo  
 Purpureo rutilans caelo, nos undique campis  
 Fundimur, & cupido lustramus lumine terras.  
 Ecce autem a nymphis excitae ad litora caprae  
 Decurrere jugis, fociis jucunda futurae  
 Praeda meis epulaeque, maris post longa pericla.  
 Continuo curvosque arcus celeresque sagittas 160  
 Cepimus: e ratibus: triplici mox agmine fusi  
 Irruimus circum telis, multasque per agros  
 Sternimus, & praedam numerum partimur in omnem.  
 Bissenae naves aderant, & cuique carinae  
 Sorte novem cessere; decem mihi corpora lecta.  
 Sic totam per lucem occasum solis ad ipsum  
 Instamus dapibus strati, pinguique ferina  
 Vescimur; haurimusque cadis fumantia vina  
 Nondum absumpta mari: magnam vim scilicet omnes  
 Extulimus, Ciconum sacras quum cepimus arces. 170  
 Atque hinc vicinos Cyclopum lumine campos  
 Prospicimus, fumumque videmus in aëra volvi,  
 Audimusque ipsos, pecudumque sonantia magno  
 Culmina balatu: sed jam caligine terras  
 Sparserat occiduo sol merus in aequore, & atris  
 Admonuit tenebris placido dare membra sopori.

Ut



Ut vero effulsit roseo dea pulcra cubili,  
 Omnibus in coetum fociis ego rite vocatis  
 Haec tum dicta dedi. vos heic o fida manete  
 Pectora, dilecti cives: ego vectus abibo 180  
 Cum fociis navique mea visurus in illis  
 Quinam homines terris habitant? an barbara degit  
 Gens sine lege; diis an cara, & mutua servans  
 Hospitia? haec fatus conscendo in litore navim,  
 Meque sequi jubeo socios & solvere funem.  
 Extemplo jussi parent, perque alta locati  
 Transtra citis verrunt spumantia caerula remis.  
 Inde ubi pulsa ratis tenuit loca proxima cursu,  
 Litore in extremo resoni prope marmoris undas  
 Antrum ingens lauris frondentibus undique opacum 190  
 Vidimus. intus oves multae, strataeque jacebant  
 Caprigeni pecoris matres, obseptaque saxo  
 Et piceis quercuque alte praesepia stabant.  
 Hoc metuenda viri facies habitabat in antro,  
 Qui deserta procul pecudes in pascua solus  
 Ducebat, fugiensque suae commercia gentis  
 Impia sub tacitoolvebat pectore facta:  
 Monstrum horrendum ingens, homini nec corpore vasto  
 Assimile, at celsae frondoso in vertice rupi,  
 Quum stat, & aërias confurgit sola sub auras 200  
 Ergo ibi tunc aliis secreta in parte relictis  
 Ad navim, bissex fociis comitantibus omni  
 E numero lectis processu, munera bacchi  
 Mecum nigra ferens, dederat quae dulcia proles  
 Evanthei generosa Maron longe Ismara propter  
 Tempa colens arae custos Phoebique sacerdos.  
 Hunc etenim quondam veriti servavimus una  
 Conjuge cum cara gnatisque ad Apollinis aram

Inventum viridi in luo. servatus at ille  
 Septem caelati dedit auri ferre talenta, 210  
 Et solido argento totum cratera rigentem,  
 Implevitque cados bisseos flore Lyaei  
 Ambrosio, divum potu, quem rite repostum  
 Non ullus famulantum aut mas aut femina vidit;  
 Solus at ipse, uxorque, penus & provida custos.  
 Ex illo quoties fragrantem in pocula partem,  
 Ceu mel dulce, sibi fundebant, pocula quaeque  
 Hausta fontis aqua cyathis miscere solebant  
 Bissenis; craterque tamen spirabat odorem  
 Nectareum; suavi quisquam nec temperet haustu. 220  
 Hujus dona ferens magno securus in utre,  
 In peraue dapes ibam. mens ardet adire  
 Cominus ingenti membrorum robore fretum,  
 Agrestemque virum, nec fas, nec jura verentem.  
 Ingredimur taciti sinuosae in rupis hiatum,  
 Cunctaque deserto ( pingues namque ille per agros  
 Duxerat ad pastum pecudes ) miramur in antro.  
 In calathis aderat pressi vis maxima lactis,  
 Stipatique agni stabulis haedique sonabant  
 Quique suo clausi septo: seorsum ubere pulsi 230  
 Jam grandes, mediiue, & nati nuper in auras.  
 Omnia vasa fero nabant: mulctralia juxta,  
 Cymbiaque adstabant mulgendo accommoda lacti.  
 Heic primum socii monuere coagula pressa  
 Surripere, ac subito retro vestigia ferre  
 Ad navem abductis gregibus: tum solvere ventis  
 Carbasa, & undisoni remeare per aquora ponti.  
 Fecissemque utinam! sed sperans munera, & ardens  
 Nolle virum, monitis demens parere negavi,  
 Exitio publi quamvis erat ille futurus. 240  
 In-

Interea positas superis incendimus aras,  
 Inventisque epulis fruimur, dum redditus agris  
 Duceret e pascu pecudes. jamque ibat onustus  
 Falce gravi referens arentia robora silvis  
 Nutrimenta igni dapibusque in nocte parandis.  
 Adstitit ut propior stabulis, dejecit ab alto  
 Ligna humero: gemit magno sub pondere tellus,  
 Nosque metu trepidi latebroso condimur antro.  
 Ille autem ingrediens simul egit corpora matrum  
 Speluncam in vastam pressurus turgida lacte 250  
 Ubra; at hirsutos villis male olentibus hircos,  
 Lanigerosque duces ovium sedem ante reliquit.  
 Dein scopulum in sublime levans emuniit alta  
 Ostia: non illum campo hisdena movere  
 Atque duo juga celsa rotis simul acta quaternis  
 Sustineant: tanto praetendit pondere montem.  
 Tum medius residens lac mulget, & ubera foetum  
 Ad sua quemque vocat; plexisque e vimine quas  
 Lactis partem aliam cogit, partemque reservat  
 Spumantem in cyathis, sibi grata in pocula pascu: 260  
 Omnia quae properans demum sic rite perëgit,  
 Accenditque ignem, nos curvo ut vidit in antro,  
 Turbidus affatur. qui vos, atque unde profecti  
 Stagna per alta maris? pontone inquirere merces,  
 Praedonum an ritu caput objectare periculis  
 Errantes juvat usque, & tristia damna ferentes?  
 Dixerat, extemplo gelida formidine sanguis  
 Dirigit nobis sonitumque timentibus oris,  
 Adspectumque trucem: tandem sic pauca repono.  
 Nos procul a Troja diversa per aequora ventis 270  
 Jactati, patrias Danaï dum tendimus ora,  
 Venimus huc nutuque Jovis fatoque coacti.

Gentes dura vides Agamemnonis arma sequutas  
Atridae, cujus caelo nunc maxima fama  
Tollitur, evertit postquam Priameia regna,  
Felicesque Asiae populos. nos ad tua contra  
Litora devesti tibi vota en tendimus ultro  
Haerentes genibus, facilis dare munera forte  
Si qua velis, lactosque tua dimittere sede,  
Hospitii ceu jura ferunt atque exigit usus. 280  
Tu vero divos veritus miserere precantum:  
Juppiter hospitibus laesis precibusque repulsis  
Ultor adest, sequiturque pios & numine servat.  
Haec ubi dicta dedi, torvo me lumine cernens  
Reddidit iratus. vel te dementia versat,  
Longa vel hinc pelagi via dividit, alta vereri  
Qui me forte putas, curare aut numina caeli.  
Nulla mihi superique Jovis reverentia; curo  
Nec divos: cedunt nobis praestantibus orsis  
Caelicolae. proin mitte Jovis praetendere vires 290  
Atque odia: haud alius coget me parcere quisquam  
Nempe tibi sociisque tuis, ni certa voluntas  
Jusserit, ipsa mihi sola inviolabile numen.  
Verum age dic, navis qua terrae in parte relicta est  
Huc tibi subvecto; vicino an condita portu;  
Anne procul? dic: nosse juvat. cui talia fanti  
Contra ego (fensi etenim simulata mente loquutum)  
Subjicio sic arte. mihi regnator aquarum  
Cautibus illidens heic vestro in litore navem  
Praecipiti borea ex alto disjecit adactam; 300  
Hisque ego cum sociis vix fugi elapsus ab aestu.  
Tantum effatus: ad haec nil contra turbidus ille,  
Sed ruit, & numero de nostro corpora bina  
Corripiens manibus, catulos velut ubere raptos,

Im-

Impulit ad saxum: sanie sparsoque cerebro  
Terra natat. tum secta atro manantia tabo  
Membra vorat, manditque, leo ceu torvus in altis  
Montibus assequitur quum praedam: haud exta relinquit,  
Aut armos, aut dura crosis artubus ossa.  
Haec nos cernentes cum fletu ad sidera palmas 310  
Tendimus, & certi media jam morte teneri  
Infandum horremus. postquam ille at lacte recenti,  
Visceribusque atris miserorum impleverat alvum,  
Lanigeras inter pecudes refupinus in antro  
Sternitur immenso. me crudum, cominus ense  
Educto, monet ira jacentis in ilia ferrum  
Condere: fecissemque, animo ni cura subisset,  
Nos quoque, si caderet, perituros funere secum.  
Haud etenim manibus conando, ullaque moveri,  
Quam primum ingressus foribus praetenderat altis, 320  
Vi poterat rupes: inter suspiria noctem  
Egimus ergo illam insomnes trepidique pavore.  
Postera quum roseo perfudit lumine terras  
Orta dies, iterum sopitos excitat ignes,  
Et vocat ad mulctram pecudes, multisque recentes  
Submittit foetus. raptim queis rite petactis,  
Prensa manu valida rursus duo corpora nostro  
Corripit e numero, dapibusque accingitur atris.  
Deinde satur vasto pecudes eduxit ab antro  
Immensam attollens molem, facileque reponens 330  
Ostia ad alta, velut pharetram si regmine claudat,  
Et magno stridore ruens juga celsa petivit  
Cum pecore. ipse autem vacua sub rupe relictus  
Mecum agito, si qua possimque ulciscier arte,  
Victorque auxilio divae armipotentis abire:  
Dumque agito, haec animo melior sententia visa est  
Forte

Forte olea e viridi clava ingens pingue jacebat  
 Ad stabulum, quam ferre manu post ille volebat  
 Duratam, malo bisdenis ordine remis  
 Sulcantis freta lata ratis non mole minorem: 340  
 Talis erat visu, tantum surgebat in auras.  
 Partem ego ab hac ferro longam non amplius ulna  
 Abscidi, fociisque dedi, jussique polire  
 Undique: supremum laevata in parte cacumen  
 Ipse acui flammis subdens nigraque favilla:  
 Deinde fimo, late foedo qui sparsus in antro  
 Multus erat, posui candentem, atque aggere texi,  
 Ne pateat. socios jubeo tum protinus omnes  
 Sortiri, mecum auderent qui lumen acuto  
 Torre cavum terebrare, ubi somno sterneret artus. 350  
 Illi forte legunt, ultro quos ipse vocassem,  
 Quattuor; his quintus comitem me audentibus addo.  
 Interea, sero pecudes sub vespere Cyclops  
 Venit agens, curvasque redux pecus omne coegit  
 Speluncae in latebras nil toto ex agmine linquens.  
 Seu laevum quid forte ratus, seu numine jussus.  
 Nec minus immanes emuniit objice postes,  
 Ubraque acclinis pressare tumentia coepit  
 Caprarumque oviumque, suos atque ordine foetus  
 Submisit: celeri quae postquam exegerat arte, 360  
 Ecce duos iterum scelerata in pabula caenae  
 Arripit, & vivos vorat horridus ore cruento.  
 Atque ego tunc adstans & nigro pocula baccho  
 Plena tenens: en vina tibi, quae dulcia potes  
 Artubus humanis pastus; cape pocula Cyclops:  
 Experiere, olim quo potu navis onusta  
 Nostra fuit. rursam libanti talia ferrem  
 Dona quidem, sineres hinc si miseratus abire

In-

Incolumem. sed te contra vis effera raptat;  
Crudelis! quis te posthac visurus adibit 370  
Huc hominum, dira miserorum caede peracta?  
Sic ego: at ille manu capiens se proluit almo  
Munere, & insueti captus dulcedine potus;  
Da facilis mihi rursus, ait; dic nomen & una  
Ipse tuum, referes jam nunc digna hospite dona;  
Et nobis nam terra parit felicibus uvas  
Sponte sua, tumidasque mero Jovis educat imber:  
Hoc tamen ambrosia ut dulcis, vel nectaris haustus  
Liquitur. haec Cyclops: subitoque ardentia rursum  
Vina dedi ter sponte ferens, terque impiger hausit 380  
Ille bibens. jamque ut sensi praecordia circum  
Fervere, sic coepi simulato pectore fari.  
Quaeris tunc meum Cyclops cognoscere nomen?  
Dicam equidem; promissa tamen sint munera praesto:  
Nemo dicor ego; sic pectora fida sodales,  
Sic tenerum dici cari voluere parentes.  
Vix ego finieram, quum saeva fervidus ira:  
Ultimus ergo, inquit, tu Nemo vorabere caros  
Post socios, dignumque feres hoc hospite munus.  
Dixit, & immenso jacuit resupinus in antro 390  
Inflexa cervice solo; tum pectora somno  
Victa dedit, patuloque eructans gutture frustra  
Evomit vino & sanie commixta cruenta.  
Ast ego ferventi vestem candescere feci  
Sub cinere, & dictis socios hortatus amicis  
Ultro animos acui, ne quis mihi cederet auso  
Territus. hinc viridis jam jamque arsurus in igne  
Supposito quum vestis erat, circumque rubebat  
Torridus, eripui flammis crepitantibus: una  
Stant focii, ingentemque animum deus ipse ministrat. 400  
Jamque

Jamque illi arreptum fixere in lumine torrem  
 Cuspide candenti; super ipse at rectus acutum  
 Undique versabam telum. ceu robora navis  
 Quum terebrant, alius premit instans vertice summo,  
 Hinc atque hinc alii torquent utrinque tenentes  
 Lora manu adnixa subter, circumque rotatu  
 Volvitur assiduo trepidatque volubile ferrum:  
 Haud secus ardentem defixo in lumine torrem  
 Versamus. calido sanguis de vulnere manat,  
 Hirsutumque supercilium, setosaeque lucis 410  
 Urit claustra vapor media ardesciente corusci  
 Sede oculi; crepitat flammis jamque intima radix.  
 Ac veluti magnam properans quum forte bipennem  
 Rore faber gelido candentem tingit, & undis  
 Durat ( sic etenim vires rigor accipit aeris; )  
 Mersa sonat stridetque lacu: non segnus olli  
 Stridet acuta sonans oculus sob robore acuto.  
 Infremit horrendum subito; rupeque fragore  
 Intonuit, retroque timor nos egit: at ille  
 Extrahit ex oculo foedatum sanguine telum, 420  
 Correptumque dolens ab se procul abjicit, acres  
 Ingenti clamore vocans e rupe Cyclopas,  
 Qui cava vicinis habitabant montibus antra.  
 Continuo auditum celeres unde undique currunt  
 Ad sonitum, densoque specum stant agmine circum;  
 Et subito. quidnam voces Polypheme per umbram  
 Horrendas adeo jactas, trepidisque soporem  
 Excutis? invito pecudes mortalis an ullus  
 Surripit? insidiis, aut vi congressus aperta  
 Te perimit? queis ille furens: me perdidit, inquit, 430  
 O focii, insidiis Nemo, non viribus ausus.  
 Cui mox Cyclopes: te sola in rupe morantem,  
 Quando-



Quandoquidem Nemo laedit, morbosa fatigat  
Ab Jove missa lues, nec fas contendere contra.  
Supplex Neptuni numen tu patris adora,  
Quod superest, precibusque voca. nec plura loquuti  
Discessere; mihi risus contra occupat ora,  
Quum sensi pariterque dolis & nomine captos.  
Ille autem gemitusque trahens actusque dolore  
Caeca regit manibus palpans vestigia, & altum 440  
Abmovet a foribus montem; tum brachia tendens  
Limine confidit, si quem comprehendere possit  
Inter oves tacito tentantem evadere gressu;  
Sic me adeo stultum vesana mente putabat!  
Contra ego defixus volvebam pectore mecum,  
Qua potius certamque mihi sociisque salutem  
Arte parem, fraudesque omnes atque omnia rerum  
Consilia expendens tanto in discrimine vitae;  
( Quippe aderat vis dura, ) heic certus denique sisto.  
Stabant ductores ovium pinguedine laeti, 450  
Ingentesque, nigro violae suffusa colore  
Vellera gestantes; direpto fune Cyclopis  
E thalamo hos tacitus ternos per vincula junxi  
Nexa pares cohibens. medius mihi quisque gerebat  
Unum de sociis, reliqui duo corpore euntis  
Cingebant utrinque latus: sic ordine terni  
Ibant quemque virum servantes. hinc ego idemum  
Arjetis ( ille etenim superabat maximus omnes )  
Arripui tergum, villoso & ventre volutus  
Delitui subter, manibusque in vellere denso 460  
Implicitis fidens animo, nec territus haesi,  
Usque sub aurorae croceum Titanidis ortum.  
Quae simul ac rutilo suffudit lumine montes;  
Cornigeros e rupe mares in pascua Cyclops

X

Exigit;

Exigit; haud multae stabulis atque ubera multo  
 Lacte graves agnae pariter mollesque capellae  
 Balabant dominum circa; qui corda dolore  
 Percitus, extensis venientum terga superne  
 Palpabat manibus, demens; latitare revinctos  
 Nec juvenes subter villosam sensit ad alvum. 470  
 Jamque adeo super unus erat, portisque propinquans  
 Ille aries, villis & me gravis; ultimus ibat.  
 Hunc placide mulcens sic tum Polyphemus euntem  
 Alloquitur. miserande aries, quae tanta morantem  
 Causa tenet, graderis cur nunc postremus in antro?  
 At non sic ovibus quondam disjunctus amatis  
 Ibas, ante quidem solitus florentibus agris  
 Primus inire viam, gelidoque extinguere primus  
 Fonte sitim, primusque e pastu tecta subire  
 Vespere: nunc vero cunctis ignavior exis. 480  
 An domini luges oculum, quem perdidit una  
 Cum sociis malus hospes, ubi praecordia vino  
 Edomuit mea, Nemo? haud ille hinc vivus abiret,  
 Si modo vocalis factus tu dicere posses;  
 Eludit qua parte meam nunc improbus iram.  
 Ipsi haec certe fluerent aspersa cerebro  
 Limina diffracto ad cautes, levioraque menti  
 Damna forent, nihili quae vir malus intulit hostis.  
 Haec ubi dicta dedit, lentum dimisit in arva  
 E foribus. longe sat vix excessimus antro, 490  
 Primus ego exilio pedibus, nexuque sodales  
 Implicitos solvo; nec non simul undique fusi  
 Innumeras agimus pecudes, & litora cursu  
 Tendimus ad navim properantes. nec mora vilos  
 Excipiunt plausu socii, partimque reductis  
 Laetantur, tristi flent partim funere merfos.

Sed

Sed non passus ego gemitus extollere nutans  
 Lumine, & abduetos navis tabulata sub ima  
 Jussi inferre greges, rapidisque incumbere remis.  
 Illi conscendunt alacres, atque ordine transtris 500  
 Dispositi feriunt certatim marmora palmis.  
 Utque aberant terris, quantum clamantis ab ore  
 Audiri vox missa potest, illudere coepi  
 Sic prior increpitans Polyphemum, in rupe vorasti  
 Non ignava viri gestantis corda sodales,  
 O Cyclops; dignas solvisti at crimine poenas,  
 Improbe, nil veritus sacrum corrumpere caede  
 Hospitium: idcirco sic dis plaudentibus ultus  
 Juppiter est. nec plura: olli furor arsit in imo  
 Pectore, & abruptam montis de vertice molem 510  
 Arripiens valido contorsit turbine nigram  
 Ante ratem, rostrumque parum quin frangeret ictu  
 Abfuit. impulso exundant freta spumea saxo,  
 Ad terramque trahunt navim resluentibus alto  
 Fluctibus e pelago, rapiuntque ad litus adaclam.  
 Tunc ego corripui longum de robore contum,  
 Detrusique ratem campis, simul aequora remis  
 Admonui juvenes certatim findere nutans  
 Vertice; nec segnes illi fugere periculum  
 Viribus adnixa totis. bis longius illo 520  
 At spatio postquam provecti cessimus arvis,  
 Me, rursus inclamare juvat; trepidique timore  
 Contra instant socii blanda sic voce vetantes.  
 Desine: cur dictis horrendum incessere monstrum,  
 Improbe, vis? misso modo nos ad litora telo  
 Impulit adducens, & vix non funere merfit.  
 Quod si clamantem te magna & voce sonantem:  
 Audierit, jacto cervicem ipsamque carinam

Disrumpat scopulo: tanto jacit impete telum.  
 Haec focii. sed non animo deterritus ipse 530  
 Abstiniui, rursusque Cyclopem affatus ab ore  
 Sic coepi. si quis raptò de lumine quondam  
 Te poscat, Polypheme; tibi dic illud Ulysssem  
 Eripuisse fatum Laërta, Ithacesque tenentem  
 Regna procul, bello populatum Pergama Trojae.  
 Sic ego. contra autem cum luctifono ululatu  
 Ille refert: heu prisca tenent me oracula vatum,  
 Credo equidem: fuerat divino heic numine plenus  
 Telemus Eurymedes, venturi & praescius aevi  
 Inter Cyclopas volventia fata canebat; 540  
 Omnia qui docuit me quondam, atque adfore, dixit,  
 Eripiat qui dulce ferus mihi lumen, Ulysssem.  
 Hunc ego sed pulcrumque aliquem rebarque futurum  
 Ingentem, nec non praeclaro robore fretum ..  
 Forte virum: nunc me parvusque & viribus expers  
 Nescio qui misere captum domitumque Lyaco  
 Perdidit. huc adsis tamen o, cape munus, Ulyssseu:  
 Ipse tibi reditum Neptuno a rege precabor,  
 Cujus ego soboles, nec se negat ipse parentem  
 Esse meum. potis autem idem me reddere solus 550  
 Incolumem, nullusque alius seu forte deorum  
 Sive hominum, dixit: subito cui talia reddo:  
 Sic utinam possimque anima vitaeque carentem  
 Te jacere extinctum nigras Plutonis ad umbras,  
 Ut reddet non ipse oculum vel rector aquarum.  
 Quae quum fatus eram, supplex ad sidera palmas  
 Sustulit affatus Neptunum hac voce parentem.  
 O genitor saevoque potens Neptune tridenti,  
 Si tua sum proles, si tu mihi sanguinis auctor,  
 Da, pater, in patriam redeat ne victor Ulysses 560  
 Laërta

Laërta genitus procul hinc Ithacensia ponto  
Regna colens. vel si reducem contraria votis  
Fata meis poscunt, certusque hic terminus haeret,  
At sero veniat, fociorum & funere tristis;  
Nec patria in puppi, videatque indigna domorum  
Excidia, & misera turbatos clade penates.  
Talibus orabat; genitor nec vota precantis  
Respuit: inde aliam majori pondere molem  
Contorquens vacuas caeli projecit in auras,  
Immisitque ratem post curvam turbinis actam 570  
In morem, clavo propius. furit aestus aquarum  
Praecipiti sub monte, ultraque impulsa carina  
Fluctibus a tumidis contraria litora tangit.  
Ergo exoptata tandem tellure potiti,  
Qua reliquae stabant naves, focique sedentes  
Lugebant nostro concussi pectora casu,  
Subductam in sicca navim religamus arena,  
Egredimurque ipsi, pecudesque educimus omnem  
In numerum praedam fortiti partibus aquis:  
Maximus atque aries cessit mihi munere soli 580  
Sponte datus. viridis quem celsa in litoris ora  
Rite Jovi magno, caelum qui numine torquet,  
Mactavi femora incendens. respexit ad ignes  
At non ille sacros, irata mente volutans  
Excidium classis, miseranda & fata meorum.  
Sic igitur totam per lucem in gramine strati  
Solis ad occasum dapibus vinoque fruentes  
Vescimur; & postquam nigras nox attulit umbras,  
Sternimur in placido carpentes litore somnum.  
Inde ubi clara diem stellis aurora fugatis 590  
Extulit, hortatus nautas conscendere jussi  
Protinus, & tortos campis laxare rudentes.

Nulla

Nulla mora est: dictis parent, cunctique locati  
Confidunt transitis, & remis spumea volvunt  
Aequora. jam fugiunt terrae, vehimurque per undas  
Solliciti ac duro sociorum funere tristes.



## HOMERI ODYSSEAE

## LIBER DECIMUS.

**P** Rotinus Aeoliam veni, qua fluctibus aëa  
 Infula in instabili dis carus tecta colebat  
 Aeolus Hippotades: consurgunt aërea circum  
 Moenia, & ingenti procurrat vertice rupes.  
 Corpora gnatorum bisseña in sedibus olli,  
 Sex pueri, totidem forma praestante puellae,  
 Ludunt, atque inter se laeti mutua curant  
 Connubia assueti patriis confidere mensis,  
 Perpetuasque dapes celebrare. ite nidor ad auras  
 Aetherias per lucem altis late undique tectis;  
 At tacita sub nocte sua cum conjuge quisque  
 Mollibus in thalamis strato super incubat ostro.  
 Hos ego tum fines tetigi, faciliq; receptum  
 Aeolus hospitio fovit, dum mensura rotum  
 Luna iter expleret. saepe ille audire volebat  
 Ilion, Argivumque rates, reditumque Pelasgum;  
 Cunctaque ego contra narrabam rite petenti.  
 Verum ubi jam cupidus volui discedere, & illum  
 Admonui, nihil ipse mihi, quibus indiget usus;  
 Abnuat, ingentemque novennis tergore tauri  
 Utrem ferre dedit, introque sonantia clausit  
 Flamina ventorum; namque illum rector olympi  
 Et rapidos jussit mulcere, & tollere ventos.  
 Ipse suis utrem manibus sub transtra locatum  
 Argento molli vinxit, ne quâ via ventis  
 Adsit, & aequoreas tantum strepitantibus auris

Mulceat

Mulceat excitus zephyrorum sibilus undas.  
 Cessimus, atque novem fulcantibus aequora luces  
 Et noctes totidem, decimo sub lumine visi  
 E pelago nobis patrii se ostendere colles, 30  
 Ardentesque ignes propius. mihi pectora preffit  
 Dulcis & alta quies fesso; namque ipse regebam  
 Usque ratem, nullum sociorum vela movere  
 Passus adhuc, patria citius quo sede potirer.  
 Interea nautae vario sermone serebant  
 Multa inter sese, meque auri pondera ferre  
 Argentique domum ventorum a rege putabant.  
 Atque aliquis comitem spectans: proh Juppiter! inquit,  
 Omnibus ut carus, quascumque accedit, ad oras,  
 Advenit hic: multas Trojana ex urbe reportat 40  
 Laetus opes; eadem nos vero caerula mensi  
 Nequidquam patrias vacui remeamus ad aedes.  
 Ecce etiam pretiosa dedit nunc munera ferre  
 Aeolus. eja omnes juvet inspexisse, recluso  
 Aurique argentine latet quae copia in utre?  
 Sic fatur, cunctosque eadem dementia vincit,  
 Et laxant jam vincla utri. simul agmine venti  
 Ocyus erumpunt omnes, saevaue procella  
 Abripiunt pubem turbata per aequora longe  
 A patria flentem nequidquam. atque ipse sopore 50  
 Excitus, & tristi concussus pectora casu  
 Mecum agito, in fluctusne ruam, vitamque relinquam?  
 Anne feram tacitus, caelesti vescar & aura  
 Vivus adhuc? praestat superesse; imaque resedi  
 Sub puppi tacitus, classem dum turbine venti  
 Rursus in Aeoliam ferrent, circumque sodales  
 Ingemerent. illic iterum tellure potimur,  
 Fontibus atque haustis naves epulamur ad ipsas.



At dapibus postquam vires potuque refectae,  
 Praecone & socio tantum comitatus ab uno 60  
 Hippotadae petii sedes, quem larga bibentem  
 Pocula cum gnatis deprendi & conjuge cara.  
 Ut veni, primo confedi in limine tecti  
 Ante fores: illi reducem stupuere videntes,  
 Et subito: quae causa movet? quod numen, Ulysseu,  
 Ingruit adversum misero? te nuper amico  
 Auxilio tutum patrias dimisimus oras,  
 Et quocumque animo cuperes intendere cursum?  
 Talia quaerebant. queis ipse: heu perdidit, inquam,  
 Me comitum vesana manus, somnusque fefellit 70  
 Improbus. optatam miserati o ferte salutem,  
 In vestra namque ipsa manu. tum plura paranti,  
 Mulcentique animos dictis pater Acolus insit.  
 Ocius o discede hominum jam pessime, & isthinc  
 Eripe te: curare nefas me quippe scelestum  
 Invisumque diis superis caput: aequore in alto  
 Jam pereas laevoque huc fato & numine vectus.  
 Haec dicens tristemque animi graviterque gementem  
 Expulit e domibus. rursus freta caerulea moesti  
 Verrimus, & duro pubes defessa labore 80  
 Deficit incumbens remis, frustraue negatam  
 Ipsa sua suspirat opem jam perdita culpa.  
 Sex adeo noctes totidemque ex ordine luces  
 Dum ferimur, nos celsa Lami sub moenia sistit,  
 Septima lux; ubi longam habitant Laestrygones urbem,  
 Pastor & e campis rediens inclamat agentem  
 Pastorem in saltus pecudes, auditque vocantem  
 Ille quidem diversa petens; duplicemque referret  
 Idem ubi mercedem dulci sine munere somni  
 Balantum per prata greges, armentaue pascens: 90

Proxima nam lucis noctisque est meta viarum.  
 Hæc ingens sese portus venientibus offert  
 Quem scopulis cingunt præruptis undique cautes,  
 Litora que adversis procurrunt frontibus ante  
 Ostia, & angusto fauces arctantur hiatu.  
 Huc alii duxere rates, tortoque carinas  
 Inter se propius vinxere ad litora nexu,  
 Immoto qua parte silent freta caerulea fluctu,  
 Et circum placidis substernitur æquor arenis.  
 Solus ego haud subii portum, navimque radente 100  
 Implicui extremo religatam in margine ripae  
 Extrorsum ad cautes; specula dein celsus ab alta  
 Prospectum exploro: non ulla hominumve boumve  
 Signa noto, tantum caelo consurgere fumum.  
 Hinc subito socios præmitto, & quaerere gentis  
 Præcipio nomen, lectis ex agmine binis  
 Adjunctoque simul præcone iter ocius illi  
 Corripiunt, celsæ montis de vertice ad urbem  
 Arida quo rapidi vectabant robora currus.  
 Illis Antiphatae Laestrygonis inclita gnata 110  
 Obvia, dum magnæ sub moenibus urbis aquatur,  
 Venit, ubi Artaciæ vitreis argenteus undis  
 Fons sonat, & patriæ semper fluit utilis urbi.  
 Hanc adeunt propius, dictisque affantur; & una,  
 Quinam habeant homines, quæ sint ea moenia, quaerunt.  
 Talia quaerentes duxit genitoris ad aedes  
 Illa sui; at postquam subiere in limina gressu  
 Terruit ingressos alta stans mole velut mons  
 Femina, quæ subito jactans ad fidra voces  
 Exciit absentem thalami sibi foedere junctum 120  
 Antiphatem. ruit ille foro molitur acerba  
 Fata meis, sociisque fuga properante duobus

Elap sis,

Elapsis, alium rapiens vorat horridus ore,  
Incenditque altis totam clamoribus urbem.  
Quo sonitu exciti Laestrigones undique currunt  
Innumeri, vasta referentes mole gigantas,  
Et late scopulis effusi immania subter  
Saxa rotant: gemitus dira sub morte cadentum  
Tollitur, & fractae stridor ferit aethera classis,  
Transfixisque viris inhiant ceu piscibus hostes. 130  
Ast ea dum clauso fervebant funera portu,  
E femore eductum vagina protinus ensem  
Corripio, & stricto ferio retinacula ferro  
Hortatus comites validis incumbere remis,  
Molirique fugam. simul illis excitus ardor,  
Jactantque adducuntque manus: sic praepete cursu  
Una ratis mecum fugit subvecta per altum,  
Atque aliae diro perierunt turbine fractae.  
Hinc adeo elapsi turbato corde per undas  
Provehimur, tantoque juvat fugisse periculo 140  
Incolumes. Acaea ostenditur aequore contra  
Insula, ubi sedem Circe formosa tenebat  
Aeetae germana soror; nam Sole creati  
Et Perfa genitrice ambo, eximia Oceanine.  
Vertimus huc taciti proras, portuque subimus  
Non divum sine mente; duas & litore noctes  
Exigimus totidemque dies, vix aegra trahentes  
Corpora, solliciti curis fractique labore.  
Tertia sed postquam roseo jubar extulit ortu  
Alma dies, hastam capiens ensemque coruscum 150  
In speculam ascendo de litore, sicubi cernam  
Culta soli, vocemque arrectis auribus adstans  
Accipiam. ut veni, consensu vertice, fumum  
Volvier aspexi densis nemus inter opacum

Arboribus longe penetrante culmine Circes.  
 Atque etiam tacitis propius succedere testis  
 Audentem dum cura subit, descendere navim  
 Ad celerem visum satius, dapibusque refectos,  
 Qui loca vestigent, lectos praemittere pubis.  
 Jamque ubi tendebam vicina ad litora gressum, 160  
 Tunc aliquis divum caeli miseratus ab arce  
 Obtulit arboreis mihi cervum cornibus altum  
 Ipsa sub ora viae in medio latebrosa relinquens  
 Qui nemora e pastu gelidum veniebat ad amnem  
 Fonte sitim cupiens restinguere; namque calor  
 Arida vis illum; solisque exegerat ardor.  
 Protinus egressum, tergo quae spina recumbit  
 In medio, aggredior: cuspis latus acria transit,  
 Decidit, exanimisque actus in pulvere volvit.  
 Hunc super infiliens ferratum e vplore telum 170  
 Eripui, tractumque soli viridante reclinans  
 Lenta manu carpsi virgulta; & vimina torto  
 Fune simul neclens, haud longo ingemina vinelo  
 Crura feri implicui, monstrumque immane subivi.  
 Sic ego processit curva cervice, gravatus,  
 Innixusque hasta; neque enim manus altera quibat  
 Ferre humero impositum: tanta ingens mole patebat.  
 Ut ventum ad navim, dejecto pondere fidos  
 Admonui socios, dictis inoecentia pulcens  
 Pectora, non miseri quamvis Phrygia regna, 180  
 Ibimus ante viri, quam nos occumbere leto  
 Fata velint: largo puncio dum pabula victis  
 Sufficiunt, revocate animos, atque accumbite mensis.  
 Talia stans propius memoro; parietque juvenis  
 Undique conveniens, mirataque litore cervum  
 Obtupet, & magna defixa in mole moratur.

At simul ac omnes explerunt lumina visu, pinnaeque  
 Puro in fonte manus loti convivium mensibusque  
 Laeta parant celeres, occasum & solis ad ipsum  
 Implentur dulci baccho largaque ferina. 190  
 Quum subiit sol stagna maris caligine spargens  
 Telluremque polumque, herbofo in litore somnum  
 Cepimus; ut vero radius aurora refulsit,  
 Stans medio in coetu tali sumi voce loquutus.  
 Huc aures adhibete, experti & tristia fata  
 O focii ( nec enim surgat qua parte vel arctos,  
 Vel resonant austr; qua sol petat aequora fessis  
 Tardus equis; aut unde oriens sese inferat axe,  
 Novimus ignari, ) si qua est via certa salutis,  
 Consulite in medium, mihi nulla ostenditur aegrotatio  
 Namque ego dum scopulis celsis de vertice lūstro  
 Omnia, fluctifono vidi loca gurgite clausa silenti  
 Undique: stant humiles fatuosque fumus adhaerens  
 Volvitur in medio crebris nemus inter opacum  
 Illicibus; vix fatus eram, si quum resisteret pubes nobis  
 Concidit, & casum Laestrygonis lapia volvens  
 Antiphatae, necdum vim sibi oblata Cyclopi  
 Horret, & effusis humedat stertibus ora  
 Non lacrimis at tempus erat: partitum omnem  
 Stat numerum in geminas partes; dux agminis ipse  
 Unius, Eurylochus partem dux alter habebat  
 Dein galeae in resonos concussimus aere, polle  
 Et primum Eurylochi retulit concita nomen  
 Ille invadit iter celerans; juvenesque sequuntur  
 Bisdenti supraque duo, sociosque profecti  
 Nequidquam stentes moesti post terga relinquunt  
 Jamque iter emensi niveo de marmore structa  
 Testa vident Circes media surgentia valle;  
 Montani-

Montanique lupi circum fulvique leones  
 Stant placidi in foribus, quos diva potentibus herbis 220  
 Lenierat. non illi acres venientibus instant,  
 Sed blandi, & longis testantes gaudia caudis  
 Luxuriant; reducemque velut quum divite mensa  
 Excipiunt catuli dominum sibi nota ferentem  
 Pabula; sic variae facies atque ora ferarum  
 Ludebant circum. sed visu territa pubes  
 Restitit, & foribus pressit vestigia primis.  
 Interea dulci resonantem gutture Circem  
 Audiit, arguto magnam dum pectine telam  
 Assiduo incumbens operi dea pulsat, & auro 230  
 Mollia purpureae pingit velamina lanae.  
 Primus ibi ante alios, magno quem semper honore  
 Complexus, carumque habui magis omnibus unum  
 In mediis adstans coepit sic voce Polites.  
 Heic aliqua ingentis percurrens stamina telae  
 Dulce canit (tremulo resonat domus ardua cantu)  
 Seu dea seu mulier: quin illam voce ciemus?  
 Vix ea fatus erat, sonituque excita repente  
 Nympha fores rutilo stridentes cardine pandit,  
 Invitatque viros. cuncti irrupere sequentes 240  
 Heu miseri, Eurylochum praeter, qui testa subire  
 Abnuit, insidias veritus fraudemque latentem.  
 Jamque introgressos dea vafra sedilibus omnes  
 Collocat, & cererem niveique coagula lactis,  
 Mellaque cum dulci confundit nectare bacchi,  
 Tum nocuo miscens medicatas gramine fruges  
 Porrigit, & patriae cunctis obliviam fundit.  
 Post ubi gustarunt, virga dea saeva potenti  
 Percutiens altis clausit praecipibus omnes  
 Mutatos in membra suum vocemque coloremque 250  
 Et

Et fetas: tantum mansit vis pristina mentis;  
 Stant moesti lugeatque simul; fera pabula Circe  
 Illiceos fetus, glandemque, atque aspera corna  
 Sufficit, & quaecumque sues manduntque vorantque.  
 Interea Eurylochus fugiens redit inde relictam  
 Nuncius ad navim, magno sed corda dolore  
 Percussus frustra conatur mittere vocem,  
 Nec valet, & curis ingentibus aestuat intus  
 Ora rigans lacrimis. nos contra instamus, & omnes  
 Solliciti precibus pavitantem urgemus: at ille 260  
 Redditus in sese tandem sic ora resolvit.  
 Ivimus, horrenti qua procubat illice silva,  
 Contigimusque domum secto de marmore structam  
 Valle sub umbrifera. cantu solata laborem  
 Intus inaurato texebat pedine telam  
 Seu dea seu mulier: sociisque vocantibus ultro  
 Inverso resonos patefecit cardine postes,  
 Accivitque viros. sequitur male cauta vocantem  
 Turba simul, solusque dolos ratus ipse refedi.  
 Continuo ex oculis omnes abiire, neque ullus 270  
 Praeterea longo residui mihi tempore visus.  
 Dixerat: ipse autem bullis fulgentibus aptum  
 Ensem humero ingentem suspendo arcumque sonantem  
 Atque ipsum noto jubeo me ducere calle  
 Eurylochum: sed genva manu complexus utraque  
 Ille mihi: ne quaeso, inquit, Jovis inclita cura;  
 Invitum ne coge: sine heic me sponte manere:  
 Incolumis nec enim jam tu, mihi crede, redibis,  
 Nec quemquam abduces: quin o fugiamus, & undis,  
 Si qua manet miseros, praestet tentare salutem: 280  
 Cui refero: maneat licet istheic, comprime gressus  
 Euryloche; & residens dapibus vinoque fruaré;

Ibo

Ibo solus ego, nam me vis aspera cogit.  
 Sic fatus puppimque & litora nota reliqui.  
 Ast ubi per sacram celerans vestigia vallem  
 Non procul a Circes aberam penetralibus altis,  
 Adstitit aurata mihi virga insignis eunti  
 Mercurius juveni similis, cui prima rubentes  
 Flore genas molli spargit lanuginis aetas,  
 Amplexusque manum placido prior edidit ore. 290  
 Quo tantum juga solus obis, ignotaque lustras  
 Arva miser? focii tibi faevae in limine Circes  
 Setigeri jam plena sues praesepia complent.  
 Auxilione venis miseris? at non tamen inde  
 Effugies una stabulo conclusus eodem.  
 Sed tibi parta salus per me est: hoc accipe gramen,  
 Quod retinens manibus nympham securus adibis,  
 Exitiumque malum fugies & tristia damna.  
 Quin etiam insidias Circes atque omnia dicam  
 Consilia expediens: primum tibi mixta parabit 300  
 Pocula, & objiciet medicatis frugibus offam.  
 Sed neque sic poterit corrumpere; namque resistet  
 Hos tibi servatum, mea munera, gramen in usus.  
 Dein ubi percussum virga te diva sonanti  
 Contigerit, stricto contra tu protinus ense  
 Irruo in adversam, jam vulnera jamque minare.  
 Illa manus tum victa dabit, tremefactaque ducet  
 In thalamum te sponte vocans. nec vota precantis  
 Respue, ut incolumes socios ipsumque remittat  
 Servatum te blanda. prius tamen exige; divum 310  
 Numina uti juret, nullum tibi deinde periculum  
 Adfore; ne mollem nudato corpore reddat  
 Indecoremque animi. sic dicens, gramen ab ima  
 Evulsum terra subito mihi tradit, & usum

Edo-



Edocet. illi atro radix perfusa colore  
 Nigra subest, niveo lacti flos concolor halar,  
 Moly vocant superi, donum mortalibus aegris,  
 Difficile invenitur, possunt vero omnia divi.  
 Haec inter sese motis Cyllenius alis  
 Per nemus umbriferum levat alti ad culmen olympi;  
 Contra ego multa putans processi ad limina Circes.  
 Ut celerans pulcræ tetigi penetralia symphae,  
 Ante fores clamans tenui vestigia: at illa  
 Audiit, & surgens referatis postibus aulam  
 In mediam accivir moerenti corde sequentem  
 Protinus ingressum rutilanti in sede locavit  
 Sub pedibus mihi fulcra aptans, molitaque fraudem  
 Aurea commixtis infecit pocula succis.  
 Sed postquam data dona bibens interritus hausi,  
 Contigit aurata me virga: atque ocius, inquit,  
 Cum sociis i foeda tuis praecepta serva.  
 Dixerat: ast illam correpto turbidus ense  
 Aggredior, trepidaeque minans jam desuper insto.  
 Ipsa autem inclamans subiit, genibusque prehensis  
 Haesit inexpletum lacrimans: sic ore loquuta:  
 O quis, & unde venis, quatenam tibi patria tellus,  
 Qui talem genere? haec te sine habè bibisse  
 Pocula, quae nostro quotquot medicata veneno  
 Contigerunt, sensere malum? tibi pectore robur  
 Indomitum, nullique subest mens pervia fraudi;  
 Tu certe, nec vana fides, ille acer Ulysses,  
 Quem mihi venturum spondebat classe per aequor  
 Iliacis reducem campis Cylleniam proles.  
 Quin age vagina ferrum jam conde reponens,  
 Et thalamos conscende meos, ut amore potiti  
 Mutua firmemus nos inter foedera pacis.

Talia cui fanti refero. mollire furentem  
 Posse etiam speras precibus, convertere nostros  
 Ausa prius socios in vultum ac terga ferarum;  
 Nunc autem in thalamum, si captum fallere possis, 350  
 Invitans me blanda? ut mollem & honore carentem  
 Perfida post reddas nudatum turpiter artus.  
 Sed non ante tuum meme conscendere cernes  
 Nympha torum, quam sancta deum mihi numina rite  
 Adjures testata; nihil dein triste timendum.  
 Nec plura: illa deos sollemni more factorum,  
 Jussa vocat, spondetque fidem. queis ipse peractis,  
 Haud renui nymphae votis parere vocantis.  
 Sedibus in pulcris forma praestante puellae  
 Quatuor, assuetae varios properare labores, 360  
 Olli aderant: almam sacris e fontibus ipsae  
 Progeniem, silvisque trahunt, fluviiisque, sonanti  
 Qui pelago sese miscent, pontoque residunt.  
 Accelerant omnes: Tyriisque sedilia stratis  
 Illa tegit, subterque locat canentia linat.  
 Haec ponit mensas, atque apta sedilia mensis  
 Admover argento e puro cum lancibus aureis.  
 Atque alia ambrosium miscet, cratere Lyaeum  
 In rutilo, funditque aurata in pocula circum;  
 Ultima fert liquidos rores; atque excitat ignem 370  
 Sub tripode ingentit: superas vapor undas ad auras  
 Tollitur, at flammis intus repositus: ut humor  
 Incaluit, subique labrum splendentis atheni,  
 Ipsa manu facili positos invergit in arrus.  
 E tripode undanti rorem, spargitque superne  
 Cervicemque humerosque, & amatis irrigat undis  
 Usque fovens, redeant dum lasso in corpore vires  
 Exempta jam tabe mihi. tum denique olivo

Spar-

Sparſit, & abluti niveos ſuper induit artus  
 Veſtibus intextis auro, folioque locavit 380  
 Languida ſuſſultum molli veſtigia ſtrato.  
 Atque eadem manibus fontes de more miniſtrat,  
 Aureus effundit cyathus quos ore leberem 10  
 In ſolidum argento, & menſis mantilia ſternit  
 Candida. fert cererem calathis, & lancibus eſcas  
 Altera jam ſtipat, meque ultro ſedula tardum  
 Excitat. ipſe autem moerenti corde ſedebam  
 Anxius, atque aliasolvebam pectore curas.  
 At poſtquam tacito deſixum lumina vultu,  
 Spernentemque epulas vidit, ſic prima dolentem 390  
 Alloquitur Circe. cur o taciturnus, Ulyſſeu,  
 Sic reſides muto ſimilis, nec munere gaudes?  
 Inſidias certe metuis, quum triſte timendum  
 Jam nihil eſt, poſtquam divos in verba vocavi  
 Pollicita æternum foedus. cui talia fanti  
 Sic retuli: quis, diva, movet pietatis imago  
 Ulla animum cui forte, epulas contingere lactis  
 Suſtineat prius, ille ſuos quàm ſolvere curet,  
 Et coram aſpiciat ſocios? tu redde meorum  
 Corpora, nec ſegnem cernes accumbere menſis. 400  
 Haec ego fatûs eram; quum Circe e limine greſſus  
 Extulit, & virgam capiens ſtabula alta recluſit,  
 Exegitque ſuum mutata in corpora pubem.  
 Stant miſeri juvenes; medios quos illa per omnes  
 Incedit, ſpargitque novum per membra liquorem  
 Cuique viro. fluxere horrenti e corpore ſetae,  
 Induerant quas ante, & primæ forma juventæ  
 Reddita continuo verſos illapſa per artus  
 Pulcrior, & multa renovata in luce refulſit.  
 Atque ubi me coram videre, amplexibus omnes

Effusi petiere manum, dulcique repente  
 Omnibus exorto late domus excita fletu  
 Insonuit. jam diva simul miseratur, & ipsa  
 Cominus aggreditur sic me solata gementem.  
 O Laërtiade navim litusque relictum  
 Nunc repetens, pelago fac primum educere puppim  
 Tellurem in siccam, speluncisque abdere opacis  
 Armaque, & advectam Phrygio de litore gazam;  
 Huc iterum dein ipse veni focia agmina ducens  
 Emensum per iter. dixit; nec iussa moratus 420  
 Protinus ad navim celerans vestigia torfi.  
 At juvenes sola pelagi resonantis in acta  
 Tristitia foedabant lacrimis manantibus ora.  
 Ac veluti molles vitulae circum ubera matrum,  
 Quum redeunt campis dulci jam gramine pastae,  
 Saltibus adversae ludunt; nec vincla nec illas  
 Ulla tenent jam septa; at circum armenta vagantur,  
 Et querulis implent late mugitibus auras.  
 Haud aliter pubes me circum affusa ruebat,  
 Ut reducem primum vidit; nec segnior omnes 430  
 Laetitia invasit, quam si patria arva tenerent  
 Sedibus excepti placidis, longosque cientes  
 Incassum gemitus verba inter singula cuncti  
 Sic memorant. reduci jam te, nos alma voluptas  
 Non minor incendit, Jovis o certissima cura,  
 Quam si Ithacae nobis tetigissent litora prorae:  
 Quin age & infandos fociorum edissere casus.  
 Quos ego solatus: navim subducite, dixi,  
 Speluncisque cavis advectam condite gazam,  
 Armaque; tum celeri gressu vestigia ferte 440  
 Me duce, ut incolumem sacra intra limina Circes  
 Cernere contingat plena ad convivia pubem.

Nec

Nec plura: illi omnes subito mea dicta sequuntur;  
 Sed non Eurylochos, solus qui fida tenere  
 Agmina conatus: quo nos nunc ibimus, inquit,  
 Ah miseri! tantus qui nam nova quaerere damna  
 Ardor agit? nos saeva deae penetralia adire;  
 Scilicet ut subito mutati in membra luporum,  
 Setigerique fues facti dirique leones  
 Excubias divae foribus servemus adaeti? 450  
 Excidit an Cylops animis, improvida pubes  
 Hoc duce quum subiit sceleratae rupis in antrum?  
 Unius heu capitis miseram dementia tristi  
 Perdidit exitio. fundentis talia ab ore  
 Protinus educto cervicem abscindere ferro  
 Ira subit, quamvis propius mihi sanguine junctus  
 Ille foret; verum focii tenere furem;  
 Et precibus flexere animum sic deinde loquuti.  
 Ni tua jussa vetant, maneat licet ille relictus,  
 O Jove nate; ratem fervet: nos limina ad alta 460  
 Duc age, lustratoque citos rege tramite gressus.  
 Vix haec finierant, navimque & litora cuncti  
 Deseruere alacres: audet non ipse manere  
 Eurylochos, veritusque meas irasque minasque  
 Ingreditur, moestusque legit vestigia pone.  
 Interea Circe tectis penetralibus omnes  
 Laverat, & pingui juvenes lustrarat olivo  
 Inducens tunicasque super laenasque decoras.  
 Cernimus accinctos epulis; nosque illi ubi contra  
 Conspexere, simul varios in pectore motus 470  
 Suscipiunt, lugentque simul: gemitu omnia late  
 Atria, & effusis resonant clamoribus aedes.  
 At dea tum subiens propius: fate sanguine magni  
 Laërtae o, dixit, tristem nunc ponite luctum,

Et

Et lacrimas cohibete. mihi sunt omnia nota,  
 Experti quaecumque mari sive estis in alto,  
 Seu terris, toties inimica a gente fugati.  
 Sed victu revocate animos, quos ante profecti  
 Ex Ithaca quondam Phrygiis habuistis in oris  
 Pectore sub forti. nunc & sine viribus artus, 480  
 Et defessa malis longoque errore viarum  
 Aegrescit mens victa, ullam nec cura quietem  
 Dat miseris, lactave animos dulcedine spargit.  
 Sic ait; & cuncti dictis paremus ovariantes.  
 Hic igitur toto lenti consedimus anno  
 Perpetuis pasti dapibus, dulcisque Lyaci  
 Munere gaudentes. postquam sol aureus annum  
 Mensibus exactis revoluta temporis orbe  
 Egerat, & longas perfecerat ordine luces,  
 Talibus aggressi juvenes. quid, lente, moraris 490  
 Immemor heu patriae longum? si fata repossunt  
 Incolumem te certa tuas contingere sedes,  
 Infelix o rumpe moras. sic voce monebant  
 Sollicitum votisque ultro parere volentem;  
 Et rursus instaurant epulas, & pocula libant  
 Usque sub extremam lucem. quae sole cadente  
 Cessit ubi, nigris & inhorruit aura tenebris,  
 Hac illac strati placido dant membra sopori.  
 Ast ego conscendens assueta cubilia nymphae  
 Illius accessi genibus, lacrimisque profusus 500  
 Haud ignaram adii tali prior ore loquutus.  
 O dea, pollicitum jam tu mihi perfice munus,  
 Et patriae me redde. haud ipse resistere votis,  
 Haud focii, mea cura, valent, qui semper acerbis  
 Quaestibus increpitant, quoties tu diva recedis,  
 Me circum affussi. sic ipse; at nympa precanti

Blan-

Blanda refert: non his invito longius oris  
 Vos teneam, jam pone metus, o fortis Ulysses.  
 Longa tamen vobis via restat, & ante petenda  
 Persephones domus atra atque alti regia Ditis,  
 Caecus ubi responsa dabit certissima vates  
 Tiresias, cujus menti vis integra perstat.  
 Namque etiam extinctus, voluit Proserpina, solus  
 Ut sciret: volitant alii sine honore per Orcum  
 Umbrae infelices, simulacra carentia mente.  
 Dixerat illa: mihi gelida formidine sanguis  
 Dirigit; taedet vitae lucisque sedentem  
 In thalamo, fletuque sinus atque ora rigantem.  
 Post ubi me luctu satiavi moestus acerbo,  
 Collegique animum: fare o pulcherrima, dixi,  
 Equis erit dux ille, viam qui monstrat ad Orci  
 Limina? numquam adiit Plutonia regni carina  
 Ulla, nec umbrarum subiit loca nigra silentium.  
 Sic ego, sic iterum Circe: non ulla fatiget  
 Nunc te cura ducis; tantum volitantia malis  
 Carbasa tende manu residens, placidoque perundas  
 Excitus impellet boreas tibi flammæ puppim anchi.  
 Mox tamen oceanum quum jam transaveris aestum,  
 Litus ubi stat molle, & frondibus horret opacis  
 Populus, & steriles platani, salicesque nigantes  
 Tergeminae silva: alta deae, tu gurgite summo  
 Siste ratem; Ditisque nigra in penetralia tende post  
 Quaque Pyriphlegethon torrens Acherontis in alveum,  
 Cocytusque fluit Stygio deductus ab armine  
 Rupe sub adversa, resonant ubi murmure magnos  
 Amborum late ripae coeuntibus undis  
 Huc subiens fossam cubito non amplius altam  
 Effodere, & circum libamina iussa memento  
 Spar-

Spargere mella ferens medicata; & dulce lyaeum;  
 Tum latices de fonte, & adorea munera funde 540  
 Manibus. his actis simulacra carentiâ vitæ  
 Supplicibus supera votis, Ithacamque reversum  
 Multa vovens sterilem praestanti corpore vaccam  
 Ignibus impositam sacris dic rite daturum,  
 Structurumque pyram cumulatam rebus opimis.  
 In primis vero nigranti vellere soli  
 Tiresiae sponde, pecudes qui maximus inter  
 Lanigeras aries vestris in ovilibus errat.  
 At simul ac precibus manes in vota vocatis,  
 Ense aries cadat iustus, & attri velleris agna 550  
 Versa Erebi ad fauces: tu contra averte reflectens  
 Cervicem, fluvioque subie circumundique fusae  
 Advenient animae, tenues sine corpore vitae.  
 Tunc socios hortare, ignique imponere sacro  
 Praecipe jam ferro mactatas ante bidentes  
 Pellibus ereptis, nec non dis fundere vota  
 Persephone metuendae & magnanimo Plutoni.  
 Ipse autem strictum vagina protinus ensē  
 Eripiens propius reside, circumque volantes  
 Sanguinis a viro prohibe sine viribus umbras, 560  
 Tiresias dum fata ferat: non ille moratus  
 Adveniet, reditusque modum totumque docebit  
 Certus iter, quo longa iterum maris aequora lustrēs.  
 Haec dea quum caelo rutilans Aurora refulsit,  
 Admonuitque toro consurgere: jamque ego laenam  
 Accipio tunicamque; at nymphae vestis ad imos  
 Candida defluxit talos, atque aurea cinxit  
 Zona sinus, tenuisque comas velavit amictus.  
 Hinc ego tunc celerans testis penetralibus ibam,  
 Hortabarque viros: o somno surgite, ceatus; 570



Nam divae sic jussa ferunt. quae talia postquam  
 Dicta dedi, laeto focii clamore sequuti  
 Expediunt sese, quos nec tamen inde malorum  
 Expertes porui salvosque abducere cunctos.  
 Elpenor nam forte fuit pubentior aevo  
 Omnibus, haud bello validus, nec pectore fortis,  
 Qui, tacita sub nocte mero somnoque sepultus  
 Parte in secreta fessos ut straverat artus,  
 Excitus extemplo turbari testâ tumultu  
 Audiit, oblitusque sui, strepitumque sequutus; 580  
 Nec gradibus nitens, tecti de culmine praeceps,  
 Dum properat sine mente furens, ruit ocius actus  
 In caput. olli humero cervix infracta pependit,  
 Vitaque diffugit nigrum indignata sub Orcum.  
 Interea reliquos venientes alloquor ore:  
 Ad patrios vos forte lares intendere cursum  
 Creditis? at monitu divae prius atria Ditis,  
 Atque Hecates adeunda domus caligine opaca,  
 Thebanique manent scitanda oracula vatis  
 Tiresiae. dixi: subitusque per ima cucurrit 590  
 Ossa tremor fociiis; flentes tum vellere crinem,  
 Et manibus lacerare genas, nec parcere luctu;  
 Nequidquam: haud etenim requies his ulla dabitur.  
 Inde ubi digressi, cursuque ad litora tristes  
 Tendimus, & multo suffusi lumina fletu,  
 Jam dea nigrantes pecudes religarat ad altam  
 Nulli visa ratem; quis enim nolentia cerni  
 Numina mortali possit cognoscere visu?



# HOMERI ODYSSEAE

## LIBER UNDECIMUS.

**P**ostquam contigimus vicini litoris oram,  
 Continuo in resonas puppim deduximus undas  
 Malum attollentes maloque haerentia vela:  
 Egimus & pecudes intro, lacrimisque madentes  
 Suspensique animum simul ipsi ascendimus. auris  
 Mollibus aspirans a puppi ventus cuntes  
 Prosequitur, flatuque implet sinuata secundo.  
 Carbasa, & auricomae crebrescit munere Circes.  
 Hinc positis placidi circum confedimus armis,  
 Dum navim rectorque simul ventusque ferebant 10  
 Tota luce cito fulcantem caerulea rostro.  
 Mox simul hesperium subiit sol aureus amnem,  
 Jam tenebris late sparsis deventa per altum  
 Oceanum tuto confedit litore puppis.  
 Cimmerii heic habitant, densa caligine semper  
 Et nebulis gensmersa: haud illos aspicit unquam  
 Sol radiis, nec celsa petit quum sidera curru,  
 Ad terram nec vertit equos quum rursus ab axe,  
 At semper fuscis nox atra supervolat alis.  
 Litus ibi in siccum subducta e gurgite navi, 20  
 Extractoque grege, oceani labentis ad aestum  
 Tendimus, & cursu petimus loca iussa sub amne  
 Adversum per iter. tenet atri velleris agnam  
 Arjete cum sacro Perimedes Eurylochusque  
 In medio; ipse autem stricto mucrone sub ima  
 Ad cubitum hinc atque hinc fossam tellure cavavi.  
Mani-

Manibus hanc circum cunctis libamina fudi  
 Mixto melle prius, dein dulci nectare bacchi,  
 Tum lymphis de fonte, super cerealia spargens  
 Dona manu frugesque sacras. hinc multa precatus 30  
 Promisique redux vovique silentibus umbris  
 In patria sterilem praestanti corpore vaccam,  
 Ingentemque pyram cumulatam rébus opimis;  
 Tirestiae vero nigranti vellere totum,  
 Pulcrior in nostris aries qui saltubus errat.  
 Verum ubi finieram manes in vora vocare  
 Supplicibus dictis, fossam super ense corusco  
 Colla ovium ferii. fluit ater vulnere sanguis,  
 Atque crebi e latebris imi ruit excita turba,  
 Matres, atque viri, seniumque imbelles, puellaeque 40  
 Innuptae fato tristes & caede recenti:  
 Multi etiam in bello transfixi pectora telis  
 Magnanimi heroës calido sparsa arma tenentes  
 Sanguine adhuc. omnes magno stridore ruebant.  
 Effusi ad fossam: subitus mihi pallida tinxit  
 Ora timor, steteruntque horrenti in vertice crines.  
 Tum celerans ovibus mactatis tergora iussi  
 Deripere & sacris imponere viscera flammis,  
 Votaque ferre diis caeloque ereboque potenti  
 Persephone, & stygio regi, cui tartara parent 50  
 Umbrarumque domus. stricto non immemor ense  
 Interea imbellem vetui succedere turbam  
 Sanguinis ad rivum, thebani oracula vatis  
 Dum peterem, placidusque idem consulta referrem.  
 Prima mihi ante alias Elpenoris adstitit umbra  
 Nondum etiam tumulo composti: namque verendae  
 Sedibus in Circes inhumatum liquimus ante  
 Insetumque, aliis distracti pectora curis.

Illum ego quum vidi, fortem miseratus acerbam,  
Sic prior aggredior: quae te via duxit in orcum 60  
Elpenor miserande? prior pedes ipse subisti,  
Quam navi devectus ego. sic fatus: at ille  
Excipit illacrimans: me laevi numinis ira  
Corripuit Laërtiade, visque improba vini.  
Namque oblitus, humi recubans ut forte jacebam,  
Scalarum inniti gradibus, de culmine tecti  
Praecipitans alto cecidi: gravis impete cervix  
Ossibus infractis humero collapsa pendit,  
Atque anima haec stygio petiit loca subdita regi.  
Nunc ego te cupidos per amatae conjugis ignes, 70  
Per genitorem oro, per spes & gaudia cari  
Telemachi, solus patria qui ludit in aula,  
( Rursus etenim, postquam vises Plutonia regna,  
Excipiet reducem tellus Aeaea, ) ibi nostri  
Te subeat jam cura, memor patiare nec ossa  
Heu miseri tumuloque diu lacrimisque carere,  
Numine sim laeso ne fors tibi causa doloris.  
Injice me flammis, oro, meaque omnia pone  
Arma rogo, tumulumque aggesta in litore terra  
Exstrue mansurum, famam venientibus annis. 80  
Haec mihi tu persolve, & remum in mole sepulcri,  
Caerula quo vivus torquebam, desuper adde.  
Dixerat; illi autem breviter: tibi redditus ipse  
Omnia perficiam; dixi, solvamque sepulto.  
Hac vice sermonum trahimus dum tempora maestis,  
Ipse quidem residens ad rivum sanguinis, ille  
Parte alia multis nequidquam vocibus instans;  
Ecce mihi ante oculos carae subit umbra parentis,  
Magnanimi Autolyçi clarum genus Anticlea,  
Quam vivam Iliacas liqui digressus ad oras. 90

Hanc

Hanc tum forte videns flevique & tactus amore  
 Indolui: non ante tamen sum passus eandem  
 Sanguinis ad sacri dulcem succedere potum,  
 Quam se Tiresias ageret consulta daturus.  
 Jamque aderat vates, & dextra sceptrâ tenebat  
 Aurea, meque ultro agnoscens: quae causâ subegit  
 Linquere, ait, solis jucundum lumen & auras,  
 Ut stygias erebi sedes, loca turbida, adires?  
 Quin isthinc abiste, & vagina indue ferrum  
 Fulmineum, ut sacro saturatus sanguine pandam 100  
 Vera tibi. dixit, subitoque, ubi vidit acutum  
 Me gladium posuisse manu, successit ad haustus  
 Impiger, & fatis demum sic ora resolvit.  
 In patriam reditum tu dulcem quaeris, Ulysseu,  
 Quem tibi difficilem statuet deus: haud ego namque  
 Iram posse reor te magnam fallere regis  
 Aequeorei; tibi semper atrox odia aspera contra  
 Suscitât, & raptô gnati pro lumine laevit.  
 Sed tamen & multos per casus litora carae  
 Tangere post dabitur patriae, modo parcere praedae 110  
 Tuque, tuique velint, ubi primum elapsus ab undis  
 Trinacriae curvo religabis in aggere puppim,  
 Pascentesque boves armentaque pingua cernes  
 Solis, inextincta lustrans qui lampade terras  
 Cuncta videt novitque pater. servare nefanda  
 Hos fuerit si cura sacros a caede juvencos;  
 Sic quoque spes Ithacae vobis: sin laeserit ullus,  
 Tum certum exitium fociis navique futurum  
 Edico. tuque ipse licet fata ultima vites,  
 At miser heu fero venies, indigna tuorum 120  
 Funera perpeffus, numero super unus ab omni,  
 Auxilii navisque alienae atque artis egenus.

Aspi-

Aspiciens vero celsa intra tecta domorum  
Jamdudum assuetos juvenes tua perdere luxu  
Omnia, dum fidum tentant pervertere donis  
Conjugis optatae pectus: mox digna rependes  
Supplicia, atque ultor merita vim caede piabis.  
At simul ac fontem turbam demiseris orco,  
Sive dolo furtim, seu pugna aggressus aperta,  
Accipiens habilem tum laevi ex abjete remum 130  
Vade age, dum venias populos procul actus ad illos,  
Qui freta, qui dulcem fugiunt salis ore saporem,  
Nec pictas videre rates, nec remigis usum  
Caerula findentis, volucris velut aethera findit.  
Nunc etiam te signa, animos adverte, docebo:  
Obvius adverso veniens quum forte viator  
Ferre abiecta humeris te dicet fortibus arma,  
Ventilat ad zephyrum jactas quicquid messor aristas;  
Heic remum desige solo, caesoque juvenco  
Neptunum pinguique suc veneratus & agno 140  
Ad patrios concede lares, atque omnibus una  
Caelicolis fer sacra libens: post funus ab undis  
Adveniet tibi Parca ferens, quum longa senectus  
Canitie placida confectum cernet, & omnes  
Oritur te circum peragent felicia gentes:  
Haec te certa manent, fatorum hic vertitur ordo  
Dixerat. huic autem contra: stant omnia, dixi,  
Tiresia, imperiis haec divum & numine fixa.  
Nunc alia o referas, oro: jam luce carentis  
Heic video nostrae simulacrum adstare parentis: 150  
Ipsa tacet propiorque sedens nec cernere gnatum  
Sustinet heu contra, notas nec reddere voces;  
Dic age, quo prolem valeat cognoscere pacto?  
Talia quaerenti vates, sic ore vicissim

Dicta

Dicta refert: non te per longa exorsa tenebo,  
 At cupido dicam. quaecumque accedere sacros  
 Sanguinis ad latices simulacra carentia luce  
 Siveris, illa tibi referent responsa petenti;  
 Quaeque abiges, ibunt nequidquam muta sub umbras.  
 Sic dicens nigri subiit testa horrida Ditis 160  
 Tiresiae levis umbra, haec postquam oracula fudit.  
 Ast ego, dum veniat mater, fufumque cruorem  
 Ebibar, opperior cupidus. quo protinus hausto  
 Agnovit sobolem lacrimans, ac talibus infit:  
 Quae vivum te, gnate, vices, quae fata tulerunt  
 In leti sine luce domos, atque invia vivis  
 Litora? circum obeunt lymphis torrentibus amnes,  
 Oceanusque sinu vasto, quem vincere curfu  
 Non vis ulla pedum valeat; vix fortia possunt  
 Velivolae hos fluctus transmittere texta carinae. 170  
 Redditus an Phrygiis nunc primum a sinibus errans  
 Cum navi sociisque venis post tempore longo,  
 Necdum Ithaca, necdum formosa conjuge visa?  
 Dixerat: illi autem retuli. vis aspera cogit  
 O genitrix me regna nigri Plutonis adire  
 Tiresiae manes scitatum umbramque potentem.  
 Nondum etenim tetigi delapsus Achaeidis arva,  
 Aut fines vidi nostros, maria omnia circum  
 Actus, ad Iliacos ex quo victricia campos  
 Arma tuli primum gemini bellator Atridae. 180  
 Verum age fare mihi, quo mors tua funere clausit  
 Lumina in aeternam noctem? num tabida morbi  
 Edomuit te longa lues, an laeta sagittis  
 Ipsa suis miseram stravit jaculata Diana?  
 Quid genitor? quid gnatus agit? stat pristina fama,  
 Imperiumque illis nostrum? vel fortior alter  
 Sceptra

Sceptra tenet me jam ratus atro funere mersum?  
 Dic quoque consilium, dic nostrae conjugis artes:  
 Cum puerone manet, sedesque & salva tuetur  
 Omnia, an abrepta jam quisquam gaudet Achivum? 190  
 Vix ea fatus eram, genitrix quum talia rursum  
 Voce refert: manet illa tibi, manet ista dolore  
 Corda gravi, curisque ingentibus aestuat aegra  
 Semper, & assiduo corrumpit lumina fletu.  
 Nondum ullus tua sceptra tenet: tranquillus at altis  
 In lucis festosque dies in honore deorum  
 Natus agit, sociosque inter convivia curat  
 Digna viro, iudex populis qui jura ministrat:  
 Omnes namque vocant. genitor tuus urbe relicta  
 Sola tenet procul arva; neque illi strata cubili 200  
 Mollia, nec pictae sunt tonso vellere vestes.  
 Ipse hyeme in gelida famulantum more prope ignem  
 In cinere accumbit fordentem indutus amictum;  
 At quum aestas fervet gravidoque virens autumnus  
 Ridet ager, qua se tulerit per consita cumque  
 Viribus arva, torum dant illi ex arbore lapsa  
 Et folia & frondes. ibi cura oppressus acerba  
 Moeret, & assiduo luctu te, gnate, tuumque  
 Exitium queritur lacrimans, duraque senecta  
 Insuper heu premitur, quae me quoque funere merfit. 210  
 Nam neque me telo numquam fallente Diana  
 Perculit in domibus jaculata, nec aspera morbi  
 Corripuit vis ulla, artus quae virus in aegros  
 Insinuans tenuem potuisset solvere vitam;  
 Sed me cura tui, tua virtus maxima, Ulyssæ,  
 Et pietas crepta has me duxere sub umbras  
 Exstinctam. sic illa gemens dicebat: at ipse  
 Nequidquam volui matris comprehendere manes,

Conat-



Conatusque manus ter collo imponere circum,  
 Ter vacuas elapſa manus effugit imago 220  
 Par umbrae ſomnoque levi: meque acrior imo  
 Cepit corde dolor, tali & ſum voce loquutus.  
 Quo genitrix me cara fugis? ne ſubtrahe noſtris  
 Te manibus; circum liceat dare brachia & orci  
 Ipfius in latebris, luctuque explere dolorem.  
 Anne mihi fallax umbram hanc Proſerpina miſit;  
 Quo magis aegreſcens dolor imo in pectore gliſcat?  
 Sic ego: quum mater, non te Proſerpina, gnate  
 Heu miſer ante alios, vana ſub imagine ludis:  
 Haec homines ſed forma manet, quum ſpiritus artus 230  
 Deſerit. haud etenim ſalientes ſanguine venae,  
 Oſſibus aut haerent nervi: viſ ignea molem:  
 Corpoream abſumit, ſimul ac nos vita reliquit;  
 Aſt anima in tenues ſomno par evolat auras.  
 Quin age poſt lucem repetens atque omnia ſervans  
 Diſta redux eadem nuptae narrare memento.  
 Talia nos inter; ſubito ſeſe obtulit agmen  
 Quum mihi femineum (nam claro e ſanguine nymphas  
 Innuptas Hecate nuptasque emiſerat una)  
 Et circum aſuſum properabat ſanguine paſci. 240  
 At mihi ſcitari tum quamque accenſa cupido,  
 Eductoque iterum ferro ſimul undique fuſas  
 Stat potu prohibere. ita cunctae ex ordine adibant,  
 Narrabatque ſuam mihi quaeque ab origine gentem.  
 Heic prior acceſſit forma pulcherrima Tyro  
 Magnanimum jaſtans patrem Salmonea, & almo  
 Aeolidae quondam Crethei dignata cubili,  
 Mollibus in ripis aſſueta & margine Enipei  
 Ludere propter aquas, quo non formoſior alter  
 In mare purpureum per campos labitur amnis. 250

Huic deus, aequoreas nutu qui temperat undas,  
 Assimilis, resoni prope fluminis ostia nymphae  
 Accubuit. stetit unda fluens, curvataque montis  
 In faciem textitque deum nymphamque sub amne  
 Virginea exutam zona pressamque sopore.  
 At deus interea perfectio laetus amore  
 Accepitque manum placidoque haec addidit ore.  
 Munere laeta meo jam gaude o candida nympha;  
 Nam paries claram revoluta temporis orbe  
 Progeniem: numquam di spe fraudantur inani: 260  
 Sit prolis tibi cura. vale o dilecta, neque ulli  
 Prodens facta refer; si nescis, magnus aquarum  
 Rector ego. dixit, subiitque undantia ponti  
 Caerula: at illa gravis Pelian & Nelea partu  
 Edidit, a magno sortitos regna Tonante  
 Scilicet imperiumque ambos: ille almam Iolcum  
 Dives opum coluit, Pylas hic sedit ad oras,  
 Ipsa etiam Cretheo peperit fortemque Phereta,  
 Aesonaque, & volucrum domitorem Amythaona equo-  
 rum.  
 Post hanc Afopi genus alto a sanguine vidi 270  
 Antiopen, quae mixta Jovi duo germina fratres  
 Protulit insignes animis, Amphiona dium,  
 Et Zethum; primi quondam qui celsa locarunt  
 Mocnia Thebarum, cinxere atque arcibus urbem  
 Impositis; neque enim quamquam acri robore freti  
 Sat poterant arcere altis sine turribus hostem.  
 Vidi etiam Alcmenam junctam Amphitryoni hymenaeis,  
 Indomiti Alcidae matrem, quem semine cretum  
 Aetherio furtim genuit complexa Tonantem.  
 Dein Megaram forti natam genitore Creonte 280  
 Herculis invicti nuptam. vidi quoque matrem

Oedi-

Oedipodis miseri, flavam crines Epicaستم,  
 Ausa nefas quae triste, animi correpta furore,  
 Ipsa suo nupsit gnato. dedit ille parentem  
 Heu miserum leto ignarus, thalamoque potitus  
 Materno implevit subitis terroribus urbem.  
 Tum scelorum infelix furiis agitated habebat  
 Imperium Thebis, Cadmaeaeque regna premebat  
 Caecicolum fato tristi. Plutonis at ipsa  
 Clausura adiit, trabibus sibi nequens funus ab altis  
 Acta dolore gravi, gnatoque extincta reliquit  
 Supplicia, ultrices matrum: quot Erynnyes addunt.  
 Nec non & Chlorin formae praestantis honore  
 Eximiam aspexi: qua visa captus, haberet  
 Neleus ut sociam, dedit auri ingentia dona,  
 Infidae minimam gnatarum Amphionis. ille  
 Orchomenum tenuit Minyae fontis ad undam;  
 Ipsa Pylo regnavit, ubi almae lucis in auras  
 Nestoraque Chromiumque Periclymenumque super-  
 bum

Progenit, curamque super te, pulchra, futuram  
 Finitimis late, Pero. sed jungere nulli  
 Sustinuit Neleus, lata nisi fronte juvenos  
 Egerit Iphicli stabulis e fortibus idem.  
 Indomitos. solus quos vates inclitus olli  
 Pollicitus, fidens animi, contraria sensit  
 Fata deum, vigilum vim duram & vincula passus.  
 Mox tamen exactis quum mensibus integer annus  
 Aetherium complevit iter, volventibus horis;  
 Tum demum Iphiclus fata ipsum certa canentem  
 Solvit, & altisoni nutu Jovis omnia versa  
 Ecce autem insignis facie se Leda ferebat  
 Tyndarei conjux, genitrix tua, Castor equorum

O domitor, pugilumque ferox certamine Pollux.  
 Ipsa etiam nigrae terrae intra viscera vobis  
 Ab Jove partus honos, alterno ut tempore vita  
 Gaudeat hic, fatique ultro vim sentiat alter,  
 Inque vicem superum caelesti luce fruatur.  
 Post & belligero nuptam Iphimediam Aloö  
 Cernere erat, pelagi domino quae mixta supremo  
 Edidit, angusti cepit quos terminus aevi, 320  
 Caelicolis Orumque parem, clarumque Ephialtem,  
 Omnibus, alma tulit quos terra, & mole priores  
 Et pulcro aspectu post fulmineum Oriona.  
 Vix etenim nonum tulerat sol aureus annum,  
 Jamque novem cubitos lata se mole ferebant,  
 Ac totidem longis aequabant jugera membris.  
 Ausi etiam superos inimica in bella vocare,  
 Armaque, & horrifona mortem cum caede minari,  
 Stellifero magnum sunt Oslam imponere Olympo,  
 Scilicet & celsæ conati Pelion Oslæ 330  
 Addere frondosum, caelique assurgere in arcem.  
 Fors quoque, si vires melior pubentibus aetas  
 Aucta dabat, votoque forent ausoque potiti.  
 Sed peperit Latona Jovi quem candida gnatum,  
 Perdidit Arcitenens prius ambos, flore juventus  
 Ornaret quam prima genas, & spargeret ora.  
 Hæc Phœdram, Procrinque etiam, pulcramque Ariadnam  
 Minois vidi sobolem, quam finibus olim  
 Gnoſſiacis Theseus dites abduxit Athenas,  
 Nec potuit perferre; illam nam diva Triformis 340  
 Irrigua in Dia tenuit, tibi munus, lacche,  
 Nempe parans, precibus non frustra in vota vocata.  
 Macramque, Clymenamque super, moestamque Eri-  
 phylen,

Aurea

Aurea pro caro cepit quæ conjugæ dona,  
 Vidi ego tunc residens. at non quascumque videre  
 Contigit, has possim referens comprehendere cunctas,  
 Magnanimum heroum gnatas thalamumque sequutas;  
 Praecipitans namque atra polo nox cederet ante.  
 Et me prona monent jam sidera carpere somnos  
 Sive heic, seu potius curvatae ad transtra carinae 350  
 Cum fociis: stet cura mei Phaeacibus & dîs.  
 Finierat: pressoque omnes intenta tenebant  
 Ora sono, rerumque nova dulcedine capti  
 Sedibus haerebant tacitis; quum candida coepit  
 Sic regina: quis hic, cives, quantusque videtur?  
 Quem sese ore gerens, quam forti robore, & aequo  
 Consilio? meus hospes erit, nec parva sequetur  
 Gloria vos etiam. proin hinc dimittere tantum  
 Ne properate viri, neu parce munera egenti  
 Usque adeo vos ferte, quibus vis plurima rerum 360  
 Divite sub tecto superum jacet abdita dono.  
 Talibus illa: heros dicentem excepit Echeneus  
 Phaeacum proceres inter jam maximus aevo:  
 Non haec, o focii, vobis sine mente loquuta  
 Est adeo regina; omnes quin dicta sequamur,  
 Si probe Alcinous: namque ipsius omnia pendent  
 Imperiis. dixit senior, cui talia subdit  
 Alcinous: nec vos aliter fas velle, nec ipse  
 Perpetiar contra, dum sceptræ hæc vivus habebø.  
 Nec minus heic hospes, quamquam citus optet abire, 370  
 Sustineat tamen ille, polo dum crastina reddat  
 Exoriens Aurora diem, perfectaue dona  
 Constituam tum rite viro: delecta juvenus  
 Auspiciis properata meis iter omne parabit.  
 Non plura Alcinous. tum sic exorsus Ulysses:  
 O rex,

O rex, o populo longe clarissime in omni  
 Alcinoë, heic etiam lentum si forte morari  
 Jusseris, exactis dum mensibus integer annus  
 Effluat, auxiliumque parans & ditia cogens  
 Dona mihi, & vellem & reduci magis utile multo 380  
 Id foret. ad patrias quanto ipse opulentior oras  
 Nam veniam, tanto redeuntem & laetius omnes  
 Excipient, & major erit mihi fama per urbem.  
 Atque heic Alcinous: non te, jam mitte, vereri,  
 O fate Laërta, mendacemque arguat ullus,  
 Fallacemque putet; quales fert maxima sparos  
 Terra viros capto referentes somnia vulgo,  
 Vanaque fingentes subitae mendacia famae.  
 Rebus inest dictisque tibi sua forma, nec aequa  
 Degenerem mens ipsa notat. tu fata Pelasgum, 390  
 Atque tuos, vates retulisti ut carmine, casus,  
 Fortunaeque omnes. quin o mihi fare roganti,  
 Si quem etiam ex illis, qui quondam ad Pergama tecum  
 Pugnarunt, fatoque illic cecidere supremo,  
 Videris: haec nimium nox longa, & tempora somni  
 Haud prohibent fari: perge o miranda referre.  
 Usque sub Aurorae roseum Titanidis ortum  
 Heic adero, si dura velis tua dicere fata,  
 Erroresque vagos. haec ille; at rursus Ulysses:  
 Alcinoë o, dixit, sunt & sua tempora verbis, 400  
 Sunt molli & somno pariter: quod si juvat ista  
 Longius, & nondum pertaesum audire, recusam  
 Invidus haud alios sociorum edicere casus,  
 Majoresque etiam luctus. namque arma tulere  
 Iliacis postquam campis, jam Marte soluti,  
 Femineo periere astu vitamque dedere.  
 Interea hac illac tenues Proserpina manes

Nympha-

Nympharum ut sparsit, moerens Agamemnonis umbra  
 Adstitit: hunc circa dextra laevaque frequentes  
 Ibant, Aegisthi qui jam cecidere sub aula. 410  
 Me subito agnovit, quum sese proluit haustu  
 Sanguinis, & multum lacrimans mihi languida frustra  
 Brachia in amplexus protendit: nulla volentem  
 Vis sequitur, solitusque vigor jam defecit artus,  
 Qui fuerat quondam misero, dum vita manebat.  
 Ipse etiam ut vidi, casu concussus amici  
 Demisi lacrimas, fudique has pectore voces:  
 O Atreo generate Agamemnon inclite regum,  
 Horrida quo leti domuit te funere Parca?  
 Obruit an pelago convolvens aequora saevo 420  
 Turbine Neptunus, nimbisque furentibus austro?  
 An longis aggressa virum gens effera terris  
 Vastantem raptosque greges, armentaque agentem;  
 Pro dulci aut stravit pugnantem conjuge & urbis  
 Moenibus? ille mihi quaerenti talia contra  
 Reddidit: heu miserum nec me deus aequore meruit  
 Corripuens subito ventorum turbine pontum,  
 Saeva nec ignotis captum gens stravit in oris;  
 Sed me, molitusque dolos Aegisthus & atrum  
 Flagitum dira cum conjuge, in alta vocatum 430  
 Limina & exceptum dapibus, ceu plena juvencum  
 Ad stabula, occidit. fors haec me funere terris  
 Eripuit: circum sociorum densa cadebant  
 Corpora, setigeri velut apri ad sacra deorum,  
 Sollemnesque dapes, aut vincla jugalia regum.  
 Infidiis vero captos, aut horrida miscet  
 Praelia quum Mavors, vidisti occumbere multos  
 Saepe viros; tamen illa tibi misera fuisse  
 Ante alias caedes, quum corpora strata videres  
 Crate-

Crateras menſasque inter per teſta jacere 440  
 Undique, & effuſo ſedes undare cruore.  
 Quin & Priamidis Caſſandrae heu perditus hauſi  
 Verba, Clytemneſtrae manibus dum caeſa doleret  
 Me ſuper; ultriceſque manus attollere fruſtra  
 Enſe furens ipſa tentavi in morte. ſed illa  
 Protinus effugit, nec labra informia leto  
 Improbæ, nec voluit componere lumina dextra.  
 Uſque adeo nil terra tulit crudelius ira  
 Feminea, ſi forte neſas amiſerit ulla,  
 Quale, ſuo caedem moliri aggreſſa marito, 450  
 Auſa eſt illa ſcelus. demens ego rebar adire  
 Jucundus gnaſque ſimul famuliſque penates  
 Egregia at conjux ſcelus extiale fovebat  
 Dedecorans ſe labe, ſimul genus omne futurum  
 Feminæ: nulli poſt illam credere tutum,  
 Quamquam eadem ſit digna. hæc ille ut fatuſ ab ore eſt:  
 Heu! quantum Atreidas, dixi, Jovis ira fatigat  
 Femineo ſcelere inſiſos! jamque ante Lacaenæ  
 Occidimus furiis Helenæ tot millia in armis;  
 Sæva Clytemneſtrae te nunc perjuræ & ipſum 460  
 His merſere malis. nec plura his fatuſ: at ille  
 Excipit. atque ideo nec tu placabilis, inquit,  
 Siſ generi inſido, mentis neve omnia credas  
 Conſilia, aut ſi quid prodaſ, pars maxima ſemper  
 Deliteat. ſævo ſed non tibi conjugis aſtu  
 Pernicies metuenda: alioſ in pectore mores  
 Penelope, ſervatque piæ ſine crimine mentem.  
 Illa quidem nobis in dura ruentibus arma  
 Nupta relicta nova eſt; pendebat ab ubere matri  
 Parvulus, heroum qui nunc forſ agmine felix 470  
 Aſſidet in medio: pater ipſum ante ora videbit

Lactus,



Laetus, & ille suo reduci dabit oscula patri.  
 At mea nec gnati vultu me lumina saltem  
 Passa explere mei est; prius atro vulnere namque  
 Perdidit incautum. tu vero haec pectore conde  
 Dicta tuo servaque memor: clam litore navim  
 In patrio, non siste palam; quippe omnia plena  
 Infidiis, nec tuta satis jam femina cuiquam.  
 Dic age & audieris num qua fors vivere gnatum  
 Parte meum, Orchomeno inditi, Pyliasque per oras, 480  
 Aut etiam in Sparta fraternae ad limina sedis?  
 Nondum etenim dius terris decessit Orestes.  
 Dixerat. huic breviter: quid talia poscis, Atrida,  
 Ignarum, vivatne haeres tibi carus Orestes,  
 An periit? dictis haud fas me fingere vana.  
 Hac vice sermonum dum sede moramur in una  
 Solliciti ac tenero spargentes lumina fletu;  
 Ingens ante oculos Pelidae venit Achillei,  
 Et Patrocli, Antilochique simul sine viribus umbra,  
 Ajacisque, ibat cunctis qui major Achivis, 490  
 Et, post Aeacidem, formoso infigior ore.  
 Hec fatus ut Peleo veterem cognovit amicum,  
 Ingemuit lacrimans, tristisque haec addidit ore:  
 O vaser & rerum mirande inventor, Ulyssæu,  
 Infelix, quid adhuc animo tibi restat inausum?  
 Qua tristem nunc arte Erebum, loca luce carentum,  
 Umbrarumque domos, potuisti vivus adire?  
 Cui refero: o Peleo generate, o lumen Achivum  
 Acacida, vatis quaesitum oracula veni  
 Tiresiac, si forte viam mihi denique monstret, 500  
 Deveniam properans Ithacae qua salvus ad oras.  
 Nondum ego nam vidi decessus Achacida, necdum  
 Tellurem tetigi nostram jactatus acerbis

C c

Usque

Usque malis. at tu felicior omnibus anteis,  
Qui fuerunt, & qui venient labentibus annis.  
Scilicet & vivus divum es dignatus honore,  
Et nunc magna tui sub terris regnat imago  
Imperium umbrarum retinens: ne dura querere  
Propterea tu fata dolens. quae talia postquam  
Edideram, graviter suspirans ille reponit: 510  
Ne vero extinctum solare, o fortis Ulyssu;  
Malim ego vel tenui ductus mercede colonus  
Pauperis ad nutum domini nunc degere vitam,  
Quam regere imperio heic populos tellure sub ima  
Sceptra tenens. potius memorans mihi fortia gnati  
Facta refer, primosne inter. ruit acer in hostem?  
Dic quoque, si qua tuas Pelei genitoris ad aures  
Pervenit fors fama: regit numi clarus honore  
Myrmidonas ditem per Phthiam atque Hellada; an ipsum  
Despiciunt senio vix languida membra trahentem? 520  
Non ego namque adsum rutili sub lumine solis,  
Qualis eram quondam, quum circum Pergama Teucrûm  
Agmina caedebam pro caris miles Achivis.  
In patria nunc ipse domo si talis adessem,  
Haec eadem illorum jam dextra retunderet ausus,  
Qui violant, raptisque arcent ab honoribus ipsum.  
Dixerat. illi autem retuli sic orsa vicissim:  
Nulla quidem Pelei generosi venit ad aures  
Fama meas: cupido dicam tamen inclita gnati  
Facta Neoptolemi, referamque ex ordine casus. 530  
Illum ego nam curvis Nerei per caerula duxi  
Navibus e Scyro victricia ad arma Pelasgum.  
Atque ubi concilii Trojae sub moenibus altae  
Tempus erat, semper primus dicebat, aberrans  
Haud umquam sermone gravi: Neleius illi

Nestor,

Nestor egoque, pares visi contendere soli.  
 At quoties ferro cernebant praelia Graji,  
 Millibus haud ille in mediis, turbaque manebat;  
 Sed longe antevolans, nulli virtute secundus.  
 Bellator, passim tollebat caedis acervos. 540  
 Haud autem numerò possum comprehendere, & omnem  
 Quam dederit leto pugnans, evolvere turbam.  
 Eurypilus scit Telephides, quo turbine ferrum  
 Torqueat, & circum late socia agmina strata  
 Cetaeum, propter nympharum munera; cunctis  
 Memnona post diem se pulchrior ille ferebat.  
 Praeterea ingentem Danaï, quem struxit Epeus,  
 Ascendere ut equum ( fuerat mihi tradita cura  
 Et caecos aperire dolos & claudere rursus; )  
 Tunc alii procures tergebant humida fletu 550  
 Lumina; & informes trepidabant omnibus artus.  
 Ast illum haud umquam pallentem corpore vidi,  
 Tergentemque genis lacrimas. quin saepe rogabat,  
 Ut sinerem jam corpus equo demittere saltu,  
 Fulmineum stringens ensē, hastamque coruscans  
 Aere gravem, Phrygiaeque intentans funera genti.  
 Mox ubi jam Priami celsam populavimus urbem,  
 Multa ferens ratibus captivæ munera praedae  
 Incolumis cessit, non umquam aut eminus ictus,  
 Cominus aut ferro laesus, quod saepe videmus, 560  
 Fervet ubi Mavors permixta in caede virorum  
 Sanguineus. dixi; subitoque aversus abivit  
 Aeacides longo per prata virentia gressu  
 Incedens, gnati laetus praestantibus orsis.  
 Hinc aliae accessere animae, graviterque gementes  
 Narrarunt mihi quaeque suas ex ordine curas.  
 Solus torva tuens longe Telamonius Ajax.

Stabat, adhuc tristi servans in mente repostum  
Judicium, quo victor ego Vulcania quondam  
Arma tuli, magnum spoliati munus Achillei 570  
Praeripiens olli. genitrix Theris ipsa locarat  
In medio ad naves; lecti suffragia Troës  
Certa dabant, virgoque sedens Tritonia iudex.  
O numquam tali certamine victor abissem,  
Quod propter nunc terra premit caput invida tanti  
Ajacis, formaque omnes superantis, & actis  
Grandibus, excepto Pelidae corpore Achillis.  
Quem tum ego compellans dictis affabar amicis:  
Siccine & extinctus veteres in pectore volvis  
Irarum flammæ, arma es fatalia necdum 580  
Oblitus, statuere dii quæ tristia Grajis?  
Tale etenim periit columen. te propter Achivi  
Non minus ac propter Pelidae funus adempti  
Lugemus moesti; nec luctus altera tanti  
Causa, nisi iratus graviter Saturnius odit  
Quod Danaos; ille hæc tibi tristia fata paravit.  
Huc age jam nostrasque audi, rex inclite, voces  
O propior, rabidosque domans in pectore motus  
Comprime. sic tanti contra nihil ille; sed atri  
Turbidus horrentes Erebi discessit ad umbras, 590  
Unde etiam alterna me fors ad iurgia voce  
Excisset: gliscens at contra in corde voluntas  
Tunc alios monuit venientum noscere vultus.  
Heic vidi Minoa satum Jove, sceptrâ tenentem,  
Et folio innixum dantem pia jura vocatis  
Gentibus: harum aliae easulas longo ordine dicunt  
Sedibus acclines; aliae stant agmine denso,  
Vastaque moerentes Ditis penetralia complent.  
Heic etiam vidi captas & Oriona lyncas

Ducen-

Ducentem, praedamque humeris per prata ferentem 600  
 Florea, quam solis errans in montibus ante  
 Straverat: in manibus stat clava ex aere rigenti.  
 Praeterea & Tityon vidi telluris alumnum  
 Omniparae, cui vasta novem per jugera corpus  
 Tenditur. immanes hinc atque hinc viscera rostris  
 Vulturii assidue tundunt, penetrantque sub altum.  
 Ungue jecur: nequit ille manu depellere pestem  
 Supplicia expendens, caram violare Tonanti  
 Latonam aggressus, dum Pythia templa petebat  
 Sola per umbrosi Panopaei halantia prata. 610  
 Tantalus heic aderat, curaque exercitus acri  
 Stabat in amne: illi mento tenuis unda fluebat  
 Poturo jam jamque, sitim atque explere paranti,  
 Nequidquam. quoties namque ora admovent undis  
 Aridus, invisio toties fugiebat hiatu  
 Unda absorpta: pedes circa telluris imago  
 Nigra videbatur, siccoque arebat in alveo  
 Fontibus ereptis ultrici a numinis ira.  
 Desuper at ramis felicibus imminet arbor  
 Punica, fecundaeque piri, malique valentes, 620  
 Et ficus, oleaeque: sui stant arbose foetus.  
 Quos ubi tentabat senior decerpere palmis,  
 Nubiferas alte ventus jactabat in auras.  
 Nec procul infelix visus mihi Sisyphus ipse  
 Saxum immane manu gestans curvatus utraque,  
 Connixisque humeris pedibusque ascendere certos  
 Montis iter: summo mox idem in vertice frustra  
 Ut steterat jam jamque, averfa e parte Crataeis  
 Impulit. ingenti praeceps mons improbus actu  
 Volvitur in campos; ille instat, & omnia sudor 630  
 Membra rigat, supraque caput stat pulvere nimbus.  
 Post

Post etiam vana vidi sub imagine formam  
 Herculis; ipse autem superis convivia regnis  
 Lactus agit, pulchramque fovet complexibus Heben,  
 Aurea quam Juno regi est enixa deorum.  
 Hunc circa umbrarum strepitus, ceu rauca volantum  
 Agmina quum resonant: multa caligine tectus  
 Ille tenet nudumque arcum, nervoque sagittam  
 Tendit acerba tuens semper, similisque minanti  
 Horridus ex humeris pendebat pectora circum  
 Balteus, inque auro variatum monstra ferarum  
 Urisque, agrestesque apri, faevique leones  
 Pugnaeque insidiaeque necesse & praelia stabant  
 Nil simile his umquam visum, nec talia quisquam  
 Extuderit posthac fulgentia cingula signis  
 Isque ubi me cernens nigra cognovit in umbra  
 Ingemuit miserans, dulcique affatus amore est  
 O fate Laërta, rerum admirande repertor,  
 Certe aliqua heu miserum esati fors improba versat  
 Te quoque, me tenuit vivum quae dura sub auris  
 Altisono Jove natus eram; sed tristitia saepe  
 Multa ruli, ingrati semper parere coactus  
 Imperiis domini, & caput objectare periclis  
 Huc quoque me quondam tracturum in vincula misit  
 Dura canem; neque enim gravius certamine tali  
 Scilicet ille aliud misero fore credidit ullum  
 Hunc rapui tamen ipse, atque atro e carcere traxi  
 Mercurio monstrante viam & Tritonide diva  
 Dixit, & obscuri subiit penetralia Diris  
 At non ipse abii: cupidum juvat usque morari  
 Si qua alia heroum facies sese efferat Orco  
 Fors & vidissem, quos multum cernere avebam,  
 Thesea, Pirithoumque, deorum germina clara;

Mur-

Murmure sed magno stridens prius adstitit agmen  
 Umbrarum immensum. tum vero pallidus horror  
 Corripuit metuentem, imo ne effundat Averno  
 Gorgonei horrendam faciem Proserpina monstri.  
 Ergo iter ad navim celero, jubeoque sodales  
 Scandere, & excussos terris laxare rudentes.  
 Confidunt jussi transtris: fert gurgite puppim  
 Oceani in vasto remis adnixa juvenus,  
 Mox etiam veniens optato flamine ventus.



## HOMERI ODYSSEAE

## LIBER DUODECIMUS.

O Ceani rapido properans ratis amne relicto,  
 Rursum caeruleas Neptuni lapsa per undas  
 Venit ad Aeaëos fines, ubi ducit in altis  
 Sedibus alma choros Aurora, atque aureus axi  
 Jungit equos Sol ipse. stat acta in litore puppis,  
 Nosque una egressi dulci tellure potimur,  
 Sternimur & somno, lucis dum fulgeat ortus.  
 Qui simul ac roscio primum se ostendit Eoo,  
 Continuo socios praemissi ad limina Circes,  
 Ut miseri extinctos referant Elpenoris artus. 10  
 Robora nos autem, qua celfo vertice silva  
 Tollitur, aggressi ferro, lacrimasque cientes  
 Condidimus terra delati corpus amici.  
 At postquam exustique artus atque arma fuere,  
 Aggesto supra tumulo, positaque columna,  
 Fiximus in summo mansurum culmine remum.  
 Omnibus hinc rite exactis, haud infcia nostri  
 Ex erebo reditus celerans vestigia Circe  
 Venit: eam circum famulae Cerealia dona,  
 Lustralesque armos, generosaeque vina ferebant. 20  
 Tum dea stans propior dedit has pulcherrima voces:  
 Heu miseri! horrentem vivi subiistis & Orcum,  
 Bis letum experti, quamvis semel omnibus hora  
 Atra venit? dapibus dulcique o corpora vino  
 Procurate viri; cras altum iterabitis aequor,

Luce



Luce nova. vos ipsa viam, vos cuncta docebo;  
 Insidiis ne forte ullis terraeve marisque  
 Capti iterum luctu frustra doleatis acerbo.  
 Dixerat, & dictis curas a corde removit.  
 Nos subito instamus dapibus, fusque per herbam 30  
 Solis ad occasum libamus munera Bacchi;  
 Utque abiit lux alma, & inhorruit aura tenebris,  
 Litoris in sicca nautae sternuntur arena.  
 At me diversa solum dea parte locavit  
 Ipsa manu ducens, atque ordine singula quaerens  
 Me cubuit juxta. cui postquam rite recensens  
 Omnia narravi, tunc illa ita farier insit:  
 Haec fuerint jam cuncta quidem; nunc auribus ista  
 Accipe, quae memori in mentem deus ipse reducet.  
 Principio scopulos Sirenum & litora vises 40  
 Tristia, quae falsa capiunt dulcedine nautas.  
 Illas incautus quicumque accesserit oras,  
 Audieritque sonum, nec amatae conjugis ora  
 Aspiciet, nec laeta redux dabit oscula gnatis  
 Carmine deceptus, quod molli e guttore fundunt  
 Sirenes viridi in prato. late ossibus alben  
 Omnia, & infanda miserorum caede putrescunt.  
 Tu transvectus abi; ceraque sodalibus aures  
 Obline, ne quisquam voces exaudiat alter,  
 Ipse velis ni forte unus. tamen ante jubeto, 50  
 Vincla tibi, circumque arctos inducere nexus  
 Ingentem ad malum, fixosque aptare rudentes,  
 Tutus ut accipias Sirenum ex aequore cantus.  
 Quod si etiam solvi possas, magis arcta revincto  
 Injiciant socii tendantque haerentia vincla,  
 At simul hinc volucris praeterlabere carina,  
 Non ego te monëam, quo flectas tramite cursum:

D d

Tu

Tu videas; facies haec certa utrinque locorum.  
Horrescunt cautes, magnique ex aequore fluctus  
Cautibus illisi resonant, errantia divi . 60  
Saxa vocant. pennis supra non ulla volucris  
Tendit iter; possunt non ipsae impune columbae  
Ambrosiam pavido referentes ore Tonanti;  
Verum aliquam semper leto rapit improba rupes,  
Suffectaue nova numerum Saturnius aequat.  
Hac non ulla quidem potuit tranare carina  
Sospes adhuc: navimque simul correptaue ab aestu  
Corpora fluctus agit nimbisque vorantibus ignis.  
Sola per undosos intendens carbasa tractus  
Transiit haec Argo quondam loca, Phasidis oras, 70  
Aeaetaeque domos linquens. fors turbine & ipsam  
Corripiens fluctus cautes fregisset ad altas,  
Ni celeri lapsam praeter vada tristia cursu  
Vexisset Juno, fuerat cui gratus Iason.  
Stant gemini scopuli: superas hic tendit in auras  
Arduus, atque altum caput intra sidera condit  
Nubibus aeternis horrens. non vertice fulgor  
Purpureus rutilat solis, diffusaue puro  
Aura polo nec bacchi ardet nec tempore messis.  
Haud etiam quisquam valeat conscendere supra, 80  
Aut revocare gradus; non si bisdena moveret  
Brachia, bisdenisque ageret vestigia plantis.  
In medio scopuli nigro patet intus hiatu  
In Stygias conversa plagas specus horrida, longe  
Flectere tum praestet cursum, atque avertere proram,  
Quamvis immenso fugiat specus edita tractu,  
Quo neque contingat juvenis jaculatus ab arcu  
Nequidquam toto contendens cornua nisu.  
Heic graviter frendens stat Scylla informis in antro,  
La-

Latratufque ciet catulos imitata recentes: 90  
Ipfa autem monftrum horrendum, quam cernere nullus  
Gaudeat; ipfe deus non fi foret obuius illi.  
Subter crura rigent biffex informia monfiro,  
Senaque colla fupra, totidem capita horrida collo  
Cuique instant, triplicique affurgunt ordine dentes  
Ora exertantis, caedemque & fata minantis.  
Atra tegit mediam fpelunca: at corporis exftat  
Pars alia, & barathro caput faeva exerit ora,  
Pifcaturque, oculis luftrans faxa omnia circum,  
Delphinafque, canefque; & ficubi grandia poffit, 100  
Plurima quae pelago vivunt, deprendere cete.  
Incolumes nulli haec nautae jactantur abiffis  
Per loca cum navi: tot corpora capta virorum  
Surripit, ora ratem tendit quot hiantia fupra:  
At fcopulus ponto furgit depressior alter  
Parte fub adverfa, relique haud longius icu:  
Frondebis hunc ingens potulis caprificus inumbrat.  
Sub latere hoc tegitur, fluctufque invifa Charybdis  
Eructans ter quaque die rurfumque reforbens  
Aeftuat horrendum. ne tu, quum gurgite ab imo 110  
Sorbet in abruptum fluctus, vicinior ito;  
Nam neque Neptunus diro te fubtrahet aestu,  
Ille quidem id cupiat quamvis, fruftraque laboret.  
Quin propior Scyllae fcopulis adverte carinam,  
Atque citus molire fugam: fex corpora praefat  
Rapta dolere, omnes quam certo occumbere leto.  
Dixerat. ipfe autem: fare o pulcherrima, meque  
Diva doce; immitem fugiam fi qua arte Charybdim  
Incolumis? fi fata ultus miferanda meorum  
Interitu Scyllae veram? fed nympba loquentem 120  
Increpuit fubito, rurfumque haec addidit ore:

Infelix! tibi facta animo stant Martia, necdum  
 Ardor abit: cedes nec dis, quos nescia leti  
 Vita manet? mortale putas, quod funeris expers  
 Di voluere malum saevumque & triste nec ulli  
 Vincendum: fuga sola dabit properata salutem.  
 Si namque in scopulo sumptis cunctabere telis,  
 Heu vereor, ne dira tibi tot hiatibus ora  
 Exerat, & socios totidem rursum improba tollat.  
 Sed fuge praecipiti cursu, magnaue Crataein 130  
 Voce voca, monstrum quae partu enixa nefando  
 Edidit; illa cavo rabidum compescet in antro.  
 Post hinc Trinacriam venies, ubi pingua Solis  
 Et pecora & nivei ludunt per prata juvenci:  
 Septem armenta boum, totidem formosa bidentum  
 Agmina; quinquaginta aequatis partibus omni  
 Sunt capita in coetu; numerum nec foetibus augment,  
 Nec minuunt leto. pastoris munera curant.  
 Nymphae pulcricomae Phaethusaque Lampetieque,  
 Aetherio genuit Soli quas dia Neaera, 140  
 Pubentesque parens viridique in flore vigentes  
 Trinacriae aequoreas longe deduxit ad oras,  
 Et patrios servare greges armentaque iussit.  
 Haec intacta fines si pingues ire per agros,  
 Post varios casus Ithacam cum pube redibis:  
 Laedere sin ausus fueris, tum triste carinae  
 Exitium sociisque cano; tuque ipse periculum  
 Si fugies, sero infelix tua litora vises  
 Omnibus amissis, quae postquam diva loquuta est,  
 Aurea Tithoni conjux jubar extulit ortu 150  
 Purpureo: Circe simul ipsa e gramine surgit,  
 Et cedit diversa petens. ego scandere puppim  
 Admoneo socios, terrisque incidere funes.

Nul-

Nulla mora; insiliunt omnes, transtrisque locati  
 Spumea convellunt inflexis aequora remis:  
 Nec non a tergo faciles abeuntibus auras  
 Suscitāt implentes optato flamine vela  
 Ornatis spectanda comis dea maxima Circe.  
 Omnibus hinc armis per navim rite locatis  
 Sternimur: ipsa ferunt celerem sua flamina puppim. 160  
 Atque ego tum tristi compellans voce sodales:  
 O focii, dixi; neque enim sciat unus & alter  
 Haec modo, quae docuit verax oracula nympha;  
 Omnibus at pateant, seu nobis fata minantur  
 Exitium, seu laeta jubent sperare salutem.  
 Scilicet illa prius vocemque & prata cavere  
 Florida Sirenum; meque unum audire canentes  
 Jussit. at innexis vos vincla tenacia membris  
 Tendite, & haerentem nodis nexuque revinctum  
 Arboris ad truncum media me sistite navi. 170  
 Solvi si precibus poscam, constringite vincla  
 Arctius oranti, & duros cohibete rudentes.  
 Talia dum socios hortatus voce monebam,  
 Litora Sirenum placido ratis incita cursu  
 Contigit; innocuo labentem ventus agebat  
 Flamine. tum subito zephyri posuere, neque ulla  
 Murmura tranquilli resonant per caerula ponti,  
 Sopitique jacent aequato gurgite fluctus.  
 Vela legunt nautae, certaue in sede reponunt  
 Composita, & validos sortiti ex ordine remos 180  
 Certatim incumbunt, & spumea caerula torquent.  
 Ipse autem ingentem cerae conversus ad orbem  
 Dissecui ferro, & lentescere frustra coëgi  
 Pressa terens: jam cera manu tractata valenti  
 Liquitur, & Phoebi radiis ardentibus icta.

Hac

Hac ego tum sociis illevis protinus aures  
 Omnibus infundens. contra illi vincula capto  
 Injecere mihi, rectosque in stipite mali  
 Hinc atque hinc validis cinxerunt nexibus artus;  
 Dein rursus impulsis ferierunt aequora palmis. 190  
 Jamque ubi distabat, quantum clamantis ab ore  
 Audiri vox missa potest, ratis acta per undas,  
 Haud latuit nymphas, curvoque in litore stantes  
 Talia suavidica cecinerunt carmina voce.  
 O Laërtiade Grajum decus, huc age navem  
 Dirige, ut arguto cantum quem fundimus ore,  
 Accipias. nemo haec transvectus caerulea puppi est,  
 Quin prius adstiterit vocum dulcedine captus;  
 Post variis avido satiatus pectore musis  
 Doctior ad patrias lapsus pervenerit oras. 200  
 Nos grave certamen belli clademque tenemus,  
 Graecia quam Trojae divino numine vexit,  
 Omniaque e latis rerum vestigia terris.  
 Sic resonant ingeminant cantu: mihi corda voluptas  
 Intima pervadit, vultuque & lumine nutans  
 Solvere vincla precor socios. illi freta verrunt,  
 Surgentesque una Perimedes Eurylochusque  
 Implicuere magis cupidum perrumpere nodos.  
 Interea celeres vecti viridantia praeter  
 Litora Sirenum, nullis ubi cantibus aura 210  
 Pulsa sonat, ceram juvenes ex auribus omnem  
 Eripiunt, laxantque meo de corpore vincla.  
 Cessimus ut campis, vidi atrum ad sidera fumum  
 Tollit undarum strepitumque exterritus hausi:  
 Excussi manibus subita formidine remi,  
 Omniaque horrifico sonuerunt murmure, & ipsa  
 Remigio puppis spoliata immobilis haesit.

Atque

Atque ego per medios gradiens maerentia dictis  
 Pectora mulcebam, sic quemque hortatus ab ore.  
 O juvenes, neque enim ignari fumus ante malorum, 220  
 Exitium nec majus adest, quam dira Cyclopis  
 Experti quum facta cavo trepidavimus antro;  
 Hinc tamen & virtute mea & sollertibus ausis  
 Fugimus: horum etiam quondam meminisse juvabit.  
 Quare agite & nullus dictis parere recuset:  
 Vos rapidos remis fluctus per transtra locati  
 Scindite, si mortem saltem hanc fors Jupiter aequus  
 Det fugere, & praesens etiam vitare periculum.  
 Tuque gubernator memori mandata reconde  
 Haec animo, tibi enim clavo torquenda carina. 230  
 Hunc extra fumumque procul fluctusque sonantes  
 Flecte ratem, scopulumque cave, ne cautibus asper  
 Incautum fallat, nosque atro funere mergat.  
 Vix ego finieram, focique haud iussa morantes  
 Incumbunt remis; necdum implacabile monstrum  
 Scylla rapax mihi dicta fuit, ne forte timentes  
 Ima ratis tabulata petant, remosque relinquunt.  
 Heic etiam misero Circes mihi pectore tristes  
 Exciderant monitus: nam contra ac iussa ferebant  
 Arma amens cepi, longoque hastilia ferro 240  
 Bina manu crispans prorae surgentis in ipso  
 Fine steti, poterat prius unde horrenda videri  
 Scylla meis luctumque ferens & funera nautis.  
 Nec tamen aspexi, licet acri lumine fessus  
 Omnia lustrassem late loca rupis opacae.  
 Tendimus angusto conclusi gurgite flentes  
 Inter utrumque latus: furit atra heic Scylla sub antro,  
 Illic sorbet aquas resonans iminane Charybdis.  
 Quae quoties vasto fluctus eruat hiatus

Spu-

Spumea, ceu rapidis quum flammis fervet ahenum, 250  
 Aestuat ingenti strepitu. sublatuſ in auras  
 It liquor, & ſummi fumant aſpergine montes.  
 At quoties rapidi ſaſas vorat acquoris undas,  
 Monſtrat aperta ſinum penitus: tum murmure circum  
 Saxa tonant, glaucaeque oculis cernuntur arenae  
 Recluſa tellure. aſpectu territa pubes  
 Palluit; atque illam trepidi dum cernimus unam,  
 Ecce furens antro, manibuſque & robore fortes  
 Ante alios mihi Scylla viros ſex improba tollit.  
 Reſpiciens navimque ſimul, ſimul acta micorum 260  
 Corpora, vix ſummo pendentia brachia ſaxo  
 Elatoſque pedes vidi me ſaepe vocantum  
 Nomine, & extremos gemituſ in morte cientum.  
 Ac veluti reſidens viridi piſcator in acta,  
 Incautoſ longa quum fallit arundine piſceſ  
 Obji-ciens teſto letalia pabula in hamo,  
 Tollit anhelanteſ, ſiccaque exponit arena  
 Semineceſ: ſic illi in ſaxa horrentia tracti  
 Exanimeſ longiſ ſingultibuſ ilia tendunt.  
 Ipſa autem in foribuſ clamantum paſcitur artuſ 270  
 Tendentumque manuſ fruſtra mihi morte ſub ipſa:  
 Spectaculuſ horrenduſ! quo nil crudeliuſ uſquam  
 Saeva diu ponti ſcrutando caerulea vidi.  
 Hiſ tandem claſſoſ ſcopuliſ atraque Charybdi  
 Et Scylla, hoſpitio molli noſ inſula divum  
 Cepit; ubi Soliſ forma praeſtante juvenci  
 Lanigerique greges tondabant roſcida prata.  
 Necdum contigerat lituſ ratiſ acta per undaſ,  
 Et jam mugituſque boum ferit excituſ aureſ  
 Balatuſque ovium; nec non mihi dicta reſcuſant 280  
 Tireſiae Circeſque iterumque iterumque monentum,  
Solis



Solis uti sacra caveam tellure potitus,  
 Haec metuens tristi sic voce silentia rupi:  
 Accipite o focii, quae me Thebanus in Orco  
 Edocuit vates, fatorum & conscia Circe.  
 Scilicet unum illud repetens edixit uterque,  
 Ut Solis fugerem cari mortalibus arva;  
 Exitium nam triste manet: quin o freta rostris  
 Findite Trinacria longe post terga relicta.  
 His dictis cecidere animi turbataque cunctis 290  
 Pectora, & Eurylochus subita me turbidus ira  
 Increpuit: mens laeva quidem te vexat, Ulysseu,  
 Indomitumque geris robur, nulloque labore  
 Frangeris. an fociis tu ferrea corpora rere  
 Omnibus, haud patiens somno curisque gravatos  
 Optata heu miseros tandem tellure potiri,  
 Dulcibus atque epulis operari in litoris ora?  
 Scilicet obscuram per noctem errabimus undis  
 Sic temere avulsi gremio telluris; an auras  
 Praecipites non saepe polo nox turbida cogit? 300  
 Quis fugiat late tenebris horrentibus atram  
 Perniciem, si forte mari gravis incubet auster,  
 Nimbofusque ruat zephyrus, qui turbine naves  
 Corripiunt, vexantque, adverso numine divum?  
 Cedere nunc praestat nocti, dapibusque resectos  
 Corpora vicini curare in litoris herba:  
 Cras iterum cum luce nova fulcabinus aequor,  
 Sic ait Eurylochus: cuncti simul ore fremebant  
 Haec eadem assensu haud dubio. mihi triste canebat  
 Haud obscura quidem jam tum gravis ira deorum; 310  
 Et subito: jam jam cedo, nec tendere contra  
 Sufficio solus. nunc vos at numina caeli  
 O saltem iurate: greges florentibus agris,

E e

Con

Contigeritve boum si qua heic armenta videre  
 Haud admissuros scelus exitiale, neque ullam  
 Laefuros pecudemve manu fortemve juvencum;  
 Sed fore contentos dapibus, quas provida Circe  
 Praebuit. haec fatus tacui; nec dicta retrectant  
 Jam nautae, jurantque omnes. queis rite peractis,  
 Ingredimur portum religata ex aggere navi 320  
 Dulcem propter aquam. juvenum manus emicat ardens  
 Litus in optatum, dapibusque operatur in acta.  
 Inde ubi pulsa fames, sitis & compressa Lyaco,  
 Tristitia prosequimur sociorum funera fletu,  
 Abstulerat curva quos nuper Scylla carina;  
 Flentibus & lassos dulcis sopor occupat artus.  
 Tertia noctis erat quum pars, jamque astra cadebant,  
 Saeviit extemplo nimbis ingentibus atra  
 Ab Jove tempestas, & late horrentia pontum  
 Nubila telluremque simul cinxere; polo nox 330  
 Nigra ruit. vix almus equis afflarat anhelis  
 Nos Oriens, quum prima ratem subducere nobis  
 Cura subit, tractamque cavo religare sub antro,  
 Candida ubi nymphis exstructa sedilia stabant.  
 Post etiam pleno in coetu sic alloquor omnes:  
 In curva mollesque dapes potusque carina  
 Dulcis inest: heu triste aliquid ne fata minentur,  
 O prohibete manus, quaeso, & servate juvencos.  
 Haec armenta deo pascuntur sacra potenti,  
 Omnia qui vastum iustratque auditque per orbem: 340  
 Nec plura his: fremitu focii assensere secundo.  
 Interea totum non secius aethere mensem  
 Flat notus, excito quisquam nec flamine deinde,  
 Ni notus atque curus, pelago dominatus aperto est.  
 At juvenes, tostae Ceteris dum dona manebant

Vina-

Vinaque, solliciti vitae abstinuerè juvencis  
 A vetitis, ubi cuncta tamen sensere carina  
 Deficere, ad prædam versi venatibus instant;  
 Rimanturque uncis manibus, si scrupèa piscem  
 Saxa inter (cogebat enim vis improba ventris) 350  
 Haerentem inveniant; latitantem aut rupe volucrem  
 Contra ego secreti processi ad litoris oram  
 Vota diis facturùs, iter miseratus ab alto  
 Expediat si quis misero, reditusque secundet  
 Jamque procul residens diversa in valle, ubi ventis  
 Aequora tuta silent, palmasque in gurgite lotus  
 Omnes caelicolas supplex in vota vocabam:  
 Tunc mihi di facili sparserunt lumina somno,  
 Eurylochus dum parte alia pervertere tentat  
 Corda virum subiens sic astu: o dura sodales 360  
 Experti mala quacque, venit mortalibus aegris  
 Invisum genus omne necis; sed acerbius unum  
 Omnibus est, periisse fame fatumque subisse.  
 Quin agite, & Solis pingues adducite tauros;  
 Debita uti magnis solvamus munera divis.  
 Quod si Ithacæ dabitur tandè patria arva videre,  
 E niveo Soli statuemus marmore templum,  
 Ducemusque sacras alta ad donaria pompas.  
 Aut etiam pro caede boum si perdere navem  
 Hic volet iratus, prohibebunt cetera cladem 370  
 Numina. quidquid erit, malo jam mergier undis,  
 Quam miser ignota longum tabescere in adæ  
 Dixerat, atque eadem placuit sententia cunctis;  
 Continuoque sacros lunatâ fronte juvencos  
 Excipiunt: multi camuris nam cornibus ibant;  
 Et vicina nigrae carpebant gramina puppi  
 Circumstant pariter lacti, divosque precantur,

Et folia e querna, Cereris pro frugibus almae,  
 Arbore carpentes summa inter cornua fundunt.  
 Tum precibus missis feriunt colla alta securi, 380  
 Tergoraque eripiunt, & sectos cruribus armos  
 Arvina involvunt super & pinguedine densa.  
 Lenaei decrant latices; ardentiaque exta  
 Fluminea spargunt unda, libantque faventes.  
 Hinc simul incensosque armos & tosta vorarunt  
 Viscera, & aeratis fixerunt cetera membra  
 Secta minutatim verubus; mihi lumina somnus  
 Deferuit, sociosque iterum navimque reviso.  
 Vix aderam propius, tennes quum nidor in auras  
 Diffusus nares mihi noto afflavit odore. 390  
 Ingemui, & clamans has rupi pectore voces:  
 Juppiter o genitor, vosque o stellantis olympi  
 Numina, quid miserum jovit sic perdere somno?  
 Heu sine me crudele nefas est ausa juvenus.  
 Haec ipse: interea celeri per inania lapsu  
 Attulerat dira stratos jam caede juvencos  
 Lampetie auricomos Soli, qui turbidus ira:  
 O pater, o superi, dixit, mihi digna rependant  
 Supplicia infandi comites errantis Ulyssæi  
 Admissa pro caede boum, quos laerus ab axe 400  
 Cernere gaudebam, sive alto invehctus olympo,  
 Seu repetens humilem stellato a vertice terram:  
 Quod mihi ni meritas persolvant crimine poenas;  
 In Stygias ibo latebras, atque horrida Ditis  
 Regna meo late perfundam lumine fulgens,  
 Discutiamque umbras. cui Juppiter: aurea caeli  
 Tempa colens tu semper, ait, radiantia ferro  
 Lumina dis, pariterque nigrae telluris alumnis.  
 Horum ego jam celerem candenti fulmine puppim  
 Flu-

Fluctibus in mediis feriam jaculatus ab arce 410  
 Aetheria. quae dicta Jovis mihi deinde Calypso  
 Candida narravit; retulit Cyllenius olli  
 Nuncius adveniens superis e sedibus ales.  
 At navem ut tetigi, socios in litore adortus  
 Increpui nulli parcens: sed dicta cadebant  
 Irrita, nec tantam poterant sarcire ruinam;  
 Exstincti jam quippe boves tellure jacebant.  
 Terrificis etiam turbarunt pectora monstros  
 Di subito, tractaeque solo (mirabile dictu!)  
 Serpere tum visae pelles, auditaque longis 420  
 In veribus mugire simul jam torrida membra,  
 Cruda simul, sonitu vivos imitata juvencos.  
 Nec tamen abstiterunt, senasque ex ordine lucas  
 Perpetuis egere epulis convivia nautae  
 Sacra instaurantes. postquam lux septima venit,  
 Nimbifer immani cessavit turbine ventus,  
 Et nos ingressi deductae in pinea navis  
 Robora velorum crepitantes solvimus alas  
 Ut pelago fugit puppis, nec jam amplius ulla  
 Apparet tellus, caelum undique & undique pontus, 430  
 Caeruleam supra nigra caligine nubem  
 Juppiter induxit: tum subter inhorruit unda,  
 Continuitque ratis cursum. nam turbine stridens  
 Praecipiti zephyrus turbavit caerulea, & ambos  
 Diffidit haerentes malo vis aspera funes  
 Impete contorquens. cadit actus pondere retro  
 Malus, & arma simul fundum volvuntur in imum  
 Omnia: at ipse ruens puppim super incidit icu  
 In caput inque humeros miseri rectoris & ossa  
 Omnia subjecti frangit: jamque ille carina 440  
 Labitur in praecipit, vitamque relinquit in auris  
 Tum

Tum simul intonuit caelo, simul igne trifulco  
 Juppiter intorsit fulmen; correptaque navis  
 Tota diu intremuit, dirumque efflavit odorem  
 Sulfuris. excussi nautae volvuntur in undas  
 Aequareis similes corvis circumque feruntur  
 Fluctibus in tumidis: reditum negat ira deorum.  
 Ipse autem gradiens hac illac, pinea solvat  
 Donec texta ratis, laxis compagibus, unda,  
 Opperior. jamque illa salo resoluta fatiscit, 450  
 Imaque pars superest tantum, cui fortia vincla  
 E corio haerebant mali retinentia truncum.  
 His subito vinclis malumque, imamque carinam  
 Implicui, junctoque sedens in robore utroque  
 Et vento & pariter fluctu jactante ferebar.  
 Dein zephyrus nimbisque furens & turbine saevus  
 Desiit, adversisque ruchs notus ingruit alis,  
 Rursus ut horrendae subeam vada iniqua Charybdis.  
 Tota nocte feror; primoque micantibus ortu  
 Cum radiis Phoebi violento gurgite vectus 460  
 Scyllae inter subii scopulos atramque Charybdim.  
 Illa quidem in barathrum falsas demiserat undas  
 Faucibus absorbens patulis: ego corpus ab aestu  
 In sublime levans caprificu adfixus inhaesi  
 Lucifugae similis volucris: vestigia nusquam  
 Figere, nec summum potui contingere culmen.  
 Longe etenim stirpes suberant, ramique sub auras  
 In diversa alto fundebant stipite sese.  
 Ingentes, densisque umbrantes frondibus antrum.  
 Hic me tunc tenui obnixus, dum robor a navis 470  
 Redderet eructans iterum: nec vana sefellit  
 Spes cupidum; nam jura foro quum dicere iudex  
 Desinit ad caenam properans post jurgia pubis,  
 Emer-

Emerfere atro barathri revomentis hiatu  
 Robora, demifque pedes & brachia fupra  
 Cum fonitu illapfus mediis, manibusque recurvis  
 Uda fedens pulfi verrebam caerula Nerei.  
 Nec vero Scyllam divum pater atque hominum rex  
 Amplius eft paffus me dira e rupe videre  
 Innantem; neque enim fugiffem triftia fata. 480  
 Inde novem per ftagna dies maris humida ventus  
 Errantem vexit: decima poft numina nocte  
 Telluri Ogygiae appulerunt, ubi dia Calypfo  
 Inter Atlantiadas forma pulcherrima nymphas  
 Fluctibus ejeftum facili me fede recepit.  
 Sed quid ego haec autem nequidquam indigna recordor  
 Hefterno jam dicta die tibi, maxime regum,  
 Uxorique tuae? feflum piget illa referre  
 Rurfus, & infomnes noto fermone morari.



## HOMERI ODYSSEAE

## LIBER TERTIUSDECIMUS.

**D**ixerat: atque alii per tecta silentia late  
 Dum gaudent mira capti dulcedine rerum,  
 Sic illum Alcinous dictis compellat amicis.  
 O Laërtiade, quando huc te fata tulere  
 Per varios casus, per multa pericula vectum,  
 Incolumis divesque tuas remeabis ad oras.  
 Vos autem o, quicumque meos celebrare penates,  
 Gaudetisque una convivium ducere, Bacchi  
 Laetitiam cantusque inter, mea figite corde  
 Dicta, viri. Tyrio pictae jam murice vestes, 10  
 Caelatumque aurum, quaecumque & ditia dona  
 Attulerunt proceres Phaeacum, condita in arca  
 Omnia sunt. solido nunc quisque ex aere lebeta,  
 Ac tripodem deus quisque super. post certa redibit  
 Pars pretii toto e populo; non omnia namque  
 Fas unum tribuisse. haec postquam maximus heros  
 Fatus erat, plausu cuncti assensere secundo  
 Ad sua cedentes laeti penetralia reges.  
 Mox idem, ut roseis Aurora evecta refulsit  
 Acquoribus, navimque parant atque aerea portant 20  
 Dona viro; quae rite locans curvata carinae  
 Alcinous stipat sub transtra, offensa juvenus  
 Ne doleat validis freta findens versa lacertis.  
 His propere exactis adeunt regalia rursum  
 Tecta simul, mensaeque parant, ubi sanguine sacro



Victima caesa Jovi taurus fumabat ad aram.  
Diripiunt costas, dapibusque fruuntur opimis  
Vescentes; interque ipsos ciet aurea plectra  
Demodocus simul ore canens. at fortis Ulysses  
Suspiciens crebro caelum, solemque cadentem, 30  
Pronus ut hesperias curru descendat in undas,  
Optat, & impatiens studio jam gestit eundi.  
Ac veluti impasto tota cui luce jugales  
Invertere gravi fecundas vomere glebas,  
Occidit optanti prono sol igneus axe.  
Agricolae; fesso tum pectore gliscit edendi  
Ardor, & exstimulat cupidum; trepidantia eunti  
Genae labant titubantque pedes. sic aequora tandem  
Sol Ithaco optanti subiit, mediaque corona  
Alcinoo atque aliis Phaeacibus infit ab ore. 40  
Maxime rex, vosque o magni, capita inclita, patres,  
Perfectis me rite sacris dimittite quaeso  
Protinus incolumem; vos & valeatis amici.  
Namque mihi jam parta, animus quaecumque volebat,  
Muneraque auxiliumque viae, quae numine servant  
Cuncta suo divi faciles, veteresque sodales  
In patria visam cum salva conjuge, faxint.  
Heic quoque vos mancant semper rata gaudia vestris  
Cum nuptis gnatisque; dii vos omnibus auctos  
Muneribus cumulent, procul absit publica cladēs. 50  
Vix ea finierat; laeto clamore sequuntur  
Phaeaces, ducique jubent tam digna profantem.  
Atque heic Alcinoos fido praecone vocato:  
Pontonoë o, dixit, plenum cratera lyao  
Huc age; caelicolum regi libemus ovantes,  
Mittamusque virum tanto sub numine laetum  
Ad patriae fines. dixit: nec jussa moratur

Pontonous cratera ferens atque ordine miscens  
 Omnibus. hi taciti libant, divosque precantur  
 Per sedes late; quos inter solus Ulysses 60  
 Adstitit, ac multo spumantia pocula baccho  
 Tradidit Aretae sic ipsam affatus ab ore.  
 O salve regina mihi, dum tarda fenestus,  
 Parcarumque sinant leges, ac debita fata.  
 En ego discedo; tu contra in sedibus hisce  
 Et populo & gnatis precor alma & rege fruire.  
 Sic fatus tendit gressus ad limina, & una  
 Alcinoi it missus celerans vestigia praeco,  
 Ad navim qui monstret iter litusque reductum.  
 Nec non Arete famulas jubet ire puellas, 70  
 Haec ferat. ut chlamydem secum tunicamque nitentem,  
 Illa auctam donis pictam regalibus arcam,  
 Atque aliae cererem pariter, laticesque lyaeos.  
 Ut litus tetigere cavum, data munera nautae  
 Accipiuntque locantque alacres, tum mollia sternunt  
 Lina viro, pictosque super de more tapetas  
 Conjiciunt, queis molle cubet placidusque quiescat  
 Velivola in puppi. jamque ipse ascenderat heros,  
 Compositusque toro languentia membra locarat,  
 Quum subito curva socii federe carina 80  
 Ordine quisque suo, solvere & litore funem.  
 Incumbunt remis adnixa, & caerulea verrunt  
 Spumea: sopitos Ithaci diffusa per artus  
 Dulcis & alma quies mortique simillima serpit.  
 At navis, rapidae veluti per plana quadrigae  
 Prata volant, quas viva rapit vis incita equorum  
 Verberibus crebris; jam jam in sublimine videntur  
 Aëra per liquidum ferri, & contingere metam:  
 Sic celeri volat illa fuga, longoque sonantes

Limi-

## LIBER TERTIUSDECIMUS. 227

Limite agit fluctus, canumque in gurgite fulcum 90  
 Deferit a tergo. non ipsam praepete penna  
 Accipiter levis alta secans praevertere possit  
 Labentemque undis, divisque heroa ferentem  
 Consiliis animoque parem; qui plurima quondam  
 Pertulerat longum bello jactatus & undis,  
 Tum placida oblitus curas in nocte quierat.  
 Jamque ubi purpureo procedens clarus ab ortu  
 Lucifer auroram Thitoni e sede vocabat,  
 Constitit optata navis tellure posita,  
 Caerulei stat portus ubi Phorcynis ad oras 100  
 Litoreas Ithacae: versis duo frontibus alte  
 Oppositi adsurgunt scopuli, pelagique furorem  
 Cautibus objectis, ventorumque horrida frangunt  
 Flamina: securae tuta statione carinae  
 Intus habent sedem, nec vincia tenacia poscunt.  
 Ast olea in summo diffundit vertice ramos  
 Desuper umbrosis complectens frondibus antrum,  
 Antrum horrendum, ingens; nympharum humentia tem-  
 pla  
 Naiadum. solido excisi de marmore circum  
 Crateres; ansisque utrinque exstantibus urnae, 110  
 Mellaque apes stipant, vivoque haerentia saxo  
 Stant juga, ubi resono percurrunt pectine nymphae  
 Puniceo tenues variatas murice telas.  
 Manant & liquidifontes; semperque recenti  
 Rore strepunt; geminaeque fores; quarum altera, spectat  
 Quae borean, hominum patitur vestigia, at almos  
 Altera sacra deos, nigrum quae vergit ad austrum,  
 Excipit, haud tangenda viris, at pervia tantum  
 Caelicolis. huc se tunc noto in litore navis  
 Condidit ac media plus parte resedit arena 120

In sicca; valido sic incita remige venit!  
 Emicat in terram pubes, etiamque cubantem  
 Mollibus in stratis, etiam alto lumina somno  
 Devinctum exponit gremio telluris Ulysses.  
 Munera dein alii expediunt, quae virginis acti  
 Armifonae monitis dederant Phaeaces habenda,  
 Quum reditum supplex orabat. cuncta sub ipsos  
 Conjiciunt oleae ramos, & devia ponunt  
 Parte in secreta, ne quis fors ante viator  
 Praeteriens, heros quam somno fuscitet artus, 130  
 Aspiciat, visque petat sibi praemia furti.  
 Hinc subito freta versa legit, retroque juvenus  
 Ad patrias dat vela domos; quum rector aquarum  
 Nondum Ithaci longo satiatus pectora luctu,  
 Oblitusque minas sic est affatus in arce  
 Siderea fratrem. quisquam & jam numen adoret  
 Neptuni, aut divum iusto dignetur honore,  
 Juppiter? ipsi etiam nunc me, gens edita nostro  
 Sanguine, Phaeaces temnunt. quippe ipse volebam  
 Usque malis Ithacum luctantem tendere ad oras 140  
 Dulichias; non & reditu prohibere parabam,  
 Aeternumque arcere domo, tua magna voluntas  
 Ex quo certa mihi, promissaque nota fuere.  
 Illi autem celeri sulcantes aequora navi  
 Securum adduxere mei, somnoque revinctum  
 In patrio statuere solo. tam multa dedere  
 Dona super, vestemque, aerisque, aurique talenta,  
 Quam multa incolumis praedaeque potitus opima  
 Haud secum incensa a Troja devesta tulisset.  
 Juppiter huic contra: proh quae te cura remordet, 150  
 O germane potens? divum te spernere nemo  
 Audeat, expertus ni fors cognoscere malit,

Sit durum soli quam te contendere contra  
 Viribus atque aevo praestantem. robore fretus  
 Quod si hominum quisquam merito te fraudet honore,  
 Ut placitum fueritque magis, mentique sedebit,  
 Digna luat: sic fatus erat regnator olympi;  
 Quum sic Neptunus: jampridem id, Juppiter, ultro  
 Ipse etiam fecissem, inquit; tua si mihi certa  
 Mens foret: irasci tecum & pugnare verebar. 160  
 Nunc autem pulcram Phaeacum perdere navim  
 Est animus nigri reducem per caerula ponti;  
 Talibus abstineant posthac ut tempus in omne  
 Auxiliis: urbique ipsisque opponere magnum  
 Stat montem: dixit; nec Juppiter abnuitt olli  
 Haec referens: age jam, venientem ex aequore puppim,  
 Quum propius terris lactanti lumine cives  
 Aspicient, subito mutato corpore rapem  
 Effice, quae falsa referat sub imagine navim  
 Omnibus attonitis monstro, magnumque repente 170  
 Montem stare altis contra mirantibus arces  
 Ante urbem. quae dicta Jovis postquam audiit, astra  
 Deseruit, Scherianque petens maris arbiter alti  
 Constitit invisus scopulo. jamque impete magno  
 Ibat aquis, celeransque viam propiora tenebat  
 Laeta ratis; quum pone subit Neptunus, & actam  
 Corripit, immotamque alto sub gurgite figens  
 Esse jubet rupem ingentem, subitoque recedit.  
 At bona Phaeaces gens ponto assuetaque remis  
 Miranturque animo, seque inter plurima mullant. 180  
 Jamque aliquis socium respectans: heu quis in alto  
 Vinxit, ait, puppim? tota ecce e fluctibus exstat.  
 Haud labefacta salo, sic ille: at nescia facti  
 Corda stupent, donec trepidis rex farier insit.

Me

Me veteris nunc certa premunt oracula patris,  
 Qui fore Neptūnum nobis urbique canebat  
 Auxilia ob nostra infestum, quod nāvibus omnes  
 Scilicet incolumes vehimus per caerula Nerei.  
 Praeterea quondam praedixerat adfore tempus,  
 Quo validam nobis fedeuntem ad litora puppim. 190  
 Perderet in pelago, scopulumque opponeret urbi.  
 Haec senior, quae jam perfecta en cernitis ipsi.  
 Verum agite, ac jussis omnes parete volentes,  
 Nunc jubeam quaecumque viri: deducere ponto  
 Mittite, qui veniat nostras post hospes ad oras  
 Indigus auxilii: lectos at rite juvencos  
 Bisslex Neptuno sacras maectemus ad aras,  
 Si precē qua victus montem praetendere parcat  
 Moenibus, & magna portus circumdare mole.  
 Sic ait: atque illi trepida formidine capti 200  
 Expediuntque boves, fusique altaria circum  
 Neptuno pia vota ferunt: confurgit Ulysses  
 Excitus interea somno, nec litus amatum,  
 Nec patriae optatos longo post tempore fines  
 Aspiciens noscit: circum Tritonia Pallas  
 Nam caelum nebula nigranti offuderat, omnes  
 Falleret ut veniens, utque illum diva doceret;  
 Ne prius uxoti neu caris visus amicis  
 Ille foret, quam caede procos multasset acerba.  
 Propterea facies late mutata locorum 210  
 Tota videbatur, diversaeque semita ad urbem  
 Portusque scopulique atque ipsa virentia prata  
 Arboribus versis. stetit ille, ac lumina volvens  
 Prospectumque petens late omnem & litora lustrans  
 Flevit, & ingenti concussus corda dolore  
 Percussitque femur manibus vocemque profudit.

Heu

Heu mihi quas hominum terras, ignotaque rursus  
 Litora deveni? crudelibus effera coepris,  
 An iusti rectique tenax gens hospita degit?  
 Has ubi divitias condam? quonam ipse viarum 220  
 Ignarus ferar? o cur me Phaeacia tellus  
 Non habet? alterius vel saltem tecta petissem  
 Magnanimi regis, qui me juvisset amico  
 Hospitio exceptum, & patrias misisset ad arces.  
 Nunc autem haud novi, qua munera parte recondam,  
 Nec tamen heic aliis furtim tollenda relinquam.  
 Me miserum! non tuta satis Phaeacibus ergo,  
 Nec fuerat mens aequa? alias per caerula ad oras  
 Advexere, licet sponderent litora amatae  
 Cara Ithacae: promissa fides en irrita cessit. 230  
 Juppiter hospitibus miseris qui praesidet, ipsos  
 Ultor agat: vindex scrutatur pectora iustus....  
 Ille hominum, meritasque capit pro crimine poenas.  
 At nunc praestat opes, totamque invisere gazam,  
 Ne mihi quid secum abstulerint fugiente carina  
 Longe iter ingressi. dixit; rutilosque lebetas,  
 Ac tripodas, fulvumque aurum, vestesque recenset  
 Enumerans. quae salva videt quamquam omnia, tristes  
 Non tamen absistunt curae: percussus amore  
 Ingemit heu patriae, & resonas procedit ad undas 240  
 Multa dolens, lacrimisque rigans humentibus ora.  
 Huic virgo tum nata Jovis tulit obvia sese  
 Omnia pastori similis, cui prima juvenus  
 Spargit flore genas, quales regalia gnati  
 Germina formosi pubescunt oris honore.  
 Ex humeris nodo duplicem suspendit amictum,  
 Puniceisque alte furas evincta cothurnis  
 Tela manu crispat. quam primum ut vidit Ulysses  
 Ob-

Obvius aggreditur, laetoque ita pectore fatur:  
 O juvenis, primum te quando in litore solo 250  
 Aspicio, salve o facilis, meaque omnia, meque  
 Respice jam servaque. ego te ceu numen adoro  
 Aetherium, votisque vocans, genibusque volutans;  
 Fare etiam ignarumque doce, quae nomine tellus,  
 Quive habeant homines? medio circumflua ponto  
 Insulane, extremæne sinus telluris in undas  
 Continuo. heic tractu vergit, pelagoque residit?  
 At dea quaerenti: vel te dementia versat,  
 Hospes, ait, vel longa procul, si talia nescis,  
 Huc via te duxit. non haec ignobilis ora, 260  
 Aut adco deserta: ipsam novere, quot almam  
 Auroramque vident gentes, solemque cadentem  
 Parte sub adversa, qua nox fert atra tenebras.  
 Terra quidem praerupta, citisque haud apta quadrigis,  
 Nec sterilis tamen est, aequato ingentia quamvis  
 Haud pateat per prata solo. fert ubere gleba  
 Et cererem & bacchi latices, ac semper abundans  
 Imbribus irriguis florentique uvida rore  
 Educat & silvas late, dumisque virescens  
 Optima caprigeno pecori est & bobus alendis. 270  
 Quin & Pergameas ingens pervenit ad arces,  
 Quas procul hinc perhibent distare ab Achacide terra,  
 Fama Ithacae. sic fata dea est: at pectus Ulyssæi  
 Gaudia pertentant subito; nomenque volutans  
 Auditum ficto sic rursus exorsus ab ore est;  
 Nec sese prodiit tamen ipse, in pectore vafro  
 Vera tēgens, longaue ita rerum ambage reponit.  
 Audieram famamque Ithacae nomenque paterna  
 Trans pontum in Creta longe: nunc aequora mensus  
 Parte ego cum gazae veni, partemque reliqui 280  
 Effu-



Effugiens aliam gnatis, post caede peremptum  
 Idomenei genus Orfilochum, quo vincere cursu  
 Nullus erat melior juvenum Dyctaea per arva.  
 Me rabie infestus voluit nil tale merentem  
 Exuere Iliaca praeda, quam propter acerba  
 Bella virum, multosque tuli per caerula casus,  
 Quod non sponte suo famularer ad alta parenti:  
 Pergama, victricesque agerem dux ipse catervas.  
 Sed prior hunc magno confossum vulnere stravi  
 Insidians, campis dum fera nocte redibat 290  
 Obscurum per iter. nox atra ingentibus umbris  
 Me circum fidumque una complexa sodalem.  
 Eripuit spectantum oculis; furtoque potitus  
 Delitui. postquam ferrum trans pectus adegi,  
 Phoenicum ad navem properans vestigia torsti,  
 Oravique viros magna mercede paciscens,  
 Ut secum ad Pylîi veherent me litoris oram,  
 Elidave insignem, cui gens dominatur Epacûm.  
 Quum subito insurgens validi vis aspera venti  
 Abripuit longe miseros, nec sponte volentes 300  
 Fallere. sic caeco per noctem errore viarum  
 Venimus huc acti; portuque subivimus alto.  
 Praecipites. non cura dapes subit ulla parandi  
 Jejunis longum, sed fessi in litore corpus  
 Sternimus, ac somno lassos componimus artus.  
 Heic me grata quies miserum decepit; at illi  
 Interea eductis opibus, quaecumque fuere  
 Devectae, positisque, ubi stratus membra fovebam,  
 Effugiunt, ventisque petunt spirantibus arces  
 Sidonias: vacuâ moerens ego linquor in acta. 310  
 Dixerat: insignis glauco dea lumine risit,  
 Permulsitque manu nivea; tum virginis ora

Ora habitumque gerens pulcræ, cultaeque per artes  
 Egregias, tali mutata est voce loquuta.  
 Jam nimium vafer ille foret, qui vincere cumque  
 Speraret te posse dolis, licet obuius adsit  
 Vel deus aethereo caeli delapsus ab axe.  
 Improbe! sicne adeo nequidquam fraudibus usque  
 Indulgens ficta perges mendacia lingua  
 Redditus & patriis jam tandem sospes in oris 320  
 Texere, cara tibi primis quæ semper ab annis?  
 Quin age mitte dolos: nostrum scit fallere uterque  
 Vana ferens; homines inter tu maximus omnes  
 Consilio polles, contra dis omnibus ipsa  
 Ingenio praeſto. nec tu me Pallada nosti  
 Horrisono Jove rege ſatam, quæ caſibus adſto  
 In duris tibi fida comes, praeſensque periclis  
 Incolumem ſervo? non & Phaeacibus eſſe  
 Te volui nuper carum? delapſa ſereno  
 Nunc iterum caelo veni, ne munera quiſquam 330  
 Surripiat, quæ multa tibi mea jufſa ſequuti  
 Phaeaces dederunt. quin & quot fata dolores  
 Sedibus excepto patriis ſtatuerę ferendos,  
 Expediam dictis. omnes tu pectore ſerto  
 Indomito; nullus vel mas vel conſcia duri  
 Femina ſit redditus: quaevis convicia preſtat  
 Saeva virum, triftesque vices ſuperare tacendo.  
 Huic Ithacus: quis te mortali ſemine cretus  
 Diva queat cognoſſe, vafer ſit quamlibet uſu,  
 Tot facies hominum mutas, tot vertis & ora? 340  
 Novi equidem expertus, quanto mihi ſaepe fuiſti  
 Auxilio ad Trojam dura inter praelia Grajum.  
 At Priami poſtquam celſam populavimus urbem,  
 Avectosque cavis ratibus diſjecit Achivos

Per

Per freta lata deus, numquam te maxima vidi  
 Adstantem puppi in celsa curasque levantem.  
 Heu quantum ignotis erravi in fluctibus acrem  
 Corde fovens luctum, donec solvere periclo  
 Me faciles tandem superi. Phaeaces adire  
 Tu, fateor, me diva tuo cum numine sancto 350  
 Jussisti, ac melius miseris confidere rebus.  
 Nunc te per genitorem oro ( nam dulcia nondum  
 Regna Ithacae tetigisse reor, verum avius oris  
 Nescio quis jactor longe; tuque ipsa videris  
 Ludere deceptum, memoras dum talia fando )  
 Dic age, num patriae tetigi jam litora cara?  
 Talibus orabat; quum sic Tritonia virgo  
 Orsa loqui: idem animus semper tibi pectore vafro,  
 Mensque eadem perstat non ullis fracta periclis.  
 Nec potui idcirco tantis in casibus actum 360  
 Linquere, nec potero: nostro te numine dignum  
 Ingeniumque animusque facit visque aurea linguae.  
 Namque alius rediens per tot discrimina rerum  
 Arderet gnatosque domi nuptamque videre  
 Optatam: nil ipse petis, nec scire laboras  
 Scilicet ante, tuae veniens quam pectora coram  
 Conjugis experiare. illa abdita moeret in altis  
 Aedibus; ingratae totaeque ex ordine noctes  
 Dispereuntque dies suspiria crebra cienti.  
 Omnia certa mihi fuerant; sociisque sciebam 370  
 Amissis reditum dulcem tibi fata parare.  
 Non tamen & volui patruum contendere contra  
 Indomitos alto volventem corde furores,  
 Infestumque tibi rapto pro lumine nati.  
 Ac ne vana putes mea dicta, en aspice sedes  
 Jam patrias: ingens portus Phorcynis in illa

Caerulei stat parte senis; viden ardua ramos  
 Explicat ut patulas mihi sacra in vertice oliva?  
 Subter Naiadum domus atro horrescit hiatu  
 In latere excisae rupis, latet undique septa 380  
 Arboribus spelunca, ubi tu sollemnia nymphis  
 Vota dabis lectas statuens de more bidentes:  
 Neriton en illic nemoroso vertice surgit.  
 Haec ubi fata, scidit nebulam; tum visa refulsit  
 Terra viro, patriique soli dulcedine motus  
 Exiit, gaudensque suae dedit oscula terrae:  
 Extulit & vocem, tendens ad sidera palmas.  
 Nymphae Naiades, proles Jovis, o mihi nulla  
 Visere quas fuerat jam spes, nunc omnibus auctae  
 Laetitiis salvet deae, mea munera vobis 390  
 Semper erunt, virgo tantum sinat orta Tonante  
 Vivere me, natumque suo mihi numine firmet.  
 Talia fundebat supplex, quum caesia diva:  
 Fide, ait, haec tacitum nec pectus cura fatiget.  
 Ac primum advectas parte interiore sub antro  
 Umbroso condamus opes, ubi salva manebunt  
 Omnia; dein pacto quo sint videamus agenda  
 Cetera, uti recte cedant. nec plura loquuta  
 Antrum immane subit, latebrasque inquit in antro,  
 Dum propius subvectat opes Laërtius heros, 400  
 Caelatumque aurum, fulgentique aere lebetas,  
 Et picturatas Phacacum munera vestes.  
 Ordine cuncta locat, lapidemque ante ostia Pallas  
 Ingentem advolvit: tum se viridantis in umbra  
 Ambo oleae stravere sacra fatumque struentes  
 Perniciemque procis, & sic prior orsa Minerva est.  
 Laërta generate, deum certissima cura,  
 Quo juvenes leto, quibus aggrediere vel armis,

Con-

Consule. tres adeo totos in sedibus annos  
 Imperitant, sociamque tori pervertere tentant 410  
 Muneribus. manet illa quidem, teque anxia luges,  
 Dum redeas, vanaque simul spe pascit amantes,  
 Verbaque dat miseris; aliudque in pectore versat.  
 Heic Ithacus: proh diva, inquit, ceu major Atrides,  
 Nescius heu nostri periissem in limine tecti,  
 Ni me cuncta prius monuisses. quin age dicas  
 Alma precor, si qua possim vi perdere fontes?  
 Adsis o lateri nostro comes, & mihi robur  
 Inviclum da diva: tuo jam numine fretus  
 Non ego tercentos dubitem vel posceré in arma 420  
 Saeva viros, nil non ausim tanta auspice mecum.  
 Quae contra Pallas: tecum comes addita semper  
 Ipsa adero, trepidos nec me sine fortis in hostes  
 Infilies, quum tempus erit: jam jamque cerebro  
 Spero equidem, & sparso tincturum sanguine terram  
 Invisa de gente aliquem, poenasque daturum  
 Pro scelere. ut vero venientem agnoscere nemo  
 Mortalis te possit, ego squallentia reddam  
 Membra prius formosa, & flavos vertice crines  
 Eripiam, circumque humeros sordentia ponam 430  
 Tegmina. tum pulcra radiantia lumina fronte  
 Suffundam tenebris, ne cui noscare procorum  
 Sordidus, uxorive tuae gnatoque relicto.  
 Tu vero hinc subito pastorem jussus adibis,  
 Nigrantes qui rure sues tibi servat, & idem  
 Teque tuosque colit magno complexus amore  
 Jam senior. celsa invenies sub rupe sedentem  
 Ad Corvi scopulos, Arethusae dulcis & undas,  
 Illicam frangunt ubi glandem & flumina potant  
 Nigra sues, multaque aucti pinguedine florent. 440  
 Illic

Illic tardatus vario sermone morare,  
Ipsa procul celero dum pulchrae ad moenia Sparta  
Telemachum ductura tuum genus, acer Ulyssæu,  
Regia qui flavi Menelai ad tecta profectus  
Te quaerens reditumque tuum Lacedaemone degit  
In viridi: sic diva; refert cui protinus heros:  
Cur non heu miserum docuisti haec omnia; an altis  
Ferret ut ingentes curas in fluctibus errans  
Ipse etiam, dum tecta fero vastantur ab hoste  
Sola relicta procis? non hic dolor haereat imo, 450  
Pallas ait, sub corde tibi; mea dicta sequutus  
Est ingressus iter, referat sibi nomen ut ingens  
Huc rediens. nil triste timet, sed lentus Atridae  
Assidet in tecto, & laetatur divite mensa.  
Interea insidiis juvenes, quam litora tangat  
Fida redux, tentant prius illum perdere leto;  
Nec tamen & perdent: aliquis de gente nefanda  
Ante cadet, moriensque solum premet ore cruento.  
Haec dea fata, ipsum virga percussit, & omnes  
Reddidit arentes tenuati corporis artus, 460  
Flaventemque comam capitis, lumenque juventae  
Abstulit, inducens rugas habitumque senilem,  
Turpavitque oculos & diae lucis honorem.  
Dein aliam tunicamque aliumque imponit amictum  
Sordentem lacerumque & fumi uligine plenum;  
Aptat & ingentis circum spolia horrida cervae,  
Nodosumque manu baculum; curvisque pudendam  
Subligat ex humeris perfossamque undique peram  
Tortile cui pendet lorum. queis rite peractis  
In diversa abeunt: Pallas visura relictum 470  
Telemachum sublimis adit Lacedaemonis arces.

# HOMERI ODYSSEAE

## LIBER QUARTUSDECIMUS.

**D** Igreditur portu, perque alta cacumina Ulysses  
 Carpit iter durum septumque horrentibus umbris,  
 Qua dea monstrarat; jussusque ad limina tendit.  
 Pastoris fidi ante alios, quoscumque pararat.  
 Vestibulo hunc reperit primo tum forte sedentem,  
 Gramineo in tumulo surgens ubi caula nitebat  
 Pulcraque, & ingenti circum spatiosa meatu,  
 Quam rege ignaro senior, nec tale jubente  
 Laërta, aut domina quidquam, perfecerat ipse  
 Sponte sua e saxo, lateque obduxerat omnem 10  
 Sepibus, hinc densos atque hinc ex ordine vallos  
 Infigens nigro dissectae e robore quercus.  
 Heic quoque setigero pecori discreverat intus  
 Proxima sese inter bisseña cubilia: matrum  
 Quinquaginta aderant foetarum corpora septo  
 Magna suum sub quoque; mares tellure cubabant  
 Haud totidem caulas extra. namque improba multos  
 Turba procum dapibus largis epulata vorarat;  
 Ipse quibus custos semper deducere in urbem  
 Jusserat ex omni numero, qui pinguior esset 20  
 Ante alios; soli tercentum ex agmine stabant  
 Ac decies seni. vicini ad tecta jacebant  
 Ore canes quatuor villosi, eduxerat acres  
 Quos sibi praesidio senior gregibusque futuros.  
 Tum laeves ocreas plantis aptabat acuto  
 Incidens ferro corium, diversaue vernae

Ad

Ad loca se tulerant: tres pascua in alta sequuti  
 Serigeros de more fues, at quartus in urbem  
 Iverat ille procis invitus munera portans  
 De grege, queis epulas properent largeque fruuntur. 30  
 Continuo vis dira canum latratibus instat,  
 Ut Laërtiadem venientem aspexit: at ille  
 Sedit humi subiens astu, baculumque remisit.  
 Fors quoque & indigno sensisset vulnera morsu  
 Ante suum stabulum, celerans ni protinus ipsi  
 Adforet auxilio custos: huic secta ruenti  
 E corio dispersa huc atque huc vincla cadebant.  
 Jamque alto clamore canes simul increpat ardens,  
 Saxa simul torquet, visumque affatur Ulyssem:  
 O senior, te dente fero quam pene minaces 40  
 Invasere canes: indigno vulnere laesus  
 Heu misero nova cura fores! sat multa dedere  
 Dura mihi, luctusque alios di semper habendos.  
 Nam regis me torquet amor, quem moestus acerbis  
 Fletibus indulgens suspiro, armentaque servo  
 Haec aliis mactanda: procul regna invia lustrans  
 Exsul inops, mensae fors ille, atque indigus errat  
 Auxilii, si vivit adhuc & vescitur aura.  
 Quin sequere o, limenque subi progressus amicum,  
 Ut cereris post dona satur laticisque lyaei 50  
 Expedias, qua parte venis, quae saeva fatigat  
 Dein miserum fortuna? haec dicens intulit ultro  
 Accitum angusti subter fastigia tecti,  
 Effultumque toro molli, stratisque locavit  
 Frondibus, atque ferae villosa in tergore caprae,  
 Fessus ubi recubet placide. laetatus Ulysses  
 Hospitio tali: magnus tibi Juppiter, inquit,  
 Dique alii, quae vota foves in corde, secudent  
 Omnia;



Omnia; sic alacer qui me nunc excipis hospes.  
 Dixerat; Eumaeus contra: non spernere quemquam 60  
 Fasque piumque sinit, non si quis limina ad ista  
 Deterior veniat: Jovis alto numine gaudent  
 Errantesque inopesque omnes. sunt munera nostra  
 Parva quidem, sed cara; timor famulantia corda  
 Pubere sub domino prohibet dare magna petenti.  
 Illum autem a patria longe vis saeva deorum  
 Distinet, ingenti qui me complexus amore  
 Largus opesque mihi proprias, sedesque parasset,  
 Ac ditem thalami sociam; quae munera fuerunt  
 Multa laboranti famulo concedere reges, 70  
 Cui facilis deus auctat opus, velut omnia nobis  
 Aucta fovet servatque. idcirco multa tulissem  
 Praemia, si patriis idem senuisset in oris.  
 At periit: genus omne utinam de stirpe revulsum  
 Sic Helenae Argivae pereat, quam propter Achivum  
 Millia tot leto cecidere. Agamemnonis arma  
 Ille etiam famamque sequens per caerulea ponti  
 Laomedontaeae petiit certamina Trojae.  
 Sic ait, & nodo laxum succinctus amictum  
 In resonam contendit haram, geminosque reportans 80  
 In manibus foetus jugulum ferit acer utrique,  
 Imponitque igni, verubusque infigit acutis  
 Dissectos. jamque exta ferens fumantia flammis  
 Dat subito, transfixa duci, cerealiaque addit.  
 Spargens dona super, tum dulci munere bacchi  
 Spumantem large solidum cratera coronans  
 Confidit contra, dictis ac talibus inquit.  
 Utere nunc epulis, ipsi queis utimur, hospes,  
 Paupere contenti victu: vorat improba pubes  
 Ingentes affusa fues impune, nec ullum

Fas verita. oderunt sed enim facta effera divi,  
 Justitiam rectumque suo dignantur honore.  
 Certe etiam bello quum rura aliena domosque  
 Gens inimica rapit, praedamque ad litora vertens  
 Navibus imponit, cursum molita per undas  
 Effugit, atque eadem furti non immemor umquam  
 Ultrices metuit poenas dextramque sequentem.  
 At contra hi juvenes, moniti ceu voce deorum  
 Exitium regis noscant, nec jura verentur  
 Connubii, nec tecta volunt sua quisque redire; 100  
 Sed resident, certantque imo res perdere fundo.  
 Nam quotquot veniunt luces quotque ordine noctes  
 Ab Jove, caesa fero cadit illis victima ferro  
 Plurima; large epulis gaudent siccantque lyaeum.  
 Ingens gaza fuit quondam: nec ditior heros  
 Alter erat, quotquot vastas trans aequora terras,  
 Aut Ithacam coluere; opibus quin anteit amplis  
 Bisdenos censuque potens. jamque omnia labor  
 Enumerans, si forte vacant sermonibus aures.  
 Olli trans fluctus bisfena armenta vagantur, 110  
 Bisfenique greges ovium, totidemque caprarum,  
 Atque suum: patria delecti e pube magistri  
 Omnibus, externique simul. pascuntur in oris  
 His etiam late pingues undena per agros  
 Agmina caprigeni pecoris: custodia fida  
 Advigilat, semperque procis ex agmine lectam  
 Quisque suo pecudem jussus fert pastor in urbem.  
 Ipse autem has pascoque fues & grandia servo  
 Haec stabula, invitusque isdem submittere cogor,  
 Optima quae pingui turgescit corpore, praedam. 120  
 Dixerat: ille autem tacitus fruiturque paratis  
 Raptim epulis, hauritque merum sub corde volutans  
 Fata

Fata procis. at postquam animi satiata cupido  
 Jam dapibus fuerat largis, nova vina refundit  
 Ingentem in cyathum, focioque haud tardus Ulysses  
 Porrigit undantem gaudenti, atque ore profatur:  
 Eja age fare, precor, quis te sic inclitus heros,  
 Ut memoras, divesque sibi rebusque paravit  
 Ipse suis pretio captum? quemque arma sequutum  
 Atridae occubuisse putas? dic o mihi nomen 130  
 Illius: aetheria caeli scit Juppiter arce,  
 Dique alii, vidisse usquam si nuncius adsim  
 Hinc procul errando, multasque advectus ad urbes.  
 Talia quaerebat; stabuli quum talia custos  
 Reddidit Eumaeus: non haec persuadeat ullus  
 Uxorive suae, natove huc advena fatis  
 Adveniens; multi jam pridem vana ferentes  
 Nuncia, fraude mala petierunt praemia fontes.  
 Namque Ithacae quicumque vagus defertur ad arva,  
 Continuo alloquitur reginam & pectore ficto 140  
 Vana ferens ludit cupidam. fovet illa receptos  
 Hospitio facili nequidquam, & multa requirens  
 Flet misera, & longo tabescit perdita luctu,  
 Conjugis ut cari fato solet anxia conjux.  
 Tune etiam vano fingens mendacia corde  
 Talia nunc referas, si quis pro munere laenam  
 Praebeat, aut inopi tunicam? procul occidit ille,  
 Alitibusque feris canibusque inhumata per agros  
 Praeda jacet; gelidos liquit jam spiritus artus:  
 Vel tumido mersum raptant sub gurgite monstra, 150  
 Ossaque litus habet, cumuloque ingentis arenae  
 Pressa regit. duro sic fato raptus amicos  
 Perdidit heu cunctos, & me miserum super unum  
 In primis. neque enim facili tam pectore regem

Inveniam; quocumque ibo; non testâ parentum  
 Dulcia si repetam, nascens ubi lumina vidi  
 Prima puer, teneroque fui nutritus in aevo.  
 Nec verò patriae tantum percussus amore  
 Optatamque domum notosque revisere fines  
 Discupio, quantum longo post tempore Ulysses : 160  
 Anxius huc reducem, cuius vel dicere nomen  
 Vix ego sustineo veritus: sic semper amavit,  
 Scilicet ac toto complexum pectore fovit.  
 Quin ipsum dicam fratrem, dignandus & absens  
 Nominè nimirum tali est. tunc dius Ulysses:  
 Tu licet haec illum non umquam ad litora dicas  
 Venturum, fixumque animo stet credere nulli,  
 Hospes, ait; contra jam nunc tamen ipse futurum  
 Et reor, & superum testatus numina magna  
 Polliceor; nec dona moror. postquam ille penates 170  
 Redditus attigerit, tunc me tunicaque recenti  
 Lactus, & insigni meritum donabis amictu.  
 Nil prius accipiam quamquam indigus: acrius odi  
 Namque Erebi foribus, mendax qui vana profatur  
 Pauperiem metuens duram. nunc audiat ergo  
 Juppiter omnipotens primum, mensaeque verendae  
 Quas adii, sedesque Ithaci patriique Penates;  
 Evenient, quaecumque canam: Laërtius heros  
 Hoc aderit labente anno; quin menstruus orbis  
 Hic simul occiderit, primoque refulserit ortu 180  
 Alter agens lucas, ille alta in testâ redibit  
 Penelopen ultus natumque indigna ferentem.  
 Cui subito Eumaeus: non haec ego munera solvam  
 Debita, non Ithacus veniet: tu plena quietus  
 Pocula nunc hauri potius, nec talia fando  
 Commemora, o senior. tristi nam pectore luctus  
 Ingruit;

Ingruit heu misero, quoties audita recurſat  
 Eximii regis pietas & cognita virtus.  
 Deſine teſtari ſuperos: at fortis Ulyſſes  
 O veniat, mecum ipſa velut regina preatur, 190  
 Laërteſque ſenex, & Telemachus ſimilis diſ.  
 Nunc etiam carum genus alto e ſanguine regis  
 Heu queror illacrimans juvenem; quem numina poſtquam  
 Florentem eduxere: ut pulcra ex arbore rami,  
 Jamque forte heroas inter non oris honore  
 Non animis ipſo rebar genitore minorem;  
 Incautum ſine mente egit ſeu laeva deprum;  
 Sive etiam viſ dira hominum. nam ceſſit in almam  
 Ipſe Pylon patriae ſcitatum nuncia famae;  
 Et nunc ſaeva prociſum pubes in gurgite tentat 200  
 Excipere inſidiis reducem, ſine nomine ut omnis  
 Intereat multos Ithacae dominata per annos  
 Stirpibus ex imis evulſa Arciſia proles.  
 Quod dederit forſ cumque, cadat; ſeu barbara captum  
 Viſ rapiat juvenem, dextra ſeu Juppiter aequus  
 Ipſe ſua potius ſervet; jam fare viciffim  
 O ſenior curaque tuas durumque laborem;  
 Sanguine quo cretus, queis & devectus ab oris,  
 Quave rate, ac nautae qua ſe de gente ferebant,  
 Expedias; oro; neque enim late undique ponto 210  
 Clauſa loca haec peditem potuiſſe attingere credo.  
 Haec ait; atque heros: fuerint quaecumque, fatebor  
 Vera, inquit; longo modo copia tempore nobis  
 Sufficiat, bacchique liquor, menſiſque paratae  
 His maneant epulae lentos, & cetera teſtis  
 Digrediens, ceu ſueta, petat ſua munera pubes.  
 Namque ego (vera loquor) totum nec feſſus in annum  
 Expediam ſando, miſero quae triſtia divi

Atu-

Attulerunt, quantos statuere & volvere casus.  
 Sum patria e Creta, diti genitore creatus, 220  
 Atque alii pueri tectorum in sedibus isdem  
 Legitima prognati aderant e conjuge multi.  
 Me vero pellex genuit captiva, nec aequus  
 Absimili genitor tenerum dilexit amore  
 Castor Hylacides, qui nostri est sanguinis auctor,  
 Ille deum quondam parili dignatus honore.  
 Cressa per arva opibus florens gnatique beatus  
 Magnanimis. ipsum sed postquam fata tulere  
 In stygias raptum tenebras, sua quaeque relicti  
 Divisere sibi, & partem cepere bonorum 230  
 Sortibus eductis nati: mihi pauca dedere  
 Ingenti de gaza, & solas insuper aedes.  
 Parta tamen virtute mihi ditissima conjux  
 Obrigerat; neque enim fueram vel futilis auctor  
 Consiliis habitus, nec bello segnis, & armis.  
 Omnia nunc periire aevo dilapsa; sed ipsa  
 E stipula qualis fueram cognoscere possis  
 Olim in flore: ingens fractos fitus occupat artus.  
 Fecerat audacem Mavors cum Pallade, & ambo  
 Addebant animos, quoties delecta virorum 240  
 Robora ad insidias ducebam fata minatus  
 Hostibus adversis. numquam mors terruit atra  
 Hanc animam; antevolans longe sed primus in hostem  
 Spicula torquebam, medioque ex agmine caesa  
 Corpora raptabam pedibusque & robore fretus.  
 Talis eram bello: placuit non arva tueri,  
 Non opera exercere, quibus laetata renidet  
 Aucta domus, clari & crescentia germina gnati;  
 Sed celeresque mihi naves, & cara fuere  
 Praelia, ferrataeque hastae, laevesque sagittae 250  
 In

## LIBER QUARTUSDECIMUS. 247

In manibus semper; quae dura atque aspera vulgo  
 Visa aliis, horum nobis insequit amorem  
 Numen & ipsa trahens animo sua quemque voluptas.  
 Ante etiam Graji peterent quam moenia Trojae,  
 Lecta virum ratibus novies per caerula duxi  
 Agmina ad ignotas gentes; praedaeque potitus,  
 Quod libuit mihi cumque, prior sine sorte ferebam,  
 Deinde super pars aequa aderat. sic copia rerum  
 Creverat, & late patrias mea fama per urbes.  
 Hoc iter invisum sed quum Saturnius acer 260  
 Indixit, quo multa virum data millia leto;  
 Tunc validi legere ducem me Cretes, & una  
 Idomeneum classis venturae ad Pergama Attridis  
 Auxilio. via nulla aderat, qua iussa retrectans  
 Abnuere, & populi vim contra tendere possem.  
 Cessimus; atque novem bellando explevimus annos  
 Iliacos circa muros, decimoque profecti  
 Arcibus excisis Priami conscendimus aequor  
 In patriam; reduces disjecit numinis ira.  
 Ast aliud misero exitium fatale parabat 270  
 Juppiter: optata vix namque in sede moratus  
 Per mensem expleram dulci me prolis amore,  
 Conjugis & carae donis, opibusque, domoque:  
 Quum subito Aegypti ad fines malus impulit ardor  
 Vela dare, ac pelagi tentare pericula rursus.  
 Jamque novem stabant puppes, & multa ruebat  
 Undique vis juvenum. tum sex ex ordine luces  
 Incubuerunt epulis fusi per litora nautae;  
 Multa quibus capita ipse boum mactanda pararam  
 Et superis ad dona satis dapibusque futura. 280  
 Septima lux aderat, Cretaeque protinus arva  
 Deferimus, borea classem, velut amne secundo,  
 Veli-

Velivolam raptim pelagi per plana ferente.  
 Nulla mihi periit navis, nec fracta labore  
 Ingemuit pubes; sed longa ad transtra sedebat  
 Composita, & rector cursum ventusque regebant,  
 Incolumis quinta classis dum luce Canopum  
 Attigit, ac laeta fluvii statione resedit.  
 Heic ego continuo socios subducere puppes,  
 Atque agere excubias moneo; conscendere partem 290  
 In speculas, finesque hortor lustrare patentes.  
 Illi autem elatique animis fastuque superbi  
 Niliacis latos vastant cultoribus agros,  
 Captivasque trahunt matres puerosque gementes  
 Per mediam caedem. nec jam mora: rumor in urbem  
 Ocius advenit, populosque excivit ad arma.  
 Erumpunt roseae sub lumina prima diei  
 Agmine conferti magno: tremit excita pulsu  
 Terra equitum peditumque gravi, galeaeque minaces  
 Solis inardescunt radiis, atque aera coruscant. 300  
 Tum pater ipse deum molitus fulmina dextra  
 Immisitque fugam sociis, trepidosque coëgit  
 Terga dare: haud ullus firmato pectore contra  
 Stare valet, certamque intentant omnia cladem.  
 Pars ferro transfixa cadit, pars viva meorum  
 Abripitur captiva procul subituraque triste  
 Servitium; miserans me vero aspexit ab alto  
 Juppiter. o potius cecidissem stratus arenis  
 In Phariis, alia ex aliis nec fata subissem!  
 Tunc aliter visum: galeam cristasque comantes 310  
 E capite, eque humeris clipei septemplex orbem  
 Projicio, dextraque hastam; tum regis ad ipsum  
 Obvius ingrediens currum, supplexque prehensis  
 Oscula rite fero genibus. miseratus inermi

Dat



Dat veniam, flentemque suas deducit ad aedes  
 Ipsius invecum curru. volat aerea circum  
 Telorum interea nubes, affusaque turba :  
 Ardet in arma ferox, odiisque immanibus instat:  
 Ille vetat, cohibetque manu Jovis hospitis iram  
 Respiciens; scelorum saevit qui maximus ultor! 320  
 Septem illic annos mansi, gazamque coëgi  
 Aegypto in diti multam, cunctique ferebant  
 Dona viri. octavus vero simul adfuit annus  
 Mensibus exactis, jamdudum fallere fuerus  
 Aggreditur miserum Tyria vir gente profectus;  
 Isque dolis atque arte vaser persuadet ad oras  
 Sidonias, ubi testa olli, patriique penates,  
 Ire simul, cossi victus, Niloque relicto  
 Hospitio hoc alium subsedi lentus in annum  
 Sed postquam expleti menses labentibus horis 330  
 Invertere annum, secum devexit ad urbes  
 Me Lybicas idem, fraudem molitus acerbam  
 Scilicet, atque auro sperans ibi vendere multo  
 Conscendo, invitisque sequor mihi sacra parari  
 Damna timens. clarò fluctus aquilone secabat  
 Acta ratis Cretam, supra, mediamque tenebat  
 Lapsa viam; dirum contra Jovis ira parabat  
 Exitium miseris, nam Cretam ut liquimus; & jam  
 Nulla alia apparet tellus; caelum undique, & alta  
 Aequora, caeruleum subito Saturnius imbrem 340  
 Desuper effudit, tenebris & inhorruit unda  
 Intonuit simul ipse polo, simul igne corusco  
 Contorsit telum navem super: illa fatiscens  
 Volvitur, atque gravi late omnis sulfure fumat.  
 Excutitur pubes, pelagoque effusa marinis  
 Assimilis corvis fertur, reditumque fugamque

Fata negant. tristem me contra haud passus obire  
 Juppiter est, valido sed nanti e robore malum  
 Supposuit: manibus cui circum amplexus inhaesi  
 Jactatus ventisque undisque: ita fluctibus errans 350  
 Ipse novem exegi luces; vix denique nocte  
 Me decima advertit Thesprorum ad litora pontus.  
 Heic fessum ejectumque heros suscepit, & ultro  
 Praebuit hospitium Phidon. nam viderat unus  
 Ipsius e natis ut me fractumque labore  
 Atque hyeme horrentem, penetralia duxit ad alta  
 Ipse regens dextra, patriaque in sede locatum  
 Constituens duplicem per membra iniecit amictum.  
 Heic Ithaci audiivi famam; namque hospes ad oras  
 Tendentem patrias illum excepisse ferebat, 360  
 Et monstrabat opes, quas secum advexerat heros,  
 Caelatumque aurum, ferrique, aerisque corusci  
 Munera, queis decimum large quis dives abundet  
 Post genus: usque adeo rerum vis magna jacebat!  
 Illum autem ajebat scitatum oracula longe  
 Dodonam petiisse, Jovisque loquentia quercu  
 Numina ab aëria, patriae quo litora pacto  
 Clamne palamne adiens, longo post tempore visat?  
 Addidit & superos testes libamina fundens,  
 Deduxisse ratem sese, pubemque parasse, 370  
 Quae reducem caras Ithacae comiterur ad arces.  
 Ipse prior solvi: Thesprotum namque carina  
 Dulichium Cereri sacrum tum forte petebat;  
 Magnanimo & missum regi me jussit Acasto  
 Reddier incolumem. nautas at dira cupido  
 Continuo invasit scelerata mente furentes,  
 Ut nova me saevo premeret fortuna labore.  
 Namque ubi, deserta tellure, per aequora fugit

Lapfa

Lapſa ratis, mihi triſte jugum captivæque collo  
 Vincla parant, lænaque meo de corpore rapta 380  
 Ac tunica, imponunt lacerum, quem cernis, amiſſum.  
 Poſtquam autem tenuere Ithacam ſub veſpere ſero  
 Implicuere arcto nexu; ſimul ocius ipſi  
 Certatim egreſſi ſtruxere in litore menſas.  
 Interea mihi fracta cadunt e corpore vincla  
 Vi ſuperum: raptis caput ipſe & tempora circum  
 Veſtibus obnubi, claviq; per alta volutus.  
 Robora caeruleas prono me pectore in undas  
 Demiſi, fugique natans diverſa ſequutus  
 Litora; tum nigra ſubiens nemus ilice denſum 390  
 Delitui ſtratus. trepidos hac tendere & illac  
 Vidi ego nequidquam nautas, ſletuſque ciere  
 Mocrentes iramque inter magnumque dolorem.  
 Nec tamen ulterius proſugum ſtat quaerere: ſolvunt  
 Vela notis, altumque petunt. ſic numine tutus  
 Praedonumque manus fugi, placidoque receptus  
 Hoſpitio heic tantique viri ſervatus amore  
 Vivam equidem, neque adhuc mergar fatalibus umbris.  
 Dixerat; ac ſtabuli cuſtos: quis temperet, inquit,  
 A lacrimis, miſerande hoſpes, tam dura ſerentem 400  
 Aſpiciens, tantis fortunæ fluctibus actum?  
 Dixiſti quaecumque tamen male ſidus Ulyſſei  
 De reditu, ſuſpecta mihi; quid fingere talem  
 Heu juvat? optatos, video jam certus & ipſe,  
 Fata mei reditus prohibent crudelia regis,  
 Quem neque in Iliacis pugnantem occumbere campis,  
 Nec voluere ſuos inter poſt bella reverſum  
 Oppetere: exſtincto poſuiſſet Graecia buſtum,  
 Manſiſſetque loco nomenque & fama perennis,  
 Solamen gnato: ſed non ea gloria fato 410

Contigit: harpyiae miserum sine nomine raptant.  
 Tristis ego heic sedeo custos, surgentiaque urbis  
 Moenia numquam adeo, prudens nisi forte vocatum  
 Penelope jubeat, si quando nuncius olli  
 Advenit. extemplo circumstant undique visum,  
 Scitarique ardent, veniendi & discere causas:  
 Hi moerent, casuque dolent absentis Ulyssæi;  
 Illi opibus gaudent grassari impune potiti.  
 Sed mihi nil animo carum jam quaerere ab illo  
 Tempore, quo vanum fugiens post caede peracta 420  
 Aetola de gente fatus decepit, & isdem  
 Sedibus his mecum, multis regionibus actus,  
 Constitit hospitio tandem laetatus amico.  
 Ille sibi in Creta visum narrabat Ulyssæm  
 Idomenei in tectis diffracta furentibus undis  
 Robora supplemtem classi; primoque sub ortu  
 Autumni, aut etiam venturum aestate ferebat  
 Cum fociis opibusque ingentibus: irrita frustra  
 Dicta abiere vagas jamdudum sparsa per auras.  
 Ergo age tu senior, quando huc te fata tulere 430  
 Desine velle movens mea blandis pectora verbis  
 Fallere; non ideo merito dignabor honore,  
 Sed veritus magnumque Jovem, tuaque aspera rerum  
 Fata dolens. haec ille: at contra exorsus Ulysses:  
 Sic adeo tibi nulla fides in pectore, dixit,  
 Certa fati, potui nec duram inflectere mentem  
 Numina testatus? quin dîs auctoribus isdem  
 Haec age jam pactis mancant rata foedera nobis.  
 Contigerit si forte tuum tibi visere regem,  
 Pollicitus pulcræ decoratum munere vestis 440  
 Dulichium mittes, quo me rapit ardor abire;  
 Sin ille haud redeat, nec sint mea nuncia vera,  
 Nil

Nil moror, arreptum celsa de rupe iubeto  
 Dejicere, exemplo metuant ut fallere nostro  
 Huc alii advehi. sic heros fatus; at ille:  
 Egregiam vero laudem famamque referrem  
 Vivus, ait, serisque olim post funera seclis,  
 Ipse ego qui placida nuper te sede recepi,  
 Si contra dulci spoliarem lumine vitae?  
 Qua tunc mente Jovem supplex in vota vocarem 450  
 Conscius admissi sceleris? sed tempora caenam  
 Jam poscunt, focique aderunt jam nota petentes  
 Limina, qui mensas epulis florentibus ornat.  
 Illi inter sese jactant dum talia, pastu  
 Interea rediere sues, quas fida juvenus  
 Protinus inclusit stabulo: septa omnia circum  
 Pugnantumque sonant graviterque in nocte rudentum.  
 Tum subito Eumaeus: qui pinguior omnibus, inquit,  
 O socii properate suem, lectumque sacro  
 Hospitis adventu mactans: epulabimur una 460  
 Nos etiam, longum quos cura exercet in annum  
 Sollicitos, nostroque alii sudore fruuntur.  
 Haec fatus, duro aggreditur resonantia ferro  
 Robora, quinquenni dum corpore ducitur ingens  
 Victima, procumbitque focis. super irruit ipse  
 Immemor. haud divum ( casta nam mente colebat  
 Justitiam ) raptasque alto de vertice setas  
 Ignibus imposuit sacris libamina rege:  
 Pro salvo superos omnes in vota precatus.  
 Dein feriit raptu dissectae fragmine quercus 470  
 Arduus affurgens: olli artus vita reliquit,  
 Itque cruor jugulo e secto, nidorque sub auras  
 Tollitur ambusti flammis. ubi tergora costis  
 Deripuit pubes, senior decerpere partem

Artu-

Artubus e cunctis mixta pinguedine cepit,  
 Injecitque foco falsis cum frugibus una.  
 Atque alia in veribus fixere, ignique dedere  
 Secta minutatim ferro; detractaque rursus  
 Omnia in ingenti posuere ardentia mensa.  
 Haec inter medius rectos in pectore sensus 480  
 Usque gerens senior confurgit, & omnia septem  
 Dividit in partes: vobis o Najades unam,  
 Unam Mercurio prognato Atlantide Maja  
 Ponit multa rogans; fociis dein ordine partem  
 Cuique suam postquam fuerat partitus, Ulyssem  
 Perpetui tergo suis, & dignatur honore  
 Praecipuo. ille autem praestanti munere laetus  
 Aggreditur meritum sic ore affatus amicum:  
 O utinam carus regi stellantis olympi  
 Sic vigeas, Eumaeae, vices dilectus ut ipsi 490  
 Huic animo, talem donis qui talibus auges!  
 Ille autem referens: dapibus nunc, optime, nostris  
 Utere, ait, rebusque fave non asper egenis;  
 Perficiet mihi vota, potest namque omnia, numen,  
 Abnuet & quaecumque volet; sic vertitur ordo.  
 Dixit, & in mensa primos libavit honores:  
 Caelicolis, pateramque dedit, confederat olli  
 Qui propior, magni Laërtae e sanguine creto.  
 Interea Cereris fert dona Mēsauius acer,  
 Quem quondam Eumaeus sibi rege absente pararat 500  
 Ignaroque Arcisiada, ipsa & Penelopea,  
 Eque suo pretium Taphiis persolverat aere.  
 Vescitur una heros, pastorum & rustica turba  
 Laeta epulis. ardor mox ut compressus edendi  
 Jam fuerat, collecta Mēsauius abstulit almae  
 Frustra citus Cereris; reliqui petiere cubile

Fru-

Frugibus & saturi tollis, & pinguibus escis.  
 Forte fuit nox atra horrenti frigore, & imber  
 Assiduus zephyris nōo serventibus axe  
 Ingruit; utque hyemem sensit male rectus Ulysses, 510  
 Voce senem blanda, stabuli cui credita cura,  
 Affatur, tentatque vaser, si qua daret arte  
 Ille sibi laenam victus, vel cogeret ullum  
 E fociis: nimium miseris in rebus amicum  
 Senserat, atque animi fidens effatur ab ore.  
 Accipe nunc, Eumaeae, & vos o cetera pubes;  
 Magna loquar de me. vesano in pectore Bacchus  
 Aestuat ille etiam curis ingentibus actos  
 Et cantare viros, & mollem solvere risum,  
 Incertoque adigens vestigia rollere saltu, 520  
 Edere & in tacito melius quod corde latebat.  
 Sed quoniam coepi fanda atque infanda profari,  
 Quo mens ipsa rapit, sequar ultro. o prima redirent  
 Tempora, & integro solidae mihi robore vires,  
 Quae fuerant quondam, Teucris quum Pergama circum  
 Struximus insidias Ithacusque & flavas Atrides,  
 Tertiū atque una socios dux ipse sequutus!  
 Moenia ubi celsae pervenimus ardua Trojae,  
 Circum urbem dumos inter ulvamque palustrem  
 Sub dio longis armati corpora scutis 530  
 Sedimus. interea borea bacchante rigeat  
 Horrida nox, gelidaeque nivis contexta pruina  
 Armaque, & aeratus clipei concreverat umbo.  
 Haec alii tunicis septi laenaque per artus,  
 Et clipeis humeros protecti e pectore somnos  
 Efflabant placida composti in pace per umbras.  
 Solus ego, fociis laena procul inde relicta,  
 Scilicet haud animo tantum ratus adfore frigus,  
 Indu-

Indutus tunicamque levem, parmaque superne  
 Constiteram rectus. jamque ut pars tertia noctis 540  
 Cesserat exactae, volventiaque astra cadebant,  
 Horrescens Ithacum, propior qui forte jacebat,  
 Admonui excitum cubito; nec segnius ille  
 Audiit haec fantem. jam me jam vita relinquit.  
 Heu glacie edomitum saeva graviterque rigentem:  
 Nescio quis tenui male tutum huc egit amictu  
 Caelicolum iratus; nec spes super ulla salutis  
 Vix haec. ille autem se notas vertit ad artes,  
 Consilioque valens pariter & fortibus armis,  
 Submissa sic voce refert. o comprime questus, 550  
 Ne quis te Danaum nunc audiat. atque ita fatus  
 In cubitum nixa cervice assurgit; & o vos  
 Audite, inclamat; juvenes, quae certa deorum  
 Visa monent: nimium longe processimus undis  
 A pelagi, medios inter versamur & hostes.  
 Nuncius ergo aliquis properans Agamemnona regem  
 Conveniat, plures velit huc si tendere gressum  
 Auxilio. sic ille: Thoas Andraemone cretus  
 Protinus exsiluit, rutilantem & murice laenam  
 Projiciens celeri petiit cava litora cursu. 560  
 Illius ipse autem posita tum veste potitus  
 Molliter accubui, roseoque effulsit Eoo  
 Alma diem referens stellis Aurora fugatis.  
 Talis ego si nunc florerem, & corpore vires  
 Incolumi starent, aliquis me tegmine pulcro  
 Motus amicitia pariter laudemque sequutus  
 Indueret. sed nunc frustra inglorius aevum,  
 Despectusque agito sordens in paupere cultu.  
 Desiit. Eumaeus contra: laus magna feretur  
 Haec tua jam senior; nihil es, ni rite loquutus. 570  
 Nec



Nec merita jam veste, aliis nec rebus egebis,  
 Conveniunt quaecumque tibi. mox crastina reddet  
 Quum lux orta diem, rursus mutata repones  
 Tegmina contectus propriis; non copia nobis  
 Quippe subest, duplicesque adsunt e vellere vestes:  
 Una viro data cuique. at postquam natus Ulysse  
 Huc aderit, tunicamque tibi chlamydemque nitentem  
 Ille dabit, mittetque alacrem, quo tendis abire.  
 Sic ait, ac surgens vicinum insternit ad ignem  
 Ipse torum, pecudumque ferens mollissima ponit 580  
 Tergora, qucis heros cubuit. tum fessa jacentis  
 Membra super magnam densato vellere pallam  
 Injicit, ipse olim qua sese involvere fuerat,  
 Horrida si quando tempestas frigora ferret.  
 Heic Ithacus somno jacuit, circumque juvenus  
 Cetera; non senior pariter, quem dura farigat  
 Cura gregis, sedesque vetat placidumque cubile  
 Incolere. arma citus, dum furtim aspectat Ulysses,  
 Miraturque fidem, tacitoque in pectore gaudet,  
 Ille rapit, primumque humeris accommodat ensen, 590  
 Dein chlamydem ventos contra munimen & imbres  
 Induit ingentem villosae terga retorquens  
 Longa caprae supra. tum demum hastile lacerto  
 Adversusque canes & furta inimica virorum  
 Corripiens tectis cessit, cubiturus & ipse  
 Curvata sub rupe, fues ubi frigore ab acri,  
 Et borea averfi, tranquilla in nocte jacebant.



## HOMERI ODYSSEAE

## LIBER QUINTUSDECIMUS.

**N**Ata Jovis virgo vastis Lacedaemona campis  
 Attigerat, magno patriac telluris amore  
 Telemachi jam diva parans incendere pectus,  
 Quem socio invenit cum gnato Nestoris una  
 Magnanimi Atridae celsa intra tecta cubantem  
 Vestibulo in primo. vinctum sopor altus habebat  
 Nestoriden; illum dulces non carpere somnos  
 Cura finit: stat fixa animo genitoris imago,  
 Sollicitoque dolor tristi sub nocte recurſat.  
 Cui dea tunc adſtans propior ſic voce loquuta eſt: 10  
 Sedibus a patriis nimium jam tempore longo  
 Lentus abes, cui linquis opes ac tecta ſuperbis  
 Plena procis? jam jam fundo ruet omnis ab imo  
 Vaſta domus, multoque tibi via ſtabit egenti.  
 Rumpè moras omnes, reditumque age fortis Atrides  
 Apparet, ut caram penetrali in ſede parentem  
 Invenias, prius illa patris fratrumque ſequuta  
 Imperia Eurymacho quam nubat: largior omnes  
 Muneribus ſuperat, dotemque exaggerat auſtu.  
 Heu vereor, ne furta parent, vacuoſque penates 20  
 Diripiant fruſtra invito. ſcis, femina quale  
 Ingenium ſub corde fovet: diſceſcere curat  
 Illa domum, quam nupta ſubit, natoſque priores  
 Conjugis & rapti flammas oblita jugales.  
 Tu vero, fuerit quae viſa ex omnibus una  
 Apta magis, properans famulae ſervanda repones  
 Omnia,

Omnia, dum claro superum comitata hymenaeo  
 Nympha tibi veniat. nunc o tamen accipe & ista  
 Dicta prius, vigilique memor sub pectore serva.  
 Faucibus, heu nescis! Ithacae confedit in ipsis 30  
 Pulveraeque Sami juvenum manus impia letum  
 Insidiis tibi triste parans per caerula vecto.  
 Nil tamen efficiet: stratum quin ante nefanda,  
 Spero equidem, de gente aliquem premer aggere tellus.  
 Suspectis longe a scopulis averte carinam  
 Nocte viam celerans: a tergo mollia mittet  
 Flamina, te superum quisquis rutatur euntem.  
 Hinc patrii attigeris primam quum litoris oram,  
 Continuo navemque jube contendere ad urbem  
 Adveſtamque ſimul pubem; tu frondea contra 40  
 Rura petens noti ſtabulum paſtoris adito,  
 Setigeros qui rite ſues cuſtodit in agro,  
 Teque amat in primis: illic requieſcere amica  
 Nocte juvet, lenior dum moenia miſſus ad alta  
 Penelopi reducem Pyliis te nunciet oris,  
 Incolumemque frui propius vitalibus auris.  
 Haec dea, & immenſum petiit ſublimis olympum.  
 At juvenis preſſo tetigit pede protinus artus  
 Neſtoridae exciti ſomno, & ſic inſit ab ore:  
 Surge age, cornipedes, Piſiſtrate, jungere curru 50  
 Tempus equos, latoſque viam celerare per agros.  
 Sic ille; at contra Neleo Neſtore cretus:  
 Haud licet obſcuram, quamvis iter urgeat, inquit,  
 Maturare fugam per noctem. en alma propinquat  
 Aurea lux: maneaſ, oro; Pelopeius heros  
 Expediat dum pulcra ferens tibi munera, & ambos  
 Affatus placide verbis dimittat amicis.  
 Semper apud memores infixæ in pectore vivit

Fama viri, sese facilem qui prae-buit hospes.  
 Vix ea Nestorides, roseo quum lumine fulgens 60  
 Extulit oceano bijugos Aurora nitentes;  
 Et jam se propius testis Menelaus agebat  
 Auricomae linquens Helenae penetrale superbum.  
 Quem simul agnovit venientem natus Ulysse,  
 Continuo tunicam niveos super induit artus,  
 Purpureamque humeris pallam demisit ab altis  
 Heros; tum gradiens contra, foribusque sub ipsis  
 Obvius adstans: genus alto o sanguine regum  
 Inclite dux Menelaë, Jovis cura, inquit, ad oras  
 Me patrias dimitte, precor; namque ardet abire 70  
 Ultro animus cupido notasque revivere sedes.  
 Cui tunc Atrides: non te discedere aventem  
 Longius invitum retinens, dilecte, morabor,  
 Nec fas. quin etiam simul ipse irascerer olli,  
 Carum qui foveat nimis importunus amicum,  
 Negligat aut aeque durus: modus omnibus adsit  
 In rebus. non ille minus, qui sponte manenti  
 Invidet hospitium, peccat; quam forte redire  
 Optantem, qui testis intra gravis usque moratur.  
 Gaudeat exceptus, donec velit, hospes; & idem 80  
 Discedat pariter, si fert ita corde voluptas.  
 Tu tantum concede morae, fulgentia curru  
 Munera dum properans tibi coram inspecta reponam,  
 Atque epulas jubeam celeres in sede puellas  
 Instruere. hinc & honor dignus, majorque sequetur  
 Utilitas, quam si longae telluris obires  
 Tot spatia impransus dapibusque haud ante relictus.  
 Vis etiam per Grajum urbes divertere, & Argos  
 Per medium? sequar ipse comes molitus habenas  
 Alipedum, lateque virum subvectus in alta 90  
Moenia

Moenia te curru ducam: sua munera ubique  
 Aut rutili tripodes, aut pulcri ex aere lebetes,  
 Aut bijuges ad frena, aut auro pocula stabunt.  
 Dixerat; ille autem: quin, o fortissime ductor,  
 Praestat abire, inquit; neque enim custodia nostris  
 Fida sat in testis, cui rerum cura relicta;  
 Et vereor, ne dum genitor mihi quaeritur absens,  
 Ipse cadam, spoliisque alius laetetur opimis  
 Diripiens mea regna. haec ille ut fatus, Atrides  
 Reginam aggreditur celerans, famulasque parare 100  
 Praecipit extemplo laetis convivia mensis.  
 Jamque Boëthoedes Ereoneus obuius illi  
 Adstiterat strato surgens vicinaque linquens  
 Atria; qui subito excitis imponere iussus  
 Ignibus exta boum, non segnis dicta moratur.  
 Ipse autem Atrides thalami penetralia in ima  
 Tendit odorati: Megapenthes pone sequutus  
 It comes, aligero & conjux generata Tonante.  
 Qui simul advenere, ubi regia gaza jacebat,  
 Ingentem extemplo pateram capit impiger heros, 110  
 Argentoque iubet solido Megapenthea ferre  
 Perfectum cratera, alia dum candida parte  
 Nympha legit vestes, variis quas ipsa figuris  
 Neverat, ac tenui pingens discreverat auro.  
 Quarum unam, ante alias quae se pulcherrima visu  
 Obtulerat, pallam signis rutilantibus aptam  
 Accipit: ardenti collucens lumine fulsit  
 Sideris in morem, postremaque venit ad auras  
 Ima in sede latens multoque insignis honore.  
 Post hinc digressi, sua quisque & dona ferentes 120  
 Telemachum petiere una; cui maximus ultro  
 Haec propior laeto fatur Menelaus ab ore:

Tu

Tu reditum ceu mente cupis, sic Juppiter acquus  
 Adnuat expediens facilem. jamque accipe munus.  
 Ex opibus, quaecumque meis in sedibus adfunt,  
 Et pretio, & formae eximium praestantis honore,  
 Hanc pateram signis caelata: argentea tota  
 Ardet, & in summo circum micat aurea labro,  
 Vulcani sollertis opus: quam clarus habendam  
 Sidoniûm rex ante mihi donaverat, urbem 130  
 Quum patriam peterem; tu nunc lactare potitus.  
 Sic dicens juvenem prestanti munere donat  
 Egregium simul ille, simul cratera coruscum  
 Succedens coram Megapenthes ponit. at alma  
 Tyndaris in manibus gestans velamina pulcra  
 Restitit; ac subito: puer o, mea magna voluptas,  
 Accipe & haec manuum, dixit, monumenta mearum,  
 Dona, quibus niteat felici tempore quondam  
 Nupta tibi: interea genitrix tua cara reponat  
 In thalamo servanda. vale o mihi laetus, & oras 140  
 I patrias, rursusque tuos invise penates.  
 Tantum effata dedit juveni: gavissus at ille  
 Dona capit, quae cuncta cavo Pisistratus axe  
 Condit, & insigni stupefactus imagine lustrat.  
 Hinc alacres in tecta vocat Menelaus, & ultro  
 Ducit, ubi foliis circum assedere paratis  
 Instratisque toris ambo. dat protinus aureo  
 E cyatho manibus lymphas, funditque lebetem  
 In niveum argento e puro formosa puella,  
 Atque eadem sternit mensam; fert altera tostam 150  
 In calathis cererem, patulis & lancibus escas  
 Expediens mensis large sua munera stipat.  
 Parte Boëthoedes alia fumantia didit  
 Exta secans; miscetque merum generatus Atrida

Ad

Ad cyathum stans ipse puer; mora nulla, paratis  
 Accingunt epulis sese, pariterque fruuntur..  
 Post ubi potandique amor & compressus edendi,  
 Surgens Telemachus, generoso & Nestore natus  
 Aeripedes jungunt bijugos, & corpora saltu  
 Dant facili, volucrique una super axe locati 160  
 Vestibulo excedunt, resonantiaque atria relinquunt.  
 It simul Atrides, plenamque nigrantis lacchi  
 Fert dextra ex auro pateram, qua munera libent  
 Sacra diis, bijugisque adstans ita farier orsus:  
 Salvete, o juvenes, Nelidae & dicite cuncta  
 Fausta, precor: genitor veluti me semper amavit,  
 Donec apud durae certatum est moenia Trojae.  
 Dixerat: huic contra referens prognatus Ulysse:  
 Omnia, ne dubita, nos haec narrabimus, inquit,  
 Mox reduces tua dicta seni. sic redditus oris 170  
 Ipse meis utinam genitori edicere salvo  
 Haec eadem possem; quo me complexus amore  
 Scilicet, & quantis voluisti excellere rebus.  
 Talia dicenti dextra Jovis ales ab aura  
 Adstitit alta volans ingenti e sedibus imis  
 Anser correpto: fugientem voce sequuntur  
 Raucifona matresque virique. ast ille jugales  
 Emicat ante ipsos dextro per inania cursu.  
 Gaudent aspectu juvenes, & pectore motus  
 Concipiunt varios laeti; quos impiger inter 180  
 Nestorides regi: dic o, nosne omina divum,  
 An potius te certa petunt haec, maxime ductor?  
 Tantum effatus; & ille anceps dum corde volutat  
 Multa suo, quae rite ferat responsa petenti,  
 Occupat extemplo dubium pulcherrima Ledaë  
 Progenies: adhibete aures; ego monstra docebo,  
 Ceu

Ceu superi mea corda monent, & fata recludam.  
 Ut subito e tectis praedam tulit unguibus uncis  
 Ales ab aërii descendens vertice montis,  
 Olli ubi stat nidus pullique; ita fortis Ulysses 190  
 Multa diu passus, multisque erroribus actus  
 In patriam veniet; fors & jam limine gressus  
 Intulit insanae molitus funera publi.  
 Telemachus contra: sic o! sic Juppiter ille,  
 Horrifona qui nube sedet, tua dicta secundet;  
 Caelicolum meritas referam tibi vota per aras.  
 Dixit, & insonuit concusso verbere equorum  
 Terga super collumque: illi per strata viarum  
 Corripiunt volucres cursum, campoque potiti  
 Tota luce rotis agitant volventibus orbem : 200  
 Pulveream rapido glomerantes impete nubem.  
 Sol ruit, atque viae tenebris densantur opacis;  
 Adveniunt Pheras, subeuntque in testa Dioclis,  
 Quem satus Alphaeo superas emisit ad auras  
 Orsilochus. placidae per amica silentia noctis  
 Hospitio in molli dulcem cepere soporem.  
 Inde ubi purpureo conjux Tithonia ab ortu  
 Extulit os roseum, juga sub resonantia ducunt  
 Rurfus equos, scanduntque leves post terga relictis  
 Postibus, & curru praeter longa atria vestri. 210  
 Instat equis auriga: volat properantibus ultro  
 Axis, & ad Pylias jam jam venit incitus arces.  
 Atque ibi Telemachus tum gnato Nestoris inquit:  
 Pollicitusne dabis, quod te, Pisistrata, poscam,  
 Quidquid erit? veteri patrum jam foedere juncti  
 Dicimur, & viridi aequales pubescimus aevo,  
 Ipsaque concordi magis haec via pectore vinxit;  
 Ne precor averso ne tende a litore cursum,

Heic



Heic potius me linque ratem prope. namque parentis  
 Testa tui vereor contingere, ne mihi blandus 220  
 Tardet iter: celerare fugam res ardua cogit.  
 Vix ea: Nestorides huc atque huc fertur, & haeret  
 Mentis inops, quae digna ferat responsa volutans;  
 Tandem certus equos ad navim & litora flestit.  
 Proxima. ibi puppis curvata in mole reponit  
 Dona Mycenaeus dederat quae maxima ductor  
 Aurumque argentumque & pictas murice vestes.  
 Tum sic aggreditur cunctantem, ac talibus infit:  
 Vade age continuo properans, nautasque iubeto  
 Praecipitare moras, prius alti ad limina testi 230  
 Quam veniens referam longaevo facta parenti.  
 Novi etenim, senior quales in pectore sensus  
 Impatiens volvat: non te dare vela per aequor  
 Ille finet, sed celsa trahens te in testa vocabit;  
 Nec fugies, idem subitas quin surgat in iras.  
 Haec ait, alipedumque comantia colla reflectens  
 Moenia nota petit, Pyliasque investus in arces  
 Stat patrias citus ante domos. at litore in udo  
 Telemachus contra socios hortatur, &: arma  
 Ferte agite, o juvenes, inquit, conscendite puppim; 240  
 Quamprimum aequoreas pelagi juvat ire per undas.  
 Dixerat: illi alacres parent, ac iussa facessunt,  
 Ingressique ratem se transtra per ardua fundunt.  
 At juveni haec eadem properanti, & vota ferenti  
 Palladis ante aram sacris de more litatis,  
 Adstitit ex Argo fugiens vir caede peracta  
 Vates, a claro deducta Melampode origo  
 Cui fuerat. Pyliis hic quondam dives in oris  
 Ante alios pulcro tenuit penetralia cultu:  
 Cesserat at longe fugiens patria arva, ferumque 250  
 L 1 Nelea,

Nelea, qui multas olli fortissimus heros  
Eripuit praedatus opes, totumque per annum  
Vi tenuit; vinclis dum contra & carcere saevo  
Ipse domo in Phylaci clausus miseranda luebat  
Supplicia ob Nelei gnatam, clademque nefandam,  
Qua gravis heu miseri praecordia torisit Erinnyes.  
Hinc tamen evasit, Pyliisque abduxit ad arces  
E Phylaca ingentes tauros, ultusque superbi  
Facta redux Nelei, germano ad limina nympham  
Pulcram duxit agens. subito mox inde profectus 260  
Argos equis aptum venit; nam fata ferebant  
Ingenti Argivos illum ditione tenere.  
Conjugis heic auctus taedis immania struxit  
Testa sibi, natosque habuit, duo fortia corda,  
Mantion Antiphatemque. hic vitae in lumina Oicleum  
Magnanimum fudit; qui te clarissime deinde  
Amphiaraë Jovi carum Phoeboque creavit  
Auxilium populis ingens; sed raptus acerba  
Morte cadis vano corruptae conjugis astu  
Miles Agenoream contendere jussus ad urbem, 270  
Alcmaonque tibi Amphilochoque e stirpe relicti.  
Mantius at genuit Polyphideaque, Clitumque,  
Aurea quem rapuit correpta cupidine formae  
In superas Aurora domos, loca laeta deorum.  
Egregium contra Polyphidea magnus Apollo  
Gentibus esse dedit vatem, postquam occidit actis  
Amphiaraus equis vasto telluris hiatu;  
Qui patri iratus se longe Hyperesia ad arva  
Contulerat, populosque illic ventura docebat.  
Ergo Theoclymenus tanto genitore creatus 280  
Telemacho obtulerat sese, puppique sub ipsa  
Libantem aspiciens divosque in vota vocantem

Sic

Sic prior aggressus verbis compellat amicus:  
 Hoc quoniam sacris operantem in litore cerno,  
 Te per ego divosque rogo, perque ipsa deorum  
 Sacra, tuumque caput pariter, comitumque tuorum,  
 Dic age quaerenti, nec vano pectore falle,  
 Quis genius, unde hominum, quo patre es cretus, & urbe?  
 Illi Telemachus: fabor vera omnia, dixit.  
 Sum patria ex Ithaca; genitor mihi fortis Ulysses, 290  
 Dum fuit heu quondam, tristi nunc funere stratus  
 Occubuit; celeri fulcans vada falsa carina  
 Illius huc ergo veni, sociosque coëgi  
 Nequidquam. vix fatus erat, quum talibus heros  
 Excipit Argivus: sic & patria arva reliqui  
 Exsul ego pro caede viri, cui plurima late  
 Turba viget fratrumque simul comitumque per Argos  
 Frugiferum; imperio magno dominantur Achivi.  
 Horum permetuens ultricem in funera dextram  
 Nunc fugio, fatisque feror procul actus iniquis. 300  
 Tu tecum me tolle precor, caedemque nefandam  
 Supplicis o prohibe: post me ruet excita pubes,  
 Credo equidem, poenam repetens. miseratus at illum  
 Solatur juvenis: nec te conscendere quisquam,  
 Nec vetat optantem tutas inquirere terras.  
 Quin sequere o; potiere, mihi quae copia cumque  
 Scilicet est, eademque ambos fortuna manebit.  
 Sic dicens ferro praefixum robur acuto  
 Suscipit e manibus, curvaque in parte carinae  
 Collocat insiliens alte, celsaque recumbit 310  
 Puppe super, laterique una comes additur hospes.  
 Vincula tum socii laxant: simul ipse parare  
 Arma jubet dictis acuens, simul ocus omnes  
 In medio attollunt procera ex abiete malum

Hinc atque hinc validis utrinque rudentibus aptum,  
 Laxaque suspendunt intortis carbasa loris.  
 His virgo optato Tritonia flamine ventos  
 Aëra per liquidum resonantes misit; ut undas  
 Aequoreas volucris pinus ruat incita cursu,  
 Crunofque, & pulcrum praelabens Chalcidis amnem. 320  
 Sol cadit interea, & fuscis nox advolat alis  
 Inducens late tenebras; Jovis alite flatu  
 Acta ratis linquitque Pheras & praeterit almam  
 Elida, ubi fortes late dominantur Epaei.  
 Hinc angusta subit crebris freta confita faxis,  
 Spemque metumque inter dubius regit aequore cursum  
 Telemachus, mortemne parent, an fata salutem.  
 Parte alia stabuli custos, & dius Ulysses  
 Instabant epulis, circumque affusa sedebat  
 Vernarum bona turba simul; quibus cessit opimis 330  
 Postquam exempta fames dapibus, vaser incipit ore  
 Sic Ithacus tentans animum senioris amici,  
 Longius hospitio vellet gaudere potitum,  
 An jubeat celsam potius procedere ad urbem?  
 Accipe nunc Eumaeae, & vos o cara sodales  
 Pectora, ait: roseo quum primum crastina surget  
 Lux exorta polo, vicinae ad moenia tendam  
 Urbis inops, curamque tibi sociisque levabo  
 Jam nimium gravis heic. sed tu mihi providus adsis  
 Consilio, comitemque pares, qui ductor in urbem 340  
 Monstret iter, quaeso: celsas ingressus in arces  
 Poculaque hac illac errans frugesque requiram,  
 Si miserum quis forte vocet. quin atria regis  
 Ipsius haud dubitem vi dura victus adire  
 Nuncia Penelopi portans; turbaque procorum  
 In media tenuem famulando exquirere victum,  
 Dum

Dum plenae recubant laeta inter munera mensae.  
 Quo me iussa volent, facilis sequar omnia: labor  
 Namque tibi; ( nostris tu dictis pectora & aures  
 Nunc adhibe; ) haud alius vafri me numine fretum 350  
 Mercurii, cunctis addit qui rebus honorem,  
 Vicerit, ingentem sive ignem attollere tempus,  
 Robora seu forti diffindere dura bipenni,  
 Aut etiam torrere dapes, aut fundere vina  
 Expediat, quaecumque obeunt & munera servi  
 Divite sub domino. quae postquam dixerat heros,  
 Illum torva tuens senior, miseransque ruentem  
 In sua damna, infit: quisnam praecordia tantus  
 Error agit? saevone petas occumbere leto 360  
 Sic temere ad juvenes properans turbamque superbam,  
 Cujus ad aeratum venit vis improba caelum,  
 Sideraque implevit scelerati injuria facti?  
 Non illis famuli tales; at vivida pubes  
 Vestibus in puris flavos ornata capillos,  
 Formosisque genis adstat; mensaeque renident  
 Et cerere & semper plenae fumantibus extis.  
 Hec maneat, oro; non his te excedere testis  
 Invisumque gravemque cupit vel perdere quisquam;  
 Non ego, non alius comitum. postquam alma redibit  
 Progenies Ithaci juvenis, tum vestibus ultro 370  
 Ille novis auctum, properas quo tendere, mitter.  
 Cui tum voce refert multum jactatus Ulysses:  
 Sic utinam carus vigeas, Eumaece, Tonanti,  
 Ut mihi, quem tristes errando quaerere curas,  
 Sponte vetas! gravior clades mortalia corda  
 Nulla domat, quam ferre pedes circum alta domorum  
 Ostia reptantem. docuit tamen omnia ventris  
 Aspera vis perferre, vagum quem durus adegit

In

In varios casus error, variosque labores.  
At quoniam retines, tecumque in sede manere 380  
Nil meritum me tale jubes, age pauca roganti  
Fare Ithaci de matre, atque ipso in limine duri  
Quem senii liquit cedens, patre de Laërta:  
Vivuntne aetherii claro sub lumine solis,  
An periere ambo, stygiasque ivere sub umbras?  
Talia quaerenti senior: certa omnia reddam,  
Hospes, ait. longaevus adhuc vitalibus auris  
Laërtes fruitur, sed magnum in vota precatur  
Usque Jovem invisam cupiens abrumpere vitam  
Artubus edomitis quamprimum. scilicet illum 390  
Heu nimis amissae prolis jam torquet amaror,  
Conjugis & carae luctus, quae funere rapta  
Perdidit una magis miserum, tristemque senectam  
Esse dedit, saevis pro gnato exercita curis  
Horrendum subiens leti genus: o mihi tale  
Dî prohibete malum, casumque avertite amicis!  
Illa quidem dum viva fuit, mihi plurima dulce  
Quaerere, & alternis fuerat sermonibus horas  
Fallere: me pulcra namque ipsa eduxerat una  
Cum Crimena, extremam quam partu enixa creatat: 400  
Huic ego nutribar socius, nec mater honore  
Ipsa suam prolem multo praeferre solebat.  
At postquam roseo simul ambo adolevimus aevo.  
Illa Samum petiit claro deducta hymenaeo,  
Congessitque ingens pro dote parentibus aurum.  
Me vero indutum pictae subtegmine vestis  
Evinctumque pedes ocreis fulgentibus agros  
Incolere hos jussit missum, complexaque semper  
Sollicito carum fovit ceu mater amore.  
Queis nunc indigeo infelix: pia numina tantum 410  
Respi-

Respiciunt curasque meas, & vota secundant  
 Omnia proventu magno; satis ipse, sat hospes  
 Hinc habuit, nostras quicumque accedit ad aedes.  
 Nulla mihi a domina spes est optanda salutis,  
 Auxiliumque malis: postquam scelerata procorum  
 Insedit pubes, dirum genus; omnibus omnes  
 Rebus egent famuli, sed coram dicere mustant,  
 Affarique timent reginam. ita poscere victum  
 Nec sibi, nec sociis audent submittere in arva,  
 Soletur captiva gravem quo turba laborem. 420  
 Haec ille; atque heros: quo fato, Eumace, tuaque  
 A patria longe carisque parentibus aevo  
 In tenero has demum sedes jactatus adisti?  
 Dic age vera mihi referens: hostilibus armis  
 Urbisne fuit populata, ubi quondam testa parentes  
 Incoluere tui; an sola te in valle relictum,  
 Servantemque greges pecudum: niveosque juvencos  
 Praedonum avexit pelago manus effera, & oris  
 Vendidit his captum domino, pretiumque recepit?  
 At senior contra lacrimis ingressus obortis: 430  
 Si te tantus, ait, casus cognoscere nostros  
 Ardor habet, memori tacitus jam pectore dicta  
 Accipe, & indulgens, laeta inter pocula, vino  
 Haec placidus reside. tardae nunc tempora longa  
 Noctis eunt, somnoque licet componere membra,  
 Jucundisque animos narrantum pascere dictis.  
 Cur properes in strata? gravis sopor ipse cubanti  
 Esse solet nimius. vos o, si corde cupido  
 Fert aliter, vos ite viri: dein candida primum  
 Quum radiis lux orta diem feret, ante refeati 440  
 Hirsutos nemorosa greges educite in arva.  
 Nos autem saturique epulis, dulcique lyaeo

Gauden-

Gaudentes parvo structi sub cespite tecti  
 Alter in alterius luctu haud ignara malorum  
 Pectora solemur. quaedam meminisse voluptas  
 Est homini, quam multa tulit rerum aspera quondam,  
 Jactatusque diu est: & jam ad tua jussa revertor.  
 Insula stat ponto, Syrien quam nomine dicunt;  
 Ortygiam supra, versos ubi flammeus orbes  
 Sol notat, & certis distinguit tempora signis, 450  
 Illa quidem non magna adeo, sed divite gleba  
 Lanigeras pascit pecudes, armentaque lacta,  
 Et Cereri, & Baccho facilis: non finibus illis  
 Dura fames populos torquet, non ulla per aegras  
 Serpit atrox gentes tristi vis excita morbo:  
 Ast ubi felici senuerunt corpora in urbe  
 Sedibus e superis delapsi Phoebus & una  
 Casta soror jaculis figunt labentia membra.  
 Stant geminae heic urbes, divisaque partibus aquis  
 Omnia sunt: genitor meus olim rexit utramque 460  
 Imperio magno divis par, inclitus heros,  
 Ctesius Ormenides. ergo illa ad litora navi  
 Phoenices venere vastrum genus, aurea secum  
 Munera ducentes variique insignia cultus.  
 Juncta meo fuerat mulier Phoenissa parenti  
 Pulcra genas habituque ingens, & culta per artes  
 Egregias. illam pubes externa fefellit  
 Muneribus captam; niveosque in fluctibus artus  
 Dum lavat, aggressus juvenis cava robora propter  
 Accubuit furtim, dulcique potitus amore est 470  
 Mollibus illecebris pervertens, queis proba si qua est  
 Femina, victa solet tandem succumbere culpae.  
 Haec inter petiitque genus patriamque; neque illa  
 Talia quaerentem refugit, sed protinus orsa:

Sido-



Sidoniis, inquit, sum nata in finibus olim  
 Progenies Arybantis ego, ditissimus agri  
 Qui fuit in Tyriis: at me per caerula vestî  
 Praedones Taphii venientem e rure tulerunt,  
 Captivamque viro heic pacta mercede dedere.  
 Tum juvenis furto gaudens: quin vestî per aequor 480  
 Nos sequere in patriam, dixit, veteresque penates  
 Post longum visura, tuorumque ora parentum;  
 Ambo etenim vivunt, gazaque fruuntur opima  
 Incolumes. mox illa refert: in me mora nulla,  
 Si modo certa fides vobis, jurataque testes  
 Numina pollicitis adsint, sine crimine nautas  
 Per freta ducturos patrias me rursus ad arces.  
 Dixerat: illi omnes jurant, & foedera firmant  
 Testari per vota deos. tunc ipsa peractis  
 Rite sacris dextraque data sic callida subdit:  
 Nunc taciti haec finite, o nautae; nec strata per urbis 490  
 Ingrediens aliquis vestrum, nec fontis ad undas  
 Audeat affari visam, ne fraude relecta  
 Advolet, & famam referat senioris ad aures  
 Nuncius. iratus vinclis & carcere duro  
 Me petet in primis; vobis dein triste parabit  
 Exitium pariter. tacito sub pectore dicta  
 Condite, vosque viae quamprimum accingite rebus  
 Omnibus instructi. fuerit quum plena carina,  
 Ad me aliquis veniat missus: nam protinus aurum,  
 Atque aliud potero quodcumque e sedibus altis 500  
 Surripiam, mecumque feram. quin majus habendum  
 Haud invita paro pretium pro munere vobis.  
 Namque domi puer est regali sanguine cretus,  
 Ipsa viro nutrix quem servo: haud ille periculum  
 Sentiet; hac illac ludens discurrere gaudet

M m

Semper,

Semper, & ante fores temere progressus oberrat.  
 Hunc simul adducam vobis: hic maxima reddet  
 Praemia in ignotis hinc longe venditus oris.  
 Haec effata domos petiit, nautaeque per annum  
 Litus apud nostrum tuta statione morantes 510  
 Mercibus implebant multis cava robora pinus.  
 Mox ubi pressa ratis fuerat jam pondere magno,  
 Velaque poscebant ventos, sit conscia facti  
 Femina. jamque mei veniens ad limina patris.  
 Nauta vafer flaventi electro auroque monile  
 Contextum gestat, seseque interritus infert.  
 Turba puellarum gaudet; famulaeque nitore,  
 Et pariter mea capta parens, dum lumine spectant,  
 Atque manus inter formosaeque brachia versant  
 Pollicitae pretium; subito dat perfidus olli 520  
 Signa oculis, navimque petit vestigia torquens.  
 Illa manu capiens me secum e postibus effert,  
 Poculaque in positis circum longa atria mensis  
 Invenit, assueti fuerant queis ducere vina  
 Convivae cum patre meo, sed forte relictis  
 Tum dapibus, populo exierant dare jura vocati  
 Concilio in magno: raptim tria pocula tollit,  
 Absconditque sinu; sequor ipse heu stultus euntem.  
 Interea pronò densantur sole tenebrae,  
 Perque vias nox atra horret: per opaca locorum 530  
 Tendimus in portum celeres, ubi conscia pubes  
 Sidoniam tuto religarat litore puppim.  
 Conscendunt nautae, secumque per humida regna  
 Nos procul avertos tollunt: dat Juppiter auras  
 Aëria caeli spirans regione secundus.  
 Sex adeo luces, totidemque ex ordine noctes  
 Effugimus pelago; sed postquam septima caelo

Fulse-

Fulserat orta dies, jaculo confossa Dianae  
 Pro scelere infando perfolvit femina poenas:  
 Volvitur assimilis fulicae, lapsoque sub ima 540  
 Corpore dat strepitum puppi. dein gurgitis illam  
 In medios jaciunt fluctus phocisque vorandam  
 Piscibus atque feris escam: circumstetit horror  
 Corda mihi, lacrimisque genae maduere volutis.  
 Hinc autem vento pariterque ferentibus undis  
 Venimus in portus Ithaces, ubi venditus auro  
 Laërtæ cessi imperiis. ita litora primum  
 Haec tenui, fixique meos hac sede penates.  
 Dixerat; huic heros divum genus: heu mihi quantos,  
 O senior, tristi movisti in corde dolores, 550  
 Talia dum memoras fatis agitatus iniquis.  
 Sed pater ille deum cladem solatus acerbam  
 Scilicet est, sedes qui te contingere tandem  
 Has voluit, regemque dedit tibi multa parantem  
 Commoda: nunc facilem vitam trahis; ipse per urbes  
 Advenio multas, & multa per acquora vectus.  
 Talibus alterni lenibant pectora dictis;  
 Dein somnum petiere brevem: nam lumina terris  
 In croceis inveſta rotis Aurora ferebat.  
 At cita Telemachi pubes propiora tenebat 560  
 Litora jam cursu, demisso & carbasa malo  
 Laxa legens portum remis adveſta ſubibat.  
 Anchora de prora jacitur, tortique rudentes  
 Impediunt pinum: juvenum manus exſilit arvis,  
 Inſtituitque dapes, & vina ardentia miſcet.  
 Sed poſtquam compreſſa fames, pulſuſque bibendi  
 Ardor erat, ſic deinde viros aſſatur ovantes  
 Telemachus: navem vos hinc deducite ad urbem,  
 O focii; ſervata meis paſtoribus arva

M m 2

Ipſe

Ipse petam, visisque illis operumque labore 570  
Vespere mox referam celeres ad moenia gressus.  
Mane autem reduces tecta intra regia mecum  
Excipiam dapibus largis, & debita solvam  
Munera, laetitiamque dei, cui talia subdit  
Voce Theoclymenus: quonam me tendere solum,  
Care, jubes; cujus penetralia celsa subibo,  
Anne tuae sistam recto me tramite matri?  
At juvenis contra: te nostra ad limina primum  
Ultro ego jussissem vestigia ferre, neque ulla  
Hospitii tibi cura foret. sed tristior illic 580  
Me sine solus eris, nec te mea cara videbit  
Fors genitrix: neque enim sese penetralibus effert  
Saepe procis visendam; in solo clausa recessu  
Usque sedet longum tela solata laborem.  
Propterea sedes potius contendere ad altas  
Eurymachi moneo, Polybo genitore creatus  
Late qui colitur divis aequatus honore.  
Quippe animis praestat longe, praecque omnibus unus  
Ipse meae sperat genitricis amore potiri,  
Atque Ithaci gaudere toro. sed rector olympi 590  
Astra scit ille colens, an Parcae extrema minentur  
Sontibus, ante suos celebrent quam laeti himenacos.  
Vix ea, quum dextra venit de parte superne  
Accipiter, citus ales Apollinis: ille columbam  
Ungue tenens vellebat atrox, vulsasque carinam  
Telemachumque inter fundebat ab aëre plumas.  
Nec mora: secretum a sociis, dextraque prehensum  
Subducit juvenem fatorum haud inscius heros,  
Et prior alloquitur. non haec sine numine divum  
Dextera venit avis volitans; nosco omina pennae 600  
Praepetis. imperio sceptrisque potentius oris

Haud

Haud genus his aliud vestro est; immota manebunt  
 Regna tuae semper gentis. tum natus Ulyssē  
 Accipiens omen: di talia vota secudent,  
 Hospes, ait; tantis a me donabere felix  
 Muneribus, ditem miretur ut obvia turba.  
 Dixit, Piraeumque vocat sic deinde loquutus:  
 O Clytida Piraeē, animo fidissimē nostro  
 Ante alios, quotquot Nelea ad regna sequuti  
 Me pelago duxere, tuis penetralibus hospes 610  
 Gaudeat hic, meritosque habeat dilectus honores,  
 Dum redeam campis. nec plura effatus; & ille  
 Continuo reddit: quantum vis tempore longo,  
 Telemache, hinc abeas; pro te mihi cura sodalis  
 Semper erit, dignisque hospes celebrabitur ultro  
 Officiis. dixit; subitoque e litore nautas  
 Imperat, ingressus navem, laxare rudentes.  
 Certatim insiliunt iussi, validisque locati  
 Confidunt transtris; alia sed parte coruscas  
 Telemachus plantis ocreas aptavit, & astam 620  
 Accepit dextra, quam fixam cuspidē athena  
 Extulerat puppi. jamque illi vincula solvunt,  
 Adnixique humeris spumantia caerula verrunt,  
 Inque urbem properant iussi; jam tramite noto  
 Ipse pedes celerat, sequiturque per avia cursum  
 Ingrediens, ubi densa suum stant agmina septis  
 Clausa olli, fidusque senex stabula alta ruetur.



## HOMERI ODYSSEAE

## LIBER SEXTU SDECIMUS.

**I**mpiger Eumaeus, Trojaeque everfor Ulysses  
 Ignibus excitis parvi sub culmine tecti  
 Aurora rutilante dapes de more parabant;  
 Pastorumque manus discesserat avia in arva  
 Cum grege. Telemachum vigilans cognovit euntem  
 Turba canum, tenuitque feris latratibus ora  
 Adfiliens juvenem circa; Laërtius heros  
 Sensit adulantum voces, venientis & hausit  
 Pulsa pedum propius resonis vestigia tectis,  
 Et subito: huc aliquis se fert, Eumaece, propinquans 10  
 Aut comes, aut certe notus: non excita latrat,  
 Sed potius blandita canum custodia gaudet,  
 Vicinusque pedum patulas sonus incitat aures.  
 Necdum ea finierat, quum limine gnatus in ipso  
 Adstitit. obstupuit senior, tectisque repente  
 Prosiluit, manibus labuntur pocula, & una  
 Vina fluunt effusa. ille obvia brachia regi  
 Tendit, & amplexus caris cervicibus haeret,  
 Infigitque oculis, ambabus & oscula palmis,  
 Et capiti illacrimans. longis ceu finibus anno 20  
 Post decimo reducem cupidus jam denique natum  
 Quum pater unigenam recipit, quem serus in auras  
 Extulit aetherias senio confectus, & aevo,  
 Multaque perpeffus: sic illum excepit amicus  
 Tum stabuli custos, figensque ardentia saepe  
 Oscula laetatur ceu dira e morte recepto.

Veni-

Venisti o tandem, lux cara! heu salvus ab urbe,  
 Quam timui, Pylia ne non dilecte redires.  
 Ingredere o felix, longo post tempore visam  
 Ut reducem cupido pectus satiatus amore. 39  
 Haud etenim gaudes pastorum agrestia recta  
 Incolere huc veniens creber: te scilicet urbis  
 Cura tenet, mixtusque procis facta effera spectas.  
 Dixerat, & juvenis contra: tibi redditus adsum  
 En, ait; has primum sedes te propter adivi  
 Praesentis cupiens jamdudum & cernere vultus,  
 Et voces audire tuas. penetralia servat  
 Carane jam genitrix longis exercita curis;  
 An taedas experta novas, aliumque sequuta  
 Nupta virum cessit, thalamoque absentis Ulyssci 40  
 In vacuo texit sublimis aranea telam?  
 Vix ea, quum senior referens: immota penates  
 Illa quidem tibi servat adhuc, & pectore contra  
 Stat casus obnixa omnes; nec luce dolores  
 Nec miserae absistunt fera sub nocte gementi.  
 Haec ait, & juvenem subito levat impiger, hastam  
 Accipiens. subit ille fores, cui protinus ultro  
 Ipse suam genitor sedem concessit Ulysses  
 Assurgens venienti. ille autem ingressus in aulam  
 Abnuit, & contra fatus: confidere praestat 50  
 Te nunc, hospes, ait; jam strata sedilia nobis  
 Heic aderunt, propiorque venit, cui talia curae.  
 Nec plura his, genitor jussus confedit: at olli  
 Substravit virgulta senex, villosaque supra  
 Tergora coniecit: solio sic fultus agresti  
 Sedit Ulyssides inflectens corporis artus.  
 Hinc senior properans curvis in lancibus effert  
 Servatosque armos, servataque pingua tostae

Terga

Terga suis; nec non calathis cerealia dona  
Expedi, & dulci complet spumantia vino 60  
Pocula confidens divino adversus Ulyssi.  
Incumbunt epulis una: mox acta bibendo  
Ut sitis est, dapibusque fames compressa recessit,  
Sic bonus Eumaeum dictis affatur amicis  
Telemachus. nostris unde iste in sedibus hospes,  
Qui nautae advexere, ferunt quo nomine sese  
Caerula spumanti findentes aequora pinu?  
Dixerat, & dicta Eumaeus sic voce sequutus:  
Nulla mora; expediam jam nunc tibi vera roganti,  
Care, ait. e Creta memorat se ducere stirpem, 70  
Et spatia immensae telluris obisse vagatus  
Per populos, ceu iussa ferunt fatalia divum.  
Nunc autem e manibus Thesprotum elapsus adivit  
Haec stabula infelix; jamque est tuus ille: quod optas,  
Perfice tu misero, supplex te in vota precatur.  
At juvenis: nimium saevis mea pectora curis  
Figis, ait, senior, quamam illum in sedibus arte  
Accipiam teneamque meis? non vivida ab annis  
Venit adhuc valido virtus, nec robore fretus,  
Si prior incessat quisquam, defendere possim. 80  
Contra animum genitrix nunc huc nunc dividit illuc,  
In partesque rapit varias incerta; penates  
An teneat mecum, saevae convicia famae  
Permetuens, veteremque torum & connubia servans;  
An potius jam victa uni, qui maxima dona  
Praebet ante alios generosus, denique nubat?  
Ergo illi, quoniam supplex tua limina venit,  
Intexamque dabo chlamydem, tunicamque recentem  
Aeratumque ensen lateri, fulgentiaque addam  
Vincla pedum, mittamque ultro, quo malit abire. 90  
Quod



Quod si etiam in stabulo tecum vis ipse tenere,  
 Haud moror: huc equidem promissaque tegmina mittam,  
 Atque epulas, vestro ut parcat jam vivere sumptu.  
 Non tamen & miserum patiar succedere turbam  
 In mediam juvenum. scelerata haud crimine ab ullo  
 Temperet, aut probris cesset; mihi saucia frustra  
 Uret corda dolor: multos contendere contra  
 Forti etiam durum est, numero vis incita crescit.  
 Haec ubi dicta dedit juvenis, tunc acer Ulysses:  
 Fas mihi, fas, credo, jam pauca effarier, inquit. 100  
 Heu pereo, multoque angor praecordia luctu,  
 Talia dum pubi memoras impune procaci  
 Crimina te invito coram tantoque licere.  
 Dic age, sponte jaces domitusne, an tristia divum  
 Supplicia expendis, saevaeque odia aspera vugi?  
 An fratrum incusas animos, queis fretus ad arma  
 Profilit, atque audax vir dura pericula spernit?  
 O ego tam juvenis mentem hanc in pectore haberem,  
 Vel satus ex Ithaco, vel longo errore viarum  
 Functus & ipse foret, (vota haec mihi numina servant;) 110  
 Eripiat nostris caput a cervicibus hostis,  
 Ni subito clademque illis & triste pararem  
 Omnibus exitium subiens Laërtia testis.  
 Quod si etiam opprimeret pubes me plurima solum,  
 Sedibus in patriis mallet procumbere stratus,  
 Cernere quam tales juvenum per testis furores,  
 Hospitibusque lares clausos, actasque nefandis  
 Flagitiis misere famulas, exhaustaque mensis  
 Vina super frugesque meas, atque omnia demum  
 Nequidquam heu vasta temere collapsa ruina. 120  
 Ad quem Telemachus placido sic ore loquutus:  
 Jam tibi nil veritus cuncta, hospes, certa fatebor;

Nec sum odio populis, vulgique obnoxius irae,  
Nec confanguineos culpo, queis fretus in arma  
Profilit haud metuens duri vir praelia Martis.  
Omnipotens nostri fecundum Juppiter esse  
Sanguinis ipse genus vetuit: Arceſius auras  
In ſuperas ſolum Laërtem eduxit; Ulyſſem  
Hic genuit contra magnum pater, ille creavit  
Me pariter ſolum, nec longo expletus amore eſt. 130  
Stant autem affuſi noſtris in ſedibus hoſtes  
Innumeri: quot finitimis per caerula regnis  
Dulichioque Sameque altae viridique Zacyntho  
Imperitant clari proceres, quotque aſpera ſcep-  
tris  
Arva regunt Ithaces, noſtrae connubia matris  
Tot juvenes ambita petunt; vaſtantque penates  
Funditus. illa autem nec dedignata petentum  
Vota fugit, nec viſta modum ſcit ponere cutis;  
Dum furit interea, ſedes populata, juvenus  
Improba, jamque ipſi exitium mihi triſte minatur. 140  
Sed tamen haec divum fatiſ incerta ferantur.  
Interea dilecte ſenex tu nuncius ito  
Penelopi: incolumem dic olſi ex urbe rediſſe  
Me Pyſlia. heic adero, referas veſtigia donec  
Fida redux: ſciat una parens, & nullus Achivûm  
Audiât haec; nam ſaeva parant mihi funera multi  
Inſidiis. haec fatuſ erat, quum protinuſ ille:  
Accipio ſapioque, inſit, nec talia mandas  
Ignaro: tantum Laërtae, an nunciuſ ibo  
Una eademque via, dic o; qui triſtibus olim 150  
Curis heu graviter pro caro fixuſ Ulyſſe  
Speſtabatque arteſ operum, mixtuſque ſedebat  
Cum famuliſ vino gaudens dapibuſque paratiſ;  
Nunc autem Pyſliuſ ex quo tu remige ad oraſ

Ena-

Enasti, dapibusque experts & munere Bacchi  
 Haud opera invisit, sed flens atque aeger anhelat  
 Assiduo gemitu; duris cutis ossibus aret.  
 Dixerat; at juvenis: durum est, at juverit, inquit,  
 Nunc sinere ingrato miserum tabescere luctu.  
 Namque uti arbitrio si qua ratione liceret 160  
 Omnibus in rebus, genitor mihi primus adesset  
 Redditus optanti. tu vero, ut jussus, abito  
 Nuncius; atque iterum recto te tramite siste  
 Protinus huc rediens, nec sit cursare per agros  
 Cura tibi. matri potius dic, ipsa ministram  
 Clam fidam expediat mittens, quae laeta dolenti  
 Haec eadem celerans longaevo nuncia portet.  
 Sic fatus jubet ire senem: qui jussa capeffens  
 Accepitque ocreas, pedibusque aptavit, ad urbis  
 Moenia corripiens gressum, non ille Minervam 170  
 E stabulo egressus latuit: namque ocus altae  
 Virginis os pulchraeque gerens operumque peritae  
 Venit, & assistens foribus se ostendit Ulyssi.  
 Non illam sensit coramque adspexit euntem  
 Telemachus; neque enim manifesto in lumine divi  
 Omnibus apparent. tantum Laërtius heros,  
 Et trepidi videre canes, nec faucibus acres  
 Raucifonis contra institerunt, sed murmure blando  
 Per stabula hac illac profugi petiere latebras.  
 Jamque supercilio dat signum: agnovit Ulysses 180  
 Nutantem, testique agrestia septa relinquens  
 Exsultat, propiorque stetit, cui diva loquuta  
 Haec prior: o Laërtiade certissima magni  
 Cura Jovis, gnatum jam nunc affare, nec ultra  
 Decipe dissimulans; moliti funera ut ambo  
 Nigra procis celeri gressu properetis in urbem:

Ipsa diu haud abero a vobis, pugnare parata.  
 Dixit, & aurata subito dea contigit illum  
 Permulcens virga: niveas tum pectora circum  
 Imposuit primum vestes, humerisque coruscant 190  
 Pallam demisit, lumenque & membra juventae  
 Reddidit: ambrosius fusco color ardet in ore,  
 Depulsaque genis rugae. stant vertice crines  
 Cyanei mentumque pari sublucet honore.  
 Haec dea ubi fecit, sublimis fugit: & heros  
 Testa iterum subiit. juvenis miratus at illum  
 Obstupet, avertitque oculos praestantia coram  
 Numinis ora timens, dubiusque repente profatur.  
 Qualis eras nuper? quantum diversus ab illo,  
 Hospes, ades, vestesque alias, alia ora reportas: 200  
 Certe aliquis divum es caeli stellantis alumnus.  
 Sis bonus o placidusque! tibi cadet hostia ad aras,  
 Muneraque ex auro stabunt, miserere precantis.  
 Talia dicebat supplex; quum maximus heros:  
 Non tibi numen ego, quid me caelestibus aequas?  
 Sum genitor quin ipse tuus, quem propter acerbo,  
 Nate, gemis luctu, vi dura oppressus & armis.  
 Sic dicens cupidus caro dedit oscula gnato,  
 Effuditque genis lacrimas, complexus & haesit  
 Nescius a dulci longum divellier ore. 210  
 Telemachus vero (nondum namque ille parentem  
 Cernere credebatur): non tu Laërtius, inquit,  
 Non Ithacus pater ille meus; sed numina caeli  
 Hac magis heu miserum vana sub imagine ludunt.  
 Haud etenim possit mortalis talia quisquam  
 Sic facile, aethera caeli delapsus ab arce  
 Ni deus ipse velit juvenis mutare figuram  
 Atque senis. tu nuper eras confectus ab aevo,  
 Indu-

Indu-

Indutusque artus foede; nunc corpore verso  
 Os humerosque geris similis caelestibus ipsis. 220  
 Tum genitor: non fas ita visa in imagine patris  
 Attonitumque haerere diu, tacitumque stupere,  
 Telemache: haud veniet tibi namque huc alter Ulysses:  
 Ille ego sum, passus mala dura, atque omnibus actus  
 Casibus in patriam bis deno redditus anno.  
 Palladis hoc, quod cernis, opus Tritonidos; illa  
 Fecit me qualem voluit, similemque videri  
 Cuncta potens inopi iussit, rursusque juventam  
 Induit, & pulcro circum dea texit amictu.  
 Dīs facile est, lati retinent qui culmen olympi, 230  
 Et rapere, & dignam mortalibus addere laudem.  
 Haec fatus propior confedit. at ille parentis  
 Affixus collo lacrimas fundebat, & ambo  
 Alter in alterius defixi lumina vultu  
 Tristius heu flebant, quam curvis unguibus acres  
 Vulturii aut aquilae; fetus queis durus ab antro,  
 Aspiciens nido implumes, detraxit arator:  
 Pulla sonant nemora alta & questu implentur acuto.  
 Haud aliter luctumque ipsi gemitusque ciebant:  
 Et fors occiduas Titan abiisset in undas 340  
 Flentibus, affatus tali nī voce parentem  
 Rupisset tandem sic longa silentia primus  
 Telemachus. qua te, genitor, duxere carina  
 In patriam nautae, sese quo sanguine, quave  
 Gente ferunt; late pontus nos undique cingit.  
 Suscipit heic Ithacus: tibi vera, o nate, roganti  
 Dicam equidem; pelago Phaeacum experta juvenus  
 Sueta alios etiam, quicumque accesserit illuc  
 Indigus auxilii, facili deducere cursu,  
 Me tulit, ac placido sopitum in litore liquit 250  
 Multa

Multa prius largita aerisque aurique talenta  
Intextasque super vestes. haec rite reposta  
Omnia nunc antro divum stant credita curae:  
Ipse autem huc veni jussu. monitisque Minervae,  
Hostibus exitium simul ut luctumque seramus.  
Quare age & enumerans illos mihi, nate, recense,  
Fortunasque, genusque virum, patriamque stat una  
Noscere, dein certa rationem evolvere mente,  
Num liceat nobis contra contendere solis  
Ullius auxilio sine; an & socia arma roganda? 260  
Filius haec contra: saepe est mihi cognita fama  
Magna tua, o genitor, virtus; teque esse timendum  
Audieram dextra pariter structisque per artem.  
Consiliis. nimium ne sis at magna loquutus  
Nunc vereor tua dicta stupens: quid in agmine tanto  
Nos duo, quid contra tot possumus aspera corda?  
Haud etenim vel dena procum bisdenave tantum  
Corpora sunt, multo sed plura; atque accipe porro,  
Expediam numerum. duo supra aetate virentes  
Quinquaginta alios adsunt, qui moenia celsa 270  
Dulichii liquere simul, senique sequuntur  
Hos famuli: quatuor venere e divite lecti  
Bisdenique Samo juvenes, viridique Zacyntho  
Magnanimi pulcro viginti corpore Achivi.  
Ex Ithaca vero bissemi viribus omnes  
Egregii atque animis adsunt, quibus additus una  
Ipse Medon praeco est, & dulci gutture vates,  
Expertique epulas famuli duo rite parare.  
Omnibus his congressi adeo si dura sequemur  
Praelia, jam timeo, ne vana audacia cedat, 280  
Et graviter commissa luas. sed quaerere praestat,  
Si qua via auxilii, si quem tua pectora versans

Inve-

Invenias fidum comitem. tum laetus Ulysses:  
 Fabor, ait: mea dicta animo memor accipe; tecum  
 Et reputa, nobis dea num Tritonia magno  
 Cum Jove sufficiat, comes an quaerendus & alter?  
 Dixerat; at juvenis subito: non arguat ullus  
 Hos, ait, armorum socios, qui nubila caeli  
 Alta colunt, quorum supraque potentia magna  
 Est homines, supraque alios supera alta tenentes. 296  
 Atqui aberunt multo non illi tempore, Ulysses  
 Excipit, a pugna, stabunt quum fortia nobis  
 Atque procis una duri certamina martis.  
 Tu vero exorti primo sub lumine solis  
 I citus ad sedes, turbamque reviso superbam;  
 Me stabuli custos cras alta ad moenia ducer  
 Assimilem miseroque inopique aevoque trementi.  
 Quod si dedecorent me turpiter atria circum,  
 Duratum obfirmans animum sine foeda parentem 300  
 Damna pati; pedibusque trahant me ad limina quamvis;  
 Emissisque petant jaculis, ferto omnia gnate,  
 Insanoque jube tantum cessare furore  
 Mollibus affatus dictis. parere negabunt  
 Immemores, namque atra dies turbantibus instat.  
 Nunc aliud dicam; memori tu in mente repone:  
 Quum bona consiliis auctor mihi pectora Pallas  
 Concutiet, tacitus nutanti vertice signum  
 Sponte dabo, quod rite notans arma omnia tectis  
 Martia tu subito remove, collectaque in unum  
 Sub thalami obscuris alte penetralibus abde. 310  
 Tum juvenes, si forte petant ac tela reposcant,  
 Alloquere incautos, dic ficto & pectore fatus:  
 Surripui e fumo; neque enim nunc illa videntur  
 Quae pater ad Trojam properans fulgentia liquit,  
 Ignis

Ignis at horrescunt sordenti afflata vapore.  
Quin aliquid majus Saturnius ipse cavere  
Admonuit, ne forte in mutua vulnera vino  
Edomitae armentur dextrae, sparsoque cruore  
Tristis hymen mensaeque fluant: namque ipsa feroces  
Arma trahunt animos, pugnamque laceessere suadent, 320  
Sic tu falle procos. geminos at linquere cura  
Sit gladios, totidemque hastas, clipeosque sinistrae  
Aptandos nobis divum post sacra peracta:  
Illos Pallas aget turbans & Jupiter hostis.  
Praeterea hoc etiam moneo super omnia primum:  
Si mea tu soboles, nostro si sanguine cretus,  
Audiat haud Ithaci quisquam intra limina nomen.  
Non id Laërtesve sciat, fidusque repertus  
Eumaeus, famulumque alius, non cara vel ipsa  
Penelope. nobis dabitur cognoscere mores 330  
Femineos, hominumque etiam tentare licebit  
Corda simul, si digna manet reverentia menti,  
Vel cessit mutata, tibi nec dantur honores  
Promeriti spreto. sic ille; at filius olli  
Haec iterum sic pauca refert. mea pectora nosces,  
Spero equidem, expertus; nec me vanum arguet error;  
O genitor; sed enim non & reor utile nobis  
Id fore, nec statues aliter tecum ipse volutans;  
Explorare tuum tamen est, quid praestet agendum.  
Namque diu campos obiens, longoque labore 340  
Singula vix tandem lustrans loca, noscere possis  
Quam spem quisque secet; placidi dum sedibus hostes  
Interea in nostris vastant sine more feruntque  
Omnia. nunc tantum tibi sit muliebria corda  
Vestigare labor: quae te spernuntque, nec aequis  
Respiciunt animis, diro vel crimine flagrant.

Ast



Ast hominum nolim tentare obscura morando  
 Nunc studia: haec tutos olim nos cura manebit,  
 Signa tibi si certa deum, si nota voluntas.  
 Talia dum vario alterni sermone loquuntur, 350  
 Jam ratis, ad Pylias quae longe advexerat oras  
 Telemachum sociosque, altam devenerat urbem.  
 Et nautae, postquam portu subiere profundo,  
 Continuo in siccum nigram traxere carinam,  
 Extuleruntque ipsis properi simul arma ministri,  
 Muneraque in Clyti vexere micantia sedes.  
 Post etiam praeconem excelsa ad limina regis  
 Praemisere, ferat qui laetae nuncia matri,  
 Telemachum mansisse agris, ipsumque carinam  
 Adnare in portus jussisse; exterrita tristi 360  
 Pectore, ne lacrimas regina effundere pergat.  
 Jamque eadem praeco, atque eadem tum dicta reportans  
 Parte alia senior devenit missus ab arvis;  
 Qui simul ingressi quum celsa in sede steteret,  
 Ipse prior mediis coram famulantibus inquit  
 Nil veritus praeco: rediit tibi, maxima, natus  
 O regina. alter subiens at cominus, illam  
 Edocuit, quaecumque sibi mandata fuere;  
 Cunctaque ubi exposuit jam functus munere, gressus  
 Ad stabulum vertit properans, & moenia liquit. 370  
 Ast animi cecidere procis maerentibus imo  
 Pectore, & egressi spatiosae e sedibus aulae  
 Ante fores magna maestis assedere corona:  
 Quos inter Polybi sic proles martia fatur  
 Eurymachus. perfecta, viri, res maxima nostram  
 Telemacho spem praeter; iter nunc ille peregit  
 Incolumis. quare o celeres deducite pinum,  
 Optima quae portu residet, nautasque jubete

Scandere, qui socios moneant dare carbasa retro  
 Huc reduces. nondum fari cessarat, in altum 380  
 Quum subito Amphinomus conversus lumine portum  
 Aspicit & navem, nautas & vela legentes,  
 Spumaeque adductis verrentes caerula remis.  
 Tum sic subridens: jam parcite; nuncius, inquit,  
 Nullus eat, reduces adsunt: seu forte deorum  
 Admonuit quisquam, sive ipsi in gurgite puppim  
 Adspexere citam, sed non valere tenere  
 Nequidquam adnixa. sic ille: at litora cuncti  
 Ima petunt cursu: sicca tellure carina  
 Sedit, & arma citi famuli cepere ferenda. 390  
 Ipsi in concilium tendunt, properantque frequentes  
 Haud alium juvenumve senumve accedere passi  
 Cominus: Eupithei soboles dein talia coepit  
 Antinous. proh fata deum contraria, ut illum  
 Caelicolae solvere malo! per tempora lucis  
 Aërii semper ventoso in vertice montis  
 Strabant excubiae vigiles; cum sole cadente  
 Haud umquam in sicco noctis transegimus umbras,  
 At pelago huc illuc vestî, roseamque morantes  
 Auroram, insidiis captum tentavimus usque 400  
 Decipere, invisumque caput demittere leto  
 Heu temere, heu frustra! nunc en deus attulit ultro  
 In patrias sedes. ergo illi heic fata struamus,  
 Nec fugiat; neque enim vivo speranda laborum  
 Praemia sunt nobis: valet acri mentis & ipse  
 Consilio, & cives nos aequo haud lumine cernunt.  
 Ite agite, in coetum prius ille ingressus Achivos  
 Quam vocet: haud etenim parcet, raptusque furore  
 In medios surget, caedemque hanc questus & omnes  
 Deteget insidias, fato quas fugit iniquo. 410

Illi autem ardescunt odiis haud facta probantes.  
 Effera; fors aliquid contra quoque majus adorti.  
 Finibus instabunt nostris nos pellere longe,  
 Inque alias abigent gentes: quin perdere ferro  
 Urbe procul properemus agresti in sede latentem,  
 Depresumve via: cum gaza opibusque potiti.  
 Ipsi, aequemus nos justis partibus inter  
 Omnem divisi praedam, matremque penates.  
 Incolere, atque illi nubet quicumque, sinamus.  
 Quod si aliter placitum vobis, ipsumque juberis.  
 Vivere, & incolumem vespas terribere paternos,  
 Huic simul affusi sic omnia perdere rapti.  
 Parcite, & optatum sua quisque in recta profecti.  
 Connubium donis ambite: hunc picta sequetur  
 Penelope, qui plura dabit, quem fata teposcent.  
 Postquam satis erat, fecere silentia cuncti.  
 Amphinomus donec surgens exorsus ab ore est.  
 Regis Aetiaeae Nisi fortissimam proles,  
 Dulichii uberibus qui quondam advenerat agris,  
 Magnanimis dux ipse procis, & carus amantes.  
 Reginae ante alios digno virtutis honore.  
 Hic ibi consurgens monuit sic voce sodales.  
 Non ego Telemachum jubeo vos perdere ferro,  
 O focii: indignum est regali sanguine cretam  
 Sternere progeniem, scitanda oracula nobis  
 Ante deum: si jura proferent & Juppiter auctor,  
 Aggrediarque prior, vosque una audere jubebo;  
 Sin superi abnuerint, satius desistere coepto est.  
 Sic ille, atque aliis eadem sententia sedit,  
 Surgentesque Ithaci rediere in regia tecta,  
 Ac foliis late se composuere coruscis.  
 Interea sese violentae ostendere publi

Penelope statuit, nato jam conscia letum.  
 Triste feri; namque omne Medon recluserat ipsi  
 Consilium fraudemque; ergo comitata puellis  
 Ingreditur, propiorque viris ut candida venit,  
 Constitit ad postes aulae innixa superbos  
 Aurea praetendens roseis velamina malis:  
 Tum sic Antinoum increpitans accensa profatur.  
 O scelerum inventor, furioso pectore, tene 450  
 Antinoë in populo dicunt hoc mente valere  
 Eloquioque bonum? non tu, non, perfide, talis.  
 Demens, cur caedemque paras & tristia fata  
 Telemacho, spernisque inopes, quæis Jupiter ipse  
 Testis adest; haud fas heu mutua quaerere damna.  
 Anne tuum huc quondam nescis venisse parentem  
 Vitantem vulgi furias, praedonibus actis  
 Quum Taphiis eriam Thesprotos percitus ira  
 Laeserat alterno nobiscum foedere junctos?  
 Illum autem exitio tristi letoque volebant 460  
 Sternere, & extincti raptos populare penates:  
 Ardentem Ithacus tenuit, vetuitque furorem;  
 Cujus nunc inhias opibus, tentasque potiri  
 Conjuge praerepta, gnatumque ad funera poscis  
 Improbe, me laesa graviter, sed desine tantum  
 Jam furere, atque alios prohibe. cui talia questae  
 Eurymachus proles Polybi clarissima reddit,  
 Solaturque aegram. fide o pulcherrima nata  
 Icarii, talis nec tristi in pectore cura  
 Infideat: non est, nec erit, dum spiritus artus 470  
 Hos alet in terris, dum solis lumina cernam,  
 Telemacho injiciat qui dextram saevus, & arma  
 Inferat. edico jam nunc, & dicta manebunt  
 Haud vana; illius nostram cruor imbuet hastam

Con-

Continuo effusus. murorum everfor Ulysses  
 Impositum genibus me saepe & fovit, & ultro  
 Fumantesque dapes vinique rubentia dona  
 Largitus puero est. pro quo mihi munere vivit.  
 Carior ante alios soboles tua: non gravis ergo  
 Sors manet a nobis, non illi hinc saeva timenda 480  
 Funera; quis caveat vero, quae numina necunt?  
 His animum dictis firmans lenibat, & atram  
 Interea mortem juveni ferus ipse parabat.  
 Illa autem celsae conscendit in aurea sedis  
 Limina, ubi gemitu & luctifono ululatu  
 Carum maesta virum flebat, languentia donec  
 Lumina composuit placido Tritonia somno.  
 Jamque adeo senior sub vespere venit ab urbe  
 Telemachum patremque petens, qui rite parabant  
 Una epulas caeso parvis in sedibus horno 490  
 Forte sue. aurata subito percussit Ulysses  
 Stans propior virga Pallas, tactuque potenti  
 Et senium, & rursus foedos induxit amictus  
 Artubus attritis; stabuli ne scilicet ipsum  
 Nosceret aspiciens custos, & nuncius iret  
 Penelopi impatiens animi, visumque referret.  
 Quem sic Telemachus prior est affatus ab ore:  
 Expectate venis: quaenam altam fama per urbem?  
 Jam pelago rediere proci mihi fata minantes  
 Insidiis, an adhuc me frustra in gurgite quaerunt? 500  
 Huic senior: fuerat non has inquirere curas,  
 Nec propero mihi nosse animus, jussisque peractis  
 Moenia, quamprimum cupiens discedere, liqui.  
 Adfuit ipse tuis praeco submissus eodem  
 Nuncius a sociis mecum, qui certa parenti  
 Dicta tuae retulit prior, & solatus amantem est.

Hoc

Hoc tantum super unum habeo; fors cernere eunti  
 Obtulit ipsa oculis: quum jam vestigia ferrem,  
 Mercurii qua parte sacrum nemus imminet urbi  
 Colle super viridi, labentem ex aequore pinum 510  
 Intransentque cavos impulso remige portus  
 Desuper aspexi. stabat densata juvenus  
 Plurima, & ardebat clipeis jaculisque corusca.  
 Hanc pubem tunc esse procos rebar, neque quidquam  
 Praeterea novi. dixit, gnatusque parentem  
 Adspiciens furtim laeto subrisit ab ore,  
 Quin senior tacitum videat, dein omnibus actis,  
 Expediunt epulas mensis, pariterque fruuntur  
 Appositis: gaudent aequatis partibus omnes.  
 Postquam autem fuerat compressa sitisque famesque, 520  
 Accubuere toris, cepere & munera somni.



# HOMERI ODYSSEAE

## *LIBER DECIMUSSEPTIMUS.*

**T**Am roseo fulgens in nimbo Aurora rubebat,  
 Candida quum croceis evinxit crura cothurnis,  
 Corripuitqueabilem dextra cessurus in urbem  
 Telemachus de more hastam; dein talia mandans  
 Fatur dicta seni. celerans ego moenia gressu  
 Alta petam, coram genitrix ut cara revisat  
 Incolumem; neque enim gemitus prius anxia ponet,  
 Credo equidem, lacrimisque madentia lumina terget,  
 Quam videat reducem: tibi vero haec iussa relinquo.  
 Hunc socium tu deinde sequens duc moenia ad alta, 10  
 Illic ut properet victum, si pocula quisquam  
 Frustraque det cereris misero: non omnibus unus  
 Sufficio hospitibus tanto jactatus in aestu.  
 Si ferat haec hospes non aequo pectore, magno  
 Illi erit exitio potius; me vera profari  
 Usque juvat. dixit, contraque exorsus Ulysses  
 Excipit. haud equidem retineri heic longius optem:  
 Urbe inopi satius, quam victum inquirere campis  
 Reptanti hac illac frustra. dabit ille, voluntas  
 Quem dare fors aliquid poscenti haud dura monebit. 20  
 Non etenim solidae stant vires robore tali,  
 Ut valeam in stabulo dictis parere jubentum  
 Jam senio domitus. tu vero i laetus; in urbem  
 Jussus aget me deinde senex, postquam igne resolvam  
 Frigus, & insinuans gelidis calor ossibus ibit,  
 Namque aliter cani male tectum frigidus humor  
 Con-

Conficiet roris, primo qui saevit in ortu  
 Plurimus; ipsa etiam procul hinc urbs fertur abesse.  
 Vix ea: Telemachus stabulumque & septa relinquens  
 Ingreditur celeri passu, tacitulusque volutat 30  
 Secum fata procis. postquam alta ad limina ventum,  
 Suspenditque ferens ad longam hastile columnam,  
 Interiora domus subiit penetralia. nutrix  
 Hec illum fida ante alios, ut forte tegebat  
 Pellibus instratis ornata sedilia circum,  
 Euryclea prior subeuntem adspexit, & ipsi  
 Adstitit uda genas lacrimis, ac deinde frequentes  
 Advenere aliae, famulantia corda, puellae,  
 Complexaeque haerent humeris, dantque oscula collo.  
 Ecce autem idaliam Venerem Phoebeque sororem 40  
 Penelope referens thalamo processit ab aureo,  
 Brachiaque injecit nato, complexaque inhaesit  
 Multa oculis, multa & capiti dans oscula caro;  
 Tum sic illacrimans: venisti o dulce parenti  
 Lumen, gnate, tuae! non te spes ulla videndi  
 Jam fuerat, postquam me invita ad Nestoris arces  
 Furtim ingressus iter cessisti e litore nostro.  
 Dic age, si qua patris famae vestigia nosti,  
 Et quaecumque datum vidisse. ac talia fata  
 Conticuit regina: ille imo e pectore rumpens 50  
 Dat gemitum, maestisque haec vocibus insuper addit.  
 Ne lacrimas ne quaere meas: quid saucia figis  
 Corda mihi, fugi qui vix elapsus ab Orci  
 Faucibus, o genitrix? quin tu nunc flumine puro  
 Lota manus, niveaque artus circumdata veste  
 In superas ascende domos comitata puellis,  
 Ferque diis jam rite preces, sollemnia spondens  
 Munera, si placidus fors tandem rector olympi  
 Adnuat,



Adnuat, ingratumque velit mutare laborem.  
 Contra ego nunc populi in coetum progressus abibo 60  
 Adducamque virum, qui me simul alta sequutus  
 Per maria has terigit sedes, missusque praecivit  
 Cum sociis: illum jussus Piraeus amico  
 Hospitio fovit, dum me procul arva tenebant.  
 Dixerat: illa autem volucris velut incita penna  
 Exsequitur mandata. manus jam flumine sacro  
 Abluit, ac pura rutilans in veste per aras  
 Vota facit divis, perfectaue munera spondet,  
 Auxilium si forte paret, si Juppiter adsit.  
 Contra Telemachus se fert e postibus hastam 70  
 Concutiens, gressumque canes comitantur herilem;  
 Ac Pallas dios oculis afflavit honores  
 Lumine perfundens claro. miratur euntem  
 Vulgus, & agglomerat se turba affusa procorum  
 Lactitiam vultu simulans, dirumque furorem  
 Corde premens. quorum paullatim ex agmine cessit,  
 Et qua Mentor erat, quaque Antiphus, atque Alitherfes  
 Cum patre jam longo conjuncti temporis usu,  
 Parte stetit. varios dumque illi ex ordine casus  
 A juvene exquirunt, comitatus ab hospite fortis 80  
 Ibat Piraeus, mediisque ingressus Achivis  
 Telemachum adversa cernentem e sede petebar.  
 Tum sic adstanti loquitur: fate sanguine Uliissi  
 Magnanimo, jam dona meis tibi ferre jubeto  
 E laribus famulas, abeunti flavus Atrides  
 Ipse dedit quae multa heros. nec plura loquuto  
 Telemachus reddit: dubio fortuna periclo  
 Pendet adhuc incerta; procum namque effera pubes  
 Si patrias populata domos me funere perdat,  
 Te potius, Piraeae, velim gaudere potitum 90

Muneribus; sin & nobis victoria laudem  
Adnuat, atque hostes poenam cum sanguine solvant,  
Tunc eadem servata mihi in penetralia ferro.  
Sic dicens, dextraque virum, qui pulsus ab Argis  
Venerat, accipiens secum alta ad limina ducit.  
Quo simul advenere, toris rutilantia ponunt  
Tegmina, & exutos lustrant in fontibus artus  
Marmoreo ingressi labro. dein flumine lotos,  
Atque oleo ut nitidos rursus de more ministrae  
Vestibus induerunt pictis tunicaque recenti, 100  
E folio egressi se circum ad strata reclinant.  
Dat manibus rores, urnaque effundit ab aurea  
In niveam argento choncam formosa puella,  
Insternitque eadem mensam. fert altera puris  
In calathis Cererem, patulis & lancibus escas  
Expediens, sua dona ultro servata, ministrat.  
At genitrix adversa stetit, foribusque sub ipsis  
Nixa toro est, tereti mollissima pollice versans  
Stamina, dum gaudent epulis vinoque fruuntur.  
Inde ubi pulsa fames, ita voce exorsa profatur: 110  
Telemache, infelixne iterum conscendere tristem  
Cogar ego in thalamum, lacrimisque cubile rigatum  
Usque meis, geminos ex quo comitatus Atridas  
Dardanias Ithacus cessit bellator ad arces?  
Nec tamen, heu diri quam sese in tecta reportent  
Nostra proci, referes certo prius ore loquutus,  
Audisti si forte tuum qua parte parentem  
Vivere? finierat genitrix, cui talia natus  
Orsa refert: equidem, fuerint quaecumque, fatebor,  
Mater, vera tibi: Pylias advenimus oras, 120  
Contigimusque manus Nelidae Nestoris. ille  
Hospitio exceptum diti me ad regia duxit.

Limi-

Limina laetatus; gnatumque ut tempore longo  
 Accipit absentem genitor, fruiturque recepto  
 Obvius exfiliens, sic me complexus amore  
 Excoluit seniorque simul, generosaeque nati  
 Progenies. sedenim miserandi ignarus Ulyssæi,  
 Incertusque heros sive ipsum vivere, sive  
 Passum extrema putet; Menelai ad moenia iussit  
 In bijugo vectum longe contendere curru. 130  
 Illic Tyndarida aspexi, quam propter Achivi  
 Pergameique duces multos hausere labores  
 Caelicolum fato. postquam me vidit Atrides,  
 Continuo, quae vis, quae me fortuna tulisset  
 In Spartam, poscit. mox illi ut certa roganti  
 Exposui, contra mihi talia reddidit heros.  
 Proh superi! qua mente viro, quo robore claro  
 Eripere imbelles adeo voluere cubile!  
 Cerva velut magni si quando in lustra leonis  
 Ingreditur, parvosque locans necdum ubere pulsos 140  
 Hinnuleos campis it late herbosaeque quaerens  
 Pascua per saltus & valles errat: at ille  
 Improvisus adest, notoque receptus in antro  
 Saevus utrique inhians laceros depascitur artus,  
 Visceribusque haerens spumas agit ore cruentas:  
 Sic Laërtiades feret illis horrida fata.  
 Juppiter o faciat, Phoebusque, & bellica virgo,  
 Talem se referat, qualem videre Pelasgi  
 Luctantem in Lesbo, quum surgens arduus icu  
 Stravit humi Philomelidem, gavisaeque casu 150  
 Ingenti est omnis Danaum mirata corona.  
 Talem o! se referat, turbamque aggressus inertem  
 Eripiat vitamque brevem, & connubia rumpat  
 Nequidquam sperata horrendo funere mer sis.

Illa autem, quae poscis, ego haud mendaciâ fingens  
Omnia nunc referam, nec te quoque certa latebunt,  
Quae docuit quondam senior me gurgite vasto  
Caeruleus Proteus fatorum haud inscius augur.  
Namque tuum vates vidisse in litore patrem  
Ogygio flentem dicebat, ubi alma Calypso 160  
Sedibus in vitreis invitum detinet. omnis  
Clausa via est; focii defunt, & curva carina,  
Qua freta devectus pelagi spumantia tentet.  
Haec Atrei soboles, bello Mavortius heros,  
Edidit, hisque actis relegens iter omne redivi  
In patriam, dederuntque auras dî pone sequentes.  
Sic ait; & luctu matris praeccordia fixit  
Telemachus, quos inter ab Argis advena fatus  
Cuncta Theoclymenus superis par: o bona Ulyssæi  
Magnanimi conjux; non haec tibi vulneret aures 170  
Fama incerta viri; quin huc advertere mentem  
Ne dubita, tibi namque canens ego vera profabor.  
Audiat haec divûm genitor, mensaeque sacratae,  
Quas adii, sedesque Ithaci, sanctique penates:  
In patria salvus certe Laërtius heros  
Seu graditur, seu forte fedet, scelerisque nefandi  
Conscius exitium publi molitur acerbum.  
Augurium e puppi nam nuper in aethere vidi  
Certum ego, nec tacui monstrans felicia signa  
Telemacho. dixit vates; atque omine laeta 180  
Penelope: haec utinam superi rata vota secudent,  
Hospes, ait; magnis a me cumulabere donis,  
Scilicet ac ditem mirabitur obvia turba.  
Talibus illi inter sese; dum regia circum  
Testa proci jacto gaudent contendere disco,  
Et jaculo, fas omne obliti ubi ludere fuerant.

Queis,

Queis, simul ac mensae tempus jam venit, & agris  
 Undique pastores lectas de more bidentes  
 Adduxere, Medon subito, qui carior unus  
 Ante alios pubi convivia laetus obibat; 190  
 O juvenes, inquit, sat ludo insistere jovit;  
 Ite domum, ac vosmet plenis accingite mensis;  
 Dulcius haud epulis quidquam, quum tempora poscunt.  
 Dixerat: illi alacres surgunt, parentque vocati.  
 Jamque introgressi sinuosa per atria ponunt,  
 Exutasque toris vestes rutilantibus aptant,  
 Mastantes oviumque greges, & pingua circum  
 Corpora caprigeni pecoris, taurumque nitentem  
 Praeterea, hirsutosque sues. dumque omnia fervent  
 Haec dapibus, parte ex alia petere alta parabant 200  
 Moenia jam stabuli custos, atque impiger una  
 Priamidum ac Trojae domitor; cui talia satur  
 Sic prior Eumaeus. non te discedere sponte  
 Hinc patior, potiusque optem (sic jussa tulissent)  
 Tecum partiri curas operumque laborem  
 Hoc simul in stabulo, sedenim contraria regis  
 Jussa vetant; vereorque, gravi ne concitus ira  
 Increpet audentem: dominorum haud mollia gliscunt  
 Jurgia. festinemus iter; processit olympo  
 Alma dies, seroque riget sub vespere frigus. 210  
 Ille autem: mecum praecepi atque ante peregi  
 Haec animo; properemus, ait. tu dirige gressus  
 Ignotum per iter, baculumque, trementia firmem  
 Quo genua innixus, si quem fors offerat aptum,  
 Da precor, haud facili quoniam via tramite fertur.  
 Continuo haec dicens humeris exstantibus addit  
 Sordentem peram, retinet quam tortile lorum,  
 Et multis perfossa locis hiat: haud minus olli

Dat

Dat cupido Eumaeus sectam de robore virgine.  
Tandem abeunt: stabulum catulique & rustica pubes 220  
Interea servant. hic celsa ad moenia regem  
Inscius assimilemque inopi, senioque trementem  
Ducit, foedumque & vestigia tarda regentem.  
Sic adeo propius gressi per scabra viarum  
Successere urbi, venere & fontis ad undam  
Irrigui, soliti cives quo semper aquari,  
Quemque olim struxere Ithaco cum fratre Polydor  
Neritus atque ingens. silvis stat scaena coruscis  
Curvata in gyrum, ramisque virentibus alni  
Undique pubescunt; tum vivo e marmore circo 230  
In medio salit unda, & nymphis alta verendis  
Eminet ara super, florentia fecta viator  
Ponit ubi, meritoque deas veneratur honore.  
Heic Dolii occurrit proles vesana Melantheus  
Agmen agens pecudum secum, totoque capellas  
E numero lectas avidis in munera mensae  
Sueta procis: juvenes ibant duo pone sequuti.  
Ergo ut conspexit venientes, dira minatus  
Increpuit, movitque duci sub pectore bilem 240  
Vociferans temere, fasque omne oblitus: & heus quam  
Ecce malum malus ipse, inquit, comitatur euntem!  
Caelicolae ut similem gaudent submittere semper  
Ad similem! quonam morosum hunc ducis, inepte,  
Mendicum, cladem mensarum ac triste venenum  
Laetitiae? multis humeros jam postibus adstans  
Adteret, haud ullo victor certamine poscens  
Captivamque sibi nympham, rutilosque lebetas;  
Frustra sed adrosae cereris. quin si mihi dones,  
Ut nostra assiduus verrat praesepia custos,  
Arbutaeque ferat frondes balantibus hoedis; 250  
Ille

Ille sero pingui pastus protenderet artus  
 Magnos, laxaretque femur. sed tempore longo  
 Nequitiae additus non ullum ferre laborem,  
 Non opera exercere valet: tantum improbus atram  
 Ingluviem quaerens aliena pascere mensa  
 In populo hac illac tremulo male corpore reptat.  
 Nunc tamen edico, res & mea dicta sequetur:  
 Si tecum ingressus Laërtia testa subibit,  
 Multa caput circum dextris jaculata procorum  
 Scamna humeris laterique adtrito illisa sonabunt. 260  
 Dixerat, elatoque femur maleficus Ulyssæi  
 Calce petit, turbatque via conatus, at heros  
 Restitit immotus, secumque in pectore versat  
 Inter utrumque anceps, an stricto robore vitam  
 Eripiat fonti insiliens, an turbidus alte  
 Sublatum illidat diffracto ad saxa cerebro?  
 Fert tamen, obduratque animum: tum protinus illum  
 Torva tuens, dictisque minans Eumæus amaris  
 Increpitat, tollitque manus, & voce precatur.  
 Nymphae Naiades, gnatae Jovis, o bonus umquam 270  
 Si qua tulit vobis Ithacus pia munera, & aris  
 Pinguia si pecudum fumantia praebeuit exta,  
 Hoc mihi vos contra faciles persolvite votum:  
 Jam redeat dux ille meus, patriosque penates  
 Invisat ducente deo. tibi corpore fastum  
 Detereret bene compto urbis per strata vaganti  
 Assidue, elatoque animis, nitidoque juventa,  
 Improbe: pastorum vitio pecus omne peractum  
 Interea languet. sic ille, & dicta Melantheus  
 Irridens: proh quanta canis, quam mira loquutus 280  
 Edidit! hunc equidem mecum per caerula quondam  
 Longe Ithaca avectum ducam, multoque carebit  
 Nec

Nec via mi pretio: nunc o! sic perdat Apollo  
 Telemachum jaculis hodie; vel saeva juvenus  
 Sedibus in propriis violento funere sternat,  
 Jampridem ut periit; quem frustra poscis, Ulysses.  
 Haec ait, & placido gradientes tramite linquit  
 Urbis iter celerans, regisque in limina tendens.  
 Nec mora longa; adiit postes, seseque locavit 290  
 Eurymachum contra, namque hunc ex omnibus unum  
 Eximie coluit: famuli dein torrida ponunt  
 Exta viro, cereremque ferens dat fida ministra.  
 Jamque adeo Eumaeus gradiens, atque acer Ulysses  
 Adstiterunt propius, cytharaeque impulsus in aura  
 Infremuit sonitus circum, dum carmina nervis  
 Phemius aptabat, jamque ipsis dulce canebat.  
 Restitit, Eumaeumque tenens: pulcherrima, dixit,  
 Regi testa tuo surgunt educta sub auras,  
 Aedibus & magno reliquis discrimine praestant.  
 Ordine se vario tollunt: heic atria celsis 300  
 Porticibusque nitent, septisque, aptaeque coruscant  
 Arte laboratae bifores ad limina valvae,  
 Quas non ulla virum valeat perfringere virtus.  
 Intro etiam juvenes multi convivia ducunt,  
 Et genio indulgent: it nidor in aëthera cantu  
 Cum citharae, sociam dapibus quam numina servant.  
 Ille autem reddit: non te sententia fallit  
 Haud rerum ignarum; sed qua ratione, quod instat,  
 Confieri possit, prius heic statuamus, oportet.  
 Si celsas tu forte velis invadere sedes, 310  
 Atque procis conferre gradum prior, en age limen  
 Ingredere; ipse sequar mox te post terga relictus.  
 Sin aliter, paullum subsiste; ego limine gressus  
 Anteferam, longo nec tempore deinde moratus

Tu



Tu sequere, heic aliquis ne te speculatus inermem  
Dedecoret, plagisque fuget; juvat ante videre  
Scilicet, atque animo varios expendere casus.

Illi heros: ne plura, inquit; satis omnia novi:

Tu prior ingrediare licet, celsisque manebo

Heic ego pro foribus; didici jam doctus ab usu 320

Et foedas ignominias & verbera ferre.

Id quoque nunc veniat: non hoc in pectore frustra

Stat patiens animus multis jam casibus actus

Et pelagi & belli, longumque expertus utrumque.

At vis nulla valet rabiem compescere ventris

Luſificam, quae corda hominum perferre labores

Edocuit multos agitans; quam propter & armis

Horrentes volitant instructo & remige classes

Indomiti per stagna maris, clademque minantur

Hostibus, & latos vastant incurſibus agros. 330

Talia dicebant; quum collum arrexerit, & ambas

Excitus audito sonitu canis ilicet aures

Argus amor Laërtiadae, quem paverat olim

Ipſe fovens, multaque heros eduxerat arte,

Praemia nec retulit; nam curva in classe profectus

Ante sacrae petiit surgentia Pergama Trojae.

Saepe tamen juvenes crebris venatibus illum

In capras egere feras, damasque fugaces,

Et lepores. nudo tum forte sub axe jacebat

Neglectus caeno immundo, foedataque turpi 340

Membra fimo stratus, quem longe efferre solebant

Agricolae, ac magnos Ithaci jactare per agros.

Heic recubans ricinis exesus turpiter artus:

Argus ut agnovit dominum, caudamque remulcens,

Et motans utrinque aures spectabat euntem;

Nec tamen & cupiens potuit vestigia ferre

Q q

Comi-

Cominus. illum autem longe miseratus Ulysses  
 Demisit lacrimas; & furtim lumina terfit  
 Sic fatus: turpine canem procumbere caeno  
 Hunc finire? ingentes artus, formamque decoram 350  
 Pulcher habet; non & video, num cursibus acer  
 Exstiterit pariter, formaeque aequarit honorem;  
 An secus? ignavi quales soloque nitore  
 Eximii regum mensis pascuntur opimis,  
 Luxuriantque domo. sic ille, atque orsa vicissim  
 Excipit Eumaeus; gemitumque e pectore ducens:  
 Hic fuerat regi carus, quem flemus acerbo  
 Funere nequidquam mersum, canis, inquit; at ipsum,  
 Qualis erat forma quondam & praestantibus ausis,  
 Trojam quum ductor petiit, si forte valentem 360  
 Vidisses, cursuque pedum miratus & acri  
 Robore florentem, nosces quid praestitit olim  
 Impiger. haud illi nemora inter inhospita dumis  
 Effugit fera visa umquam, vestigia late  
 Scrutanti; notasque auras per lustra sequenti.  
 Nunc domitus jacet ipse malo; mors abstulit atra  
 Hinc procul heu misero regem, nec cura relict  
 Femineo est generi, dominisque absentibus ultro  
 Ignavi cessant famuli, spernuntque laborem.  
 Altitonans pater ipse hominem, quem ferre subegit 370  
 Servitium, media virtutis parte carentem  
 Quippe facit. nec plura his tunc effatus in altas  
 Corripuit sedes gressum, seseque procorum  
 Intulit in coetum. contra autem aspexit ut Argus  
 Bisdenos reducem post annos lactus Ulysses,  
 Procubuit nigra fati caligine pressus.  
 Eumaeum interea venientem in limine primus  
 Telemachus cernens ad se vocat ocus: ille

Adpro-

Adproperat, vacuamque videns, qua membra solebat  
 Ponere, qui laetis dissecta & viscera & armos 380  
 Portabatque procis, numerumque aequabat in omnem,  
 Telemacho propior sedem locat, atque ibi fessus  
 Confidit juvenem contra. simul impiger olli  
 Fumantesque dapes praeco cereremque ministrat.  
 Illum pone sequens sua tandem ingressus Ulysses  
 Teستا subit, baculoque regens vestigia fertur  
 Os habitumque seni similis, quem turpis egestas  
 Multa domat: circum membris horrescit amictus  
 Sordidus, inque solo non ausus adire sub aulam  
 Fraxineo sternit sese, tergumque reclinat 390  
 Postibus innixus, quos multa ornaverant olim  
 Arte faber cedroque & odorifera cyparisso.  
 Heic subito Eumaeum jubet una assurgere, & almae  
 Vim cereris multam capiens fumantiaque exta,  
 Quae fors cumque tulit manibus: ferto omnia, dixit  
 Telemachus, donisque novus fac gaudeat hospes:  
 Dic etiam, propius veniens ac munera poscens  
 Quemque adeat juvenum: non est pudor aptus egenti.  
 Sic ille: Eumaeus paret, tum proximus adstans:  
 Haec Ithaci tibi gnatus, ait, dat munera, & ultro 400  
 Admonet, ut juvenes adiens ex ordine, quemque  
 Sollicites: neque enim bonus est pudor, inquit, egenti.  
 Cui referens Ithacus: faxit jam magnus olympi  
 Ille pater, semper felici gaudeat aevo  
 Telemachus, voto & numquam frustretur inani  
 Omnibus in rebus. simul haec, simul accipit ulnis  
 Ambabus data dona, suosque aggesta reponit  
 Ante pedes lacerae supra sordentia perae  
 Vellera. jamque epulis gaudet, dum carmine vates  
 Personat arguto sedes; quum desiit heros 410

Vescier, & vates modulari desiit una.  
 Interea magno sonuerunt tecta tumultu,  
 Plauseruntque proci; quum lapsa ex aethere virgo  
 Armipotens regem movet ultro, ut quemque procorum  
 Circum adeat, cereremque petat, visurus aperto  
 Indicio, cui recta sedet cuique improba diri  
 Vis animi, nullum quamquam non poena manebat.  
 Surgit, & incepit dextra, velut ante petisset  
 Saepe stipem, tendit supplex ad munera palmas  
 Undique. dant juvenes miserati, unaque requirunt 420  
 Mirati, quis & unde venit? queis pauca Melantheus  
 Caprigeni pecoris custos mirantibus infit.  
 Audite o juvenes, clarum genus; hunc ego nuper  
 Vidi ferre gradus, illumque Eumaeus agebat,  
 Non tamen & quali sit cretus origine, novi.  
 Dixerat. Antinous tum contra iratus acerbis  
 Increpat Eumaeum dictis: cur, improbe, in urbem  
 Hunc etiam duxti? pauci versantur in hisce  
 Sedibus erroneos nimirum, & cogere pestes  
 Huc juvat accitas unde undique, triste futuras 430  
 Excidium regi? super hunc accedere iusti,  
 Nescio ubi inventum. quem tali voce sequutus  
 Excipit Eumaeus: quacnam te indigna profanem  
 Mens agitat? cui tantus amor praecordia versat  
 Ad mensas accire alium, nisi plurima dignum  
 Fecerit hunc virtus claras agitata per artes?  
 Fatidici vates, aut carmina grata canentes,  
 Insignesque fabri, doctique expellere morbos  
 Paeonia de gente viri; qua maximus orbis  
 Tenditur, hi tantum quacsi in tecta vocantur: 440  
 Non inopes, non dura animos queis urget egestas.  
 Tu vero ante alios unus magis asper Ulyssaei

Incre-

Increpitas famulos: meque ipsum laedere gaudes  
 In primis. at nulla tui mihi cura minantis,  
 Penelope dum vivit adhuc, & numina servant  
 Telemachum. dixit senior: tum gnatus Ulysse:  
 Comprime jam vocem, neu contra plura reponas;  
 Antinous dirae semper convicia linguae  
 Laevus amat, cogitque alios assurgere in iras.  
 Dixit, & Antinoum cernens: tu me, inquit, amatum 450  
 Ut genitor natum curas, qui cedere nostro  
 Hunc ferus hospitio cogis. dî talia caelo  
 Facta vetent; cape dona manu, largire precanti,  
 Haud quidquam invideo; jubeo magis: eja age, matrem  
 Nec meruas, nec quemquam alium pro talibus ausis.  
 At non iste animus tibi saevo in pectore: mavis  
 Ipse vorare inhians, ulli quam ponere partem.  
 Huic autem Antinous: quid frustra talia jactas  
 Impatiens, dictisque tonans heu crimen acerbas,  
 Telemache? illi adeo si nunc & cetera tantum 460  
 Turba daret, longe tres hinc ex ordine menses  
 Exigeret tacitus. dixit, fulcrumque repente  
 Corripiciens, quo forte pedes innixus habebat,  
 Ostentat mensa subter; contraque frequentes  
 Dant alii cereremque ultro, dapibusque refertam  
 Aggestis onerant peram. quo laetus Ulysses  
 Munere rursus adit postes in limine, & adstans  
 Antinoo adversus placido sic fatur ab ore.  
 Da, bone: namque mihi non ultimus inter Achivos,  
 At potius longe princeps, magnoque videris 470  
 Assimilis regi: quare te largius aequum est  
 Ferre mihi, vastumque ibi tua fama per orbem.  
 Ipse etiam tenui quondam regalia dives  
 Atria, & errantem, nostrum qui limen adiret

Indi-

Indigus auxilii, quisquis foret advena, juvi.  
 Multi aderant famuli, rerum vis multa jacebat,  
 Queis facile vivuntque homines, ditescque vocantur.  
 Invidit fortuna tamen: sic quippe Tonanti  
 Visum, cum rapidis qui me praedonibus ire  
 Impulit heu comitem, longeque Aegyptia cursu 480  
 Regna sequi, ignotis caderem procul exsul ut oris.  
 Attigimus portum, placidoque in flumine classis  
 Jam steterat. socios moneo subducere puppes,  
 Atque agere excubias; partem conscendere cellas  
 In speculas, sinefque hortor lustrare patentes.  
 Illi autem elatique animis fastuque superbi  
 Niliacos subito vastant late undique campos,  
 Captivasque trahunt matres, puerosque gementes  
 Per mediam caedem. nec jam mora: rumor in urbem  
 Ocius advenit, populosque excivit ad arma. 490  
 Erumpunt roseae sub lumina prima diei  
 Agmine conferti magno; tremit excita pulsu  
 Terra equitum peditumque gravi, galeaeque minaces  
 Solis inardescunt radiis, atque aera coruscant.  
 Tum pater ipse deum molitus fulmina dextra  
 Immisitque fugam fociis, trepidosque coëgit  
 Terga dare: haud ullus firmato pectore contra  
 Stare valet, certamque intentant omnia cladem.  
 Pars ferro transfixa cadit, pars viva meorum  
 Abripitur captiva procul subituraque triste. 500  
 Servitium. Cyprias me vero abducere in oras  
 Dmetori lasidae tradunt, qui sceptrum tenebat  
 Regia, & ingenti Cyprum ditio premebat:  
 Illinc advenio sortem perpeffus iniquam.  
 Talia dicentem jam pridem turbidus ira  
 Antinous cernens: quinam huc malus attulit istam  
 Per-

Perniciem deus, exclamat? jam corripe gressum,  
 Et mensa hac absiste procul, ne rursus amaram  
 Aegyptum experiare tibi, Cyprumque profectus  
 Adspicias; tanta est vesanae audacia mentis! 510  
 Convivis adstat malus ecce ex ordine cunctis;  
 Hi temere effundunt, alienaque perdere nulla  
 Aut pietas aut cura vetat: nempe omnibus adsunt  
 Omnia fat. vano quae postquam effudit ab ore  
 Antinous; retro referens vestigia ductor:  
 Haud, ait, est etiam tibi pulcro in corpore virtus,  
 Nec facie mens digna. tuis e sedibus hospes;  
 Credo equidem, nec pauca falis vel grana referret,  
 Nunc mihi quum residens aliena ad pabula sumptae  
 Frustra negas cereris plenae inter munera mensae. 520  
 Dixerat: ast olli violento in pectore saevit  
 Ira magis, torvumque tuens: jam sedibus, inquit,  
 Jam reor ex istis actutum pulsus abibis  
 Turpiter; ipsa etiam pergis convicia factis  
 Addere. sic dicens scamnumque intorsit, & alte  
 Impulit averſi in tergum, dextrique supremam  
 Partem humeri strinxit. manet imperterritus heros  
 In medio, ceu dura silex; nec voce movetur  
 Impiger Antinoi, nec jacti roboris ictu;  
 Sed tacitus quassat caput, & mala corde volutat. 530  
 Mox repetit postes versus, plenamque reponens  
 Peram, stratus humi, juvenes, sic orsus ab ore,  
 Alloquitur. vos o pulchrae connubia nymphae  
 Qui petitis, clari juvenes audite loquentem,  
 Quae fert cumque animus. nullus praecordia maeror  
 Sollicitat, nullusque dolor, cui vulnus adauctum,  
 Dum proprias tutatur oves, armentaque pugnans  
 Protegit. id vero indignum, quod vulnere laesit

Anti-

Antinous, quem saeva fames, infauſta malorum  
 Cauſſa, jubet caſus animum ſubmittere ad omnes. 540  
 At ſi inopum ultores dī ſunt, & Erinnyes ullae,  
 Antinoum mors ante premat, quam gaudia noſcat  
 Conjugii. ſic ille orans dicebat; at acer  
 Eupithei natus: quin vocem comprime, & iſtheic  
 Vel fructu o placidus partis, vel limine cede  
 Longius abſiſtens, ne longa per atria turbet  
 Talia jaſtantem jamdudum exoſa juventus,  
 Correptique omnes diſcerpat protinus artus.  
 Sic ait; inque imo contra furor omnibus arſit  
 Pectore, jamque aliquis: quae te dementia verſat 550  
 Perdit, qui miſerum telo petis, inquit, acerbo?  
 Quid ſi quis magno miſſus deus adſit olympo?  
 Neſciſne, hoſpitibus ſimiles errantibus ora  
 In varia atque habitum verſos ſe ferre per urbes,  
 Atque hominum fas atque neſas exquirere divos?  
 Talia dicebant juvenes, nec talibus ille  
 Turbatur, metuitque ſcelus. furit anxius iſto  
 Telemachus ſub corde, nec udo lumina fletu  
 Spargit, at ingenti curarum fluctuat aeſtu,  
 Demittitque caput quaſſans; tacitusque minatur. 560  
 Interea famam percuſſi accepit ut alto  
 Penelope in thalamo fidis ſtipata puellis:  
 O utinam ſic ipſe arcu jaculatus Apollo  
 Illum perdat, ait. quin ſi nunc pondus haberent,  
 Excipit Eurynome ſubito, mea vota, preceſque,  
 Craſtina nulli horum vivo conſurgeret Eos.  
 Cui rurſum regina: mea o fidiffima nutrix,  
 Haec inviſa omnis turba eſt, aſſucta nefandis  
 Flagitiis, inquit; nigro ſed acerbior Orco eſt  
 Antinous. ſubter luſtrans ex ordine menſas 570  
 Neſcio



Nescio qui vagus hospes, eum namque urget egestas,  
 Dona petit: dant multa omnes; hic solus at illum  
 Perculit ad dextrum jaculato robore tergus.

Haec dum formosas inter regina puellas.

Maesta sedens queritur, ductor Laërtius altis

Postibus acclinis curabat corpora victu.

Et jam Penelope propius succedere iussum

Eumaeum alloquitur, coramque haec protinus infit:

Vade age, dic hospes veniat: stat quaerere Ulysse

De misero, si qua est fama olli audita, vel ipsum 580

Viderit errando, multas jactatus ad oras

Ille etiam, credo, ni vanam ludit imago.

Cui reddit senior: nunc o paullisper Achivi

Si placidi sicerent, per. tecta atque alta silerent,

Quae non ille tibi referens narraret, & o qua

Pectora mulceret longum dulcedine fando!

Tres illum noctes, toridemque in paupere luces

Detinui stabulo, ( nam primum advenerat illuc

Elapsus pelago; ) neque adhuc percurrere coeptos

Expediens casus potuit. miratus ut olim 590

Quis videt afflatum divino numine vatem,

Attonitusque stupet vulgo miranda canentem

Carmina, inexhausta semper manantia vena;

Sic ego pendebam cupidus narrantis ab ore.

Sese Ithaci veterem primaque ab origine patrum

Fert socium, Cretamque colit, Minoia regna.

Finibus ex illis haec vestum ad litora duxit

Sors miseranda ferens: Thesprorum vivere diri

In populo haud longè salvum testatur Ulysses,

Immensamque simul gazam deferre parantem. 600

Penelope contra: duc o, duc ocus, inquit,

Vade, voca: coram juvat illum audire loquentem.

R r

At

At juvenes variis traducant otia ludis  
 Ante fores, mediave aula: stant omnia cuique  
 Tuta domo frugesque, & dulcia munera bacchi,  
 Queis famuli gaudent: ipsi autem aliena frequentes  
 Semper tecta colunt, pecudesque armentaque caedunt  
 Lecta boum, nostrisque epulis, vinoque fruantes  
 Nequidquam. dilapsa perit res funditus omnis, 610  
 Nec prohibet quisquam; neque enim est, qui tristia damna  
 Arceat a domibus. quod si remearet Ulysses  
 In patriam, notasque redux contingeret oras,  
 Illicet ille suo cum gnato averteret hostes.  
 Vix ea; Telemachus subito cum murmure magno  
 Sternuit: insonuit fremitu domus ardua circum,  
 Laetaque Penelope rursus sic voce loquuta est.  
 I propera, coramque hospes succedat amicus;  
 Nonne vides quae fausta mihi dedit omina gnatus?  
 Haud incerta loquor: non irrita fata minatur  
 Parca procis; nullus de caede elapsus abibit. 620  
 Praeterea sciat ille, mihi si vera reportet  
 Nuncia, pro meritis a me jam digna parari  
 Praemia, formosas picto subtegmine vestes.  
 Nec plura: ille citus reginae dicta verendae  
 Exsequitur, propiorque adstans: te candida, dixit,  
 Telemachi vocat ecce parens; tot tristia passae  
 Quaerere mens olli quiddam de conjugis coram.  
 Quod si etiam haud vanum, videat sed certa ferentem,  
 Pulcra dabit cupido pictae tibi munera vestis,  
 Qua tantum nunc tristis eges, totamque per urbem 630  
 Haud ingrata petes vacuo solatia ventri,  
 Quique volent, impune dabunt. cui talia fanti  
 Heros orsa refert: actutum certa referrem  
 Omnia, nec regerem cupidae; quippe aspera novi  
Fata

Fata viri, simili fortuna agitatus & ipse.  
 Sed metuo rabiem, violentaque facta procorum,  
 Quorum etiam tetigit ferratum injuria caelum.  
 Et nunc ille malus, quum me nil tale merentem  
 Perculit, ac duro jaculatus vulnere laesit,  
 Nec mihi Telemachus quidquam, nec profuit alter 640  
 Exitium avertens. ergo sua limina fervet  
 Penelope opperiens, dum sol petat aequora curru  
 Occiduo; tunc ultro adero, nec reddere coram  
 Abnuero, quaecumque alio de conjuge quaeret,  
 Ante focum residens: lacero scis tegmine amictus  
 Quam pereo, supplex tua primum limina adivi.  
 Dixerat: & dicto parens Eumaeus abibat.  
 Atque illum, ut vidit gressus per tecta ferentem  
 Penelope, affata est: cur sic tu solus, & hospes?  
 Haud sequitur tua jussa; quid ille in pectore versat? 650  
 Anne aliquem nimium metuit, refugitque pudore?  
 Scilicet indigno captus? male dedecet iste  
 Errantemque vagumque pudor. nec plura loquutam  
 Excipit Eumaeus: non ille haud aqua profatur,  
 Sed prudens quae quisque, cavet qui triste periculum,  
 Ac timet audaces scelerata in crimina dextras.  
 Expectare jubet, se dum sol mergat in anthe  
 Hesperio: melius tibi longa per otia soli  
 Tunc dabitur placitas audire & reddere voces.  
 Finierat referens; breviterque haec addidit olli 660  
 Penelopé: non ille mihi sine mente putandus,  
 Quisquis hic est; neque enim mortali sanguine creti  
 Usquam homines adeo crudelia facta minantur.  
 Haec illa: retro senior vestigia vertens  
 In medios venit juvenes rite omnibus actis;  
 Atque ita Telemacho, ne quisquam exaudiat alter,  
 -Oll  
 R r 2 Adsi-

Adstans propior fidam dein fatus ad aurem est.  
 O juvenis dilecte, ego jam visurus abibo,  
 Si quod opus rebusque tuis nunc instet agendum  
 Atque meis pariter: tibi sint heic cetera curae, 670  
 Teque ipsum serva primum, tibi consule, quidquam  
 Ne patiare mali, proceres meditantur Achivi  
 Dira tibi, quos o! prius ille hominumque deumque  
 Perdat agens domitor, quam nos vis occupet, ulla;  
 Telemachus contra: sic Juppiter caduat; oro;  
 Interea tu serus abi, primisque redito  
 Cum radiis tecum ducens maclanda per aras  
 Corpora lecta suum: curabunt cetera divi,  
 Atque ego, satius erat juvenis, seniorque locatus.  
 In folio dapibus gaudet, rursumque refectus  
 Maturatque viam, sedesque & plena relinquit  
 Atria convivis laeto resonantia cantu  
 Et choreis; propus nam fol vergebat ad undas.



## HOMERI ODYSSEAE

## LIBER DECIMUS OCTAVUS.

**I**nterea stetit ante fores conquirere victum  
 Undique suetus homo vastaque voragine ventris  
 Notus inexpleri, cui nullae in corpore vires,  
 Nullum & robur erat; tantum se mole ferebat  
 Arduus ingenti, primis hunc mater ab annis  
 Dixerat Arnaeum, post Irum nomine cives,  
 Nuncia quod referens ibat; dixere vocantes.  
 Is Laërtiaden proprii de limine testis  
 Pellere conatus sic ultro incessit acerbis  
 Vocibus: eja ultro discede, aut calcibus isthinc  
 Abripiere senex pulsus; non ora monentum  
 Aspicias en juvenum, plaususque audere jubentum?  
 Sed miseret me quippe tui nimis: ergo age surge,  
 Ne fera nos inter manibus discordia gliscat.  
 Talia jactantem sic contra affatur Ulysses  
 Torva tuens: nec te facto, nec voce lacezzo;  
 Nil etiam invideo, licet uni plurima donent.  
 Haec ambos capiet sedes: quid tollere partem  
 Invidus alterius certas, oppressus eodem,  
 Quo premor ipse, gravi casu? di' forsitan olim  
 Respicient utrumque, dabunt & ditia dona;  
 At manibus parcas moneo; nec turbidus iram  
 Sollicites aliter, quamquam sim fessus ab aevō,  
 Pectoraque, & sparsa foedabo fracta cruore  
 Labra tibi: sic orta mihi lux crastina surget  
 Tuta magis; neque enim pulsus Laërtia rursus,  
Credo

Credo equidem, poteris minitando in testa reverti.  
 Haec Ithacus, contraque haec ardens reddidit Irus:  
 Proh superi! ut gurgēs hic verba sonantia volvit  
 Adsimilis vetulae, fractas quae torret aristas 30  
 Garrula. jam faxo, mea brachia sentiat ictu  
 Saucius, atque omnes vomat atro in sanguine dentes  
 Sus veluti, flavo segetem quum raptat in agro.  
 Aggredere: hi pugnam spectent, quid tarda senectus  
 Hanc viridem contra valeat sperare juventam?  
 Sic odiis animisque adversi limine in ipso  
 Certabant. quos vidit ubi sine more furentes  
 Antinous, ridens subito est affatus amicos:  
 O socii, nova pugna oritur, qua munere divum  
 Gravior his numquam visa est penetralibus ante 40  
 Ecce hospes, pariterque Irus pugnantia jactant  
 Brachia congressi: juvat hanc incendere pugnam.  
 Dixerat, & magno cum risu protinus omnes  
 Postibus exsiliunt altis, circumque frequentes  
 Agglomerant sese pugnantibus; atque ibi fatus  
 Eupithei Antinous proles haec inquit ab ore.  
 O pubes generosa proci, torrentur in igne  
 Viscera caprigeni pecoris, quae sanguine plena  
 Et pingui nobis in serae tempora caenae  
 Servantur. partem victor sibi praemia pugnae, 50  
 Quam velit, exsortem capiat, semperque sub isdem  
 Aedibus assideat nobis conviva, neque ullum  
 Has inopum mensas alium turbare sinamus.  
 Sic monuit, cunctisque eadem sententia sedit.  
 Tunc Ithacus subiens astu, contraque loquutus:  
 Haud fas, haud juveni tanto componier aequum  
 Me senio fessum longo, curisque grayatum;  
 Saeva tamen ventris rabies descendere cogit

Has

Has etiam ad plagas miserum. sed vos ego magnos  
 Per divos testor, validis vos parcite dextris, 60  
 Neu feriat quisquam saevo me vulnere furtim  
 Auxilians Iro: vestro percussus ab ictu  
 Conciderem extremum. dixit, jurataque cuncti  
 Dicta viri spondent, atque haec super adjicit heros  
 Telemachus dicens: virtus in pectore solum  
 Hunc tibi sit praefens contra; non ullus Achivum,  
 Quem metuas, heic, hospes, adest: nam laedere si quis  
 Audeat, haud uni solvet pro crimine poenas.  
 En adsum prior ipse tibi, nec jussa retrectant  
 Eupitheo Polyboque sati, praestantibus orsis 70  
 Egregii heroës. haec ille, eademque probarunt.  
 Haud dubio assensu juvenes. tunc fortis Ulysses  
 Protinus ima sibi circumdedit inguina pannis,  
 Exeruitque femur magnum: lata ossa superne  
 Stant humeris, pectusque altum, nodosaque circum  
 Brachia dura toris; super ipsa valentia regi  
 Praefens membra suo Tritonia numine firmat.  
 At pubes mirata stupet, mussatque vicissim  
 Respiciens: jam non Irum, gravis exitus Irum  
 Accipiet; tam plena seni femora hirta patefcunt. 80  
 Haec pubes: simul aspectu contreritus haeret  
 Irus, & invitus famulis cogentibus aptat  
 Tegmina nequidquam circum, ac totos tremit artus.  
 Quem tunc Antinous minitans ita turbidus ore  
 Increpuit: tibi nulla subest, vanissime rerum,  
 Vis animo, hunc adeo si firma aetate vigescens  
 Tu metuas fractumque annis domitumque labore.  
 Haec tamen edico, quae mox rata cuncta manebunt  
 Si potior te forte senex hic vicerit, ire  
 Protinus Epirum freta per spumantia cogam 90  
 Ad

Ad regis muros Echeti, qui saevus & aures  
 Amputet, & trucas inhonesto vulnere nares,  
 Atque exsecta super canibus det cruda voranda  
 Inguina dedecorem turpans. sic fatus; & olli  
 Hoc magis incubuit trepidis malus artubus horror,  
 In medioque stetit propulsus: brachia tollunt  
 Ardua, & elatis assurgunt iſtibus ambo.  
 Heic heros dubia secum sub mente volutat  
 Sicne manū feriat, collapsum ut vita relinquat  
 Protinus ad manes fugiens, an temperet iras, 100  
 Proſternatque ſolo tantum? ſententia viſa  
 Haec melior, ne forte ſecus noſcatur Achivis.  
 Continuo ſurgunt: dextro ſuper imminet Iruſ  
 Ingeminans iſtus humero; furit alter, & aures  
 Cervicemque domat: ſonuerunt vulnere fracta  
 Oſſa, & purpureus defluxit ſanguis ab ore.  
 Jamque ſolo cadit ille, omneſque in pulvere dentes  
 Illiditque gemens nequidquam, & calcibus arva  
 Verberat. excipiunt plauſu, riſuque ſequuntur  
 Ingenti juvenes tollentes brachia: at illum 110  
 Veſtibulo ex alto rapiens, pedē traxit Ulyſſes,  
 Porticibusque cavis properans perque atria longa  
 Ante fores ſtatuit ſubnixum ad ſepta domorum;  
 Tum baculum dat ferre manu ſic deinde loquutus.  
 Iſtheic nunc metuende ſede, catuloſque ſueſque  
 Hiſtuſos arce foribus; neu dicere leges  
 Hoſpitibus miſeris ita nullo praeditus auſus  
 Robore, ne ſontem gravior te poena ſequatur.  
 Sic ait, atque humeris ſordentem inſecit amiſtum,  
 Demiſitque iterum corroſo tergoſe peram 120  
 Ex humero, limenque adiens conſedit. at omnis  
 Stat circum pubes, atque implens atria riſu

Lacti-



Laetifico dictis victorem extollit amicis:

Juppiter o, superique tibi dent maxima divi

Munera, qui tantam potuisti avertere pestem

A populo! Epirum jam jam petet ille per undas

Supplicia expendens, nullis mortalibus aequi

Effera ubi surgunt Echeti penetralia regis.

Talia dicebant juvenes, laetatus & heros

Omne gaudebat. rapiens dein pingua flammis 130

Viscera tosta, intus commixto plena cruore,

Exedit Antinous; nec non duo magna canistris

Frustra laboratae Cereris correpta dat ultro

Amphinomus, pateramque ardenti nectare plenam

Tendit ita affatus: salve o! pater hospes, & alma

Copia te laetum post tristia damna revisat.

Cui Laërtiades: magni non laude videris

Degener, & clara, dixit, virtute parentis,

Amphinome. eximio Nisus celebratur honore

Dulichio in pingui, cujus de sanguine cretum 140

Te perhibent, iustique tenax, & rebus abundans.

Multa tibi cultae super & facundia linguae

Suppetit: huc aures idcirco adverte, profabor.

Nil hominum fato miserum magis alma creavit

Terra parens genere ex omni, quod vescitur aura

Aetheria, reprætatque solo. nam tristia sese

Passuros haud ulla putant, dum numina robur

Sufficiunt, solidaeque virent in corpore vires.

Post ubi versa malis divum est mutata voluntas,

Dura quoque invito coguntur pectore ferre: 150

Quippe animi motus varii vertuntur, ut ille

Rex hominum divumque pater sua tempora vertit.

Ipse etiam felix quondam florentibus annis.

Sic vigui, lætusque opibus, fraterque juvena,

Fratribus & caris, & magni nomine patris,  
 Saepe nefas immane ausus, jura omnia spreui.  
 Nunc aliter visum superis; a crimine quisque  
 Abstineat, tacitusque deum data munera servet,  
 Quae data cumque; procos non ut male fervere cerno,  
 Aggressos infanda animis, nec parcere rebus, 160  
 Nec thalamo regis, quem non reor abfore terra  
 A patria longum; quin & venit ecce. penates,  
 Gnate, tuos pete, gnate, deo ducente, nec olli  
 Obvius i reduci, nota quum sede potitus  
 Adstiterit. neque enim credo sine sanguine multo  
 Ipsum inter sociosque tuos discordia stabit.  
 Haec ait, ac libans nigro se flore lyaei  
 Proluit extemplo, siccataque pocula reddit.  
 Amphinomus turbatus abit, curasque volutans  
 It tristis, motatque caput; nam triste canebat. 170  
 Jam sibi mens praefaga mali; nec funera demens  
 Fugit. cum validis domuit Tritonia virgo  
 Telemachi manibus transfixum cuspide athena:  
 Sed tum; quo cessit, folio confedit eodem.  
 Penelopem interea glauco dea lumine pulcra  
 Sollicitat, coramque monet se ostendere pubi,  
 Altius ut sedeant flammae, gnatique virique  
 Non minus eximio laudum celebretur honore:  
 Illa invita quidem risit, conversaque tali  
 Affata Eurynomen voce est. insueta cupido 180  
 Nescio quae surgens trepido mihi pectore gliscit:  
 Suadet adire procos dirum genus, insuper ipsi  
 Consulere & nato, sese ne credat Achiivis  
 Insidias veritus, vafri qui mollia semper  
 Dicta serunt, tacitoque agitant in corde furorem.  
 Eurynome contra; sic o, sic numina poscunt;  
 Vade,

Vade, ait, & gnatum prudens affare vocatum  
 Formosos abluta artus atque unguine odoro  
 Sparſa genas: neque enim fletu lacrimisque madentem  
 Ire decet. longo quin & tabeſcere luſtu 190  
 Indignum eſt, cui talis adeſt jam munere divum  
 Progenies, qualem tu natum optare ſolebas  
 Purpureas molli ſparſum lanugine malas.  
 Vix ea; quum rurſum regina: haud talia curae,  
 Ornariſque genas, puroque in fonte lavari.  
 Jamdudum ſuperi mihi pulcro e corpore formam  
 Abſtulerunt, ex quo ceſſit meus ille per altum  
 Infelix conjux inviſa ad Pergama miles.  
 Verum age, & Autonoe veniat fac candida, & una  
 Hippodamia comes, grefſus quae pone ſequantur; 200  
 Nam prohibet pudor ire & ſolam accedere coram.  
 Dixerat; & ſtudio nutrix celerabat anili  
 Juſſa ferens, geminaſque vocans per teſta puellas.  
 Heic aliud ſubito Pallaſi molita per artem,  
 Icarii natae dulcem per membra ſoporem  
 Irrigat. acclinis jacuit, reſolutaque toris  
 Artubus incubuit ſtratis; at maxima diva  
 Immortale decus, dioſque afflavit honores,  
 Capta quibus ſtupeat viſis turba omnis amantum.  
 Ambroſio primum ſuffudit lumine vultus 210  
 Rore levi luſtrans, quo vittis tempora cincta  
 Ungitur alma Venus, properat quum tendere laetos  
 In Charitum formoſa choros, & ludere geſtit.  
 Exin majoremque habitu, ſuccoque recenti  
 Florentem magis eſſe dedit, ſectique elephanti  
 Vincere candorem, matutinamque pruinam.  
 Quae ita perfectis abiit dea magna per auras,  
 Atque aderant contra famulae per teſta ferentes.

Cum strepitu arguto gressus: excussa sopore  
 Nympha manu terfitque genas, subitoque profata est. 220  
 O quae sollicitae curis mihi pectora pressit  
 Blanda quies! utinam ferat & Latonia mortem  
 Tam facilem nunc diva, inter ne carpere fletus  
 Assiduos aevum cogar, dum conjugis ardens  
 Egregii ante alios, quotquot celebrantur Achivi,  
 Optatumque decus frustra famamque requiro.  
 Haec ubi dicta dedit, thalamo descendit ab alto  
 Haud sola: una etenim famulae comitantur euntem.  
 Ut vero formosa tulit sese obvia publi  
 Cominus, auratae stetit aulae innixa sub ipsis 230  
 Postibus, ac tenuem malis demisit amictum,  
 Hinc atque hinc geminis, media ipsa excepta, puellis.  
 At juvenes genibusque labant; ac pectore toto  
 Concipiunt flammās: idem furit omnibus ardor,  
 Omnes quamprimum optatos cupiunt hymenacos.  
 Illa autem carum spectans his vocibus ultro  
 Telemachum alloquitur: quonam tua, gnate, parenti  
 Vis abiit sperata? tibi praestantior olim  
 Mens aderat puero, melioraque vota fovebas.  
 Nunc adeo jam grandis, & acri in flore juventae 240  
 Dum vernas, claroque satus de sanguine regum  
 Obvius appares habitumque atque ora tuenti;  
 Non pulcro tibi digna tamen stat corpore virtus.  
 Heu! quam triste nefas praefens impune tulisti,  
 Passus & hospitii violari es vulnere jura.  
 Quid? scelere an careas, nostris in sedibus hospes  
 Si jaceat tam dura pati fastidia jussus?  
 Nulla dies hoc tantum abolebit dedecus annis,  
 Ignavusque ibis, turpisque per ora virorum  
 Talia dicebat, contra quum talia gnatus: 250  
 Haud

Haud invitus, ait, patior tua jurgia, & iram.  
 O genitrix, fas atque nefas discernere novi  
 Nunc equidem melius, quam quondam mollior aevo.  
 Dum fueram; sed non licitum tamen omnia posse.  
 Terrent namque metu miserum auxilioque carentem.  
 Hi circum affusi juvenes dirumque minantes,  
 Nec tamen haec. Irique atque hospitibus aspera pugna,  
 Ut cupiere, procis cessit: nam victor abivit  
 Viribus hic potior: sic o! sic Pallas, & altus  
 Juppiter, ac Phoebus nutantem hanc vertice fracto 260.  
 Disjiciant pubem sinuosa per atria partim,  
 Partim intra sedes, & membra labantia solvant;  
 Ut nunc ecce caput motans jacer Itus, & artus  
 Ante fores, multo domitus ceu pectora baccho,  
 Intremis, ipse quidem nec rectus stare, nec usquam  
 Ire valens, retroque domum vestigia ferre.  
 Haec illi inter sese; quum victus amore  
 Reginam Eurymachus sic voce affatus amica est:  
 Penelope Icarii o soboles: si Graja per Argos  
 Iasum pubes omnis te laeta videret, 270.  
 Pluribus heic primo streperent convivia mane.  
 Structa procis: nymphis nam praestas omnibus una  
 Et specie, & forma, solerti & mentis honore.  
 Cui tum Penelope reddit: mihi numina caeli,  
 Eurymache, abstulerunt mutato corpore formam,  
 Quum Danaï Iliacos curvis petiere carinis  
 Marte lares, cessitque una mihi fidus Ulysses.  
 Nunc etiam rediens si mecum heic salvus adesset,  
 Haec quaecumque mei floreret gratia vultus.  
 Perdita jam luctu: tot enim male numen amicum 280.  
 Casibus implicitam domuit, stravitque jacentem.  
 Ille quidem cedens patrio quum litore abibat,  
 Ample-

Amplexus dextram flenti haec suprema reliquit  
 Jussa mihi. haud equidem redituros scilicet omnes:  
 Innocuos credo Danaos Simoëntis ab unda,  
 O mulier; nam dura ferunt ad praelia Troas  
 Acres esse viros, jaculo & fallente sagitta  
 Egregios, saltuque altum conscendere tergum  
 Fortis equi, ac magna solitos vi cernere Martem.  
 Incertum est, reditumne parent, an tristitia fata 290  
 Di mihi apud Trojam longe: quare omnia curae  
 Sint tibi, longaevusque parens, genitrixque relicta  
 Sola domo sine me; nunc his te impensius aequum est  
 Consulere: at puerum simul ac flavescere malas  
 Aspicias, tu nube quidem tua limina linquens,  
 Cui fuerit placitum: properans haec ille monebat,  
 Quae nunc certa ferunt perfecto tempore Parcae.  
 Adveniet nox illa ingrati vincula portans  
 Conjugii taedasque mihi, cui Juppiter omnem  
 Laetitiam rapuit; sed me haec tamen una remordet 300  
 Cura magis vellitque animum. quae barbara tellus,  
 Quae patria haec usquam vidit? non jura procorum  
 Haec fuerant quondam, non mos, quum ducere nympham  
 Ingenuaque domo ac diti genitore creatam  
 Ambirent studiis sese certantibus inter.  
 Ipsi ultro e stabulis tauros accire paternis,  
 Lanigerumque pecus laeta in convivia spondae  
 Cognatis sociisque, & splendida ferre solebant  
 Munera; non impune aliena vivere mensa.  
 Talla Penelope dicebat; laetus & heros 310  
 Conjugis ingenio gaudet, quod scilicet una  
 Donaue captabat juvenum, simulansque per artem  
 Mollibus incensos dictis mulcebat amantes,  
 Atque heic Antinous subdit: pulcherrima magni  
 O nym-

O nympha Icarii proles, age munera Achivum  
Accipe, quotquot erunt; neque enim data spernere  
dignum.

Nos autem nulla hinc avellet cura, neque ante  
Ibimus, uni eadem cedas quam nupta procorum.

Sic ille, & fociis vox circum haec omnibus una est,

Continuoque jubent famulos sua munera ferre 320

Pro se quisque viri; celerant & jussa ministri:

Armiger Antinoo pepulum tulit: undique multo

Lumine versicolor fulget; tum fibulae auro

Ingentem e puro bislenae torquibus ornant.

Eurymacho, flamenti electro auroque monile

Arte laboratum multa, lateque jubar ceu

Solis inardescens. geminas accepit inaures

Eurydamas sua dona; illis tres ordine gemmas

Parte ab utraque micant pendentes, claraque jactant

Fulgura daedaleo commissae rite labore. 330

Deinde Polyctorides Pisander protulit heros

Ornatus collo, visu admirabile textum;

Atque alia extulerunt alii, pariterque dedere

Munera certantes. nec longum exinde morata

Penelope in thalamum sese formosa recepit,

Cesseruntque una famulae data dona ferentes.

Illi autem in choreas & dulcia carmina versi

Ludo exercebant sese, dum vesper olympo

Surgeret. occiduis qui postquam apparuit undis,

Tres medio accensas nocturna in lumina recto 340

Lampadas apposuerunt; atque has arentia circum

Ligna dedere foco valida diffusa bipennis;

Miscueruntque faces; stant infelicis Ulyssæi,

Alternantque vices famulae; lucemque ministrant

Quas ita compellat dictis Laërtius heros.

O Itha-

O Ithaci absentis famulantia corda puellae  
 Ire agite in sedes, & fufis volvite penfa,  
 Cafta ubi jam regina fedet. lenite dolorem  
 Vel circum affufae, manibus vel fila trahentes.  
 Heic vero refidens ego fundam lumina: ad ipfum 350  
 Ludere fi cupiant rofeae Titanidos ortum,  
 Haud vigilem vincant: patiens fum quippe laborum.  
 Dixerat: illum autem pariter rifere procaces,  
 Seque inter vertere oculos. tum pulcra Melantho  
 Talibus increpuit dictis, quam protulit auras  
 In superas Dolius, tenerisque eduxit ab annis  
 Penelope ut natam jucundo matris amore;  
 Nec tamen ingratae dominae fata ulla movebant  
 Triftia, at Eurymachum furtim complexa fovebat.  
 Haec Laërtiadem tunc miffo affata pudore eft: 360  
 Quae tam dira, fenex, te mens, miferande, fatigat,  
 Ut neque in aerato placeat requiefcere tefto,  
 Nec coetus celebrare alios? infanda loquentem  
 Hos juvenes inter tantum juvat ufque morari,  
 Nil etiam veritum terret. vel corda Lyaeo  
 Vincfa geris, vel certe animus tibi pectore femper  
 Talis ineft, vano nequidquam murmure gaudens.  
 Fallit te incautum faftus: fi forte superbis,  
 Indignum pugna nuper quod viceris Irum,  
 Jam vereor, ne quis potior certamine furgens 370  
 Ad cava te feriat correptum tempora, & altis  
 Postibus ejiciat foedatum fanguine multo.  
 Illam immane tuens contra Laërtius heros:  
 Jam jam, inquit, faxo fcias, o canis improba, dicta  
 Haec tua, Telemachus; jam te ille in frufta fecabit.  
 Nec plura effatus trepidantes voce puellas  
 Terruit. effugiunt omnes, captisque timore



Genva labant: neque enim minitari falsa putabant.  
 Ille autem ad pingues ardenti lumine taedas  
 Restitit aspectans circum, volvitque sub imo 380  
 Multa agitans animo, quae mox haud vana fuere.  
 Nec minus & juvenes furiosa in jurgia Pallas  
 Sollicitat stimulis acuens, ut durus Ulyssæi  
 Pervadat magis ima dolor penetralia cordis.  
 Quos inter prior Eurymachus sic farier infit  
 Illum ultro dictis carpens, atque omnia risu  
 Incendens: adhibete aures, o quotquot Achivi  
 Magnanimi adstatis, meaque haec in pectore dicta  
 Figite. non equidem sine divûm numine credo  
 Hunc subiiisse virum Laërtae regia tecta; 390  
 Pro taedis en ipse suo de vertice fundit  
 Lumina, decisis nudata in fronte capillis.  
 Haec ait, atque Ithacum sic rursus voce sequutus  
 Alloquitur: vin' forte meos, non parva laborum  
 Praemia laturus, famulari verna per agros,  
 Arboribusque solum tegere, & praetendere sepes?  
 Illic non cereris largae tibi munera desin',  
 Non ocreae pedibus, nec denso e vellere vestes.  
 Tu tamen ignavo suetus torpere veterno,  
 Instructusque malas artes, haud talia curas 400  
 Improbe: stat potius reptanti errare per urbem  
 Scilicet, ingluviemque immensi pascere ventris.  
 Huic Laërtiades heros: o si mihi tecum,  
 Eurymache, in verno foret usquam tempore, dixit,  
 Certandum, quum jam longae messoribus ire  
 Incipiunt luces; sumptis tum falcibus una  
 Experiare velim, quid nostrum possit uterque.  
 Jejunos primo exercens a sole laborem  
 Ad tenebras, horrent ubi spisso gramine campi.

Si vero & pulcros praestanti corpore tauros 410  
Ingentesque acresque & pastos mollibus herbis  
Sub iuga ferre pares libeat, glebasque movere  
Indomita cervice, licet se jugera tendant  
Quattuor, ac pressum terra subsidat aratrum;  
Me tamen effoso mirabere limite rectum  
Ducere agro sulcum. sin & Mavortia bella  
Adnuerint superi, clipeumque & bina coruscans  
Tela manu, galeamque geram cava tempora circum;  
Ante alios longe progressum ex agmine cernes  
Caedem ferre viris, nec ventris talia posthac 420  
Objicies mihi probra. at nunc in iurgia saevus  
Turpia nequidquam dementi pectore surgis,  
Teque aliquid fors esse putas, quod mixtus inerti  
In turba potior socia virtute superbis.  
Quod si Ithacus patria tellure potitus adesset,  
Hi tibi nunc lato surgentes limine postes  
Protinus angusti fierent, portisque negarent  
Effugium trepido perque atria curva ruenti.  
Sic ille; Eurymacho consurgunt altius irae,  
Horrendumque tuens contra sic turbidus infit: 430  
Ah miser! exitium tibi fata extrema tulere  
Talia jactanti temere nullumque verenti  
Hoc juvenum e coetu: vino tua pectora fervent,  
Praecipiti aut semper turbantur vana furore.  
Anne adeo exsultas domitum tumefactus ob Irum?  
Haec fatus capit ipse manu grave robur; & ille  
Ad genua Amphinomi supplex procumbit ab ictu  
Effugiens valido. volat actum turbine telum  
Altius, adversique manu praeconis adhaeret  
Infixum: dextra simul olli excussus acutum 440  
Insonuit crater, simul ipse in pulvere foedo

Pro-

Procidit in vultum, gemitumque e pectore traxit.  
 Fit strepirus, turbantque horrentia tecta tumultu  
 Continuo juvenes, seque inter talia jactant:  
 O prius hic longe fatum vagus hospes obisset  
 Finibus ignotis errans; non regia tanto  
 Instreperet motu. nunc unius exfulis ergo  
 Rixamur mensasque obliti & gaudia laeta,  
 Sic adeo in pejus vertentibus omnia fatis.  
 Atque his Telemachus turbatis farier orsus: 450  
 Quis furor, o miseri, tantus? cur vina perosi  
 Temnitis, atque epulas? certe vos laeva deorum  
 Vis agitat: celebrate dapes, satumque penates  
 Ite agite ad proprios, si fert ita corde voluptas;  
 Non ego nam quemquam pello. sic ore loquutus  
 Conticuit: pressis fremuerunt dentibus omnes,  
 Labraque strinxerunt, animos ac verba monentis  
 Mirati. surgens tum Nisi Martia proles  
 Amphinomus medios sic interfatur amicos:  
 O focii, nemo contra haud indigna loquuto 460  
 Saeviat irascens. violentas hospite ab ipso  
 Et cohibete manus, famulis & parcite cunctis,  
 Aurca Laërtæ quotquot penetralia servant.  
 Jamque agite, & celeres ad pocula ferre ministros  
 Vina jubete: diis meritum libemus honorem,  
 Libatoque domos properemus; at hospes Ulyssæi  
 Sub laribus maneat; curam gerat ipsius omnem  
 Telemachus, cujus supplex ad limina venit.  
 Haec ait, atque eadem placuit sententia cunctis;  
 Implevitque mero crateras Mulius heros 470  
 Praeco Dulichius, solitus famularier usque  
 Amphinomo. fert ille obiens ex ordine circum,  
 Infunditque nigros latices, ipsique deorum

Et libant in honore, & dulcia pocula siccant.  
Inde ubi libarunt, saturi petiere per umbras  
Quisque suos, tarda digressi nocte, penates.



# HOMERI ODYSSEAE

## LIBER DECIMUS NONUS.

**I**Psē suo dius sub tecto restitit heros  
 Triste procis magna versans cum Pallade letum.  
 Nec mora; Telemacho fatus: Mavortia, gnate,  
 Jam nunc tempus adest clausis arma omnia tectis  
 Occulere; ac juvenes, eadem si forte reposcant,  
 Alloquere incautos, his mulcens pectora dictis.  
 Surripui e fumo, neque enim nunc illa videntur,  
 Quae pater ad Trojam properans fulgentia liquit;  
 Igne adeo sordent nigroque afflata vapore.  
 Quin aliquid majus prudens deus ipse cavere 10  
 Scilicet admonuit, ne dira in vulnera vino  
 Edomiti armetis dextras, sparsoque cruore  
 Tristis hymen, mensaeque fluant: namque ipsa feroces  
 Arma trahunt animos, pugnamque laceßere suadent.  
 Dixerat: ille sui celerat mandata parentis,  
 Nutricemque vocans ita fidas inquit ad aures.  
 O semper mihi cara, altis in sedibus omnes  
 Nunç retine famulas, secreta in parte reponam  
 Dum thalamo neglecta diu nigrantiaque igne  
 Arma patris. tenero non id mens ante ferebat 20  
 Cauta parum; contra tandem subducere certum  
 Omnia, qua nigri nullus vapor aestuat ignis.  
 Haec ait; at nutrix: utinam prudentia rerum  
 Te capiat, servesque tuos jam rite penates.  
 At quis, nate, tibi properanti lumina fundet,  
 Si famulas arcere jubes, clausasque teneri?

Hospes

Hospes hic ipse, inquit: neque enim sine parte laboris  
Jam patiar quemquam, nostras qui vectus ad aedes  
Indigus hospitii veniat. sic dixit; & illa  
Paruit, ac versos emuniit objice postes. 30  
At genitor gnatusque instant galeasque comantes,  
Aeratasque hastas, clipeosque umbone coruscos  
Subvectare citi: juxta Tritonia virgo  
Fundit ab aurato rutilantia lumina lychno.  
Atque hac affatus juvenis tum voce parentem:  
Quae nova lux oculis, inquit, diffusa repente,  
O genitor? jam summa mihi laquearia tecti,  
Fraxinaeque trabes, murique, altaeque columnae  
Undique inardescunt flammis, et fulgura volvunt;  
Certe aliquis divum caelo delapsus ab alto est. 40  
Cui referens genitor: ne quaere, o gnate, doceri,  
Sed tacitus monstrata tuo sub pectore conde  
Visa deum; morem hunc caelestia numina servant.  
Tuque adeo nunc strata petens in nocte recumbe,  
Solutus ego ut maneam, famulasque, ipsamque parentem  
Experiar coram, quae me flens anxia frustra  
Multa diu quaeret. nec plura effatus Ulysses,  
Quum juvenis cessit, taedis lucentibus, aula  
E media, notoque locans sua membra cubili  
Accubuit gaudens quamprimum cernere solem. 50  
Ille autem caedemque procis & fata parabat  
Pallade cum socia penetrati in sede relictus.  
Penelope interea, pulchrae non illa Dianae,  
Non Veneri ab similibus, thalamo veniebat ab aureo  
Candida. cui sellam clavis fulgentibus aptam  
Ex ebore & laevi argento posuere ministrae  
Ante focum, multa quam fecerat arte peritus  
Icmalius fulcrumque pedes, quo sistere posset

Addi-

Addiderat stratum maculosae tegmine pellis.  
 Heic se composuit regina, atque undique circum 60  
 Turba puellarum venit, semesaque canae  
 Frustra simul Cereris, siccataque pocula mensis  
 Sustulit. inde focus calidam de more favillam  
 Excussere aliae, rursusque in lumina taedas  
 Suffecere novae aliae, flammisque dedere.  
 Quarum sacra iterum tali tunc voce Melantho  
 Increpuit regem: quid adhuc vagus undique oberras,  
 Sera etiam sub nocte gravis, lustrasque puellas  
 Improbus? aut foribus discede, & munere gaude  
 Jam satur, aut raptō torre hoc expulsus abibis. 70  
 Illam torva tuens contra Laërtius heros  
 Excipit: infelix! in me cur pectore saevo  
 Nequidquam assurgis, miserumque haud carpere cessas?  
 An quod & informis, turpique indutus amictu  
 Aeger inops (vis namque premit) circum ostia repto  
 Per populum, rebus quod solum restat in arctis.  
 Ipse etiam felix quondam, lactusque vigebam  
 Divitiis, ultroque dabam, quocumque profectus,  
 Quisquis & esset, opis nostrae qui testa subiret  
 Indigus. innumeri stabant ad iussa ministri, 80  
 Multaque vis aderat rerum, quae dives habetur  
 Vita hominum. nunc me contra pater ille decorum,  
 Quippe aliter visum, miserum sine honore reliquit.  
 Quare etiam tu docta cave, decus excidat oris  
 Ne tibi, quo socias inter formosa renides;  
 Neve gravis regina malas assurgat in iras,  
 Aut veniat; necdum spes namque haec cessit, Ulysses.  
 Quod si ille heu dulci reditu fraudatus obivit,  
 At viget egregius Phoebi sub numine sancto  
 Telemachus, quem nulla scelus molita puella 90  
 Igna-

Ignarum per tecta latet: jam firmior aevo  
Ipse valet. sic fatus erat, quum pulcra loquentem  
Audiit, & dictis famulam dein talibus ultro  
Penelope incescit: non me, canis improba, tantum  
Ausu scelus fugies, in te quod numina vertant.  
Inque tuum malefana caput. jam nota voluntas  
Nostra tibi fuerat, praesens & saepius ipsa  
Audieras, me velle senem de conjuge multa  
Poscere, si tristes valeam deponere curas.  
Dixit, & Eurynomen subito vocat, atque ita fatur: 100  
Huc age fer sedem, & pictam super injice pellem,  
Carus ubi residens audire & reddere voces  
Hospes amet: coram namque est mihi multa rogandus.  
Jusserat: illa autem celerans sedemque nitentem  
Extulit, injecitque super mollissima villis  
Tegmina, queis alte fultus consedit Ulysses.  
Cui sic Penelope: mihi primum ediffere verax,  
Quisve, vel unde genus, qua sunt tibi in urbe parentes?  
Huic Ithacus reddit: non te pulcherrima quisquam  
Arguat o mulier, qua late maxima tellus 110  
Funditur: aetherias caeli tua contigit arces  
Fama ingens veluti regis, qui numina divum  
Magna colit populosque regit ditione potenti  
Justitiae rectique tenax. fert ubere tellus  
Hordea, triticeasque dapes, ramique gravantur  
Arborei pomis, tenerosque animantia foetus  
Progenerant; fert pontus item sub gurgite pisces  
Squamigeros, curisque acuit mortalia corda:  
His juvet in rebus vario sermone morari,  
Non sedes patrias, non prima ab origine gentem 120  
Quaere meam, gravior ne cura in pectore gliscat  
Heu nimium memori. fortuna oppressus iniqua

Exful



Exsul agor, vitamque traho; sed questibus aeger  
Abstineo, & lacrimis aliena in sede receptus.  
Quippe etiam sine fine nefas lugere; puellas  
Ne qua inter dicat, mea cogere lumina Bacchum  
Fletibus ubertim largis tabescere, tuque  
Fors eadem credas. haec ille; & regia conjux  
Subjicit: heu periit virtusque, & pristina forma  
Membrorumque mihi species, quo tempore Graji 130  
Dardanias petiere domos, unaque sequutus  
Vir meus ipse abiit, proles Laërtia, Ulysses:  
Quem reducem si fata ferent, majorque videri  
Incipiam, pulcroque iterum formosior ore.  
Nunc doleo infelix, adversi numinis ira,  
Pressa malis. quotquot nam late prima virorum  
Dulichiumque Samemque tenent, viridemque Zacynthum  
Atque Ithacam; tot nostra petunt connubia, & urgent  
Invitam longo vastantes omnia luxu. 140  
Hinc mihi & hospitibus non ullam impendere curam,  
Supplicibusque datur, praeconum aut jura tueri  
Publica; sed tristi tabescens anxia fletu  
Irrita pro caro suspiria conjuge fundo.  
At juvenes votis instant, dum pectore verso  
Ipsa dolos, monitusque sequens ac jussa deorum  
Tenvia in immensam disponere licia telam  
Aggredior, juvenesque moror sic fata superbos.  
Magnanimi, mea cura, proci, jam functus Ulysses  
Quandoquidem fato est, spatii ad connubia tantum  
Nostra peto; donec textum properante labore 150  
Perficiam (pereant ne fila exorsa,) quod urgens  
Laërtæ in funus celero, quum tristia fata  
Ipsius aeterna velabunt lumina nocte.  
Namque pudor me saepe & cura haec saeva fatigat,  
V v Ne

Ne qua mihi in populo mulier convicia jactans  
 Objiciat nudum, fuerant cui multa, jacere.  
 Sic ego, & incautae publi res credita; sed quid  
 Demoror? arguto percurrens pedine telam  
 Luce operi instabam, mox sera ad lumina texta  
 Stamina solvebam, tres furto laeta per annos. 166  
 Verum ubi jam quartus venit, labentibus horis,  
 Annus, & infidae fraudem retulere puellae,  
 Ingressi juvenes jussere abrumper coeptum.  
 Quid facerem? jussu perfeci haud sponte laborem  
 Victa minis. fors nulla mihi se ostendit amica,  
 Nec valeo quidquam moliri pectore, taedas.  
 Quo fugiam, has misera, & detestatos hymenaeos.  
 Ipsi etiam poscunt connubia nostra parentes,  
 Iratusque super gnatus furit, omnia rapto 176  
 Vasta videns. jam quippe valet Jovis auctus honore  
 Consilioque domum regere, & curare penates.  
 Sed mihi fore tuum contra genus, & quibus oris  
 Vectus ades: non te quercus celebrata poetis  
 Protulit, aut gelidis in montibus aspera cautes?  
 Talibus instabat, quum sic exorsus Ulysses:  
 O magni Laertiadae pulcherrima conjux  
 Necdum obliterata meam cessas inquirere gentem?  
 Dicam equidem, quamvis pervellet pectora luctus  
 Acrior haec fanti: neque enim sibi temperet ullus,  
 Tempore qui tanto patria procul actus ab urbe 186  
 Erret inops, quanto jactatus tempore gentes  
 Per varias sceler ipse, immensa pericula passus.  
 Nec tamen abnuero parere, nec ulla doloris.  
 Tanti damna fuant, quin protinus omnia pandam.  
 Stat medio tellus ponto cognomine Creta  
 Insula dives agri, populisque opibusque superbas

Nona-

Nonaginta urbes gremio complectitur una.  
 Omnibus haud eadem lingua est: sunt intus Achivi,  
 Sunt & magnanimi Cretes, mixtique Cydones,  
 Et triplici Doris populo, fortesque Pelasgi. 190  
 Cnossus ibi magna se tollit ad aethera mole.  
 Urbs omni ditione novem regnata per annos  
 Minoi, ante alios quem Juppiter aequus amavit,  
 Quoque meus genitor claro genitore superbit  
 Heros Deucalion. hic me suscepit, & acrem  
 Idomeneia ducem, qui Pergama ad alta sequutus  
 Atridas classe est; Aethon ego dicor, & armis,  
 Et natu inferior; me fortior ille, priorque est.  
 Hic Ithacum vidi tum primum, atque hospite digna  
 Dona dedi: vis namque illum violenta coegit 200  
 Ventorum insurgens ad Cnossia litora cursum  
 Tendere, quum Trojam peteret, diversa per aquor  
 Ad loca correptus Maleae spumantibus undis.  
 Constitit Amniso in viridi, Lucinae ubi sacrum  
 Antrum horret, dubia statione elapsus ab atro  
 Vix pelago. e portu subito progressus in urbem  
 Idomeneum petiit, cui sese foedere sacro  
 Hospitii junctum magnoque ferebat amore.  
 At fratrem decimo jam tunc aurora vel ortu  
 Viderat undecimo fulcantem caerulea ad altam 210  
 Ilion. ipse autem tecta intra regia ducens  
 Suscepique virum, fovique amplexus honore  
 Ingenti; fociisque super cerealibus iussi  
 Dona dari a populo, ferrique liquentia vina,  
 Mactandosque boves sollemni munere duci.  
 Illic bisseuos epulati in littore nautae  
 Confedere dies; praeceps nam turbine vasto  
 Irruerat ponto boreas, camposque per omnes

Pastoresque domosque altas, lucosque sonantes  
 Straverat infesti violenta numinis ira, 220  
 Tertia sed decimam supra quum fulsit Eos  
 Orta dies; ventus posuit, solvitque juventus.  
 Dixerat, ac multa fingit dum callidus arte  
 Vera tegens, regina gravi perculsa dolore  
 Tabebat, lacrimisque sinum liquefacta rigabat.  
 Ac veluti primo summis quum montibus aestu  
 Liquitur, atque Euri tepido nix icta vapore,  
 Quam zephiri effudere, fluit; rura omnia manant  
 Undique, & implentur rivis ferventibus amnes.  
 Sic pectus, sic illa genas perfusa nitentes 230  
 Solvitur in lacrimas; lugetque ante ora mariti  
 Nequidquam adstantis. luctum miseratur inanem.  
 Ille dolens contra tacitus, nec fronte moventur  
 Dura tamen, cornu ceu stent aut lumina ferro:  
 Dissimulat, pressoque obnixus temperat imbre.  
 Ipsa autem ut primum fletu satiata quievit,  
 Rursus ait sic orsa: equidem vera omnia duco;  
 Sed melius cognosse juvat, num sedibus olim  
 In patriis Ithacum socia comitante caterva  
 Videris exceptum, ceu iactas. quare age fare, 240  
 Ne dubitem; quonam per membra indutus amictu,  
 Qualis erat dux ipse, sui & vis fida sodales?  
 Ille refert: heu dura petis; post tempore tanto  
 Vix potero meminisse viri; nam volvitur annus  
 Mensibus exactis vicefimus, appulit illuc  
 Quum primum veniens, rursusque iter egit in altum.  
 Sed tamen, ut memini, dicam, fulgentibus olli  
 Purpurea ex humeris lato chlamys apta fluebat  
 Pulcra, duplex; geminis inerat cui fibula bullis  
 Aurea, daedaleo supra variata labore, 250

Prima pedum ornabat patulo canis ore trementem  
 Hinnuleum raptans. omnes stupor altus habebat  
 Cernentes: auro e rigido squallebat uterque,  
 Et tamen hic jugulum rapidus super angit, & haeret  
 Dente vorans; pedibus nitens ille ardet abire,  
 Subsultatque pavens, & pulsibus ilia tendit.  
 At tunica indutos artus miranda tegebat  
 Instar membranaeve croci tenuisve papyri:  
 Sic adeo mollis, claroque simillima foli  
 Luce renidebat pura, lateque coruscans 260  
 Ad sua femineos vertebat fulgura vultus.  
 Num tamen hos rulerit cultus, num vestibus hisce  
 In patriis etiam testis assueverit uti,  
 Aut aliquis socium secum per caerula vectus  
 Navibus in curvis; aut & donaverit hospes,  
 Haud equidem novi. multas namque ille per urbes  
 Clarus iit, paucique olli se laudibus aequent.  
 Ipse autem acratumque ensē, laenamque nitentem;  
 Formosamque dedi tunicam pro munere ferre  
 Litus ad extremum cedentem rite sequutus. 270  
 Ibat & aequaevus praeco comes additus usque  
 Pone ducem servans; fuerit jam qualis, habeto.  
 Curvi humeri exstabant; fusco cutis atra colore  
 In facie horrebat, densique in vertice crines;  
 Eurybates nomen: fociis ex omnibus unum  
 Praecipuo hunc heros carum servabat honore  
 Consiliisque habilem fidis animoque valentem.  
 Vix ea; quum miserae strinxit praecordia luctus  
 Rite recordanti, nimium sibi cognita, signa;  
 Atque ubi vix tandem voci via facta dolore est, 280  
 Uda genas lacrimis iterum sic voce profatur.  
 Nunc ego te, licet ante tuas miserata dolerem

Sac-

Saepe vices, toto meritum complectar amore,  
 Officioque colam. thalami in penetralibus olim  
 Illa ego, quae memoras, velamina nota plicavi,  
 Et manibus fuit ille meis superadditus auro  
 Circulus e fulvo rutilans; decus inter Achivos  
 Effet ut ornato. sed non miseranda revisam,  
 Amplectarque virum reducem: laevo ille profectus  
 Omine, & infestis petiit dis Pergama, creda, 290  
 Pergama, & infandae semper mihi moenia Trojae.  
 Cui referens Ithacus: parce o pulcherrima, dixit;  
 Neve adeo niveosque sinus patiare, nec ipsum  
 Sic animum assiduis tristem tabescere curis  
 Usque virum lacrimans. te certe caussa doloris  
 Iusta premit, fletuque tuo haud irascier ausim;  
 Quippe etiam si jure gemit sibi funere raptum  
 Nupta virum quemcumque, tori cui foedere mixta  
 Progenit dulces, communia pignora, gnatos;  
 Quanto Ithacum fas flere magis, caelestibus esse 300  
 Quem similem perhibent? paullum sed desine, & ipsa  
 Parce tibi, nostrisque adhibe sermonibus aures.  
 Nunc etenim haud mendax, de vivo quidquid Ulyssæ  
 Thesprotum in populo audiui reditumque parante,  
 Expediam dictis. ingens argentumque aurumque  
 Ille refert donis auctus, sed perdidit omnes  
 Cum navi socios procul hinc in gurgite vasto  
 Trinacria excedens. namque illi rector olympi  
 Saevierat cum Sole gravis, cui forte juvencos  
 Sacrilegi leto dederant in litore nautae. 310  
 Ergo omnes periire undanti in marmore: at ipsum  
 Applicuit terris haerentem ad fracta carinae  
 Robora fluctus agens, ubi pingues ubere glebas  
 Securi Phaeaces habent, gens proxima divis.

Exceptum hi magno foveré ut numen amore,  
 Multaque donarunt, patriasque reducere ad oras  
 Continuo. voluere. & jam nota arva teneret  
 Redditus huc, animo satius: ni forte subisset  
 Hinc terras lustrare alias atque undique gazam  
 Congerere, usque adeo vincit mortalia corda 320  
 Arte raser, frustra olli contendere certet  
 Consilio quisquam. Thesprotum, haec ipse loquutus  
 Me rex edocuit Phidon, Mavortius heros.  
 Quin & juratus libansque in honore deorum  
 Addidit; instructamque ratem, sociosque paratos  
 Esse viro, reducem patrio qui litore sistant  
 At prior ipse abii, properantem nactus ad alta  
 Moenia Dulichii, Cereri loca sacra, carinam  
 Munera praeterea, quaecumque agcessit Ulysses,  
 Omnia monstravit: sat multa nepotibus essent 330  
 Post decimum, reor, illa genus; vis tanta jacebat  
 Ipsius in magni penetralibus abdita régis! ogo omnia  
 Illum Dodonae in lucis abiisse ferebat  
 Ab Jovis aëria scitatum oracula querçu: ni rudibus  
 Incertum, patrias quo pacto attingeret oras  
 Clamne, palamne, absens nimium jam tempore longo  
 Omnia tuta vides: vivit, salvusque redibit  
 Jamque dies properata brevi complexibus illum  
 Reddet amicorum: neu dicta haec irrita credas  
 Per tibi ego magnumque Jovem, Vestamque potentem,  
 Perque Ithaci juro mēsas, quas hospes adivi 340  
 Dicta oculis perfecta tuis haec omnia cernes,  
 Advenietque heros ipso hoc Laertiū anno,  
 Hujus in occasu mensis, primique sub ortum  
 Ad quem Penelope: haec utinam rata dicta manerent;  
 Et vellem & cuperem: jam jam si nuncia verax  
 Cer-

Certa mones, virtus quid grato in pectore possit,  
Experire auctus donis, populumque per omnem  
Divitiis magnaue vigens celebrabere fama.  
Cuncta tamen reor esse meis contraria votis, 350  
Haecenus ut fuerunt: veniet nec salvus Ulysses,  
Nec tu iter expedies; ducibus quippe orba relicta  
Tecta carent; velut ille fuit (nunc o foret usquam!)  
Gnarus & excipere, & pariter dimittere amicos.  
Sed vos, o famulae, puro hunc in fonte lavate,  
Instratoque super mollissima ponite lecto  
Tegminaue & laenas, tepidos queis mulceat artus  
Usque sub Aurorae roseum Titanidis ortum.  
Prima autem sub luce oleo perfundite lotum,  
Ut comes assideat laetae inter pocula mensae 360  
Telemachio. quod si juvenum quis laedere posthac  
Audeat hunc, mala damna feret; nec flectere mentem.  
Speret posse meam, licet acri exaestu et ira.  
Anne ego femineum vulgi genus una videbor  
Vincere consilio, patiar si veste carentem  
Sedibus in nostris talem te accumbere? vitae  
Terminus haud longae miseris mortalibus instat;  
Quisquis & implacido crudelia pectore facta  
Saevus amat, vivensque odiis communibus ardet,  
Infestisque agitur diris post funeris ignem. 370  
At bona quisquis amat bonus ipse, hunc praepete penna  
Didita per gentes late ingens gloria tollit,  
Multorumque ferunt laudes ad sidera dignum.  
Dixerat; atque heros: jamdudum, ait, optima nympha,  
Invisaeque mihi sunt denso vellere laenae  
Tegminaue, infelix postquam maria alta sequutus  
Classe cita Cretae nivibus juga consita liqui.  
Nunc quoque, ut ante cubans, somni sine munere noctes  
Spre-



Spretus agam; foedi jam saepe in limine tecti  
 Compostus vidi croceam confurgere lucem. 380  
 Nec mihi nunc placitum menti est perfundere molli  
 Rore pedes, nec nostra, reor, vestigia tanger  
 Ulla tibi famulans harum per tecta puella;  
 Ni qua domo sit anus longaeva, & conscia recti,  
 Totque malis jactata, quot ipse exhausta peregi:  
 Nil veritus tantum hanc patiar contingere tandem  
 Crura mihi. sic fatus erat, mirataque fantem  
 Penelope: haud umquam nostra haec ad limina venit  
 Hospes, ait, tales qui docto in pectore sensus  
 Gesserit, ac sapiens pariter servaverit aequum. 390  
 Omnia recta mones: est heic tamen, est mihi nutrix  
 Ante alias & fida, & multo grandior aevo,  
 Illum etiam regem quae quondam excepit in ulnas  
 Ipsa suas, tenerumque aluit, quum lucis in oras  
 Edidit heu laevo nascentem numine mater:  
 Haec aderit quamquam aegra manus tardante senecta.  
 Surge agens, regique tuo ne cara morare  
 Abluere aquaeuvum nutrix; fors talis Ulysses  
 Illotisque pedes illotaque brachia gestat  
 Squallidus heu longoque situ duroque labore; 400  
 Ocior angustis homines nam foeda senectus  
 Occupat in rebus. quae postquam edixerat, illa  
 Sustulit in vultum: palmas, lacrimisque volutis:  
 Heu miseranda, inquit, sine te sum, gnate, relicta;  
 Te superum pater ille odiis crudelibus urget  
 Immeritum, tantasque pio tibi suscitatur iras:  
 Nequidquam contra fas omne infestior uni.  
 Nam quis lecta boum tot mactans corpora stravit,  
 Incenditque Jovi fumantia viscera ad aras,  
 Quot tu olim, seniumque tibi non triste precari 410

Suetus, & eximio florentia tempora nato;  
 Frustra: nulla viam facilem tibi vota dedere.  
 Et nunc illudunt aliena in sede moranti  
 Sic misero famulae, dirum genus; ut tibi coram  
 Insultant, venerande senex; quarum aspera probra  
 Permetuens nullam, me praeter, adesse lavanti  
 Nempe sinis. sed non ego contra invita iubentis  
 Imperio dominae & praelato munere fungar,  
 Ablueroque pedes merito, jam parce vereri,  
 Penelopen propter teque ipsum exercita luctu 420  
 Corda gravi. nullum, quamvis haec limina multi  
 Attigerint errando homines, ego corpore Ulyssi  
 Tam similem vidi, quam te vocemque coloremque  
 Atque pedes olli similem: tum maximus heros:  
 Sic alii, nec vana fides, qui lumine cumque  
 Aspexere ambos, multum nos corpore toto  
 Adsimiles perhibent, velut ipsa haud inscia reris.  
 Nec plura his; rutilum subito longaeva lebetem  
 Extulit, ac gelidos hausto de fonte liquores  
 Rore simul calido miscens infudit aheni. 430  
 Ast heros, propior ceu forte assederat igni,  
 Continuo aversum sese deflexit in umbram,  
 Scilicet id metuens, ne clara in luce revivens  
 Vulneris antiqui nosset vestigia nutrix,  
 Ambagesque dolique retecta fraude paterent:  
 Nec minus interea, regem dum proxima circum  
 Illa suum non segnīs obit, turgentia signa  
 Vulneris agnovit, quod canis dentibus olli  
 Fulmineus jam fecit aper, quum frondea celsi  
 Culmina Parnassi peteret visurus & acrem 440  
 Autolycum, Autolyçi & gnatos, quo cara parente  
 Orta sua est quondam genitrix. praestantior illo

Non

Non erat aut jurare, aut furto intexere fraudem  
 Mercurii dono gaudens, cui pingua semper  
 Exta dabat mactans teneros ab ovilibus agnos,  
 Haedorumque greges: aderat deus usque vocanti.  
 Ergo Ithacae hic quondam veniens ad divitis urbem  
 Invenit tum forte suae de sanguine natae  
 Aetherias puerum submissum lucis in oras,  
 Quem parvum Euryclaea ferens post munera mensae 450  
 Ipsius imposuit genibus; dein talia fata est.  
 Nomine quo dici gaudes, age fare, nepotem  
 Autolyce; ille etenim ante alios tibi carior aura  
 Vescitur? huic heros: vos, o mea sola voluptas,  
 Filia, & alme gener, puero superaddite nomen,  
 Quod labor: multis ego veni huc causa doloris  
 Invisus pariterque viris pariterque puellis  
 Per terras late; quare olli semper Ulyssi  
 Ex re nomen erit. post ipsum in regia testa,  
 Maternas quum viset opes ad nostra profectus 460  
 Moenia Parnassi jam vernans flore juventae,  
 Excipiam donis pariter, lactumque remittam.  
 Munera quae sperans, patria tellure relicta,  
 Contulerat sese juvenis: Laërtius illuc  
 Invisurus avum. venientem amplexibus omnes  
 Excepere, hilari testantes gaudia vultu,  
 Antolycus gnatique simul; tum lacta nepotem  
 Amphithea amplectens capiti dedit oscula caro,  
 Ambobusque oculis, colloque affusa pependit.  
 Instruere hinc epulas senior, mensamque parare 470  
 Imperat; ac juvenes non lenti ad iussa parentis  
 Quinquennem ducunt praestanti corpore taurum.  
 Tergora deripiunt costis, dissectaque membra  
 Rite in frustra trahunt, verubusque trementia figunt,

Advolvuntque igni subiecto, ac munera mensis  
 Tosta ferunt: dapibus sic tota luce cadentem  
 Ad solem indulgent, acquata sorte potiti.  
 Inde ubi sol cessit, tenebrasque induxit olympo  
 Per thalamos placida compositi pace cubarunt.  
 At simul aurato suffudit lumine terras 480  
 Suave rubens Aurora, toris excita juvenus  
 Venatum parat ire, canesque hortatur ovantes  
 Ingrediens, ultroque Ithacus comes additur una.  
 Jamque alti superant rapido frondentia gressu  
 Culmina Parnassi, penetrantque furentia ventis  
 In loca. vix autem radiis fulgentibus arva  
 Contigit, oceani linquens sol aureus undas,  
 Quum vallem subiere duces. it odora canum vis  
 Ante pedes patulis latebrosa cubilia lustrans  
 Naribus; Autolyçi soboles quos pone sequuta 490  
 Incedit, propiorque Ithacus praeit agmen, & altum  
 Ante alios quassat ferrata cuspide telum.  
 Heic aper abdiderat sese ingens frondibus atris  
 In nemore horrenti, quo nec vis humida venti,  
 Nec rutili poterant penetrare ardentia phoebi  
 Spicula, non imber sublapsus: ita undique tectum  
 Arboribus stabat densis, cumuloque nigrantem  
 Subter humum late foliorum oppresserat agger.  
 Ille autem strepituque canum strepituque virorum  
 Excitus, ut propius turbantes sensit, ab atra 500  
 Profiliuit silva; rectisque in vertice setis  
 Horridus, atque oculis volvens ardentibus ignem  
 Constitit adversus juvenis, Laërtia proles,  
 Primus ibi valido torquens hastile lacerto  
 Emicat, horrentemque ardet transfigere ferro  
 Impatiens animi. dumque it, perniciosior illum

Prae-

Praeveniens aper ecce genu super occupat ictu  
Fulmineo, obliquusque ruens late haurit apertum  
Dente femur, non & morfu tamen ossa refringit.  
At rabidum juvenis dextro nil territum armo 510  
Perculit insurgens: pertransiit aerea cuspis  
Per medium, ceciditque nigra resupinus arena:  
Volvitur, atque artus cum sanguine vita relinquit.  
Advolat Autolyçi proles; pars tollere praedam,  
Pars Ithaci vulnus properant constringere vitris  
Molliter; utque cruor cantu manare potenti  
Desiit, ad patrios una rediere penates.  
Heic aegrum auxilio, sollerti atque arte juvare  
Insistit Autolycus juvenem; rursusque valentem,  
Muneribusque auctum largis dimisit ad oras 520  
Dulichias. magna reducem accepere parentes  
Lactitia, natiue ardent dum noscere casus,  
Vulneris & causam quaerunt; ille omnia contra  
Edocet, ac narrat, venantem ut frondea celsi  
Per juga Parnassi, fociis comitantibus ipsum  
Autolyçi gnatis, aper acri perculit ore.  
Haec eadem tum signa memor post tempore longo  
Agnovit tactu nutrix, stupefactaque monstro  
Liquit opus, manibusque pedem demisit: at imo  
Pes sterit in labro, tynnitumque aera dedere. 530  
Vertitur, excussoque liquor defluxit aheno  
Fusus humi; magno simul aegrae pectora luctu,  
Lactitiaque simul trepidant, oculique volutis  
Implentur lacrimis, voxque ipsa in faucibus haeret.  
Ut tandem in sese rediit, vitamque recepit,  
Ipsa manu leviter mentum permulsit Ulyssæi  
Sic memorans: tune ille Ithacus, carum genus? haud te,  
Nate, prius novi, tetigi quam corporis artus

Fon-

Fonte rigans. dixit, subitoque averſa retorſit  
 Lumina, Penelopi cupiens oſtendere ſalvum, 540  
 Praeſentemque virum. ſed non huic cernere contra  
 Fas erat: haud quidquam ſenſit; Tritonia mentem  
 Verterat, atque alio ſenſus abduxerat omnes.  
 Ille autem dextra compreſſit guttur hiantis,  
 Ac laeva ad ſeſe traxit ſic ore loquutus:  
 Perdere quid tantum properas, quem cara fovebas  
 Ipſa olim teneris immulgens ubera labris;  
 Quemque eadem, poſtquam biſdenos multa per annos  
 Dura tulit, patria vix tandem cernis in urbe?  
 Et quoniam tibi res nota eſt, ac numina mentem 550  
 Hanc dederunt, ſileas oro, neu reſciat alter  
 Iſta, veto. ſuperi nam ſi mihi ſternere diram  
 Adnuerint pubem, nutrice iratus ab ipſa  
 Supplicia expoſcam, nec fallo; ubi triſte piabo  
 Caede nefas, famulaſque alias ſub Tartara mittam.  
 Haec ubi faſus erat minitans: quidnam excidit ore  
 Gnate, tibi, nutrix ſubdit? ſcis peſtore in iſto  
 Qualis ineſt vis dura, animum quam robore forti  
 Septa feror; ceu muta ſilex ferrumque tenebo  
 Omnia. quin aliud dicam, tu mente repone 560  
 Diſta memor: ſi forte procos demiferis orco  
 Auspicio facili divum, tete ipſa docebo,  
 Dedecorant quaecumque malae tua teſta puellae  
 Flagitiis, verſaeque domus ſcelus omne recludam.  
 Contra heros: cur tu doceas me talia, nutrix?  
 Non opus his; vano mitte hanc de peſtore curam:  
 Omnia diſpiciam mecum ipſe, atque omnia noſcam,  
 Tu modo diſſimula: curae ſint cetera divis.  
 Tantum effatus; & in verbo veſtigia teſtis  
 Torſit anus de fonte novos hauſtura liquores, 570  
 Nam

Nam prior effusus defluxerat. ergo ubi rore  
Laverat, & nitidos oleo perduxerat artus,  
Ille iterum folio propius confedit ad ignem  
Membra fovens, seseque obtento involvit amictu,  
Ne pateat qua parte oculis signata cicatrix.  
Huic tum Penelope: breviter te pauca requiram,  
Ni pigeat, nunc rursus, ait; nam dulcia somni  
Tempus erit tunc dona sequi, quum ceperit aegrum  
Sponte quies affusa; at me sine more farentem  
Infando voluere dii tabescere luctu.

580.

Quippe dies flendo ducō, defessa labore  
Ipsa simul, famulasque urgens data pensa trahentes  
Sedibus in maestis. at nox ubi nigra tenebris  
Irruit, accipitque sopor penetralibus omnes,  
Sola toro jaceo, tristisque in nocte recursant,  
Pervelluntque acri morfu praecordia curae  
Flentis, & heu frustra crudelia fata querentis.  
Ceu fata Pandareo primi per tempora veris  
Quum viridis densa queritur Philomela sub umbra;  
Illa sedet, ramoque iterat miserabile carmen, 590  
Tristibus & resonas implet concentibus auras  
Maesta gemens natum, furiis quem percita ferro  
Perdidit eripiens patri solatia Zetho:  
Non aliter queror ipsa gravi perculsa dolore  
Huc animum atque illuc versans, utrum anxia caro  
Cum gnato vivamque parens, bonaque omnia servem,  
Captivasque regam famulas, magnosque penates  
Permetuens vulgi famam thalamumque jugalem;  
An sociata sequar, tot lectos inter Achivos;  
Qui meliorque viget factis, majoraque spondet 600  
Praemia? natus adhuc fuerat dum debilis aëvo,  
Non me has linquentem sedes est nubere passus;

Gran-

Grandior at factus plenoque in flore iuventae  
 Ultro etiam invitam suadet properare hymenaeos  
 Externasque sequi taedas, mihi propter Achivum  
 Flagitia infensus vastataque tecta rapinis.  
 Jamque age, & ista, meam quae mentem insomnia turbant,  
 Accipe. ludebat vacuis mihi plurimus anser  
 Porticibus, totoque aderant bis agmine deni  
 Assueti rostris puro ceralia fonte 610  
 Munera rimari, mea sola & magna voluptas.  
 Adveniens autem pedibus Jovis ales aduncis  
 Vertice ab aërio, fractis cervicibus, omnes  
 Perdidit; exanimes fusi per tecta jacebant  
 Undique, at ille altum sublimis in aethera fugit.  
 Ipsa dolens & flere & vocem attollere coepi  
 Per noctem infomnis: circum venire frequentes  
 Questubus excitae late undique Achaeides almae.  
 Ecce autem rediens stetit idem in culmine tecti  
 Ales, & haec hominum vero superaddidit ore, 620  
 Solatus miseram. fide o clarissima proles  
 Icarii, vanae non falsa insomnia noctis,  
 Fata vides sed certa: haec omnis strata volucrum  
 Turba, proci; qui visus ego tibi nuper adesse  
 Praepetibus pennis Jovis ales, vir tuus adsum.  
 Redditus ipse procis letum crudele daturus.  
 Haec ille, inceptusque sopor me sponte reliquit.  
 In cubitum subnixae, atque auribus aëra captans  
 Laetantes passim sensi prope gurgitis alveum  
 Frangere triticeam messem, velut ante, volucres. 630  
 Talia narranti: non haec, ait ille, per artem  
 Fas alio regina inflectere somnia: visus  
 Ipse tibi Laërtiades jam fata reclusit:  
 Instat certa procis clades, nec funera quisquam

Effu-



Effugiet numero ex omni. sic dixit; & ipsum  
 Penelope aggreditur rursus, metuensque profatur.  
 Haud facile est nigrae volitantia somnia noctis  
 Noscere, nec semper portendunt omina certa.  
 Sunt etenim geminae somni portae; altera fertur  
 Cornea, perfectio collucens altera contra 640  
 Ex ebore: hac veniunt quaecumque effusa, feruntur  
 Irrita; & incertis ludunt fallacia formis.  
 At, volitant quae missa foras per cornea septa,  
 Vera monent homines, si quando in nocte videntur.  
 Sed non hinc miserae dederunt mihi somnia manes,  
 Credo equidem: nimum foret haec fors laeta parenti  
 Scilicet & gnato, cedent secus omnia, tuque  
 Sensibus haec imis, quae dicam verba, reconde.  
 Adveniet lux illa cito, quae saeva revellet  
 Invitam ex Ithaci testis; certamen Achivis 650  
 Quippe paro: statuam fulgenti ex aere secures,  
 In domibus quas ille meus vir ponere quondam  
 Bissenas numero; velut orbes ordine longo  
 Orbibus adversos; resonum dein eminus arcum  
 Intorquens istu numquam fallente solebat  
 Per medias volucrem transmittere saepe sagittam.  
 Hoc statuam certamen ego: qui tendere ferrum  
 Ante alios poterit melius, teloque secures  
 Trajiciet misso talem fortitus honorem;  
 Illum certa sequar veteris penetralia linquens 660  
 Conjugis heu quondam mihi cara, opibusque superba,  
 Quaeque etiam memori per somnum noctis imago  
 Saepe feret. cui tunc volventi talia Ulysses:  
 Jam jam, inquit, regina, jube contendere; nulla  
 Sit mora. namque heros aderit Laërtius ante,  
 Quam poterit quisquam nervosque aptare sonantes

Multa movens frustra, metamque adtingere ferro.  
 Penelope contra gaudens: o! ducere noctem  
 Si juvet his mecum dictis, non ulla quietis  
 Cura foret, fessosve sopor mihi solveret artus. 670  
 Haud tamen insomnes miseris mortalibus horas  
 Degere fas; late terram namque ire per omnem  
 Alternas voluere vices & tempora divi.  
 Jamque altum penetrare petam, stratoque loco  
 Membra toro, gemitus audit qui semper acerbos,  
 Humescitque mihi lacrimis, ex quo acer Ulysses  
 Pergama, & infandae petiit mala moenia Trojae.  
 Hic ego: tu vero testorum in parte cubato,  
 Qua placeat; strata vel fors tellure, vel alte  
 Fessa super structo componens membra cubili. 680  
 Haec ubi dicta dedit, sociis comitata puellis  
 Alta petit scandens thalami penetralia, & intro  
 Ut sterit, optati nequidquam perdita flevit  
 Fata viri, donec Pallas miserata gementem  
 Uda regens dulci perfudit flumina somno.



## HOMERI ODYSSEAE

## LIBER VICESIMUS.

**V**Estibulo in primo tecti fortissimus heros  
 Accubuit: subter magni bovis horrida stravit  
 Tergora, & iniecit florenti vellere multas  
 Caesarum pelles ovium super; ipsaque laenam  
 Praeterea Eurynome posuit per membra cubanti.  
 Heic vigilans & triste procis in corde volutans  
 Exitium stetit ille. alia de parte puellae  
 Interea tectis ibant, juvenumque petebant  
 Gaudia, nocturnis assuetae fraudibus omnes  
 Laeta sequi alterno veneris solaria risu. 10  
 Exarsere ignes animo, tacitusque repente  
 Multa putat secum, praesterner' insurgere contra,  
 An sinere extremum votoque ausoque potitas  
 Misceri per tecta procis? fremit ira sub imo  
 Pectore, & insanis acuit praecordia curis.  
 Ac veluti, catuli cui parvi ex ubere pendent,  
 Si qua ignota viri facies sese offerat ultro,  
 Saevit acerba tuens rabidisque larratibus instat  
 Mater, & adverso jam se fert cominus hosti  
 Dentibus infrendens contra & concurrere tentans. 20  
 Sic olli infremuitque animus tam dira tuenti  
 Flagitia, impellensque ambabus pectora palmis  
 Haec secum: tacitus quin tu contra omnia persta,  
 O anime; his etiam quondam graviora tulisti,  
 Quum tibi magnanimos Cyclops immanis in antro

Corripuit socios, faxoque illisa voravit  
 Membra ferox. tantum quisti perferre dolorem  
 Impavidus, donec te limine mortis ab ipso  
 Eripuit, virtusque viam molita per artem est.  
 His dictis animum increpitat, nec cedere victus 30  
 Ille negat. curis ipse autem ingentibus actus  
 Aestuat, ac stratis hac illac volvitur heros  
 Sollicitus. flammis ceu quando viscera totiet  
 Pinguique & multo turgentia sanguine pubes,  
 In partesque omnes versat, celeratque laborem  
 Ocius impleri cupiens: sic vertitur heros;  
 Et volucrem nunc huc mentem nunc dividit illuc.  
 Secum agitans, quamvis saevis congressus Achivis  
 Arte queat multos, unus demittere leto?  
 Talia volventi delapsa ex aethere Pallas 40  
 Venit femineos habitus induta, supraque  
 Adstitit, ac tali compellans voce loquuta est:  
 O duris homines vincis qui casibus omnes,  
 Cur vigilas? jam parva domus tibi, parvaque conjux,  
 Gnatus & ipse tibi partus, quem vellet habere  
 Quisque tibi. sic fata dea est; atque ille vicissim  
 Pauca refert: haec, diva, quidem non vana profaris;  
 Cura sed illa gravis residens praecordia torquet,  
 Solus ego juvenes tot contra insurgere fortes  
 Qui valeam? semper conferti haec limina servant. 50  
 Id quoque praeterea reputo, si perdere turbam  
 Auxilioque Jovis detur mihi, diva, tuoque,  
 Quo fugiam? casus omnes juvat ante videre  
 Scilicet, atque animo varias expendere sortes.  
 Dixerat; huic autem virgo sic caesa reddit:  
 Improbe, nonne alii fidunt mortalibus armis,  
 Ac sociis, quibus est haud par solertia menti?

Me diva duce tu, per tanta pericula vectum  
 Per varias pelagi insidias quae numine nostro  
 Incolumem duxi, metues? haec accipe porro 60  
 Dicta prius, penitusque alta sub mente reconde.  
 Quinquaginta etiam si densis obvia telis  
 Agmina consistant contra, mortemque minentur,  
 Nil mecum tibi triste foret; quin omnia vastans  
 Lanigerosque greges armentaue victor haberes.  
 Nunc somni cape dona: est durum in nocte tueri  
 Pervigilem tota; mox aspera fata subibis.  
 Haec ait, & fesso placidam per membra quietem  
 Irrigat, inque altum sese dea tollit Olympum  
 Nubiferos superans per opaca silentia tractus. 70  
 Ast ubi dissolvit curas huic fusa per artus  
 Blanda quies; contra depulso excita sopore  
 Penelope in thalamo maerens assedit, & ambas  
 Sparsa genas fletu sic est affata Dianam.  
 Diva, Jovis proles, magnum Latonia numen,  
 O utinam perdas transfixo pectore telis  
 Hanc animam nunc ipsa tuis; vel turbine nimbus  
 Praecipiti involvat, nigrumque per aëra vectam  
 Oceani refluu jaciens me in gurgite mergat;  
 Ceu quando immeritas saevae abripuere procellae 80  
 Pandaridas. ollis divum vis dura parentes  
 Abstulerat, solaque orbas in sede relictas  
 Lacte Venus miserata & melle & nectare bacchi  
 Pascebat. Juno formae praestantis honorem,  
 Consiliiue decus teneris afflarat: at alti  
 Corporis ingentes Latonia fecerat artus,  
 Addideratque suas operum Tritonia laudes.  
 Vix autem Cytherea poli sublimis ad arces  
 Cesserat optatos nymphis latura hymenaeos

Abs

Abs Jove fulmineo; (genitor quippe omnia novit 90  
Fortunasque hominum laetas, & tristia facta;)  
Quum subito harpyiae miseras rapuere puellas  
Horrificae, Eumenidumque jugo pressere superbo.  
Sic o! me superi tollant; vel compta capillos  
Transadigat cupidam Dytinna, ut per loca nigro  
Senta metu visura abeam sub Tartara Ulysses,  
Nec me deterior conjux laetetur adepta.  
Triste quidem, fateor; tamen est utcumque ferendum  
Nempe malum, cui luce urit praecordia luctus,  
Dein placidus sub nocte venit sopor, ille malorum, 100  
Laetitiaque ferens jucunda oblivio menti;  
At me etiam terrent ipsi per somnia manes.  
Namque mihi talis per noctem accumbere visus  
In thalamo nuper, qualis, quum Pergama primum  
Classe cita peteret, fuerat meus ille vir ipse  
Infelix: laetum tentabant dulcia pectus  
Gaudia; rem veram, non somnia vana putabam.  
Vix ea Penelope; roseoque inceperat ortu  
Aurea procedens Tithoni effulgere conjux;  
Nec latuere Ithacum gemitus & verba loquentis: 110  
Haesit, & occultae ceu jam bene conscia fraudis  
Ipsa foret, trepido visa est succedere coram,  
Atque adstare caput supra, vocemque ciere.  
Profilis, ac laenam villosaque tegmina surgens  
In folio ponit, celsisque e sedibus effert  
Exuvias tauri; tum supplex voce precatur  
Caecicolum regem tollens ad sidera palmas.  
Juppiter o genitor, vestro si numine vestum  
Per terramque fretumque hanc me voluistis adire  
Jam patriam, postquam tam longa exercuit ira; 120  
Nunc o! nunc aliquis vigil in penetralibus omen,  
Det

Det precor, atque ipso veniat mihi ab aethere signum.  
 Talibus orabat dictis; & rector olympi  
 Audiit orantem; tonuitque in nocte corusca  
 Desuper e nebulis, signum pater aethere ab alto  
 Ostentans: visu subito laetatur Ulysses.  
 Nec minus & vocem mulier captiva repente  
 Sustulit inclamans penetrali in sede, ubi stabant  
 Marmoreae moles tundendis frugibus aptae,  
 Quas famulae urgebant bisseae, frangere semper  
 Et cererem iussae, baccas & pinguis olivi.  
 Jamque aliae pensis defunctae corpora somno  
 Fessa dabant; sociis tantum haec ex omnibus una  
 Aegra magis, necdum cessans, revolvibile saxum  
 Continuit, laetumque omen sic edidit ore.  
 O regis aeterno qui res hominumque deumque  
 Imperio, insonuit cur tanto murmure caelum  
 Stelliferum sine nube? aliquem felicia certe  
 Signa petunt: jam jam, quod posco munus & ipsa;  
 Da pater, extremum heic epulis operata Juventus  
 Assideat, longo exercens quae membra labore  
 Perdidit, ac vires mihi fracto in corpore solvit  
 Dona laboranti Cereris: lux ultima visat  
 Ista procos laetis celebrantes munera mensis.  
 Tantum effata: heros tali simul omine gaudet;  
 Terrificoque Jovis sonitu simul; ac ferus ultro  
 Sontibus exitium jam certo in corde minatur  
 Interea complet famulantum turba penates  
 Sopitumque focus ferventibus excitat ignem.  
 Surgit & ipse toro fulgentem indutus amictum  
 Telemachus, laterique ardentem accommodat enses  
 Et formosa pedum circumdat vincula plantis  
 Tum capiens ferro praefixum robur acuto

Limen adit, foribusque adstans ita fatur ab altis.  
Dic age, cara mihi nutrix, quem dignus honorem  
Nactus habet; thalamone hospes, dapibusque potitus,  
An jacuit neglectus humi? non infcia recti  
Saepe alios genitrix meritis & laude minores  
Nostra viros large coluit; cur immemor unum  
Scilicet hunc solito meritum sine honore reliquit? 160  
Dixerat, atque olli prudens ita pauca vicissim  
Euryclaea refert: ne vero, o gnate, parentem  
Inculsa: quantum libuit, se munere bacchi  
Proluit heic longum residens nocturnus ad ignem;  
Exstinctaque firi nihil ultra saepe rogatus  
Poscere se dixit. jamque ut nox prona quietis  
Dona tulit, iussitque toros, intextaque poni  
Strata parens, queis ipse altus recubaret; at ille  
Heu nimium maerens molli requiescere lecto  
Abnuit; & cruda nudati in pelle juvenci, 170  
Caesarumque ovium male tectus vellere ad ipsum  
Vestibulum accubuit; nos laenam injecimus ultro.  
Haec ubi; Telemachus crispans hastile coruscum  
Limine procedit; gemini quem pone sequuti  
Nota canes fido servant vestigia gressu.  
Ille abit in coetu fortes visurus Achivos;  
At Pisenoridae creta Opis sanguine claro  
Continuo hortatur famulas. mora tarda faceffat,  
O fociae; sordes tectorum everrite, & undam  
Spargite, purpureasque toris insternite vestes; 180  
Atque aulaea undis properet pars tergere mensas,  
Craterasque simul caelataque pocula lustret:  
Pars adeat fontem celerans, atque ocius adsit.  
Haud aberunt longum; quin primo ad limina stabunt  
Mane proci, festat celebrent ut gaudia lucis,

Sacra



Sacra redit lactis quae civibus orbe peracto.  
Dixerat, & iussae properant mandata puellae:  
Bis denae fontem petiere, aliaeque frequentes  
Rite suos obeunt passim per tecta labores.  
Haec inter venere proci, subitoque per artem 190  
Institerunt valida diffindere ligna bipenni.  
Nec minus & reduces aderant de fonte ministrae,  
Atque una Eumaeus magnorum horrentia ducens  
Corpora terna suum. quos intra septa relinquens  
His Ithacum senior dictis compellat amicis:  
Mollius aspiciunt tene o, mala pestis, Achivi,  
Turpibus an probris velut ante incessere pergunt?  
Talia quaerenti suspirans reddidit heros:  
Supplicia o! divis utinam pro talibus ausis  
Expendant fontes, aliena in sede nefandum 200  
Dedecus aggressi; jam jam est pudor omnis abactus.  
Alterni haec memorant dum voce, Melanthius ollis  
Adstitit ille malus custos ex agmine toto  
Munus agens pubi lectas de more capellas;  
Pastoresque ibant gemini simul. ipse ubi circum  
Atria curva gregem vinclis religavit olentem,  
His ultro regem dictis incusat acerbis:  
Pergis adhuc gravis esse, avidus nec poscere cessas  
Quemque virum, necdum tere his penetralibus effers?  
Haud prius abistes, credo, quam saucius haece 210  
Experire manus; tanta est injuria, demens,  
Qua furis heic, alii ceu nusquam epulentur Achivi.  
Dixerat: ille nihil contra, sed turbidus ira  
Quassat utrinque caput, graviterque in corde minatur.  
Tertius ecce alia se parte Philetius infert,  
Caprigenumque pecus, sterilemque a litore vaccam  
Ducit: (cum soliti pelago transmittere, quotquot

Huc veniunt, curva nautae advexere carina).  
 Isque ubi porticibus longis armenta revinxit,  
 Sic prior Eumaco: dic o, quis sedibus hospes 220  
 Hic novus in nostris? qua se de gente profectus,  
 Qua patria, & clara qua sese ab origine jactat?  
 Infelix! praefert regalem corpore formam;  
 At superi duro curarum turbine mergunt  
 Magnanimos etiam reges, quos casibus actos,  
 Errantesque diu cogunt ferre aspera fata.  
 Haec ait, & subito dextram complexus inhaesit,  
 Compellansque senem: salve o pater optime, dixit,  
 Dique tibi meliora ferant, licet horrida luctu  
 Te nunc exagitans multo fortuna fatiget. 230  
 Juppiter, heu divum quis te crudelior alter,  
 Nil homines miserere, tuum genus: ut semel oras  
 Hauserunt vitae, gravibus tabescere curis  
 Sponte finis. gelidus mihi dura per ossa cucurrit  
 Sudor, ut hunc miserum vidi; lacrimaeque volutae,  
 Dum memorem domini pietas, dum strinxit imago.  
 Ille etiam pariter, caeli si vescitur aura,  
 Phoebeamque haurit lucem, male rectus, & exsul  
 Scilicet a patria, saevis procul errat in oris.  
 Sin periit fato, nigrumque abreptus in Orcum est, 240  
 Heu mihi quid misero restat? me laeta per agros  
 Ille Cephallenum teneris armenta sub annis  
 Pascere, me validos voluit submittere tauros.  
 Nec labor ingratus cessit: stabula alta juvencis  
 Innumeris jam plena sonant, foeturaque votis  
 Haud usquam melius domini respondet avari.  
 Nunc alii ducique boves mensisque parari  
 Dona jubent, patria gnatum nec sede relictum,  
 Ultioresque deos metuunt: quippe omnia certant

Di-

Diripere, atque opibus sine rege impune potiri. 250  
At mihi curarum vario mens fluctuat aestu  
Multa volutanti mecum: discedere longe  
Scilicet, atque alias armenta abducere in oras  
Indignum est, salvo juveni dum vita supersit.  
Durius heic etiam, nequidquam aliena sedentem  
Ad stabula infandos longum perferre dolores.  
Atque equidem regem, hinc jampridem elapsus, adissem  
Ipse alium (neque enim scelorum vis tanta ferenda);  
Ni tenuisset amor miseri; ni certa subisset  
Spes animum, reducem vastata in sede videndi, 260  
Caedentemque armis pubem, crimenque piantem.  
Cui referens heros: non te rationis egentem,  
Quisquis es, aut animi arguerim; sat pectoris acre  
Consilium admirans video: quare accipe contra,  
Quae tibi nunc caeli testatus numina dicam.  
Audiat haec superum genitor, sociique penates,  
Atque arae, mensaeque Ithaci, quas nuper adivi;  
Te coram huc veniet proles Laërtia Ulysses,  
Aspicietque illum, feret id si corde voluntas,  
Sternentemque procos, multaque in caede cruentum. 270  
Tantum effatus; at ille: o! jam Saturnius, inquit,  
Adnuat, ac nutu firmet tua dicta potenti;  
Quid mea vis animi possit, quid dextera, nosces.  
Haec eadem Eumaeus, divos per vota precatus,  
Orabat, cupiens quamprimum visere regem.  
Atque illi inter se congressi talia dictis  
Dum jactant, juvenes fatum crudele struebant  
Telemacho; utque Jovis venit laeva ales ab aethra  
Altiivolans, trepidamque tenens sub nube columbam,  
His tunc Amphinomus, cunctis mirantibus, infit. 280  
O focii, haud dabitur votis & caede potiri

Sperata: praestat nunc tandem dulcia mensae  
 Dona sequi. vix fatus erat, quum laeta juvenus  
 Paruit, ac celeri subiit penetralia gressu.  
 Omnes jamque toros atque alta sedilia circum  
 Purpureas ponunt chlamydes, mastantque bidentes,  
 Et pingues de more capras, feriuntque rudentum  
 Colla suum, ingentique addunt his corpore taurum.  
 Viscera divisi torrent fumantia, & implent.  
 Crateras baccho: tum pocula laeta ministrans 290  
 Circum obit Eumaeus, cereremque Philetius ultro  
 Dat calathos & pulcros, vinumque Melanthius haurit.  
 Incumbunt epulis alacres; nec secius ipsum,  
 Versans arte dolos, Ithacum confidere jussit.  
 Telemachus celsos bene structae in limine sedis,  
 Vilis ubi spreto stat sella & mensa parata.  
 Mox etiam dedit exta viro, laticemque lyaeum  
 Miscuit aurato in cyathos sic voce loquutus:  
 Eja age nil metuas; frueris una heic munere bacchi:  
 Ipse manus rapidas arcebo, & foeda minantur 300  
 Dicta procum: non haec certe sunt atria vulgi  
 Publica, verum Ithaci multo mihi parva labore.  
 Ergo omnes cohibete manus, & jurgia linguae,  
 Ne qua fiat magno nobis discordia motu.  
 Haec ille: infremuit pubes, labrumque momordit  
 Admirans pariterque animum vocemque loquentis;  
 Ac subito Antinous sic interfatus amicos:  
 Dura licet sint dicta, tamen ferte omnia fortes  
 O socii; nimis ille minaci pectore fatur.  
 Monstra Jovis veruere; aliter jam magna sonantem 310  
 Sedibus in tacitis misisset funere Parca.  
 Dixerat Antinous; nec talibus ille movetur.  
 Et jam praecedentes sollemnia sacra per urbem

Ibant

Ibant ducentes, populumque ad festa ciebant  
Munera; conveniunt Phoebi jaculantis opacum  
In nemus, & molli sternunt se in gramine cives.  
Postquam autem pubes tostos detraxerat armos,  
Partibus aequatis gaudens convivia curat,  
Indulgetque epulis. nec non sua dona ministri  
Acqua ferunt regi pariter, ceu jusserat ante 320  
Telemachus magno proles dilecta parenti.  
At non passa diu est juvenes Tritonia foedis  
Parcere flagitiis, major quo luctus in imo  
Corde furens Ithaci saevas accenderet iras.  
Forte aderat mediis, scelus omne audere paratus,  
( Ctesippum dixere, Samos patria alta superbum  
Ediderat ) fretus qui gaza opibusque paternis  
Penelopen alios inter poscebat amantes;  
Atque is tunc fari socium sic coepit ad agmen.  
Accipite haec animis comites, generosa juvenus, 330  
Quae dicam: ut meruit, jampridem sorte poritus  
Aequali est senior; neque enim fas spernere quemquam,  
Telemachi ad sedes quicumque adcesserit hospes.  
Hoc super ipse dabo, nostrum testatus amorem  
Scilicet; ille autem pro magno munere contra,  
Cui libitum toto famulantum ex agmine, donet.  
Sic fatus validis intorsit viribus actum  
Corripiens de lance pedem bovis. ocius heros  
Submisitque caput pronus, torvusque repente  
Sardoum in morem risit: super evolat alte 340  
Missile, & adverso vires in pariete frangit.  
Tum vero alloquitur Ctesippum, atque increpat ultro  
Telemachus: salvum te fors inopina tuetur;  
Haud feruisse datum, avertit sese hospes ab ictu.  
Namque aliter ferro medium per pectus adacto

Con-

Concideres, maestusque tibi pro optato hyménæo  
Hæc genitor funus, bustumque informe pararet.  
Parcite, neu diro sese quis crimine jaceret  
Me coram; fas omne animo discernere quippe  
Atque nefas didici: fueram puer inscius olim. 350  
Nunc quoque balantumque greges, armentaue caedi,  
Et cererem passim raptari & munera vini  
Aspiciens utcumque fero, vi pressus acerba,  
Auxilioque carens; tot enim compefcere solus  
Haud valeo: hostilem at saltem prohibete furorem.  
Quod si ardor vos tantus habet me sternere ferro,  
Sternite, nil renuo; multoque occumbere præstat,  
Cernere quam semper scelerosa atque impia facta,  
Hospitiumque fero violatum vulnere, & ipsas  
Vexatas sine more mea intra tecta puellas. 360  
Vix hæc fatus erat, cunctisque silentia facta  
Per tacitas late sedes; stupor altus ubique.  
Inde Damastorides Agelaus ita incipit ore:  
Ne vero vestrum ne quisquam iusta monenti  
Audeat irasci, dictis aut obuius ire.  
Jam saevas cohibete manus, & parcite quemquam  
Laedere, contemptos veriti per tecta penates.  
Telemacho vero matrique hæc dicta profabor  
Haud ingrata ferens, audire invitus uterque  
Ni renuat. donec fuerat spes ulla videndi 370  
Sedibus in patriis præsentem rursus Ulyssæ;  
Nil vetuit traxisse moras, & ducere longa  
Spe juvenes (satius tibi multo id namque fuisset,  
Si patrias genitor salvus remeasset ad oras);  
Nunc aliter manifesta fides jam credere cogit.  
Quare age & incertam precibus tu vince parentem;  
Illa sibi jungat, fuerit cui plurima virtus,

Et

Et majora dabit qui dona: ita laetus avita  
Tu potiere domo, patriisque epulabere mensis;  
Ipsa novos thalamos, alienaque tecta sequetur. 380  
Haec ubi finierat, contra sic natus Ulyssē  
Pauca refert: non matris ego connubia carae  
Perque Jovem, casusque mei genitoris acerbos,  
Qui procul hinc periit, longis aut errat in oris,  
Non, Agelaë, veto: jubeo quin saepe morantem  
Nubere, cui malit, cui dent sua praemia laudem.  
Sed pudet invitam nostris expellere tectis  
Vi dura; vos o! dī talem avertite culpam.  
Conticuit vix ille; procis Tritonia risum  
Excitat insuetum, mentesque erroribus implet. 390  
Ingeminant omnes alienis gaudia malis,  
Sanguineasque vorant epulas, turgentiaque una  
Lumina stant lacrimis, gliscitque in pectore luctus.  
Quos inter magno circum resonante tumultu  
Dīa Theoclymenus sic fatis ora resolvit;  
Ac subito: heu miseri, quae tanta insania turbat?  
En vestrum nox atra caput circumvolat umbris,  
Per vultusque affusa horret trepidantiaque infra  
Genā metu. quærulis aër ululatibus ardet,  
Volvunturque imbres oculis. jam sanguine muros, 400  
Atque trabes, atque alta super laquearia cerno  
Sparsa novo. formis simulacra volantia miris  
Vestibulumque aulamque implent, ac pallida Diris  
Regna petunt, Erebo loca subdita: purpureo sol  
Axe fugit; nigris densantur cuncta tenebris.  
Talia dicebat: vasto magis omnia risu  
Insonuere. atque heic Polybo genitore superbus  
Eurymachus: sine mente furit novus advena; vanum  
Ducite continuo e foribus, mediaque locate

Urbe

Urbe citi o juvenes, quando olli heic noctis imago est. 410  
Cui vates: mitte hanc pro me de pectore curam,  
Ac ducibus jam parce istis. & lumina, & aures,  
Incolumesque pedes ambo mihi; stat quoque menti  
Vis eadem; his fugiam fretus. vos aspera clades,  
Exitiumque manet, quod nulli evadere salvo  
Mox dabitur, quotquot juvat his in sedibus ultro  
Vimque inferre viris, molirique impia vota.  
Haec dicens alto subito de limine cessit,  
Piraeumque adiit; lactus qui excepit amicum  
Protinus, & multo fovit solatus amore. 420  
At juvenes circumspiciunt, risuque furentes  
Telemacho magis atque magis succendere pectus  
Instant, multa super fociis indigna loquuti.  
Atque aliquis: dic o, quis te pejoribus, inquit,  
Hospitibus gaudet, fate Ulyse? hunc dira fatigat  
Errantem ingluvies ventris, vinique dapumque  
Perniciem. non ars olli, non pectore virtus  
Ulla subest; tantum stat pondus inutile terrae:  
Ille furit vates, ac fata horrentia fingit  
In mediis surgens, ac divum nunciat iras. 430  
Verum age, si qua fides, non te cessisse pigebit  
Jam facilem, ac sero quamvis mea dicta sequentem;  
Navibus impositum curvis mittamus utrumque  
Trinacrium ad litus; pretium nec vile redibit.  
Talibus instabant dictis: nihil ille movetur,  
Sed tacitus patrem observat, cupidusque precatur,  
Incipiat conferre manus, & surgat ad arma.  
Venit & Icarii proles, pulcherrima nympha,  
Penelope, ac folio contra subnixa resedit  
Gaudens illa quidem juvenum cognoscere dicta. 440  
Nec minus hi lautis agitant convivia mensis,



Vescunturque epulis, quarum vis strata jacebat  
 Plurima. non illa potuit sed caena parari  
 Grata minus, structurus erat quam maximus heros,  
 Divaque bellipotens morituris: quippe priores  
 Sunt scelere atque odiis, aut certe nefandis,





Acer equas, totidemque notho de sanguine pullos,  
 Exitii heu causam; Jovis almo e semine postquam  
 Magnanimum Alciden adiit, super aethera notum  
 Indomita pariter virtute & grandibus ausis; 30  
 Qui miserum dulci spoliavit lumine vitae  
 Improbus, haud superos veritus, mensamque sacratam,  
 Quam posuit venienti, ipsoque in Tartara misso  
 Cornipedes violentus equas impune subegit,  
 Detinuitque diu clausas praesepibus altis.  
 Ille has tum quaerens domibusque exceptus eisdem  
 Ferre Ithaco dederat lunatis frontibus arcum  
 Ingentem, genitor magnus quem gesserat olim  
 Eurytus, & moriens nato post fata reliquit:  
 Cui Laërtiades ensēque hastamque vicissim 40  
 Fulmineam dederat, praesenti munere firmans  
 Hospitium. sed non sociis accumbere mensis  
 Post umquam potuere: prius nam proditus heros  
 Iphitus Alcidae dextra jura omnia contra  
 Occubuit. cujus donum Laërtia proles  
 Haud secum extulerat properans Mavortis ad arma;  
 Sed cari cupiens monumentum ut semper amici  
 Adforet in domibus, suspensum in sede reliquit.  
 Multas inter opes: solum tellure gerebat  
 In patria ornatus quondam juvenilibus annis. 50  
 Ergo ubi Penelope tetigit penetrale repostum,  
 Conscenditque altum querno de robore limen,  
 Quod faber extruderat, multaque poliverat olim  
 Arte regens parili surgentes limite postes,  
 Acratoque addens rutilas in cardine valvas;  
 Protinus adstrictis haerentia vincula nodis  
 Solvit, & obstantes immissa clave removit  
 In foribus vestes agitans. tum murmure acuto,

Ceu quum luxurians mugit per prata juvenus,  
 Insonuere idæ patefacto in limine valvae. 60  
 Illa subit, superatque alte tabulata, ubi clausae  
 Intus odoratae stabant sua munera vestes;  
 Pendentem e celso capit arcum & pariete dextra  
 Indutum vagina, ipsum quae lucida obibat.  
 Nec mora: curvatis genibus reclinat, & acri  
 Idæ gemens luctu fulgentem e tegmine ducit.  
 Ut vero tristi fletu satiata quievit,  
 Egrediens thalamo, celerat vestigia testis,  
 Invisitque procos portans arcumque pharetramque  
 In manibus jaculis horrentem. pone sequuntur 70  
 Et famulae in calathis perfecta ex aere ferentes  
 Arma, quibus certans olim se exercuit heros.  
 Quum juvenum propior regina advenit in agmen  
 Constitit auratae solidis sub postibus aulae.  
 Mollia demittens niveis redimicula malis  
 Hinc atque hinc fidas inter media ipsa ministras.  
 Tum subito sic fata: animos advertite vestros  
 His dictis, juvenes, clarum genus, heic male quotquot  
 Ducitis affusi nimio convivia luxu,  
 Rege absente diu; vobis praetexere caussam, 80  
 Conjugium optatum praeter tædæque jugales,  
 Haud aliam tanti sceleris licet, ergo agite omnes,  
 Vestra habeant finem demum hoc certamine vota.  
 En arcum; melior quicumque intenderit ipsum,  
 Bissenosque idem misso per inania telo,  
 Sortitus fortunam oculis, trajecerit orbes;  
 Hunc sequar antiqui tandem penetralia linquens  
 Conjugis heu frustra mihi cara, opibusque superba,  
 Saepius ingratae referet quæ noctis imago.  
 Dixerat; Eumacumque vocans jubet ocus arcum 90  
 Fer-

Ferre procis, orbisque simul, quo spicula tendant.  
 Ille capit; largoque humectans lumina rore  
 Flet simul ipse, simul diversa in parte bubulcus.  
 Arma videns miseri nimium sibi cognita regis.  
 Quos subito Antinous vesana turbidus ira  
 Increpuit dicens: o longum nata labore  
 Exercere diem gens stulta, agrestia corda,  
 Quid miseri fletis, vestroque incendere luctu  
 Pergitis heu multis reginae saucia curis  
 Pectora, dilectum rapuit cui Parca maritum?  
 Vel taciti heic epulis confidite, vel procul ambo  
 Ite domo, si flere juvat, si rumpere questus;  
 Ponite at arma prius dura in certamina publi.  
 Haud facile hunc nostris intendi viribus arcum  
 Posse reor: neque enim quisquam nos inter Ulyssi  
 Magnanimo aequandus, quotquot sumus, illum ego primo  
 Sar memini, vidi puer admiratus in aevo  
 Talia dicebat simulans, tacitoque fovebat  
 Spem tamen adversam dictis in pectore, jam jam  
 Ipse sibi visus trajecto praemia ferro  
 Tollere, nequidquam: nam vulnere stratus Ulysssei  
 Debuerat sceleri poenas prior, omnibus idem  
 Saevior, atque ultro socios incendere suctus.  
 Quis ibi Telemachus subito mihi Juppiter, omnes  
 Eripuit sensus animi sine mote furenti,  
 Credo equidem: genitrix claro comitata hymenaeo  
 Ire parat, nostrisque procul discedere tectis;  
 Lentus ego heic autem falsi inter gaudia risus  
 Affido, o vos felices, queis femina pugnae  
 Stat pretium, qualem nec vidit Achaica tellus,  
 Nec Pylos, lac fortes Argi, ditescque Mycenae,  
 Non Ithaca, Epirusque ferax late ubere gleba:  
 Haud

Haud ignota loquor; coram vos cernitis ipsi.  
 Sed quid ego matrem laudo? quin ocius arcum  
 Accipite experti pariter, nec tarda morantès.  
 Impediat vis ulla metu, segnesque fatiget.  
 Et me etiam tentare juvat: si tendere nervos  
 Contigerit, missoque orbes transmittere telo;  
 Haud miserum penitus me deseret optima mater  
 Connubio sociata novo. solabor acerbum 130  
 Discidium reputans, vacua quod sede relinquer  
 Jam potis egregii contendere dona parentis.  
 Dixit, puniceumque humeris rejecit amictum,  
 Ac subito ardenti laevum latus exuit ense  
 Prosilienis foribus. primum dein ordine ponit  
 Quamque suis scrobibus, fossa in tellure, bipennes  
 Limite agens longo sulcum per recta viarum,  
 Aggestoque solo firmans. stupet inscia pubes,  
 Miraturque artem novitatis imagine capta.  
 Ille autem ingressus stetit alto in limine, & arcum 140  
 Ter valido conatus ibi subtendere nisu  
 Cornibus adductis; ter nisu elusus inani  
 Destitit, ipse quidem sperans restantia fila  
 Vincere; & intorto metam contingere ferro.  
 Et jam instans quarto conamine victor abisset,  
 Ni vaser ardentem nutu vetuisset Ulysses  
 Ulterius tentare. ergo his tum vocibus usus  
 Stans mediò in coetu: proh, dixit, semper ad arma  
 Aut ignavus ero; aut nondum vis addita ab annis  
 Firma viget, duram qua possim avertere cladem, 150  
 Si prior aggressum quis forte inceserit hostis!  
 At vos, queis solido potior stat corpore virtus,  
 Vos certare decet, finemque imponere ludo.  
 Sic fatus posuitque arcum connexa supinans

Ad

Ad tabulata solo, supraque volatile telum  
 Addidit, ac solita cedens se in fede locavit.  
 Tum satus Eupitheos: dextra consurgite parte,  
 Pro se quisque vini nunc, vos, ait, ordine eodem,  
 Nobis quo famuli miscenda in pocula vinum.  
 Nec plura Antinous dixit; fremituque secundo  
 Assensere omnes, & laeti dicta probarunt.  
 Surgit ibi ante alios Liodes Oenopé cretus  
 Fatidicus vates, mensis confidere semper  
 Interior solitus propter cratera nitentem,  
 Iratusque procis, totoque ex agmine solus  
 Flagitia exosus. volucrem tunc ille sagittam  
 Accipiens arcumque prior processit ad alta  
 Limina, & obnixus multa vi dura trahebat  
 Cornua: nec potuit pervincere: quippe laborum  
 Inscius, indoluitque manus & mollia fractus  
 Brachia; dein medios ita voce affatus amantem  
 Non ego non tantum valeo: succedat & aliter  
 Fortunam experiens; capite arcum & robur  
 Ille animam rapiet multis occumbere praestat  
 Scilicet, elusus voto quam vivere nostro  
 Degimus heic una quod propter tempore in omni  
 Solliciti, ac magno correpti pectus amore  
 Sperat nunc aliquis frustra securus, & ardor  
 Ducere Penelopen; sed quum tradaverit arcum  
 Nequidquam expertus, sibi quaeror Acheidas inter  
 Auricomas aliam florenti corporebat illa  
 Nubet, cui meritam sua dona & fata iugabunt.  
 Haec ubi dicta dedit vates, in robore laevi  
 Ante pedes ponitque arcum curvatus & una  
 Infelix telum, folioque residit eodem  
 Unde abiit surgens. quem tunc his excipit acer

Mae-

Maerentem Antinous diētis, *arque increpat ultro.*  
 Quae tibi, Liode, vano haec vox excidit ore  
 Stulta, inimica: subio jamquē altius ira medullas:  
 Quid? dabit exitio multos, fortissima corda,  
 Arcus an iste, tibi quod nunc malē restitit uni?  
 At non te genuit talem pulcherrima mater,  
 Tendere uti valeas nervo stridente sagittas  
 Impiger: haec alias poscunt certamina vires,  
 Quas facilis nunc palma vocat: sic fatus; & ignem  
 Ocius, o dixit, sopitum accende, Melantheu;  
 Admotisque foco solis villosa superne  
 Tergora sterne ferens ingentem huc protinus orbem  
 Arvina e pingui, qua cedere discat inunctus  
 Arcus, & incepta trepidos formidine solvat.  
 Talia mandabat; jussumque Melanthius ignem  
 Excitat, ac densis admota sedilia sternit  
 Velleribus portans ingentem protinus orbem  
 Squallenti arvina: juvenum manus ungere coepat,  
 Mollitūque arcum pingui distendere: at omnis  
 Conatus perit, & tentantum plurima frustra  
 Deficiunt vanae: defesso in corpore vires  
 Antinous numero ex omni restabat, & acēr  
 Eurymachus; nondum experti praestantibus ambo  
 Viribus, & multa ante alios virtute superbi  
 Interea Eumaeus, fociusque Philetius olivae  
 Additus exivere domo; quos pone sequurus  
 Extulit ipse altis Ithacus vestigia tectis  
 Hinc ubi digressi, foribus post terga relictis,  
 Constiterunt, mediū sic illos inter Ulysses  
 Incipit, ac didictis animos pertentat amicis  
 Eloquar, an sileam? sed cur morer? ipsa profari  
 Me jubet impatiens arrecta in corde cupido.

Ecqua



Ecqua fides vobis? Ithacus quid fidere possit,  
Si veniat subito, si quis deus afferat ipsum? 220  
Auxilione procis, an contra stabitis olli,  
Dicite, & arcanos animi recludite sensus?  
Talia quadrenti sic deinde Philetius inquit:  
O pater, o rector superum tu maxime votum  
Perfice; jam redeat dux ille, atque afferat ipsum  
Huc deus, expertus credes, quid dextera possit,  
Quid mea vis, nil non pro rege audere parata.  
Haec eadem Eumaeus caeli conversus ad auras  
Spondet, & optato dis supplicat omnibus ardens  
Pro reditu. ast heros, postquam fraus omnis abacta, 230  
Amborumque videt sensus & pectora fida,  
Certus ait. votis quem vos o poscitis, adsum  
En ego. per varios casus, atque aspera rerum  
In patriam veni, bis denis exsul ab annis.  
Jam video vobis famulantum ex agmine toto  
Solis optatus rediisse: haud vota precantis  
Ullius audiui meque in mea regna vocantis.  
Accipite ergo animis, quae nunc ego vera profabor  
Pollicitus. domuisse mihi genus acre procorum,  
Si deus adnuerit, vobis ego dulce parabo 240  
Conjugium, multamque dabo pro munere gazam  
Testa meis ponens vicina, ambosque fovebo  
Telemachi ut socios, cognato aut sanguine fratres.  
Atque adco quo certa magis manifestaue vestris  
Sint animis mea dicta, haec illa est scilicet ipsa,  
Quam mihi venanti Parnassi in vertice quondam  
Autolyçi cum prole, ruens obliquus in ictum  
Liquit faevus aper, signata in pelle cicatrix.  
Haec dicens lacerosque genu divisit amictus,  
Ostenditque manu vestigia vulneris alti 250

B b b

Nota

Nota nimis. coram quae postquam agnovit uterque,  
Miratusque oculis hausit, suffusus oborto  
Imbre genas collo regis dat brachia circum,  
Alternosque inter complexus oscula libat  
Affusus capiti atque humeris; nec secius heros  
Ora manusque fovet amborum amplexus & haeret.  
Ac fors occiduas sol flentibus isset in undas,  
Ni prior ille moras vetuisset ducere flendo  
Affatus socios. jam nunc o parcite luctu,  
Egressus ne quis foribus vos cernat, & intro 260  
Nunciet. ite domum sejuncti: limina scandam  
Primus ego, vos deinde; atque haec advertite jussa:  
Adfunt heic juvenes quotquot per tecta, nec arcum,  
Nec pharetram mihi ferre sinent certare volenti;  
Tu tamen o Eumaeae huc atque huc dexter oberrans  
In manibus mihi pone arcum, famulasque puellas  
Ipse jube thalami versas occludere valvas.  
Tum si quis gemitus circum, si quo atria pulsa  
Luctifico resonent strepitu, dic, nulla cubili  
Prospiciat, tacitaeque intus data pensa revolvant. 270  
Sit vero forium tibi cura Philetiae: claude  
Vestibus, & vinclis late ostia cuncta per aulam.  
Haec ubi sic mandata dedit, vestigia testis  
Intulit, ac sese consueta in sede locavit,  
Mente dolum versans. mox illum pone sequuti  
Pastores gemini surgentia limina scandunt.  
Interea Eurymachus rapidum tentabat ad ignem  
Hinc atque hinc arcum versans, inflectere dextra  
Si queat; edomitum quem tandem ut cedere nulla  
Arte videt, gemitum dedit altum pectore ab imo, 280  
Et super haec graviter suspirans addidit ore.  
Nunc equidem casuque meo turbatus acerbo

Indo-

Indoleo, vestroque, proci; nec, credite, tantum  
 Connubii me damna movent, licet haec quoque maestum  
 Cura premat; (sedenim sunt & Achaeides ipsam  
 Perque Ithacen aliae multae perque extera regna)  
 Quantum adeo me luctus habet, quod robore Ulyssi  
 Cedimus heu multo, sumptos nec possumus arcus  
 Tractare: haec etiam seclis audita futuris  
 Arguet indecores fama, aeternumque manebit. 290  
 Dixerat Eurymachus, subito cui talia contra  
 Antinous reddit: non haec ita semper abibunt,  
 Tuque etiam scis ipse. deum sollemnia sacra  
 Vulgus agit, Phoebumque vocat de more per aras,  
 Quis domito fidens nunc praemia speret ab arcu?  
 Desinite: infixae maneant ex acre bipennes;  
 Haud erit, heic positas temere qui tollere furto  
 Audeat. interea fundant nunc vina ministri,  
 Libemusque alacres divis certamine misso.  
 Craftina ubi surget lux alma, Melanthius orto 300  
 Jussus agat lectas primo cum sole capellas  
 Maclandas Phoebo; sacris ut rite peractis  
 Arcitenens tandem placidus certantibus adsit.  
 Haec ait, & cunctis eadem sententia sedit.  
 Praecones manibus dant rorem; at vina coronant,  
 Craterasque implent pueri, circumque frequentes  
 Omnibus invergunt ardentem in pocula bacchum.  
 Post ubi libarunt mensis, haustoque lyaeo  
 Explevere sitim, sic fraudem in pectore versans  
 Incipit incautis heros. vos o manus, inquit, 310  
 Inclita, magnanimi juvenes advertite dictis  
 Nunc animos, fabor, quae fert in corde voluptas.  
 Eurymachum in primis, teque, o precor, optime ductor  
 Antinoë, ingratos arcus cui ponere primo,

Et placuit votis nunc divum exposcere pacem,  
Mane autem tentare, deus cui laudis honorem  
Fortunamque ferat; sit fas mihi munere vestro  
Discere certanti coram, quid robore possim,  
Quid manibus? solido num perstat corpore virtus,  
Quae fuerat quondam membris, an pulsa recessit 320  
Jactatoque vagoque & duris casibus acto?  
Talibus orabat supplex: illi ocus ira  
Infremuere gravi, veriti ne tenderet arcum  
Victor; & insigni gestiret laude superbus.  
Ac prior Anrinous sic olli est voce minatus:  
Jam tibi nulla adeo pars est, miserande, relicta  
Mentis, ait. nec sat nostris considerare mensis,  
Nec dapibus gaudere tibi; quia insuper audis  
Consilia & voces omnes, quas auribus hausit  
Non alius te praeter inops huc advena vectus. 330  
Jampridem insanum te melle hic dulcior humor  
Versat agens, alios etiam sic laedere suetus,  
Ultro avidi haud cessant latum qui pandere guttur.  
Eurytiona merum domuit quoque, venit in alta  
Pirithoi quum recta olim, mixtusque resedit  
Cum Lapirhis Centaurus. ibi acri ut pectora baccho  
Percitus incaluit, foedavit crimine mensas  
Haud impone. manus namque indignata repente  
Heroum insurgens inhonesto vulnere nares  
Abscidit, atque ambas, pulso e penetralibus, aures. 340  
Ille dolens captusque animi discessit: at ingens  
Continuo exarsit magno discordia motu  
Centaurus Lapirhasque inter, solvitque nefandi  
Ipse prior sceleris turpi cum sanguine poenas.  
Sic tibi, si vanus certaveris, affore magnum  
Exitium edico. nam fando avertere nemo

In populo hoc valeat cladem, quin regis ad oras  
 Hinc Echeti, saevit quo non crudelior alter,  
 Missus eas; illic scelerum dabis improbe poenas.  
 Quare age, plena tibi tacito sint pocula curae, 350  
 Dum licet; at juvenes inter contendere noli.  
 Atque heic Penelope: diris incessere probris,  
 Antinoë, haud equum est, quisquis dignatus amore  
 Telemachi his ultro succedat sedibus hospes.  
 An metuis, ne forte abeat certamine victor  
 Ille manu fidens, & me sibi praemia poscat  
 In patriam abducens claro comitatam hymenaeo?  
 Non ea vis misero, non haec fiducia menti  
 Addita; nec quemquam vestrum metus iste fatiget  
 Sollicitum turbans; indigna est causa timoris. 360  
 Dixerat; Eurymachus contra sic farier inquit:  
 Penelope Icarii pulcro sata sanguine nympha,  
 Non ea mens terret, ne spem sibi conjugis ille  
 Spondeat, ac taedas; absit: sed fama remordet,  
 Foedaque sollicitant vulgi convicia mentem.  
 Namque erit, insultans aliquis quam dicet Achivum:  
 En quibus est ambita procis, quae nupta marito  
 Egregio fuerat: miseri! non vincere nervos  
 Imbelli valere manu, quos forte tetendit  
 Nescio qui veniens ignotis advena terris. 370  
 Haec aliquis dicet; nostrumque infamia nomen  
 Dira premet. sic fatus erat, quum talia rursus  
 Icario sata voce refert: jam gloria, & omnis  
 Fama prior vobis instantibus omnia luxu  
 Perdere, & infantis domini foedare penates,  
 Eurymache, interiit; cur sera haec jurgia terrent?  
 Hospes hic ipse quidem magnoque est corpore, & apta  
 Mole valens claro sese fert sanguine cretum:

Arma

Arma viro jam ferte; juvat spectare corona  
 Certantem in media. praesens haud irrita dicta 380  
 Haec habeat: si victor erit, si mitis Apollo  
 Adnuet huic laudem, tunica donatus abibit,  
 Et chlamyde insigni, validumque hastile lacerto,  
 Quo se homines contraque canes defendat, & enssem  
 Adjungam lateri, pedibusque haerentia vincla;  
 Post laetum auxilio, cupiet quo pergere, mittam.  
 Sic ea: tum breviter contra sic filius orsus:  
 Non alius potior meme est, seu tollere cuiquam  
 Sive dare hos arcus placeat: mea prima potestas  
 Heic est, o genitrix. quin & quot sceptras per amplam 390  
 Aut Ithacam, aut alias etiam late Elida propter  
 Cycladas, in manibus gestant, me posse vetare  
 Invitum haud sperent, jubeat si certa voluntas,  
 Quominus huic arcum donem, propriumque relinquam.  
 Tu vero abscedens opera intermissa revise  
 Telamque oblongamque colum; tecumque puellae  
 Pensa trahant: nobis curae sint arma, mihique  
 Ante alios uni, cui summa heic tradita rerum est.  
 Obstupuit genitrix, vocemque animumque loquentis  
 Admirata retro torsit vestigia, & altum 400  
 In thalamum subiens, fidis comitata ministris,  
 Solvitur in lacrimas Ithaci memor; humida sparsit  
 Lumina dum miserae dulci Tritonia somno.  
 Interea Eumaeus pharetramque arcumque jacentem  
 Sustulerat; regemque adiens properabat: euntem.  
 Increpitant juvenes magno turbante tumultu,  
 Et contra: quo ferre paras, o suete vagari,  
 Improbe? mox canibus data praeda suilia propter  
 Hinc procul ipse feris raptabere, lenis Apollo  
 Si faveat nostris, si cetera numina, votis.

Talibus insurgunt. ille acri voce minantum  
Territus ac magno concursu, ponit eodem  
Arma loco referens. alia sed parte minatur  
Telemachus. contra inclamans: quin ocius olli  
Ferto arcum; non te parere heic omnibus aequum est.  
Ni facias; dura saxorum grandine pulsum  
Ejiciam minor ipse aevo, sed robore firmo  
Acrior. atque utinam, quot sunt, fera corda procorum,  
Viribus & forti sperem sic vincere dextra,  
Nunc ego nunc aliquem foedatum turpiter ora 420  
Sedibus e patriis turbarem, haud semper inultus  
Scilicet: insana versant scelera impia mente.  
Haec tum Telemachus: juvenes risere furemtem  
Nequidquam, & vanos fundentem pectore questus.  
Utque furor posuit primus, clamorque resedit,  
Arma capit subito, regemque in limine stantem  
Certus adit gressu properante Eumaeus, & olli  
Porrigit. inde rapit sese, thalamoque propinquans  
Continuo Eurycleam ad se vocat, atque ita fatur:  
Interiora domus occludi limina; nutrix, 430  
Telemachus jubet ipse; & si quo murmure pulsa  
Atria, si gemitu dura sub morte cadentum  
Luctifico resonent haec septa, haud ulla puella  
Prospiciat; tacitaeque intus data pensa revolvant.  
Vix ea jussa dedit senior; nihil illa morata  
Postibus inversis clausit penetralia tecti.  
Nec minus & gressu tacito sese extulit acer  
Profiliens diversa e parte Philetius, omnesque  
Aulas oclusos emuniit objice postes:  
Tum circum Pharium, mediis qui forte jacebat 440  
Porticibus quondam nautarum cura, rudentem  
Implicuit, retroque ferens vestigia venit,

Ac

Ac folio immixtus, quo cesserat ante, refedit  
 Observans regem. laetus tractabat at ille  
 Huc illuc arcum explorans atque undique versans,  
 Ne desueta diu tineisque adrofa fatiscant  
 Cornua. respiciunt diversi, ac protinus inquit  
 Sic aliquis: viden, ille ut sumpto captus ab arcu  
 Haeret miranti similis furtumque paranti?  
 Aut ipsi tales fuerant in sedibus olim, 450  
 Aut facere & molitur: ita huc atque improbus illuc  
 Versat agens torquetque dolis instructus & astu.  
 Contra alius juvenum: semper sibi talia posthac  
 Praemia conatus referat, ceu flectere duro  
 Robora nunc poterit certans immania nervo.  
 Haec inter sese dum jactant; impiger heros  
 Omnia lustravit postquam tacitusque notavit,  
 Quam facile, expertus modulari carmina vates  
 Ad citharam, sumpta renovat testudine chordas  
 Hinc atque hinc aptans clavo resonantia fila; 460  
 Ille arcum immanem nisu fallente tetendit.  
 Impulit hinc dextra tentans: at nervus acutum  
 Insonuit, fugiens ceu garrula stridet hirundo.  
 Indoluere proci graviter, mutataque vertit  
 Pallens ora color. tum caeli e parte corusca  
 Intonuit pater ipse deum; quo laetus Ulysses  
 Omine se firmat, Jovis alto & numine gaudet.  
 Jamque capit volucrem vicina e sede sagittam,  
 Coram aderat quae nuda; alias curvata regebat  
 Nam pharetra haefuras mox diro in corpore Achivum. 470  
 Hanc parte extrema cepit, nervumque sonantem  
 Arte trahens pronus, recto per inania cursu  
 Intorsit; subito fugit pennata sagitta,  
 Transiit atque omnes penitus trajecta secures

Aere



Aere gravis, postquam primum est ingressa per orbem.  
 Atque heic Telemachum successu laetus amico  
 Alloquitur ductor: non hic te in sedibus hospes  
 Dedecorat frustra cessans; nec meta fefellit,  
 Brachia nec longo ceciderunt fracta labore.  
 Integrum stat robur adhuc, nec pubis Achivae 480  
 Vera reor, contra miserum quae jurgia jactat.  
 Nunc epulas properare juvat, dum fulgida caelo  
 Lux finit; arguto dein praestat gaudia cantu.  
 Certa sequi, citharaque: haec sunt solatia mensae,  
 Haec eadem dignis hilarant convivia ludis.  
 Dixit, & inverso connivens lumine gnato  
 Signa dedit. subito latus acri accingitur ense  
 Telemachus, longamque manu capit impiger hastam,  
 Et stetit adverso propior late aere coruscus.



# HOMERI ODYSSEAE

## LIBER VICES: SECUNDUS.

**A**T vafer ingentes artus nudavit Ulysses,  
 Insiluitque altum limen gravidamque pharetram  
 Atque arcum manibus retinens; dein aspera tela  
 Ante pedes fudit medium sic fatus ad agmen.  
 Ardua res perfecta, viri: nunc altera major  
 Pugna vocat nulli tentata. hanc tangere metam  
 Experiar, si possim, adsitque vocatus Apollo.  
 Dixit, & Antinoum contra jaculatus ab arcu  
 Intorfit telum. pateram tum forte tenebat  
 Ille gravem, signis caelatam, auroquo nitentem; 10  
 Jamque parans explere sitim tollebat & atri  
 Exitii & jaculi ignarus volitantis ab aura.  
 Nam quis tot comitum sperasset in agmine solum,  
 Quamquam animo indomito, magnis & viribus esset,  
 Molirique sibi caedem, letumque parare?  
 Ast illum in medio fixit Laërtius heros  
 Gutturē, & averſa fugit cervice sagitta.  
 Volvitur extemplo pronus, pateramque remisit  
 Saucius excussam manibus: tum naribus ater  
 It cruor undanti rivo, revolutaque mensa 20  
 Calcibus impressis, epulaeque ante ora paratae,  
 Extā simul, foedoque Ceres stat pulvere. at omnes  
 Continuo trepidi, postquam videre cadentem,  
 Assurgunt juvenes, atque implent tecta tumultu,  
 Luminibusque obeunt tacitis latus omne per aulam.  
 Non usquam clipeus, non septis hasta relucet,  
 -OH 000

Quam

Quam capiant; solis irati vocibus instant.  
 Tela viros contra quo sic male dirigis, hospes?  
 Nulla dehinc cernes vivus certamina; nunc te  
 Pernicies infanda manet: nam vulnere stratus  
 Qui fuit in patriis Ithacae praestantior onis;  
 Ecce jacet juvenis; jam jam tua membra vorabunt  
 Vulturii. his terrent dictis; nec credere cessant  
 Effugisse manu jaculum nil tale volenti  
 Ignari commune necis jam tempus adesse  
 Quos tibi torva tuens furiisque incensus, Ulysses  
 Alloquitur: fera turba, canes, me limina numquam  
 Ad mea venturum reducem sperastis ab urbe  
 Dardania, aggressi res omnes: verrere fundo,  
 Molirique nefas, famulasque in nocte fovere,  
 Ipsi & vivi thalamos invadere furto  
 Coniuge praerepta? tenuit non ulla deorum,  
 Non hominum vos ira sequens; nunc denique venit  
 Omnibus atra dies & ineluctabile fatum.  
 Dixerat; atque illos trepida formidine pallor  
 Occupat; exitiique fugam, qua quisque sequatur;  
 Respiciunt: solus contra est sic fariens orsus  
 Eurymachus, si verus ades, Laertia proles;  
 Ille Ithacus, merito quereris; nec dicta refello:  
 Multa domi a nobis, multa & male facta per agros  
 At jacet ille quidem; fuerat qui causa malorum,  
 Antinous; nos tale hic scilicet impulit auctor  
 In scelus, haud cupiens animo connubia tantum,  
 Ast alium versans, vetuit quem Juppiter aequus,  
 Mente dolum; quo regnum Ithaces averteret ipse  
 Ad sese, natumque trum demitteret Orco  
 Insidians. nunc jam Parcarum ferrea sensit  
 Jura cadens. tu parce tuis: placabimus ultro

Muneribus læsum; quæcumque & perditæ luxu  
 In domibus perire tibi, pensabimus æquo. 66  
 Omnia solventes pretio; multamque ferentes  
 Pro se quisque bonam viginti. ingentiaque aeris  
 Pondera præterea dabimus; utilaris & auriferæ  
 Dum fuerit mens laeta: nefas irascier ante  
 Talibus ardentem dictis leniab. at heros  
 Reddit acerba tuens: non si vel deferat omnem  
 Rem patriam vestrum mihi quisque, & quæ bona cumque  
 Nunc habet, & quondam sperat sibi forte futura,  
 Abstineam manibus furibunda a caede; priusquam  
 Flagitia ultrici dextra & scelus omne parvo. 70  
 Sors reliqua hæc vobis: vel me contendere contra,  
 Vel celerare fugam, si cui det Parca salutem;  
 Sed non effugiet, credo, fata aspera quisquam.  
 Hæc ille; intreinuere artus, turbataque mens est  
 Omnibus, extemplo; rursusque ita voce loquutus  
 Eurymachus trepidis infit, fidissima corda,  
 O focii, non ille gravi jam temperet ira,  
 Indomitasque manus teneat; sed limine ab alto  
 Spicula torquebit pharetraque arcuque potitus,  
 Dum dabit exitio hæc homines. ergo arma patemus 80  
 Nos etiam pugnæ memores, educite ferram,  
 Ac jaculis una fortes opponite mentas:  
 Dein contra valido conferti Marte ruamus,  
 Si foribus pulsus; si qua vi limine cedat;  
 Exitus & pateat nobis, circumque repente  
 Fama volans totam rumoribus impleat urbem  
 Quod nunc extremum calamos in funera spargat.  
 Sic dicens ferrant vagina extraxit acutum  
 Utrinque, & stricto contra ruit obvius ense  
 Horrendum inclamans. ille autem emisit ab arcu 90

Missi-

Missile, & adversi percussit: cuspide, mammam  
 In jecore insigens telum: fuit aereus ensis.  
 Lapsus humi e manibus, circumque volutus & ipsa  
 Invidit in mensam curvato corpore; & omnes  
 Effuditque epulas; & stantia pocula casu.  
 Fronte solum ferit ipse; atque alta sedilia plantis  
 Verberat infurgens; oculis nox ingruit atra.  
 Haec subit Amphinomus, seque ultro fervidus infert  
 Obvius, aeratumque alte consurgit in ensen.  
 Pellere si foribus valeat, conatus: at illum  
 Occupat a tergo ferrata cominus hasta  
 Telemachus, figitque humeris trans pectus adacta.  
 Decidit ingenti strepitu, totaque recumbit  
 Fronte solo adlatus: celeri se gnatos Ulyse  
 Proripuit saltu, telumque in vulnere liquit.  
 Permetuens, ne quis cunctantem hastamque trahentem  
 Transadigat, proco feriat vel desuper ictu.  
 Jamque citus referens gressum stetit ante parentem.  
 Ac propior sic voce insit. jam jam tibi scutum  
 Et duo magna feram praefixo hastilia ferro.  
 O genitor, galeamqueabilem simul induat armis.  
 Hinc elapsus ego, simul ipse Philetius artus  
 Eumaeusque tegent: armari corpora praestat.  
 Cui genitor fer; nate; inquit, dum spicula in hostes  
 Sufficiunt spargenda mihi, ne cedere motum  
 A foribus tandem cogant denso agmine soluti.  
 Vix ea; Telemachus genitori parens; & altum  
 In thalamum conscendit, ubi arma inclusa jacebant.  
 Inde capit quatuor clipeos; hastiliaque octo,  
 Et galeas quatuor cristaque atque aere corusco.  
 Insignes, celeratque ferens ante ora parentis.  
 Præter ibi ante alios circum ipse accingitur aere,  
 Pasto-

Pastoresque dein ambo; tum fortibus armis  
 Agglomerant regi sese, propiusque resistunt.  
 Ille autem, donec volucres pugnare sagittae  
 Dant nondum insumptae; nunc hos nunc dejicit illos  
 Tela manu vibrans non irritat plurima turba  
 Strata jacet, foedatque effuso in sanguine crines:  
 At postquam certo jaculantem spicula nervo  
 Defedere, altis acclinem postibus arcum. 130  
 Marmorei tecti suspendit: nec mora, sese  
 Armat & ipse citus, humerisque ingentibus aptat  
 Bis duplicis clipei textum; galeamque comantem  
 Induit: horrendum nutant in vertice cristae,  
 Binaque rapta manu quatit acri hastilia ferro:  
 Limen erat secretum extrema in parte domorum  
 Vestibulum a tergo post ipsum, & pervius usus  
 Tectorum inter se vicique; at robora dura  
 Firmabant septum, jussusque adstare sub armis  
 Eumaeus propior fauces servabat, ubi arcta 140  
 Sola per angustum ducebat semita callem.  
 Ergo illuc focios jubet ire Agelaus, & ultro  
 Hortatus: nemon vestrum perrumpere limen  
 Audeat illud, ait, populoque edicere cladem  
 Indignam? gliscet subito vox missa per urbem;  
 Atque hic postremum nunc spicula tendet ab arcu  
 Perditus hortanti sic pauca Melanthius olli  
 Voce refert: via nulla datur; stant proxima tecti  
 Limina; & angustis arctantur faucibus ora,  
 Sufficit unus ubi fortis bellator in omnes. 150  
 Sed vobis nunc arma feram: namque omnia credo  
 Haud aliam in partem furtim subduxit Ulysses  
 Impiger, atque una proles fortissima gnatus,  
 Ni thalami in latebras sic fatus in ardua gressum,

Scala-

Sclarum exsuperans flexus, penetralia tendit;  
 Bissenosque rapit clipeos, bisseuaque tela;  
 Ac galeas totidem setis horrentibus aptas.  
 Hinc properans dat habere procis; quos maximus heros  
 Vidit ubi armari ferro, dextraque minaci  
 Ingentes crispare hastas, turbatus & aeger... 160  
 Obstupuit, tremuitque artus. tam magna repente  
 Objicitur species, ac nato talia fatur:  
 Aut aliqua heic famulantum, aut ipse Melanthius adstans,  
 Telemache, in domibus nos contra haec aspera bella  
 Suscitat. huic natus referens sic orsa vicissim:  
 O genitor, mea culpa omnis; nec criminis alter.  
 Auctor, ait: thalami versos ego cardine postes  
 Immemor haud clausi. quos nunc speculatus apertos  
 Horum aliquis sensit, non furtâ ad talia lentus.  
 I properans Eumaeae, fores atque objice firma... 170  
 Observans, si qua haec mulier facta improba versat,  
 Anne satus Dolio, potius quem suspicor ausum?  
 Haec illi inter se jactant, dum rursus adibat  
 Caprigeni custos pecoris penetrale repostum  
 Arma procis celeraans. quem postquam Eumaeus euntem  
 Viderat, his propior dictis affatus Ulyssem est:  
 O Laërtiade sate claro e sanguine divum,  
 Ille malus rursus, quem nos jam duximus ipsi,  
 In thalamum scandit: tua sit mihi nota voluntas:  
 Exstinguine jubes, melior si robore vincam... 180  
 An vivum adduci coram, quae plurima fecit,  
 Supplicio ut longo tandem scelera omnia solvat?  
 Tantum ille; atque heros quaerenti talia reddere:  
 Heic ego Telemachusque feros cohibebimus hostes.  
 Nequidquam urgentes vos illum brachia captum  
 Innexumque pedes thalami in penetralibus alti

Clau-

Claudite: ibi celsa pendentem è mole columnae  
 Haerentemque ad vincla trabes educite ad ipsas,  
 Vivus uti longum meritas det corpore poenas.  
 Dixerat: illi alacres parent, & iussa faceffunt 190  
 Tendentes notum per iter: latuere morantem  
 Intus, subvecti tacito sub culmina gressu.  
 Ille quidem latis quaerebat in aedibus arma,  
 Hi tecti adstiterunt hinc atque hinc postibus ambo.  
 Jamque pedem referens ibat, dextraque ferebat  
 Ornatam cristis galeam, clipeumque sinistra  
 Squallentemque situ, veteremque, insigne decorum  
 Laërtæ quondam juvenis; tunc pulvere stabat  
 In medio exesit horrescens undique loris.  
 Heic illum insidiis exceptum limine in ipso 200  
 Corripiunt gemini pastores, altaque retro  
 Luctantem sub tecta trahunt, maestumque supinant  
 Supposita in tellure: pedes dein nexibus arctis  
 Aversasque manus cohibent; ceu jusserat acer  
 Multa diu passus, proles Laërtia, ductor  
 Sic vinctum è celsa suspendunt mole columnae,  
 Inque trabes subvectum alte per vincula tollunt.  
 Ac subito insultans dictis Eumæus acerbis:  
 Nunc, ait, in molli strato jam nocte, Melantheu,  
 Excubias tota perages; nec pulcra latebit 210  
 Oceani è roseis veniens te fluctibus Eos,  
 Quum duces ad laeta procis convivias capras.  
 Sic ibi sublimem densa inter vincula linquant,  
 Armatique iterum forium stridentia firmant  
 Robora, & ingressi, qua parte ardebat Ulysses  
 Fulmineus, redeunt alacres: stant limine in alto  
 Quattuor hi, numero exigui, sed vivida bello  
 Pectora; spirantes robor: illi agmine denso

Oppo-



Oppositi sedes intra glomerantur in aula.  
 Interea sacro Jovis orta e vertice Pallas 220  
 Adstitit hos inter, vocemque & Mentoris artus  
 Diva gerens. quam vidit ubi Laërtius heros,  
 Continuo laetus: fer opem, haud oblitus amici  
 Dilecti quondam; nunc & benefacta referre,  
 Et juvet aequaevo, Mentor, succurrere regi!  
 Sic orat ratus esse deam. sed turba procorum  
 Parte alia ingenti strepitu per tecta minatur,  
 Increpitatque furens, primusque Damastore cretus  
 Vociferans: frustra te suadeat, inquit, Ulysses  
 Auxilium sibi ferre, & nos insurgere contra. 230  
 Namque aliter, postquam leto gnatumque patremque  
 Victores dabimus, diro tu funere Mentor  
 Stratus & ipse cades moliri talia nobis  
 Haud veritus, culpamque tuo cum sanguine solves.  
 Quin & rapta tibi per nos quum vita recedet,  
 Fortunasque domosque & servas quotquot ubique  
 Largus opes, nullo discrimine habebimus ipsis  
 Permixtas Ithaci rebus. non vivere natos  
 Sedibus in patriis, tenerasque aetate puellas,  
 Degere nec thalami sociam patiemur in urbe. 240  
 His magis exarsit dictis violentia divae;  
 Et stimulos regi subdens sic ore loquuta est:  
 Nec tibi vis eadem, nec idem stat robur, Ulysses,  
 Quod fuerat quondam, quum Dardana Pergama circum  
 Pugnabas magno repetens genitorē creatam  
 Tyndariden, totosque novem bellator in annos  
 Durando ingentes tollebas caedis acervos;  
 Consiliis jacet ipsa tuis Priami eruta sedes  
 Nunc tua devector jam tandem ad limina victor  
 Abnuis ignavus pugnam, nec inertia contra 250

Corde ruis. mora nulla in me; quin cominus adstans  
Adspicies quanto tibi munera foenore Mentor  
Alcimides duro juvenum in certamine reddat.  
Sic fatur, necdum plenam Tritonia laudem  
Adnuit illa ducem gaudens extrema sequentem  
Cernere, & egregiam gnati tentare juventam;  
Jamque alte sublapsa solo; mutataque Prognos  
In faciem celsa tecti trabe diva refedit.  
Parte alia socios Agelaus ad arma ciebat, 260  
Eurynomusque, atque Amphimedon, Demoptolemusque,  
Pisanderque Polyctorides, expertus & armis  
Una ingens Polybus, soli praestante relictis  
Ante omnes longe virtute, ipsaque furentes  
Certabant de vita: alios nam letifer arcus  
Straverat, ac missae glomerata in caede sagittae.  
Inter quos Agelaus ibi: dabit, inquit, amici,  
Indomitas dabit ille manus; jam Mentor & ipse  
Discessit vano laudis conatus amore  
Nequidquam miserum succendere. cernite maestos  
Pro foribus stantes, vacuoque in limine solos. 270  
Haud omnes temere vos una effundite tela,  
Sed primum seni tantum. si forte vocatus  
Juppiter ipsum adeo nobis det sternere regem,  
Adnueritque decus, nullo socia arma labore  
Fracta cadent, illo crudeli funere caeso.  
Dixerat: hi validis contortas viribus hastas,  
Non secus ac jussi fuerant, jecere; sed omnes  
Bellipotens flexit vanas a corpore virgo.  
Ergo abeunt diversae; hic altos cuspide postes  
Perculit, ille fores; gravis aere huic fraxinus haesit 280  
Parjete in adverso nequidquam emissâ lacertis.  
At postquam cecidisse procum tela irrita vidit,

Inco-

Incolumesque suos Ithacus: jam spicula, dixit,  
 Scilicet & nobis emittere tempus in hostes,  
 Crimina prisca novo qui crimine caedis acerbant,  
 Atque ipsam nostro poscunt cum sanguine vitam.  
 Vix ea fatus erat breviter: cunctique repente  
 Intorsere simul tenues librata per auras  
 Tela manu. Demoptoleum jam fortis Ulysses  
 Dejicit, Euryaden ingenti vulnere gnatus, 290  
 Eumaeusque Elatum, pariterque Philetius acrem  
 Pisandrum: volvuntur humi morientibus una  
 Artubus, illiduntque admorso in marmore dentes.  
 Abcessere alii retro, caecosque recessus  
 Praecipites subiere: instant fugientibus illi,  
 Infixasque hastas morientum e corpore vellunt.  
 Nec minus, in media quamquam jam morte tenentur,  
 Rursus in arma proci tendunt, aerataque dextris  
 Robora in adversos jactant; sed plurima Pallas  
 Irrita deflexit, sparsitque aut fixa sub altis  
 Postibus, aut aptis resonanti cardine valvis, 300  
 Aut etiam adverso percussa in pariete fregit.  
 Telemachi tamen aere manum perstrinxit acuto  
 Amphimedon, summamque levi de vulnere pellem  
 Hasta furens hausit: nec non exstantia terga  
 Eumaei Ctesippus, iter molitus ad ioras  
 Extremas clipei, terlit: super evolat actumque iussit  
 Missile, & ingenti demum ferit impete terram.  
 Hi circa regem densantur, & ordine facto  
 Fraxineas jaciunt hastas: cadit iustus Ulyssaei 310  
 Eurydamas magni telo, cadit Amphimedonque  
 Vulnere Telemachi, Polybusque acerrimus, armis  
 Volvitur Eumaei dextra confossus, & ipse  
 Pectora Ctesippi ferit: ecce Philetius, illique

Haec super insultans inimico fatur ab ore.  
 O Polytherfide, fuerant cui semper amica  
 Jurgia, vesano tandem jam parce furori  
 Magna loquens, potiusque diis minitancia cede  
 Dicta ferox, homines quorum vis praestat in omnes.  
 Hoc tibi taurino, dederas quem perfide regi, 320  
 Pro pede nunc munus refero. sic ille nefandum  
 Ultus caede viri facinus dicebat; at heros  
 Cominus interea longa Laërtius hasta  
 Fata Damastoridi properat, sternitque superbum.  
 Mox Evenoridem Leocriton impiger ictu  
 Telemachus figit, medioque per ilia ventre  
 Transadigit ferrum: penitus fera cuspis adacta  
 Haesit, & ille ruens prono sola perculit ore.  
 Tunc Dea bellipotens tecti de culmine summo  
 Aegida terrificam concussit: frigidus horror 330  
 Insinuans turbata procum per pectora gliscit;  
 Praecipitesque fugam tentant; ceu territa quondam  
 Diffugiunt armenta boum, queis tempore verno,  
 Incipiunt longi quum jam procedere soles,  
 Asperacerba sonans furias immisit asilus.  
 Contra bis gemini heroës palantibus instant  
 A tergo, attonitosque metu late omnibus urgent  
 Sedibus. ac veluti quum rostro atque unguibus uncis  
 Vulturii insiliunt celsis de montibus agmen  
 In volucrum, campis hae sese ad nubila tollunt 340  
 Praecipites, illi trepidas laniantque premuntque  
 Immensam aggressi caedem: via nulla salutis,  
 Nulla fuga est, vulsis labuntur ab aethere pennis  
 Condensae, praeda gaudet venator opima.  
 Sic illi per tecta procos agitantque, tenentque,  
 Et caedunt passim: morientum tristis ad auras

It gemitus, sparsoque exundant sanguine sedes.  
 Atque heic Liodes astu subit, imaque Ulyssæi  
 Genva manu amplectens effatur talia supplex:  
 Dux o magne, sine hanc animam, & miserere precantis; 350  
 Non ego vel dictis incessi turbidus umquam,  
 Vel turpi famulas violavi crimine; quin &  
 Saepe alios vetui vim talem inferre parantes.  
 Haud tenuere manus moniti; nunc foeda laentes  
 Supplicia expendunt scelerum, caesique recumbunt;  
 Quos super ipse quidem, meritus nil tale, jacebo  
 Infelix, vatem neque gratia digna sequetur.  
 Illum immane tuens contra sic excipit heros:  
 His vates si fata olim haud ingrata canebas,  
 Credo equidem longum exsilium & crudelia saepe 360  
 Funera pro reditu mihi sueras poscere, & idem  
 Uxoremque tibi ac dulces promittere gnatos:  
 Proin morere, & socios socius ne desere vates.  
 Sic fatus dextra correptum sustulit ensẽ  
 Ille solo, qui pridem Agelao in caede ruenti  
 Exciderat, mediaque actum cervice recondit  
 Arduus assurgens. cadit ille, & fracta loquentis  
 Immundo, cervix commixta in pulvere sedit.  
 Terpiades vero letum exitiale tremiscens  
 Phemius, ille procos cantu mulcere coactus, 370  
 Stabat adhuc, citharamque manu retinebat eburnam  
 Limine secreto latitans. cunctatur, & aestu  
 In vario nunc huc animum nunc dividit illuc  
 Anceps, Ercaeine Jovis progressus ad aram  
 Marmore de solido structam confidat, ubi exta  
 Multa bouum soliti fuerant incendere flammis,  
 Laertesque olim natusque; an cominus adstans,  
 Ac genua amplexus precibus pervincere tenter?

Haec

Haec potior dubio visa est sententia; jamque  
 Ponit humi foliumque inter rutilantibus aptum 380  
 Argento e puro clavis, crateraque magnam,  
 Argutam acclinis citharam; dein ipse volutus  
 Ante pedes Ithaci supplex ita voce profatur.  
 Haec per ego tua te genua oro, maxime ductor,  
 Infantis miserere; atque hoc te crimine solve;  
 An non ipse tuo tristis cruciabere corde,  
 Si dabis exitio celebrantem facta deorum  
 Atque hominum vatem? cantus vis insita ad omnes,  
 Non ars me instituit, sensusque in pectore fingens  
 Versat agiturque meos numen, perque omnia ducit. 390  
 Tu quoque non impari divis celebrabere nostro  
 Carmine, me tantum stricto ne de jace ferro.  
 Et jam Telemachus tua cara & sola voluptas  
 Me non sponte tuos dicet subiisse penates;  
 Nec pretio aut epulis captum cecinisse, sed una  
 Instantumque minis juvenum numeroque coactum.  
 Vix ea; Telemachus flentemque & multa precantem  
 Audiit, atque adstans genitori: parce, nec hasta  
 Hunc, ait, infontem Stygias detrude sub umbras.  
 Quin & praconem libeat servare Medonta, 400  
 Cura mei fuerat primo cui plurima in aevo,  
 Ni fors Eumaeusve, acerve Philetius illum,  
 Perdidit; aut ipsi tibi dira in caede furenti  
 Obvius advenit. sic ille: at callidus hausit  
 Dicta Medon; folio subter nam tergore tauri  
 Abdiderat sese: tectus, pavitanisque latebat.  
 Sed tunc prosiluit, densumque exutus amictum  
 Telemachi genibus propior stetit; atque ita supplex:  
 Ille ego sum quem poscis, ait; tu parce, tuoque  
 Dic patri; ne me ferro transfigat acuto

Ob scelera iratus juvenum, qui vertere tecta  
 Ipsius institerant, teque heic sprevere furentes.  
 Olli subridens pacato pectore Ulysses:  
 Fide, ait, incolumem quando hic te a funere servat;  
 Jamque animo monitus tu disce; aliisque memento  
 Dicere, quam longe virtus a crimine distat.  
 Verum agite, egressi foribus confidite foeda  
 Ambo a caede procul, tuque & clarissimus una  
 Phemius, expediam donec, quod restat agendum.  
 Finierat dicens: illi tecta alta relinquunt, 420  
 Vicinamque Jovis magni funduntur ad aram  
 Omnia lustrantes circum letumque paventes.  
 At contra, fato ne quis subductus Achivum  
 Deliteat vivus, tecti latus omne pererrat  
 Luminibus tacitis Ithacus. videt undique stratos  
 Procubuisse omnes nigranti in sanguine & atro  
 Pulvere confertos. ceu quando in litore curvo  
 Humida lina trahens vitreis piscator ab undis  
 Squamigeros fundit pisces; illi aequora frustra  
 Optantes late sicca glomerantur arena, 430  
 Jamque animam rapuit miseris lux aurea Phoebi.  
 Haud aliter per tecta proci spatiosa jacebant  
 Alter in alterius mactati sanguine. & heros:  
 Vade age, nate, voca nutricem, dixit, ut adstans  
 Audiat extemplo, quae fert mihi corde voluntas.  
 Nec plura: ille quidem celerans mandata parentis  
 Emovitque fores, talique est voce loquutus.  
 Huc ades Euryclaea, uni cui tradita cura  
 In domibus vigili studio servare puellas,  
 Exi agedum, genitor te coram affarier optat. 440  
 Tantum effatus, & in verbo vestigia movit  
 Egrediens foribus referato limine nutrix,

Tele-

Telemachus qua monstrat iter, ducitque sequentem.  
 Cernit ibi medium strata inter corpora regem  
 Pulvere sordentem taboque, ut forte leonem  
 Digressum de caede boum; cui pectora lare  
 Sanguinea horrescunt, malaeque utrinque madentes  
 Stant sanie immani; metuendus lumine terret.  
 Sic Ithacus tunc ipse pedes, sic foeda superne  
 Brachia terribilis visu monstrabat. at illa 450  
 Funeraque ut vidit glomerata, altumque cruorem,  
 Tollere clamorem ac laeto gestire ululatu  
 Visu improvise perculsa. haud talia passus  
 Continuit subito, atque audentem voce repressit  
 Heros haec fatus: tacito sub pectore gaude,  
 Ac voci nunc parce. nefas in morte virorum  
 Bacchari, quos fata deum quosque impia facta  
 Abstulerunt; nullum veriti nec honore colente  
 Terrigenum, indignus, dignusve accederet hospes,  
 Spernebant omnes pariter; quae propter acerbo 460  
 Exitio domiti cladem subiere nefandam.  
 Sed tu, femineo famulantum ex agmine quotquot,  
 Dic age, me temnunt, scelerosaeque furta sequuntur?  
 Cui nutrix: equidem dicam vera omnia, gnate;  
 Quinquaginta intus famulae, haud ignara Minervae  
 Pectora, stant niveas assuetae carpere lanas,  
 Et duram longo vitam tolerare labore.  
 Quarum bis senae sanctum violare pudorem  
 Aggressae nec me dignantur honore neque ipsam  
 Penelopem. vixdum natus pubescit, & ante 470  
 Haud passa impubem est genitrix dare jura puellis.  
 Jamque feram scandens penetrabile haec nuncia ad aures  
 Conjugis optatae, cui somnos numen amicum  
 Exiit irrorans per membra. haec illa; sed heros:

Ne



Ne placidam turbes dominam: tibi cogere tantum.  
 Cura sit huc diro pollutas crimine servas.  
 Haec dederat vix ore; & jam mandata facessens  
 Ibat anus, famulasque vocans per tecta ciebat.  
 Ipse autem gnatum affatus geminosque ministros  
 Ad sese accitos: ite, inquit, corpora caesa 480  
 Tollite jam celeres pariter; subeantque puellae  
 Triste ministerium: dein pulcra sedilia circum,  
 Et patulas lustrate undis & tergite mensas.  
 Post ubi compositis steterint rite omnia tectis;  
 Sedibus ex altis famulas educite, & inter  
 Surgentemque tholum medias inclusaque septa  
 Perдите cadentes ferro, dum spiritus artus  
 Deferat oblitos venerem, quam saepe solebant  
 Exercere, procis nocturna per otia mixtae.  
 Dixerat: illae autem coram venere frequentes, 490  
 Ac primum institerunt vestare cadavera & una  
 Aggerere, aulai qua porticus ampla patebat,  
 Sese inter connixae humeris: ferus instat Ulysses  
 Ipse operi; hae properant, quamvis non sponte, laborem.  
 Mox etiam mensas varioque sedilia cultu  
 Rore superfuso lustrant, purgataque tergunt.  
 Nec non Telemachus sociique has inter ahenis  
 Stringebantque solum rastris, aspersaque tabo  
 Limina verrebant: raptas illae undique sordes  
 Subvehere, atque extra sedes effundere certant 500  
 Tota renidenti postquam luce aula refulsit,  
 Femineam educunt turbam; mediisque trementem  
 Porticibus subterque tholi testudine cogunt  
 Angustum in spatium, nulla unde exire potestas.  
 Atque ibi Telemachus: turpi jam funere, dixit,  
 Eripiam his animam, capiti quae probra tulere,

E c c

Dira

Dira meo, matrisque, procis accumbere quondam  
Assuetae furtim per opaca silentia noctis.  
Dixit, & ex alta pendentia vincla columna,  
Summa tholi jaciens supra fastigia, nectit, 510  
Ne terram suspensa pedum vestigia tangant.  
Ac veluti turdi molles variaeque palumbes  
Insiliunt denfos inter quum stantia dumos  
Retia, ubi repetunt consueta cubilia sero  
Vespere; dura quies omnes latitantibus intro  
Excipit insidiis. sic tum cervicibus illae  
Pendebant longo pronis ex ordine; circum  
Colla premunt laquei misero luctantia fato;  
Jam pedibus tremuere, & vita recessit in auras.  
Post etiam vinctum traxere Melanthion altis 520  
E foribus; truncas cui foedo vulnere nares  
Ense metunt, populantque aures; tum cruda voranda  
Objiciunt canibus dissectis inguina nervis,  
Inciduntque pedes irati & brachia ferro.  
Et jam testa petunt abluti a caede recenti,  
Agglomerantque duci sese, postquam ultima coepto  
Imposita est operi manus, & deferbuit ira.  
Ergo ille affatus nutricem: huc ocius affer  
Sulfura, ait, caedis consueta piacula, & ignem,  
Queis valeam suffire domos; mox ipsa vocata 530  
Penelope huc adsit fidis comitata ministris,  
Accedantque omnes, tua cetera cura, puellae,  
Cui subito Euryclaea refert: certe omnia, nate,  
Digna mones, nec tanta sequi me iussa pigebit.  
Unum addas, oro: sine me tunicamque nitentem,  
Et chlamydem tibi ferre novam; sordentiaque isthaec  
Projice texta, pretor, functus jam caede procorum:  
Talem haud esse decet. sic illa orabat; at heros:

I pro-

I properans, ignemque feras ante omnia primum,  
 Edico, vix fatus erat; nec dicta retardans 540  
 Sulfuraque atque ignem nutrix tulit, haud mora, totam  
 Rite domum sanctosque Ithacus adolere penates  
 Institat; at celeri rursus penetrâlia gressu  
 Scandit anus, famulasque jubet succedere coram.  
 Conveniunt iussae, manibusque ardentia quassant  
 Lumina; tum circum fusae regemque salutant  
 Osculaque infigunt capitique humerisque decoris,  
 Amplexaeque manus prensant. ille ictus amore  
 Aestuat, ac gemitus inter lacrimasque volutas  
 Ora recognoscit cunctarum & nomina signat. 550



# HOMERI ODYSSEAE

## LIBER VICES: TERTIUS.

**I** Bat anus refono complens penetralia risu  
 Reginae dictura, Ithacum servare penates  
 Incolūmem. properae genua aegra ipsique vigebant  
 Lactitia studioque pedes; jamque illius adstans  
 Ad caput: ot surgas; inquit, visura, quod optas.  
 Noctes atque dies: tuus ille advenit Ulysses,  
 Desertaque adiit longo post tempore sedes  
 Ultus caede procos, ausos vastare nefandis  
 Omnia flagitiis, atque ipsi haud parcere nato.  
 Excita Penelope cui tum sic ore vicissim  
 Orsa refert: di te vesano errore fatigant,  
 O nutrix, curis etiam qui pectora stultis  
 Fallere gnara valent, sanosque avertere sensus  
 Ducentes trepidae subito deliria menti.  
 Illi te lacere: fuit non haec tibi quondam  
 Vis animi: longo quid luctu saucia corda  
 Ludis vana ferens? quid dulcem abrumperet somnum,  
 Sopierat miserae fessos qui molliter artus,  
 Heu properas? numquam placide sic ipsa quievi,  
 Ex quo Dardanias Ithacus discessit ad arces.  
 Verum age nunc descende, atque isthinc eripe gressum  
 Ima petens: mulier si qua haec mihi dicta tulisset  
 Altera, & optatae turbasset munera noctis,  
 Mulctatam graviter retro vestigia ferre  
 Jussissem properata; tibi autem incana senectus  
 Auxilio est. sic illa: at non deterrita nutrix

Excita-

Excipit, ac tales ultro dat pectore voces.  
 Haud equidem fallax illudo: verus Ulysses  
 Jam rediit, servatque domos. ille omnibus hospes  
 Despectus per tecta, ille est; jam noverat ipsum 30  
 Telemachus, sed fida patris sub corde tegebat.  
 Consilia, immanes ut perderet ultor Achivos.  
 Vix ea; quum subito laeta inter gaudia stratis  
 Profuit regina furens, amplexaque collum  
 Longaevae, lacrimisque genas suffusa decentes:  
 Ergo age, cata mihi verax fare omnia; dixit;  
 Ille domi si certus adest, qua vincere pubem  
 Arte malam valuit, densos & solus in hostes,  
 Irruere, aggressus violento praelia Marte?  
 Cui referens longaeva: haud fas aut cernere quidquam 40  
 Aut audire, inquit, fuerat; tantum auribus hausi  
 Ingentem luctum gemitusque in morte cadentum.  
 Ipsa quidem trepidis penetrati in sede latebam;  
 Cum sociis; intus cohibebant robore firmo  
 Ostia, clausa prius, quam me tua cara propago  
 Telemachus, magno missus genitore, vocavit.  
 Adstantem heic regem conspexi caede virorum  
 In media: strati circum tellure jacebant  
 Complexu in misero juvenes; tu laeta cruore  
 Horrentem, taboque atro, ceu forte leonem,  
 Foedatum totis vidisses undique membris:  
 Elati vero nunc extra limina prima  
 Illi porticibus longis glomerantur; at ipse  
 Instat agens suffire domos caedemque piare  
 Accensus late flammis; utque excita coram  
 Ipsa adcas, huc me primam tibi misit ab aula  
 Quin sequere, amborum suavi ut dulcedine pectus  
 Gaudia perfundant post multos laeta labores.

Parta quidem desiderii jam praemia longi;  
 Ille domum rediit salvus, teque insuper ipsam 60  
 Incolumem invenit, gnatumque; ultusque nefandum  
 Dedecus exegit scelerato e sanguine poenas.  
 Contra Penelope: ne vero elata superbi  
 Laetitia heu nimia, dixit, risuque soluto;  
 Scis nutrix scis ipsa, domi quod carus adesset.  
 Omnibus; at nulli quam nato carior, & mi  
 Praecipue, si vera forent quae nuncia portas.  
 Sed non certa fides: aliquis delapsus olympo  
 Caelicolum stravit juvenes indigna perosus  
 Flagitia, ac tristes, immania facta, rapinas. 70  
 Namque hominum nulli parcebant, omnibus aequae,  
 Qui se cumque dabant coram, mortalibus idem  
 Infesti; idcirco fontes periere nefando  
 Supplicio. ille autem reditu fraudatus amico  
 Hinc procul occubuit, patriam nec Achaeida vidit.  
 Talia cui fanti nutrix: heu quae, mea, dixit,  
 Gnata, tibi incauto fugiens vox excidit ore;  
 Numquamne ad patrios venturum dura penates  
 Usque virum dices, qui jam tibi redditus adstat  
 Ante focum; semper mens haec infida resistet? 80  
 Verum age, ne dubites, jam certa & signa docebo:  
 Namque ipsa ablutum puro dum fonte rigabam,  
 Fulminei vidi dentis vestigia, & ipsi  
 Visa tibi volui narrare; sed ille prehensam  
 Continuit vaser, & clamantis guttura pressit.  
 Jamque veni: quod si mendax atque improba fallam,  
 Haud renuo; infando fontem quin funere perdas.  
 Haec nutrix ubi fata; haud pronum arcana deorum est,  
 Penelope excepit, quamvis tibi plurima virtus,  
 Consilia ac caecos rerum cognoscere casus. 90  
 Sed

Sed praestat tamen ire, meumque invisere natum,  
 Occisosque procos, tantae quis caedis & auctor,  
 Noscere. sic dicens tandem descendit ab altis  
 Aedibus, & vario curarum fluctuat aestu  
 Multa putans animo; dulcemne aggressa maritum  
 Eminus inclamet, capiti ferat oscula caro  
 An potius coram niveos amplexa lacertos?  
 Postquam autem venit, dubiosque in limine gressus  
 Marmoreo posuit, diversa in parte resedit  
 Parjetis alterius flammaram exposita nitore 100  
 Contra Ithacum. longa subnixus at ille columna  
 Dejecitque oculos, vultuque immobilis haesit  
 Expectans, qua voce prior, quibus excita dictis  
 Incipiat visum jam tandem affari uxor.  
 Ipsa diu sine voce stetit, turbataque pectus  
 Obstupuit; noti modo gaudet imagine vultus  
 Luminibus lustrans tacitis; modo tegmina foeda  
 Sordentesque videns artus ignara moratur.  
 Cui tum Telemachus cunctanti turbidus infit:  
 O genitrix, mala jam genitrix & robore septa 110  
 Indomito, refugis quid patrem averſa, neque instas?  
 Heu propior notas audire & reddere voces?  
 At non sic duro mulier foret altera corde,  
 Conjugis aut fugeret vultus, qui plurima passus  
 Bis decimo tandem patriam contingeret anno:  
 Durius est gelido semper tibi marmore pectus.  
 Illa autem: stupor altus habet me, nate; nec ullas  
 Aut valeo cupido voces expromere ab ore,  
 Aut petere; ipsum etiam nec possum cernere contra.  
 Quod si verus adest Ithacus, post nosse licebit 120  
 Scilicet id melius nos inter; namque tenemus  
 Nobis certa unis, alios fugientia, signa.

Haec

Haec illa. extemplo dius subrisit Ulysses,  
Atque ita Telemacho fatuus: me me sine mater  
Experiatur; ait; jam victa fatebitur ultro:  
Noscere nunc lacerum & sordentem turpiter artus  
Abnegat, ac spretum nullo dignatur honore;  
Danda illi venia est. sed quae peragenda supersunt,  
Una consulere, atque animo juvat ante videre  
Omnia, uti recte cedant. namque unius acta 130  
Saepe etiam quis caede viri, cui sanguinis ultor  
Rarus, & auxilio vix est manus ulla relictâ,  
Exsilio patriam mutat, sedesque relinquit,  
Cognatasque animas; quid nos? qui lumina prima,  
Totius atque urbis column demissimus Orco,  
Magnanimos juvenes. cui natus talia fanti:  
Haec tuus explorare labor, quem maxima tollit  
Consiliis habilem virtus mortalia supra  
Pectora; non ullus tecum contendere certet  
O genitor. jam sponte sequar, quocumque vocabis, 140  
Haud virtutis egens, quanta vi tendere possim.  
Tum pater: ergo, inquit, dicam sententia surgit  
Quae melior: puro vos primum in fonte lavate,  
Induite & niveas vestes, pariterque jubete  
In domibus pulcro famulas incedere cultu.  
Dein etiam citharae digitis resonantia vates  
Fila ciens, laetos invitet carmine saltus.  
Quo strepitu audito credat celebrari hymenaeum,  
Seu quis forte via transit, seu proxima nostris  
Testa colit; ne fama prius vulgata per urbem 150  
Incipiat foedae juvenum crebrescere caedis,  
Consita quam densis nos una hinc nostra petamus  
Arboribus procul arva. illic ea deinde sequemur,  
Profore quae divum rector monstrabit olympo.

Dixe-



Dixerat haec: parent omnes, ac iussa facessunt,  
 Ablutique artus se quisque recentibus ornant  
 Vestibus: effulgent famulae, cava pedine pulsat  
 Texta lyrae vates, magnumque incendit amorem  
 Omnibus ad choreas & dulcia munera cantus.  
 Insonuit domus alta pedum late excita pulsu 160  
 Ludentumque virum pariter, zonisque micantum  
 Suave puellarum. strepitu quo percitus inquit  
 Sic aliquis longe audito: regina superbis  
 Illa ambita procis cupido jam cessit amanti,  
 Perfida! nec primi clarum servare mariti  
 Sustinuit patiens thalamum, si forte redisset  
 Talia quis jactans: sine pondere dicta volabant  
 Irrita nequidquam rapidis ludibria cauris!  
 Nec minus interea lavit manantibus undis  
 Eurynome regem lustrans nitidosque per artus 170  
 Totum Palladii succo perduxit olivi  
 Purpuream injiciens chlamydem tunicamque superne.  
 Atque olli virgo Jove nata in vertice honorem  
 Addidit ambrosium formae; majorque videri  
 Plenior & solito coepit; tum crispa nigrantis  
 Aut foliis violae aut ferruginei hyacinthi  
 Caesaries pulcra similis cervice refulit.  
 Ceu quis ubi argento fulvum variaverit aurum  
 Arte faber multa, docuit quem Pallas, & ipse  
 Ignipotens varias praestantem effingere formas, 180  
 Jamque opera admiranda facit. sic plurima venit  
 Gratia, sic humeris capitique affusa juvenus.  
 Ille autem e folio processit lotus aheni  
 Membra deo similis, seseque ante ora locavit  
 Conjugis adversae residens, atque inquit ab ore:  
 Indomitum superi tibi olympia tecta colentes

Prae cunctis, mulier, dederunt cor: non ita certe  
 Duraque & obfirmans animum sese ulla teneret  
 Coniuge conspecto, passus qui plurima ponto  
 Bis decimo in patriam salvus pervenerit anno. 190  
 Tu nutrix mihi sterne torum, quo languida ponam  
 Corpora; stant illi rigido praecordia ferro.  
 Penelope contra sedato pectore reddit:  
 Non equidem nimium jactor, coramque tuendo  
 Aut doleo, aut laetor; tantum sat fida recordor,  
 Qualis eras, patrio quum litore vectus abires  
 Puppibus in longis: tu vero i, sterne cubile,  
 Euryclaea, extra thalami penetralia celsi;  
 Instratoque toro supra molliissima pone  
 Velleraque laenasque & pictae tegmina vestis. 200  
 Vix simulans ea dicta dedit; quum pectore ab imo  
 Ille trahens gemitum: cur me tam tristibus, inquit,  
 Exanimas miserum verbis? quis tollere lectum,  
 Atque alio transferre ausus mihi? callidus arte  
 Quisquis erat, durum credo tentasse laborem.  
 Vix etiam aethera caeli delapsus ab arce  
 Ipse deus facile diversa in parte locasset;  
 Ast hominum nullus florenti robore & acer  
 Viribus amoto sese jactasset: ibi exstat  
 Signum ingens thalamo in structo, visendaque moles, 210  
 Ipse meae quondam feci quam munere dextrae.  
 Aedibus in mediis oleae succreverat arbor  
 Vivida, praelongos effundens ardua ramos,  
 Lataque, ceu solida stat rupe excisa columna.  
 Hanc circa secto thalamum de marmore struxi,  
 Intexique super, posuique in limine postes:  
 Et jam frondentesque comas ramosaque ferro  
 Brachia ubi secui; tum truncum aggressus & ipsum

Ab radice instans, rutilo circum aere polivi,  
 Laevavique aptans hinc atque hinc, undique rectum 220  
 Surgeret: ut pēnitus terebrato robore fulcrum:  
 Hinc mihi prima tori fuerunt fundamina; dein &  
 Auroque argentoque renidentique elephantum  
 Omnia distinxī, taurinaque vellera stravi,  
 Quae circum tyrio fulgebat purpura fudo.  
 Talia signa inerant quondam; nec dicere possum  
 Certus, an haec eadem maneant, anne arbore quisquam  
 Funditus excisa, mutata in sede locavit?  
 Haec ait: illi artus subito tremuere labantes  
 Attonitae mentem, dum nulli obnoxia fraudant 230  
 Signa recognoscit, secumque audita volutat.  
 Non sese tenet illacrimans; ruit obvia colloctar  
 Brachia circumdans, arque oscula dulcia figens  
 Haeret in expletum capiti, & sic ore profatur  
 Non miserae irascare o rebus in omnibus omnes  
 Ante hominēs sollers; molitos tristia nobis  
 Invidisse deos credo, ne laeta juventae  
 Dona simul magnumque exercēremus amorem.  
 Parce precor, jam parce mihi, facilisque remitte,  
 Quod subito, ut primum vidi, complexibus aegra 240  
 Abstinui. semper metuens horrensque cavēbam,  
 Ne veniens aliquis blando me falleret ore  
 Insidians; nam vota fovēt immania multa.  
 Haud Helena aligero Jovē nata Argiva puella  
 Scilicet externo cessisset rapta marito,  
 Agmina si Danaum metuisset rursus ab oris  
 Avectam Iliacis latum ductura per aequor.  
 Illam aliquis superum decepit, triste nec ante  
 Flagitium admisit, quo nobis prima malorum  
 Incubuit clades, & saeviit aspera lūtu. 250

Nunc quoniam manifesta fides, thalamique retexta  
 Nostri arcana patent; hominum quae nullus adivit,  
 Lustravitque oculis solos nos praeter & unam  
 Aëtorida (huc famulam genitor quam misit habendam,  
 Assuetam clauso servare in limine postes);  
 Frustra animo obnixam cogis jam cedere victor.  
 His dictis lacrimae commotae, atque aestuat heros  
 Jam magis atque magis virtutis imagine tanta  
 Attonitus, fidaeque stupens in conjugis ore.  
 Illa autem, miseris ceu quando litora nautis 260  
 Apparent optata procul, queis gurgite in alto  
 Fluctibus & valido contortam flamine navim  
 Caerulei domitor fregit maris; aspera pauci  
 Per vada nituntur, terrisque adnare laborant;  
 Et jam tabentes artus aspergine ponunt  
 In sicco, ac tuta salvi laetantur arena:  
 Sic adeo reduci gaudebat laeta marito  
 Haud ora, haud removens a dulci brachia collo.  
 Fors & sic flendo roseum jubar aurea terris  
 Puniceo curru subvecta Aurora tulisset, 270  
 Ni Jove nata aliter statuisset numine virgo.  
 Continuit longam caelesti in limite noctem,  
 Inque mari Auroram prohibens adjungere curru  
 Alipedes lucis flammantia tela ferentes.  
 Fulgentem Phaëtona & Lampum; queis dea caelo  
 Invehitur croceos inter pulcherrima nimbos.  
 Atque heic suspirans iterum compellat amatam  
 Penelopen Ithacus: mala multa exhausta peregi,  
 O conjux; necdum discrimina vincere cuncta,  
 Supremamque datum tamen est contingere metam. 280  
 Restat adhuc duri superanda immensa laboris  
 Vis alia, ut vates fatorum arcana recludens

Tire-

Tireſias quondam monuit, nigrantia Diris  
 Atria quum ſubii quaefitum oracula noſtro  
 Pro reditu, ſociumque. at nunc age ſtrata petamus.  
 Dulcia tranquillī carpenſes munera ſomni.  
 Tum regina: tibi penetrālī in ſede paratus  
 Jam thalamus patet ecce, inquit, modo certa voluntas  
 Sic ferat, ad patrii poſtquam te limina teſti  
 Incolumem faciles voluere advertere divi. 290  
 Sed quoniam memori deus hanc tibi peſtore curam  
 Subdidit, edicas, oro, quae te aſpera rerum  
 Sors agitat, quae fata manent? non illa latebunt  
 Quondam audita reor, nec vero triſtius urent  
 Cognita nunc eadem. tum ſic exorſus Ulyſſes:  
 Quid miſera heu duros cogis vulgare dolores?  
 Dicam equidem; laeta ſed nec tu gaudia mente  
 Ulla feres, nec laetor ego. namque ire per urbes  
 Ille hominum multas, habilemque attollere dextra  
 Admonuit remum, gentes dum veſtus adibo, 300  
 Quae mare, quae dulcem fugiunt ſalis ore ſaporem,  
 Nec videre rates, minio nec perlita roſtra,  
 Nec remos patulas cymbis volitantibus alas.  
 Haec & ſigna dedit, quae te quoque certa docebo:  
 Obvius adverſo veniens quum forte viator  
 Dixerit alta humeris me ferre valentibus arma,  
 Ventilat ad zephyrum jaſtas queis meſſor ariſtas,  
 Heic ſubito juſſit terra deſigere remum,  
 Neptunumque ſue tauroque atque arjete caeſo  
 Placare ad patrii cedentem litoris oras, 310  
 Multaque caelicolis ex ordine ſacra litare  
 Omnibus. aequoreis lentum mihi funus ab undis  
 Adveniens ſors atra feret, quum longa ſeneſtus  
 Excipiet feſſum, & placidae felicia gentes  
 Otia

Otia agent circum: sic omnia volvere Parcas,  
 Ac stabili dixit fatorum numine ferri.  
 Haec ubi fatus erat ductor Laërtius, olli  
 Sic breviter conjux: imo o! meliora senectae  
 Tempora si spondent superi, confidere praestat,  
 Hos etiam te posse dehinc evadere casus. 320  
 Hac vice sermonum dum se inter talia miscent,  
 Eurynome interea nutrixque insternere molli  
 Veste torum, taedis late jactantibus ignem,  
 Instabant. postquam solitum stravere cubile,  
 Laeta suas petiit sedes anus; Eurynomeque  
 Lampada praeportans ollis venientibus intro  
 Fida praecit, thalamoque ambos inducit aperto.  
 Ipsa retro celerans torquet vestigia; at illi  
 Desueto placiti potiuntur foedere lecti.  
 Et jam Telemachus pariter sociique ministri 330  
 Plaudere destiterant choreas, famulaeque quierant  
 Hac illac sub nocte; sopor suus occupat artus.  
 Ast ubi Penelope, magnorum & ductor Achivum  
 Optata expleunt avidum dulcedine pectus,  
 Inter se vario lacti sermone fruuntur.  
 Illa quidem memorat, quantos experta dolores  
 Quondam pertulerit, quae viderit impia testis  
 Facta proci: magno turbantur cuncta tumultu,  
 Et sese propter tot stratos caede juvencos,  
 Caprigenumque pecus vastatum, effusaque vina. 340  
 Ille autem quotquot mortalibus aspera rerum  
 Intulerit, quotquot perpeffus & ipse pericla,  
 Cuncta refert. pendet conjux narrantis ab ore,  
 Nec prius ingrato declinat lumina somno,  
 Accipiat quam laeta omnes ex ordine casus.  
 Principio domitos Cicones, & pinguis narrat

Lotophagum visa arva, ferique indigna Cyclopi  
 Flagitia, & sumptas sociorum ob funera poenas,  
 Nil veritus quos ille suo laniarat in antro  
 Cruda vorans vivo manantia membra cruore. 350  
 Aeolias addit sedes, utque Acolus ipsum  
 Ceperit hospitio facili, laetusque remisit  
 Incolumem, necdum patrios contingere fines  
 Fata dabant, magno sed fervens turbine nimbus  
 Lugentemque vagumque irata per aequora vexit.  
 Tum Laestrygoniam memorat, caelosque sodales,  
 Oppressasque rates saxorum grandine, seque  
 Vix una exitio a tanto fugisse carina.  
 Nec minus infidias, & monstra horrentia Circes,  
 Nigrantesque domos Erebi, quas tristis adivit 360  
 Classe cita, manes certa & responsa petita  
 Tiresiae Thebani; utque omnes viderit Orcei  
 Sedibus in tacitis socios, caramque parentem,  
 Quae tenero niveis immulserat ubera labris,  
 Addit & auditas Sirenum ex aequore voces,  
 Errantesque docet scopulos, diramque Charybdim,  
 Scyllamque innocuis numquam mortalibus aequam.  
 Solis & infanda violatos caede juvencos  
 A fociis narrat, quos propter fulmine navem  
 Perculit ardenti nimborum saevus ab arce. 370  
 Juppiter: illi omnes periire in gurgite mersi,  
 Solus at ipse gravi Parcarum effugit ab ira  
 Vectus ad Ogygias cautes, ubi nympha Calypso  
 Protinus exarsit viso, glaucoque sub antro  
 Detinuit dapibusque fovens, atque insuper attri-  
 Pollicita expertem senii letique juventam  
 Nec tamen & duros inflexit pectore sensus,  
 Post hinc digressus Phaeacum ut litora venit

Multa

Multa mari passus, divumque ut cultus honore  
 His ducibus tandem tranquilla per aequora Nerei 380  
 Contigerit patrias sedes data munera portans  
 Ingens aes aurumque & pictas tegmina vestes.  
 Talia narranti vox haec fuit ultima: namque  
 Irruit extemplo fessos illapsa per artus  
 Alma quies, animumque simul curasque resolvit.  
 Ast illum postquam placido Tritonia somno  
 Credidit, ac dulci fatiatum conjugis igne,  
 Jussit ab oceani diversicoloribus undis  
 Auroram proferre jubar mortalibus aegris.  
 Illa deae monitis parat simul exitus heros 390  
 Emicat e thalamo surgens, ac talia fatur.  
 Plurima durando conjux mala sensimus ambo,  
 Pertulimusque vices, tu nostros anxia plorans  
 Hec reditus, contra violento numine divum:  
 A patria longe duris ego casibus actus.  
 Nunc vero ambobus quoniam data copia rursus  
 Connubii optati, vigil o penetralia serva,  
 Divitiasque omnes, quae sunt mihi cumque relictæ.  
 Mox pecora immani juvenum consumpta rapina  
 Multa ego praedabor, multa & pro munere Achivi 400  
 Sponte dabunt; plenis ludent in ovilibus agni.  
 En ego longævum patrem luctuque dolentem  
 Assiduo virides ibo visurus in agros:  
 Haec porro tibi mando haud corda ignara gerenti.  
 Alta novo cum sole ibit nam fama per urbem,  
 Vulgabitque necem juvenum; tu limina celsae  
 Interiora domus conscendens parce morando  
 Aspicere aut quemquam, causas aut quaerere fandi.  
 Dixerat, ac rutilis humeros circumdatus armis  
 Telemachum hortatur subito geminosque ministros 410  
 Arma



Arma manu capere & sumptis procedere telis.  
 Nulla mora est; parent alacres, atque aëre corusci  
 Impulsas liquere fores; dux anteit heros.  
 Et jam pulcra novo spargebat lumine terras  
 Orta diēs; illos quum celsa eduxit ab urbe  
 Pallas, & obscuro gradientes aëre sepfit.



## HOMERI ODYSSEAE

## LIBER VICES: QUARTUS.

**P**Arte alia genitus Maja Cyllenius ales  
 Caesorum juvenum simulacra excita vocabat:  
 Aurea virga manu rutilat, qua lumina mulcet,  
 Quum vult, atque adimit somnos. hac fretus agebat  
 Ille levem turbam magno stridore sequentem.  
 Ac veluti volucres, queis vesper nomina fecit,  
 Lucifugae ingentis latebroso rupis in antro  
 Hac illac stridunt; si qua vi protinus actae  
 Excessere, cavi conpexae ad limina saxi,  
 Haerentes seseque inter: sic illa per umbras 10  
 Stridebat glomerata volans magno agmine turba,  
 Mercurius qua monstrat iter per opaca locorum.  
 Jamque ubi & oceani fluxus, & Leucada rupem,  
 Ac solis liquere fores, & somnia nigra,  
 Continuo subiere virentia gramine prata,  
 Queis volitant manes simulacra carentia vita.  
 Heic tenuem solido formam sine corpore Achillei  
 Inveniunt, carique etiam post fata Patrocli,  
 Antilochi, Ajacisque, omnes qui magnus Achivos,  
 Pelida excepto, formae superabat honore. 20  
 Ibant affusi circum: queis cominus ingens  
 Atridae veniens Agamemnonis adstitit umbra  
 Triste dolens. fremitu denso comitantur euntem  
 Quotquot in Aegisthi perierunt sedibus una.  
 Cui prior Aeacides: Atrida o maxime regum,  
 Heroas quondam ante alios magis esse putabam.

Te

Te superum regi, gaudet qui fulmine, catum,  
 Imperiis quod multa tuis fortissima bello  
 Agmina parabant Xanthum Simoëntaque propter  
 Dardanum, duros passa est ubi Graecia casus. 30  
 Tene etiam saevo Parcarum ferroa leto  
 Vis domuit, nullus valuit quam fallere in oras.  
 Editus aetherias? o primo insignis honore  
 Stratus apud validaec cecidisses moenia Trojae!  
 Ingens staret ibi moles aggesta sepulcri  
 Omnibus a Danaïs, natumque ea fama maneret  
 Inclita: nunc tristis fors funere merfit acerbo.  
 Dixerat. Atrides contra ipsi o superis par,  
 Felix sorte tua, Pelei fate sanguine, Achilleu,  
 Cui procul a patria tellure sub Ilío alto 40  
 Oppetiisse datum. de te late undique magni  
 Certantes Danaïque simul Troësque cadebant;  
 Dum tu ingens spatio ingenti sub nube jacebas  
 Pulverea stratus volucrumque oblitus equorum.  
 Totam per lucem stetit aspera pugna, nec ante  
 Martius armorum cecidit furor, horrida nigro  
 Ab Jove tempestas acies quam terruit ambas.  
 Post ubi digressi bello te ad litora nota  
 Detulimus, positum stratis et rore tepenti  
 Corpus et unguentis lustravimus. agmine denso 50  
 Maerentes circum Danai calida ora rigabant  
 Fletibus, et longos tondebant vertice crines.  
 Venit & aequoreis mater comitata deabus,  
 Ut vitreo sensit famam sub gurgite: pontus  
 Insonuit clamore alto, subitoque Pelasgi  
 Intremuere metu concussi, & jam cava gressu  
 Robora scandebant; longo quum doctus ab aevo  
 Plurima, continuit trepidos Neleius heros

Consiliis habitus semper fidissimus auctor.  
 Qui tum sollicitos sic interfatus amicos: 60  
 State viri, nec terga fugae convertite, dixit;  
 Caeruleo e pelago nymphis sociata marinis  
 Mater adest gnati funus visura supremum.  
 Haec ille, & pulsa cessit formidine terror.  
 At circum adstiterunt glauco genitore creatae  
 Nereides maestum flentes ac vestibus artus  
 Ambrosiis niveos cinctae; quas inter & ipsae  
 Alternos tum voce novem coepere sorores  
 Dulcisona questus. tristi rorantia Achivum,  
 Quotquot erant circum, vidisses lumina fletu: 70  
 Tale deae querulo fundebant carmen ab ore!  
 Bis septem trinasque super noctesque diesque  
 Flevimus immixti divi: octava ubi fulsit  
 Post decimam lux orta, rogo supponere flammis,  
 Lanigerumque gregem & nigros mactare juvencos  
 Institimus: tu pulcro humeros velatus amictu  
 Ardebas dulci in melle & beneolenti unguento.  
 Flammantem circa heroës, Argiva juvenus,  
 Decurrere pyram cincti fulgentibus armis  
 Certatim peditesque equitesque: ululatus ad auras 80  
 Ibat, & ingenti resonabant cuncta fragore.  
 At postquam in cinerem vis te Vulcania vertit,  
 Mane novo puro candentia legimus ossa  
 Sparsa mero & pingui succo. portaverat urnam  
 Ipsa tibi ex auro genitrix, praestantia Bacchi  
 Munera, quae multa caelarat Mulciber arte.  
 Hac tua, Pelide, recubant, immixtaque cari  
 Ossa Menetiadae Patrocli: distincta peremptum  
 Antilochum regit urna, aliis magis omnibus unum  
 Quem Patrocli post fata tuo dignatus honore. es. 90  
Lito-

Litore in aërio, qua panditur Hellespontus,  
 Aggesta tellure Argivum exercitus omnis  
 Hic tumulum late magnum, molemque superbam  
 Struximus educam caelo, quam navita longe  
 Adveniens pelago semper miretur ab alto.  
 Tum genitrix in vota deos ubi blanda vocavit,  
 In medio Graiis posuit certamina circo  
 Maxima: vidi equidem multorum funera praesens  
 Heroum, extincto quondam quum rege juvenus  
 Cingitur, ac variis exercet corpora ludis;  
 Sed non ulla magis miratus dona palaestrae  
 Obstupui, quam quae niveis argentea plantis  
 Alma Thetis posuit; magno dilectus amore.  
 Quippe deis fueras: extincti gloria, & ingens  
 Haud perijt nomen, quin fama aeterna manebit.  
 At mihi quid prodest gessisse horrentia bella,  
 Juppiter exitium reduci quum triste parabat  
 Aegisthi manibus, scelerato & conjugis auso?  
 Talibus inter se dictis curisque morantur,  
 Quum propius caesi domitor deus adstitit Argi  
 Agmen agens juvenum, quos funere stravit Ulysses:  
 Ut videre illos, subito venientibus ardent  
 Mirati conferre gradum, primusque Melantheo  
 Amphimedonta satum cernens agnovit Atrides:  
 Hospes erat namque olli Ithacae dilectus in oris.  
 Quem sic Atrides prior est affatus ab ore:  
 Quae vos, Amphimedon, fors dira subire coëgit  
 Haec nigro loca senta situ? par omnibus aetas,  
 Lectaque vis: claram fortissima pectora pubem  
 Non aliam plena quisquam legisset in urbe.  
 Obruit an pelago Neptunus, flamina saeva  
 Ventorum longosque ciens ad litora fluctus?

An

An domuere viri vos arva aliena prementes  
 Vastantesque armenta bouum raptasque bidentes?  
 Saevane pro patria pugnando vulnera passi,  
 Conjugibusque? age fare; tibi sum foedere junctus  
 Hospitii, servasque memor, me sedibus olim  
 Successisse tuis flavo cum fratre vocantem,  
 Iliacas Ithacum pelagi per caerula ad arces  
 Aequoreum permensus iter semel orbe peractum 130  
 Fulgentis lunae veni, vix ad mea vota  
 Impulso Laërtiada. sic dixit Attrides;  
 Atque olli Amphimedon referens: o ductor Achivum  
 Optime, ait, memori cuncta haec in pectore servo  
 Scilicet, & duri causam nunc funeris addam,  
 Connubio Icarii natae, thalamoque potiri  
 Institimus longum nequidquam absentis Ulysssei  
 Nos omnes, quos cernis acerbo turbine stratos.  
 Illa quidem invisos nec dedignata hymenaeos,  
 Nostra sequens nec vota, horrentia fata parabat 140  
 Omnibus, ac talem meditata est pectore fraudem.  
 Tenebra, subnectens immensae licia telae  
 Institit ordiri, simulata & mente loquuta:  
 O juvenes mea cura proci, jam vir meus, inquit,  
 Quandoquidem periit, spatii ad connubia tantum  
 Certa peto, donec valeam pertexere textum  
 Nempe meum, (pereant ne filia exorsa) quod aegro  
 Laërtæ in funus propero. quum tristia fata  
 Ipsius urgebunt aeterna lumina nocte,  
 Ne qua mihi in populo, mulier convicia dicat. 150  
 Increpitans, nudum, vivus qui divite gaza  
 Floruit, abjectum terra ac sine honore jacere.  
 Sic illa, & facile ignaris res credita nobis.  
 Interea arguto percurrentis pectine telam

Luce

Luce operi instabat; mox sera ad lumina nocte  
 Stamina dissolvens totos tres vasa per annos  
 Distulit in longum speratae gaudia tædæ.  
 Verum ubi jam quartus venit labentibus horis  
 Annus, & ignaros mulier bene conscia fraudis  
 Admonuit, vos & demum depredimus ipsi  
 Texta retexentem, jussa est invita laborem  
 Perficere, ostenditque palam. manus ultima postquam  
 Imposita est, puroque abluta in gurgite palla  
 Splenduit assimilis Triviae Solisque nitori,  
 Tunc Ithacum in patriam duxit male numen amicum  
 Dissita ad arva procul, senior quæ fidus habebat  
 Setigeri pecoris custos. devestus eodem  
 Contulerat sese Nelea natus ab urbe.  
 Heic ubi perniciem nobis, clademque parant,  
 Composito subeunt urbem: tardatus Ulysses  
 Posterior, gnatusque prior se moenibus infert  
 Illum autem lacero sordentem corpus amictu  
 Ipse suum custos inopi seclisque gravato  
 Assimilem; ac baculo vestigia tarda regentem  
 Duxit agens. miseros foedatum turpiter artus  
 Non juvenis potuit venientem agnoscere quisquam,  
 Non senior: coram sic sese ante ora repente  
 Obtulit; & curam spectantum elusit inanem.  
 Nos caeci instamus dictis incessere spretum,  
 Et jaculis pariter; nullis contra ille movetur  
 Vulneribus patiens, aut verba minacia curat.  
 At simul ac tacitum monuit pater ipse deorum,  
 Telemachi auxilio fulgentia sustulit arma  
 In thalamum, versosque emuniit objice postes.  
 Mox etiam jussit tecti e penetralibus arcum  
 Penelopen efferre; & leti ponere causam,

Prin-

Principiumque necis; duri certamina ferri.  
 Haud ullus valuit forti contendere nervo  
 Spicula; deficient vano conamine vires  
 Infractae, voti longe dum meta recedit. 190  
 Hec Ithacus juvenum cupiens tractare laborem  
 Cepit & ipse arcum: nos contra insurgere dictis,  
 Et prohibere omnes optantem & multa rogantem;  
 Nequidquam: namque ipse animos ultro addidit olli  
 Telemachus sumpta hortatus certare sagitta.  
 Ergoabilem dextra rapiens multo sine nisu  
 Intenditque arcum, misitque volatile ferrum  
 Per medias ictu nusquam fallente secures.  
 Tum stetit adverso sublimis limine, & omnes  
 E pharetra effudit calamos ardentia volvens 200  
 Lumina, & Antinoum jaculatus vulnere stravit.  
 Hinc alios contra spargit volitantia certa  
 Tela manu; figitque ardens: cadit icta juvenus  
 Plurima, & aggesta densantur funera caede.  
 Nec dubium, major quin vis excita deorum  
 Auxilio steterit: namque omnibus undique testis,  
 Qua ducit furor intus agens, trepidantia passim  
 Corpora procumbunt. morientum it luctus ad auras  
 Excitus, & fractis cervicibus alta resultant  
 Atria, tum sparso natat omnis sanguine tellus. 310  
 Haec nos fata neci dederunt, inhumataque longe  
 Membra jacent Ithaci in domibus sine honore relictæ.  
 Necdum etenim luctus fidis auditus amicis,  
 Qui sanie ac tristi nigrantia vulnera tabo  
 Rore lavent lacrimas inter, decorentque supremis  
 Muneribus, qui dignus honos Acheronte sub imo est.  
 Talia finierat referens. miratus Atrides  
 Exclamat, gemitumque imo de pectore ducens:

For-



Fortunate, inquit, proles Laërtia, Ulyſſeu,  
 Maſte tuæ magna virtute o conjugis! uni 220  
 Di dederunt talem diro ſine crimine mentem  
 Penelopi, in ſolo flagrans quæ ſemper Ulyſſe  
 Certa fidem tenuit. dignæ virtutis imago  
 Numquam tanta cadet, nec fama oblita peribit  
 Dis etiam celebranda iſtis, qui carmina condent  
 Illius in laudem tardos manſura nepotes.  
 Non ita Tyndaridi placitum: ſcelus auſa nefandum  
 Ipſa virum exſtinxit, letoque in Tartara miſit  
 Inſontem. tanti ſemper monumenta vigeant  
 Flagitii, quin & nomen muliebri per omne 230  
 Fama eadem indignæ labis contagia ſparget,  
 Si qua etiam exſtiterit ſtudiis præſtantibus apta.  
 Talia jaſtabant nigris in ſedibus Orci  
 Suppoſiti tellure alta; per moenia grefſu  
 Dum celeres illi properant. jamque arva tenebant  
 Laërtae, multo ſenior quæ culta labore  
 Ipſe ſibi, preſſus curarum a mole, pararat.  
 In medio domus alta fuit, circumque patebant  
 Atria, queis epulas celebrare & carpere ſomnos  
 Per noctem aſſuerat famulantum operoſa juvenus. 240  
 Heic etiam, quæ fida ſenem curabat in agris  
 Urbe procul, ſtabat Siculis anus edita terris.  
 Atque ibi tum ſociis natoque ita ſatus Ulyſſes:  
 Ite, ait, o properi in ſedes, epulaſque parate  
 Maſtantes de more ſuem, qui pinguior errat:  
 Experiar, memori percuſſus imagine noſcat  
 Mene pater, ſubito cernens aſſiſtere coram;  
 An multo abſentis jam tempore neſciat ora?  
 Sic dixit, famuliſque dedit ferre arma vocatis.  
 Martia: jamque illi properant ad limina; at heros 250

H h h

Si

Si quos inveniāt, viridem descendit in hortum.  
 Non Dolium reperit loca late confita lustrans  
 Non gnatos Dolii, vernaſque: una avia longe  
 Vellebant dumeta omnes vepreſque futuris  
 Sepibus, ipſe ſuum ſenior dux egerat agmen.  
 Solum ibi. Lærtē aerata falce prementem  
 Arboris educæ ramos invenit. amictus  
 Sordidus ex humeris pendet, taurinaque furis  
 Vincula dant ocreas & ſentes tegmina in aſpros  
 Hinc apta atque illinc manibus, ne vulnera læſus 260  
 Accipiat; capitis tum ſummo in vertice ſquallet  
 Horridus heu miſeri caprina e pelle galerus.  
 Sic ubi cognovit ſenio curiſque gravatum  
 Ingenti ſubito percuſſus corda dolore  
 Sub celſa ſtetit ille piro lacrimaſque profudit.  
 Dein tacita ſecum deſixus mente volutat,  
 Amplexuſne petat, circumfuſuſque repente  
 Expediat caſuſque ſuos redituſque parenti?  
 An prius exploret ſenſus, ac ſingula tentet  
 Ingreſſus vario ſermone? hæc exigit heros 270  
 Dum ſecum, ſatius viſum eſt illudere primum,  
 Paullatimque ſenem gnati ſuccendere amore.  
 Jamque illum ſic certus adit, dum vertice prono  
 Curvatus ſenior ſtirpes tegit arboris altæ  
 Effoſſa tellure; & ſic effatur ab ore  
 Stans propior. te nulla fugit ſollertia foetus  
 Vitigenos curare, ſenex; heic omnia late  
 Culta nitent. non ſtirps, non dulci ficus abundans  
 Neſtare, non Bacchi vites, non Palladis arboſ,  
 Non pirus, ulla tibi non eſt neglecta per hortum 280  
 Areola. hoc tantum dicam, tu parce moveri:  
 Te cultus non iſte decet; ſimul ægra ſenectus

Sol-

Sollicitat fessum, simul horres turpiter artus  
 Nudus inops. nec te cessantem durus, opinor,  
 Spernit herus, nec forma tuo servilis in ore,  
 Inque habili membrorum habitu: par omnia regi es;  
 Et jam tarda senem lotumque epulisque refectum  
 Ad placidos poscunt tranquilla per otia somnos  
 Tempora, defunctum curis, operumque labore.  
 Quin age, fare mihi, cuinam famularis in agro, 290  
 Florentesque hortos curas? dein insuper adde,  
 Haecne Ithacae tellus; venienti ut cominus adstans  
 Nescio quis nuper dixit, nec pectore fido,  
 Nec sat mente valens. neque enim mihi certa ferebat,  
 Audibatque meas voces, dum plurima quaero  
 Hospite de caro; superis num vescitur auris,  
 An leto domitus crudelibus occubat umbris?  
 Quondam, fabor enim (tu corde audita reponere  
 Dicta memor) patriae devectum ad limina sedis  
 Excepisse virum memini, quum finibus illis 300  
 Nondum alius nostris successerat advena testis:  
 Sese Ithaca e patria multa cum laude ferebat.  
 Laërtisque Arcisiadae de stirpe creatum.  
 Illum ego suscepique volens, blandoque receptum  
 Hospitio fovi, divesque & rebus abundans  
 Dona dedi, nostri monumentum ac pignus amoris;  
 Ex auro septem caelato ferre talenta,  
 Argentoque gravem & signis cratera coruscum,  
 Bissenasque super laenas, totidemque tapetas,  
 Ac totidem chlamydas, tunicasque auro intertextas. 310  
 Praeterea quatuor praestanti corpore servas  
 Haud operum ignaras, sibi quas delegerat omni  
 E numero exsortes. vix haec tum fatus Ulysses  
 Quum genitor lacrimans: Ithacam quam poscis, adisti;  
 H h h 2                      Hospes,

Hospes, ait, gentes habitant, immania corda.  
 Quae vero memoras data quondam, heu perdita frustra  
 Dona abiere tibi. namque ille heic vivus adesset  
 Si patrio in regno, meritis dimitteret auctum  
 Muneribus, ceu jura petunt, nec parva maneret  
 Gratia apud memorem. nunc autem effare vicissim, 320  
 Quot magni revoluti orbes labentibus annis,  
 Ex quo initum hospitium, ac primum tibi dextera amico  
 Juncta tuo est, caro quondam, sed non mihi vivo  
 Nunc etiam gnato: patrio quem litore longe  
 Heu miserum saevi raptant aut gurgite pisces,  
 Aut lanianda feris latos data praeda per agros,  
 Alitibusque jacet. non mater flevit ademptum  
 Veste tegens, non ipse pater, non optima conjux  
 Penelope in viduo ploravit funera lecto,  
 Exstinctique manu languentia lumina clausit 330  
 Justa ferens de more atro solatia leto.  
 Verum age sis, verax etiam haec ne mitte docere;  
 Quisve, vel unde hominum, qua te genere parentes  
 Urbe satum, qua parte ratis, fidique sodales  
 Constiterunt? puppine alièna adveetus adisti  
 Haec loca, teque procul nautae cessere relicto?  
 Talia Laërtes; at contra filius orsus:  
 Sum patria ex Alybante, ubi tecta ingentia servo,  
 Regis Aphidantis Polypemonidae genus altum  
 Egregii, sed nomen Eperitus. appulit oris 340  
 His deus invitum Lylibeïa regna petentem;  
 Stat ratis aversi procul urbe in litoris acta:  
 Ast Ithacus, fugiens jam quintus volvitur annus,  
 Ex quo nos radii, nostrisque abscessit ab arvis  
 Infelix. dextrae spondebant fausta volucres  
 Omnia, queis firmans animos solabar cuntem,  
Lactus

Laetus & ipse ibat spes ingens ceperat ambos  
 Hospitio misceri iterum, donisque potiri.  
 Dixerat: ast illi nigra caligine luctus  
 Incubuit, sparsamque ardenti pulvere foedans.  
 Canitiem gemitu mixto suspiria traxit.  
 Non tulit hanc heros speciem, natesque per ipsas  
 Vis animi prorupit, iter molita sub auras  
 Affususque interque amplexus dulcia libans  
 Oscula sic dictis genitorem affatur amicis  
 En quem poscis, ego post annos denique veni  
 Bifidos patrias, genitor, tibi salvas ad arces  
 Parce pio fletu, tristemque heu comprime luctum  
 Magna fero, celerare juvat: jacet aedibus altis  
 Strata omnis jam turba proci, clademque piavi  
 Lustrificani, extinxique nefas crudele domorum  
 Cui genitor: si sanguis ades meus, inquit, Olysses  
 Redditus huc, da signa, quibus confidere tuto  
 Ac valeam certam dictis adjungere mentem  
 Tantum effatus, & ille: haec vulneris aspice primum  
 Nota tibi, dixit, vestigia, quae ferus olim  
 Saevo dente ruens in verticibus Parnassi  
 Liquit aperti tua jussa sequens caraeque parentis  
 Autolycum visurus avum, promissaque dona  
 Capturus juvenis quondam hoc de litore cessans  
 Quin age & enumerans nunc dicam ex ordine plantas  
 Quas mihi tu puero dederas, ego nomina quaeque  
 Parvulus ardebam tua post vestigia reptans  
 Discere; tu vero gradiens per laetaeena vireta  
 Singula monstrabas, & me tua dona docebas  
 Bissenas mihi sponte puros unamque dedisti  
 Praeterea, malosque decem, ficosque feraces  
 Quadraginta, aequo plures tum limite fulcos.

Quin-

Quinquaginta ipsi, si rite recordor, & omnes  
 Frugiferi: varioque illic in palmitē turgent, 380  
 Quum Jovis incumbit tempestas laeta, racemi.  
 Vix ea. Laërtae, dum certa in mente volutans  
 Signa recognoscit, collapsi protinus artus  
 Dirigere, omnes trepido, resolutaque virtus,  
 Ac nati collo circum dat brachia: at ille  
 Excipit exanimem, labentemque erigit ultro.  
 Ut voci via facta, animusque in pectore venit,  
 Continuo, has rupit voces: o Juppiter alme,  
 Et vos, caelicolae magni regnatis in arce  
 Siderēa; jamjam credo, cogorque fateri, 390  
 Si meritis tandem poenas dedit effeta pubes.  
 Id vero graviter metuo, ne concita contra  
 Irruat huc Ithacae manus omnis, & improba longe  
 Fama Cephallenū rumoribus impleat urbes.  
 At natus: fide, o genitor, nec talibus, inquit,  
 Sollicites curis animum: quin tecta petamus,  
 Telemachus praemissus ubi geminique sequuti  
 Pastores properant jussis convivia mensis.  
 Talia ubi dixit, gressus ad limina torquent,  
 Atque introgressi penetrali in parte domorum 400  
 Telemachum sociosque vident in frustra secantes  
 Ingentes armos, miscentesque humida vina.  
 Magnanimum interea Laërtem in sedibus altis.  
 Lavit anus Sicala, & pingui perduxit olivo  
 Injiciens chlamydem fulgentem: at candida Pallas  
 Adveniens propior terfit squallentia regis  
 Membra auctans, pulcrumque magis magnumque videri  
 Jussit, & ambrosios cervici afflavit honores.  
 Nec mora, processit folio: miratur Ulysses  
 Aspiciens pulcro similem caelestibus ore, 410  
 Et

Et subito: o genitor, quis te deus aethere lapsus  
 Mutat, & eximiis clarum decus artubus addit?  
 Cui tum Laërtes palmas ad sidera tollens  
 Voce refert: o rerum hominumque aeterna potestas,  
 O Jove nata, o Phoebe, utinam jam munere vestro  
 Qualis eram quondam, cepi quum Nericon altum  
 Litore in adverso ducens victricia bello  
 Signa Cephallenûm, nostris hesternus adessem:  
 Talis ego in domibus, pugnamque aggressus Achivûm  
 Issëm per medios cinctus fulgentibus armis. 420  
 Multorum haec ardens stravisset corpora leto  
 Dexterâ; tuque tua sensisses gaudia mente  
 Miratus tum, nate, ingentem caedis acervum.  
 Haec illi alternis dum jactant vocibus; omnis  
 Perfectusque labor, mensaeque ante ora paratae  
 Jam dapibus stabant: ergo discumbere pictis  
 Festinantque toris omnes, epulisque parant se.  
 Nec minus & senior Dolius stipante corona  
 Gnatorum advenit, multo defessa labore  
 Membra trahens. illum properans exciverat agro 430  
 Sueta anus & vernas curare & fida fovere  
 Omnibus officiis longaezum in sede parentem.  
 Hi simul ac Ithacum mensa videre cubantem,  
 Attoniti stupuere animo. quos mollibus heros  
 Compellat dictis, atque haec mirantibus inquit:  
 O senior, vosque o juvenes accumbite mecum  
 Una omnes jamnunc, mirari & parcite. namque  
 Heic nos jampridem cupidos habet ardor edendi,  
 Cessamusque tamen, reduces dum tecta petatis.  
 Dixerat; ac Dolius palmas utraque tetendit 440  
 Ad regem, amplexusque manus & dulcia libans  
 Oscula conclamat. spes o fidissima nostrum,  
 Veni-

Venisti tandem, tuaque exoptata tueri  
 Ecce datur, nobis nil tale putantibus, ora.  
 Incolumis quando, dīs te huc ducentibus, adstas,  
 O salve, aeternumque mihi, rex optime, gaude,  
 Multa tibi superi faustae dent praemia vitae.  
 Quin & fare precor, num laetae conscia sortis  
 Penelope sensit reducem te numine divum;  
 Nuncius anne jubes, ferat haec praemissus ad aures? 450  
 Cui Laërtiades: quidnam haec te cura fatigat,  
 O senior? jam nota, inquit, sunt omnia, meque  
 Adspexit regina. haec tantum effatus, & ille  
 Paruit haud quidquam referens folioque resedit.  
 Hic etiam proles Dolio generata salutat  
 Circumfusa ducem, dextramque attingere gaudet  
 Laeta animis. omnes quo tandem munere functi  
 Hinc atque hinc patrem circa de more recumbunt.  
 Interea hi celebrant structis dum gaudia mensis,  
 Nuncia fama volans totam rumoribus urbem 460  
 Excierat spargens horrentia fata procorum.  
 Quis dictis cives turbati huc protinus atque huc  
 Cum gemitu strepituque ruunt ad limina Uliſſei,  
 Corporaque exportant testis, & fleta suorum  
 Pro se quisque viri condunt frigentia membra:  
 Ast alios alias properant deducere ad oras  
 In patriam celeri vectos per caerula cursu  
 Luctum infelicem lacrimasque parentibus orbis.  
 Ipsi in concilium perculsi pectora curis  
 Processere; ingens stimulat dolor ossibus ardens, 470  
 Praecipitatque moras. postquam venere frequentes  
 Surgit ibi Eupithes; namque huic praecordia luctus  
 Acrior intus habet dilecti ob funera gnati  
 Antinoi, primum quem vulnere stravit Ulyſſes:

Isque



Isque ibi tum lacrimans ita voce silentia rupit.  
 Horrendum exitium, cives, & funus acerbum  
 Unius a furiis tulimus, qui Dardana primum  
 Classe cita juvenum multos ad Pergama duxit,  
 Amisitque rates, sociosque in gurgite merisit;  
 Dein alios rapuit veniens, & lumina saevus 480  
 Prima Cephallenûm Stygias detrusit ad umbras.  
 Ergo agite, atque prius Pylias quam tendat in oras,  
 Elidis aut urbes, regnataque litora Epaeis,  
 Festinemus. an & tristes & semper inertes  
 Sic erimus? quae fama, viri, nos deinde sequetur,  
 Natorum fratrumque ulti ni dira piemus  
 Funera? jam caeli superis haud vescier auris  
 Dulce mihi; praestat manes descendere ad imos.  
 Sed celerare juvat, ne quam fortuna salutem  
 Ocius ostendat fugientibus. atque ita farus 490  
 Demisit lacrimas, luctuque incendit Achivos.  
 Hos inter motus, medio flagrante tumultu,  
 Ecce super linquunt Ithaci penetralia celsa  
 Servatusque Medon, & clarus carmine vates.  
 Succedunt ambo propius: stupor omnibus ora  
 Occupat, ut densa stantes videre corona.  
 Queis prudens haec voce Medon tum farier orsus:  
 Magnanimi audite, o cives: non ista vel ausus  
 Vel potuit, sancto divum sine numine, Ulysses.  
 Ipse ego Mentorea vidi sub imagine juxta 500  
 Stare deum, regis nunc saevo in pectore robur  
 Ultro incendientem, nunc tecta per alta cientem,  
 Turbantemque procos. infelix luctus ubique  
 Infuetusque pavor, confertaque turba cadebat.  
 Haec dederat vix dicta Medon; exterrita pallor  
 Omnibus extemplo trepidantibus ora notavit.

Atque his tum senior pavidis heros Halitherfes  
 Mastorides, unus follerti pectore gnarus  
 Cernere, quae fuerunt, quae mox ventura subibant,  
 Incipit, ac verbis animos permulcet amicis, 510  
 Haec fatus. dictis adhibete o pectora, cives;  
 Omnia contigerunt vitio haec & crimine vestro,  
 Vos caussa exitii; vos olim multa monentem  
 Mentora non passi meque ipsum audire iubentem,  
 Actutum insanos juvenum conspescere motus,  
 Qui scelus aggressi dirum res vertere fundo  
 Institerant omnes, thalamoque abducere sponsam  
 Ipsius heu regis sperabant: funere raptum  
 Scilicet haud umquam rediturum in tecta putabant.  
 At contra evenere: ergo parete volentes, 520  
 Nec properate viri, ne quis det sanguine poenas  
 Sponte ruens. vix fatus erat; pars maxima vulgi  
 Exsiluit magnas rollens ad sidere voces:  
 Atque alii e populo mansere in sedibus isdem  
 Condensi. neque enim sub pectore dicta probarant,  
 Eupithei sed iussa timent, parentque coacti.  
 Saevit amor ferri subito; capit arma juvenus  
 Impia, & ardescens inimica in praelia fertur.  
 Atque ubi fulgenti se quisque incluserat aere,  
 Una omnes campo ante urbem coiere patenti 530  
 Agmine conferto. dux ipse hortatur ovantes  
 Eupithes, gnati funus qui triste minatus  
 Ulcisci demens, reditu cariturus abibat  
 Jam Strygiae aeternum nocti damnatus et Orco.  
 Haec cernens tali affatur Tritonia virgo  
 Voce Jovem: summis o qui regis omnia solus  
 Imperiis, genitor, quae nunc sententia surgit?  
 Num patiere prius duro concurrere Marte

Hos

Hos atque hos placido quam jungas foedere dextras?  
 Cui tum nimborum rector sic ore vicissim 540  
 Orsa refert: quid, nata, iterum me talia poscis?  
 Non tibi jamdudum nota haec mea certa voluntas  
 Scilicet est, Ithacus rediens ut triste rependat  
 Caede nefas? quidquid placitum super, ipsa sequare  
 Sola licet: dicam tantum quae fata manebunt.  
 Quandoquidem diros juvenes est ultus Ulysses,  
 Ille diu patria lactus dominetur in urbe  
 Pace regens stabili populos; nos numine nostro,  
 Ne qua fuit rursus trepido discordia motu,  
 Natorum fratrumque peractae obliviae caedis 550  
 Ducamus. cessent illi velut ante quieti  
 Legibus inter se justis, tum copia semper  
 Fundat opes, roseoque adsit pax candida vultu.  
 Sic fatus stimulos accenso in corde Minervae  
 Subdidit. illa volat rapido per inania lapsu  
 Vertice descendens niveo stellantis olympi.  
 Ast heros, postquam mensarum expleta voluptas,  
 Hortatus socios: jam nunc e sedibus, inquit,  
 Profiliens aliquis videat, ne cominus hostes  
 Improvisi adsint. nec plura his dixerat, unus 560  
 Natorum Dolii surgens mandata capeffit.  
 Isque ubi contigerat limen, venientia cernit  
 Agmina, & inclamans fatur dein talia regi:  
 Arma manu, capite arma omnes, jam jamque propinquant.  
 Dixerat: assurgunt celeres, atque acre coruscant  
 Induti fidi quatuor cum rege sodales,  
 Ac seni juvenes Dolii genus; ipse senecta  
 Jam gravis heu multa, quando vis ultima cogit,  
 Cum Dolio sumptis Laërtes ardet in armis.  
 Hinc ubi cinxerunt rutilanti corpora ferro, 570

Postibus emotis procedunt: agmen Ulysses  
Ducit agens, laterique Jovis de vertice nata  
Mentoris os vocemque gerens stat bellica virgo.  
Quam simul adstantem vidit Laërteus heros,  
Telemacho sic laetus ait: nunc vivida bello  
Pectora, nunc vires, o gnate, ostendere tempus,  
Spectat ubi Mars quemque virum. neu magna tuorum  
Facta genusque patrum, quos ingens gloria tollit  
Per terras late claros praestantibus orsis  
Degener heu patiare tua sordescere culpa. 580  
Tum natus: jam tu genitor, tu maximus ipse  
Testis eris, generi si tanto hoc dedecus addam,  
Quod metuis, patiarque tuum vilescere nomen.  
Vix ea; quum senior tollens ad sidera palmas:  
Di magni, exclamat laetus, quae candida fulget  
Lux haec orta mihi, quae mentem gaudia tanta  
Sollicitant? una certant natusque neposque  
Succensi alterno pulchrae virtutis honore.  
Talia Laërtes, Tritonia cominus adstans:  
O Arcisiade, sociis magis omnibus, inquit, 590  
Care mihi, fer vota Jovi, innuptaeque Minervae  
Protinus, ac validis intorque hastile lacertis.  
Haec dea, & inspirat magnum acri in pectore robur.  
Ille Jovem natamque Jovis per vota precatus  
Ingentem totis contorquet viribus hastam,  
Ac ferit Eupithen galcae per ahenae texta.  
Diffiluere ictu perfossa; & cuspis adacta  
Transiit adversi per tempora: volvitur ille  
Frigidus, horrendumque super dant arma fragorem.  
Contra autem primis pugnantibus incidit heros 600  
Cum gnato immixtus, telisque atque ensibus ambo  
Obvia utrinque metunt, & late corpora sternunt.

Et jam omnes tristi domuissent funere merfos,  
 Armipotens ni diva inclamans voce per auras  
 Jussisset subito totum consistere vulgus.  
 Quo miseri ruitis cives? jam ponite bellum,  
 Et properate fugam, duraque abscedite pugna  
 Sanguinis expertes. haec diva; & pallida tinxit  
 Omnibus ora metus, trepidisque excussa repente  
 Arma fluunt manibus, tellure & cuncta residunt, 610  
 Horrendum clamante dea; tum moenia cursu  
 Fida petunt, gaudentque fuga reperire salutem.  
 Terrifico clamore Ithacus fugientibus instat,  
 Attollitque leves saltus, ceu praepere penna  
 Insequitur caelo praedam Jovis ales aperto.  
 At pater omnipotens contorsit fulmen ab arce  
 Flammata, ceciditque deae Tritonidis ipsos  
 Ante pedes, regem quae tunc affata furentem est.  
 O Laertiade fate clara e stirpe deorum,  
 Desine; neu saevas procedere longius iras 620  
 Indomito sic Marte finas, ne rector olympi  
 Saeviat horrida molitus fulmina dextra.  
 Dixerat. ille deae paret jam victor, & imo  
 Pectore laetatur gaudens: tum foedera certa  
 Inter utrosque ferit Jove nata ipsa inclita Pallas  
 Mentoream referens & voce & corpore formam.

## F I N I S.

I LIBER; ATQUE SACRO DIGNUM QUI NOMINE FECIT,  
 AUSTRIADES UTINAM PLACIDO TE PERLEGAT ORE.

# INDEX RERUM

## MAXIME MEMORABILIMUM.



*Prior numerus librum, posterior ejus libri versum indicat.*

### A

**A** Chillis anima Ulysses alloquitur XI. 493. Ejusdem exequiae XXIV. 58.

Achivi convocata Telemacho II. 10.

Achivorum dissidium III. 160.

Aeolia regio X. 3.

Aeolus rex dat Ulyssi, utrem ventorum X. 24 quo soluto, venti emittuntur a sociis per imprudentiam 47. reversum Ulysses indignabundus expellit 74.

Agamemnonis exitum narrat Nestor III. 261. ejus interitus IV. 623. ejus umbra suum exitum refert XI. 426. Amphimedonti loquitur XXIV. 117.

Agelaus procos hortatur, ut nuptias maturent XX. 363. jubet, ne Mentor Ulysses juvet XXII. 228.

Ajaci Oilci exitus IV. 580.

Alcinoi regis domus describitur VII. 89. ejus horri 125. idem Phaeaces de hospite Ulysses alloquitur 210. offert Ulyssi filiam in matrimonium 355. promittit Ulyssi auxilium 363. Phaeaces hortatur ut Ulysses juvent VIII. 26. parat convivium 61. hortatur Phaeaces ad ludorum certamen 109. Ulysses ab Euryalo lacesitum placat 266. Phaeaces monet, ut Ulyssi dent munera hospitalia 430. quaerit Ulyssis fortunas omnes 632. Ulysses abiturum, & Phaeaces alloquitur XIII. 2.

Amor patriae IX. 26.

Amphimedontis anima procorum interitum narrat Agamemnoni XXIV. 133.

Amphinomus procos a Telemachi nece dehortatur XVI. 433

Anticleae matris Ulyssis umbra XI. 88. eum alloquitur 165.

Antilochus a Memnone occisus IV. 22.

Antinous Telemacho respondet I. 410 Telemachum alloquitur II. 96. procos alloquitur IV. 889. XVI. 394. succenset Eumaeo propter mendicium Ulysses XVII. 426. mendico responder 506. eumque scabello petit 525. Ulysses arcum experiri petentem increpat XXI. 325.

Antiphates rex Laestrygonum X. 109.

Antrum Polyphemi IX. 190. antrum Nympharum in Ithaca XIII. 104.

Arcus Ulyssis XXI. 12.

Arete uxor Alcinoi VII. 164. Phaeaces alloquitur XI. 355.

Argelaus procos hortatur XXII. 265.

Artacia fons X. 112.

Atridis anima Achilli loquitur de ejus funere XXIV. 40.

Augurium aquilae II. 172. XV. 594.

Autolycus Ulyssis avus XIX. 441.

### B

**B** Ovis mactatio ad sacrificium Paladis III. 490.

### C

**C** Allio Phaeacum fluvius ad naufragi Ulyssis preces fluxum sistit V. 499.

Calypsus specus V. 60. ea alloquitur

tur Mercurius 94. indignatur in deos 128. cum Ulyssē loquitur 170. eique jurat nullum illaturam damnum 197. prandent apud illam Mercurius: & Ulysses 210. spondet Ulyssī immortalitatem 220.  
Campus Elisius IV. 657.  
Cassandrae caedes XI. 442.  
Charybdis XII. 108.  
Cicones IX. 39.  
Circe in porcos vertit Ulyssī socios X. 250. Ulyssē alloquitur 335. ejus socios restituit pristinae formae 400. praedicat Ulyssī iter ad inferos 508. & futura pericula XII. 40.  
Circus genus accipitris. XIII. 92.  
Creta nobilis nonaginta urbibus XIX. 187.  
Cyclopes deorum contemptores IX. 287. eorum insula fertilis 330.

## D

**D** Anaorum animae XXIV. 5.  
Demodocus cantor VIII. 47.  
Ulyssī sietum movet 91. canit fabulam de Venere ac Marte deprehenſis 300. equum Trojanum cantat 540.  
Dolius Penelopes servus IV. 851.

## E

**E** Chetus rex Epiri crudelissimus XVIII. 91.  
Edorthea seu Idothea Protei filia Menelao erranti dat consilium IV. 431. hortatur ut suum patrem capiat 454. dolos edocet Protei patris 486.  
Elpenoris casus XI. 55.  
Enipeus fluvius XI. 248.  
Eumaeus nobilis subulcus XIV. 4. ejus domus, ad quam divertit Ulysses 52. cum humaniter excipit 60. & eundem non cognoscens perisse conqueritur 74. Enmaeo reditus Ulyssī non persuaderet 400 respondet Ulyssī 183. in adventu hospitis sacrificaturus suum

maſtat 465. ei laenam pollicetur 571. parat eidem stratum 580. Eumaei & Ulyssī colloquium XV. 334. fatum suum narrat 448. Telemachum reducem excipit XVI. 24. ei nunciat procos ab insidiis rediisse 510. impudenti Antinoo obloquitur XVII. 433.  
Eupithes cum Achivis conspirat in Ulyssī mortem XXIV. 472. a Laerte occiditur 596.  
Euryalus Ulyssī indignatur VIII. 17. illum ense donat 447.  
Euryclea accersitur, ut Ulyssē lavet XIX. 397. illum agnoscit 427. nunciat Penelopi Ulyssē rediisse XXIII. 6. Penelopem alloquitur 18.  
Eurydice Nestoris uxor III. 505.  
Eurylochus dux sociorum Ulyssī ad Circem vadit X. 214. obloquitur Ulyssī 276. indignanter Ulyssī respondet XII. 292. suasu Eurylochi praeceptum Ulyssī de non tangendis solis gregibus violatur 360.  
Eurymachus Telemacho respondet I. 428. Halithersis varicinium elevat II. 215. ejus oratio subdola XVI. 468. Penelopi iratae ob casum hospitem respondet XVIII. 268. Ulyssē laesit 387. & scabello petit 436. impar arcui tendendo doler XXI. 282. supplicat Ulyssī, culpamque omnem in Antinonem vertit XXII. 48. procos hortatur ad defensionem 77. occiditur 90.  
Eurymedusa nutrix Nauficae filiae regis Alcinoi VII. 8.  
Eurynome Penelopis ministra XVIII. 180.

## H

**H** Alitherses proci periculum minere indicat II. 191. disuadet Ulyssī caedem XXIV. 511.  
Helenae ornatus IV. 146. cum Menelao de adventu colloquitur 165. de Ulyssē & Ilii excidio narrat 280. equo Trojano inclusos nomi-

nominatim vocavit 329. Telemachus munere donat eximio, & augurium interpretatur XV. 135. 186.  
Hercules XI. 631. Ulysseni alloquitur 648. proditor hospitii XXI. 31.  
Heros Aegyptius II. 20.  
Hospitem invitum detinere inurbanum est XV. 72.

## I

**I**afon inter Scyllam & Charybdim  
salvus navigat XII. 174.  
Iafion a Jove fulmine percussus V. 136.  
Inferorum locus XI. 15.  
Injuste in malis dii accusantur I. 37.  
Iphitus Eurytides XXI. 15.  
Irus Ulysses jurgiis incensit XVIII. 10. & in certamen provocat 29. sed vincit Ulysses 110.  
Ithacae insulae qualitas IV. 710. XIII. 260.  
Ithacensium conspiratio in Ulysses XXIV. 462. pugna 600.  
Jupiter in deorum concilio verba facit I. 37. hospitalis IX. 282. dat caelo signum Ulyssi procorum caedem meditantem XX.  
Jurare stygiam paludem, gravissimum diis jusjurandum V. 200.

## L

**L**ærcæus faber aurarius III. 478.  
Lamus conditor Lestrygoniae X. 84.  
Lampus & Phaethon equi aurorae XXIII. 275.  
Lampetia filia solis XII. 397.  
Liocritus Mentori pro Telemacho loquenti responderet II. 291.  
Liodes arcum tendere nequit XXI. 162. supplex orat Ulysses XXII. 347. occiditur 363.

## M

**M**alorum sibi homo causa I. 40.  
Medon Penelopi nunciat Telemachum navigasse IV. 788. pro-

cor hortatur ad caenam XVII. 188.  
Melanthius Ulysses increpat XVII. 240. & calce ferit 262. impudenter Ulyssi loquitur XX. 208. armis procos instruit XXII. 150. vincitur a subulcis ad trabes XXII. 202. trucidatur 519.  
Melanthe famula laessit Ulysses XVIII. 354. ei minatur verbera, nisi exeat domo XIX. 66.  
Mendico pudor inutilis XVII. 652.  
Menelaus Telemachum & Pisistratum hospitio suscipi jubet IV. 32. his labores suos narrat 411. dolet Ulysses absentem 116. quaerit ex Telemacho causam itineris 366. ejus navigatio 92.  
Mentor Ulyssis socius II. 268. Telemachum tueri studet 273.  
Mercurius mittitur ad Calypso V. 28. ejus descriptio 44. & nuncium 105. ei ultimo libri consuevit VII. 156. Ulyssi remedium indicat contra Circes pharmaca X. 291. procorum animas ad Inferos deducit XXIV. 1.  
Minerva pro Ulysses Jovem orat I. 50. ejus responsum 93. similis Menææ regi Taphiorum cum Telemacho colloquitur 797. eum jubet vestigare patrem 301. iter properare hortatur II. 470. ejus sollicitudo pro Telemacho 487. Telemacho loquitur III. 18. Nestorem alloquitur 404. disparet 421. sub Iphtimæ persona solarur Penelopen IV. 912. in concilio deorum pro Ulysses intercedit V. 7. Nauticaam alloquitur VI. 28. formam mentita adolescentulae Ulyssi fit obviam VII. 20. Ulyssi apparet in Ithaca XIII. 342. eum dissimulantem increpat 315. ac docet de procis occidendis 422. mutat ejus habitum 459. ad Telemachum in Spartam proficiscitur 470. eundem hortatur ut Ithacam redeat XV. 11. Ulysses monet, ut filio se manifestet XV. 183. eundem acuit in procorum caedem XX. 56. procos demen-



dementes reddit 390. Mentori affimilata Ulyssi adstat XXII. 219. a Jove eventum seditionis Ithacensium sciscitur XXIV. 535. dirimit bellum, & pacem conciliat 606.

Minos Cretae rex XI. 594.

Moly herba, ejusque usus X. 317.

## N

**N**ausicaa Alcinoou patrem alloquitur VI. 68, & ministræ simul lavantur, luduntque pila 110. comparatur Dianæ 117. ejus famulae torrentur viso nudo Ulysse 156. respondet Ulyssi 215. illi patris domum describit, quoque modo in urbem adveniat 290.

Neptunus Ulyssi infensus I. 23. eum tempestate quatit V. 310. in eundem saevit 411. indignatur Ulysses redditum esse patriæ XIII. 136.

Nestor benevolus erga hospites III. 74. Telemacho respondet 110. ejus filii Minervæ sacrum apparant 492.

Nulli suus pater notus I. 234.

## O

**O**restes patrem ulciscitur III. 344.

Orion a Diana interemptus V. 131.

## P

**P**andarei filiae XX. 80.

Penelope dolis procos ludit II. 100. Medoni loquitur de procis IV. 792. dolet clam se profectum esse filium 819. audit Telemachum rediisse XVI. 366. mendicum Ulysses advocari jubet XVII. 579. ad procos itura XVIII. 180. increpat Telemachum ob verberatum hospitem 237. cum Ulysse ignoto colloquitur XIX. 130. illi narrat, ut procos sefellerit 147. quærit ex hospite genus 107. narrat Ulyssi somnium 606. Dianam precatur

XX. 74. procis certamen proponit XXI. 70. depromit Ulyssis arma 60. Antinoou objurgat, quod Ulyssi molestus 340. Ulysses rediisse non credit XXIII. 68. nutricem alloquitur 88. subdubitans ad Ulysses accedit 97 illum agnoscit 230.

Perpauci filii patribus similes II. 338. Phacacensium origo VI. 4. certamen, cursus &c. VIII. 102. lusus pilæ 414. saltatio 420. naves seniles 616. navis in saxum convertitur XIII. 178.

Pharmacum Helenæ discutens tristitiam IV. 160.

Pharos IV. 419.

Phemius canit reditum Achivorum I. 350. reprehensus a Penelope 360. canit proci XVII. 197. Ulyssi supplicat XXII. 383. ipse & Medon a Telemacho servantur 397.

Philetius heri Ulyssis dolet infortunium XX. 236. ei mandatur januæ custodia XXI.

Phorcynis portus XIII 100.

Phrontis naucleri obitus III. 318.

Piræus Theoclymenum hospitat XV. 613. Telemacho reduci loquitur XVII. 83.

Pisenor præco II. 44.

Polyphemus Neptuni filius I. 81. ejus antrum IX. 190. advenas interrogat 263. duos locos Ulyssis devorat, & mox alios 302. oculus illi eruitur ab Ulysse 401. Cyclopes advocat 422. arietem alloquitur 474. imprecatur Ulyssi 558.

Proci epulantur I. 160. Telemachum navigaturum cavillantur II. 38. de Telemacho colloquuntur IV. 772. ac de eo occidendo consultant 890. parant navem ad insidias 894. enavigant 900. ab insidiis redeunt XVI. 390. Ulyssi & Iro certaminis præmium constituunt XVIII. 50. mirantur Penelopis pulcritudinem 269. ci dona adferunt 322. illorum ultimo adventui instruitur domus XX. 180. sinistro omine a Tele-

Telemachi caede deterrentur 278.  
dira portenta in procos 390. viri-  
bus impares arcui tendendo XXI.  
280. eorum caedes XXII. 340. ul-  
timus conatus 270. post ipsorum  
caedem simulantur in aedibus nu-  
ptiae caussa evitandi tumultus  
XXIII. 148.

Proteus captus a Menelao in Aegypto  
IV. 530. disparet 667.

## S

**S** Cylla XII. 89. fex Ulyssis socios  
devorat 259.  
Sisyphus XI. 624.  
Solis grex ab Ulyssis focis devoratur  
XII. 380. ejus indignatio 398.  
Syria insula, in qua natus Euma-  
eus XV. 448.  
Somni portae XIX. 639.

## T

**T** Antalus XI. 611.  
Telemachus in loquendo vere-  
recundus I. 173. matrem reprehendit  
310. Eurymacho loquitur 445.  
Achivos convocat II. 5. quibus  
suam fortunam exponit 46. Anti-  
noo respondet 148. loquitur ceteris  
procis 250. Minervam precatur  
319. minatur procis 373. Eury-  
cleam alloquitur 413. & solatur  
436. socios alloquitur 476. navigat  
Pylum 494. Minervam alloquitur  
III. 26. respondet Nestori, euni-  
que interrogat 85. proficiscitur ad  
Menelaum 540. Spartam venit IV.  
1. Pisislratum ibi alloquitur 78.  
Menelao loquitur 343. patriam re-  
petiturus loquitur Pisislrato XV. 49.  
& Menelao 68. a quo proficiscitur  
197. socios ad iter hortatur 239.  
Theoclymenum in navem suscipit  
308. Ithacam redit 560. ad Euma-  
eum venit 625. quaerit de hospite,  
& patrem non agnoscit XVI.  
65. cui ignoto loquitur 113. Euma-  
eum mittit ad matrem 142. pa-

trem alloquitur 343. eique recenset  
numerus procorum 261. profectu-  
rum patrem relinquit XVII. 30.  
reduz excipitur a suis 34. matri  
narrat expeditionis capita 111. do-  
mus illi tota ardere videtur XIX.  
36. monet Eurycleam, ne hospitem  
negligat XX. 155. procis edicit,  
ne hospitem intellent 300. Cte-  
sippuni objurgat 342. experitur  
vires arcu Ulyssis XXI. 120. ma-  
trem procos objurgantem alloquitur  
370. Amphinoium interficit  
XXII. 100.

Tempestas ob solis armentum viola-  
tum XII. 431.

Telemus Cyclopium vates IX. 539.  
Theoclymenus vates ad Telemachi  
navem confugit XV. 244. ejus ge-  
nus 247. petit opem 284. interpre-  
tatur augurium 599. vaticinatur  
Penelopi de Ulyssis XVII. 170. in-  
stante procorum caede exit ex  
Ulyssis aedibus XX. 418.

Trinacria insula solis XII. 133.

Tiresiae umbra Ulyssis omnem itine-  
rum successum praedicat XI. 105.

Tityus XI. 603.

Tyro Crethei uxor XI. 245.

## U

**U** lysses in equo Trojano IV. 319.  
parat navem apud Calypso V.  
264. excuritur e rate vi tempesta-  
tis 400. naufragus a Leucothea ju-  
vatur 365. ad Phaeacenses defertur  
470. exponitur terra 502. Nausi-  
caam supplex alloquitur VI. 170.  
a Minerva in aedes Alcinoi perdu-  
citur VII. 47. Aretem supplex orat  
164. clementer ab Alcino excipi-  
tur 190. interrogatus Aretae suos  
narrat labores 274. importuno Eu-  
ryalo succenset VIII. 181. disco  
omnes superat 210. ejus peritia  
227. illi feruntur xenia a Phaeacensibus  
457. Nausicaae gratias agit  
507. labores suos Alcinoi narrat  
IX. 38. infelix praelium cum Ci-  
conibus 61. deferitur ad Lotophagos

gos 90. ingreditur antrum Polyphemi 225. consilium capit 333. Polyphemum vinum offert 364. & oculum eruit 403. ejus astutia 450. Polyphemum insultat 504. ab Aeolo expulsus X 74. venit Laeltrygoniam 84. ad Circem divertit 141. cervum configit 160. ad Circem ingreditur 326. redit ad navem 420. socios ad Circem ducit 443. ad Cimmerios divertit XI. 12. mortuos evocat 40. quaerit ex matre conditionem uxoris, filii, & patris 174. videt Antiopen 270. Alcmenam 277. Megaram 280. Epicaestem 282. Chlorin 293. Pero 301. Ledam 311. Iphimedium 318. Orum & Ephialtem 321. Ariadnam 337. Eryphilen 343. ab Alcinoos discedendi copiam petit 350. ad Ajacis umbram verba facit &c. 579. redit ab Inferis ad Circem XII 3. Sirenas praeternavigaturus socios alloquitur 162. appropinquat Scyllae & Charybdi 246. Eurylocho respondet 311. monet socios ut a solis gregibus abstineant 313. in Charybdi in pellitur 458. inde ad Calypso defertur 483. ab Alcinoos digreditur XIII. 67. dormiens reducit a Phaeacensibus in Ithacam 83. non cognoscit patriam 203. Minervae dissimulat genus 278. Ulyssis divitiae & possessiones XIV. 110. conatur Eumaeo Ulysses rediturum persuadere 125. scite fingit historiam adventus sui 220. quaerit Eumaeum de matre & de patre Laërta XV. 382. & ejus generis conditionem 421. Telemacho loquitur XVI. 100. filio se prodit 206. eumque instruit, quid faciendum cum procis 284. urbem petit XVII. 220. eam ingreditur mendicus 225. ab Argo cane agnoscitur 331. aedes suas ingreditur 385. mendicatum adit procos 420. Antinoon alloquitur 469. a quo petitus scabello conqueritur injuriam 535. Irum vincit XVIII. 110. Am-

phinomum monet infortunii 137. Ulyssis discedentis ad Trojam verba ad uxorem 284. Telemacho jubet, ut arma abscondat XIX. 2. fingit se venisse e Creta 185. ab Euryclea agnoscitur ex Cicatrice 436. adolescens ab apro vulncratur 507. Eurycleam prohibet, ne se ipsum prodatur 546. versat noctu varia secum de caede procorum XX. 38. Philetio loquitur 262. ipsi & Eumaeo se manifestat XXI. 220. petit experiri arcum 300. qui tandem ipsi assertur 400. Antinoon sagitta interficit XXII. 16. procis se manifestat 37. sese arinat 130. post caedem procorum Eurycleam accersi jubet 433. & mortuos effert 490. ac impudicas famulas laqueo suspendere 504. igne & sulfure lustrat aedes 527. uxorem victor alloquitur XXIII. 186. lectum conjugalem describit 216. in cubitum cum uxore 329. eidem narrat breviter suos labores 341. egreditur ad patrem 433. eum compellat XXIV. 276. patri se prodit 356. Dolio loquitur 435. in eum Achivi conspirant 470. adventus hostium ei nunciatur 564. pugna 600. quam dirimit Pallas; & pacem firmat 616.

Uxori non temere credendum XI. 463.  
Venter multorum malorum causa XVII. 549  
Viaticum paratur navigaturo Telemacho II. 446.  
Vinum Maroneum quale IX. 212.  
Volente deo nihil difficile III. 256.  
Vulnera incantari solita XIX. 516.

X

**X** Enia dantur Telemacho IV. 720.


Z

**Z** Acynthus insula I. 267. & alibi &c.

F I N I S.

	ERRATA	SIC	CORRIGE
Pag. XXIV. lin. 27.		inquit	inquis
Lib. 5. v. 345.		adverso	adversa
Lib. 6. v. 366.		verberae	verbere
Lib. 7. v. 177.		Phaeacas	Phaeaces
& 8. 429.			
Lib. 8. v. 183.		capere	carpere
Lib. 8. v. 242.		stat valet	valet, stat
Lib. 9. v. 271.		ora	oras
Lib. 10. v. 197.		resonant	resonent
Lib. 12. v. 107.		potulis	patulis
Lib. 13. v. 349.		Phaeaces	Phaeacas
Lib. 13. v. 478.		patulas	patulos

Si quae sunt alia, Typographus te, humane Lector,  
ut ignoscas sibi, ac tute facile emendes, orat.





111  
6



